



related

4/6

93

138



af



# BENEDICTIONALE CONSTANTIENSE,

—  
JUSSU ET AUTHORITY

*CELSISSIMI & REVERENDISSIMI*

DOMINI DOMINI

MAXIMILIANI  
CHRISTOPHORI, *Rodl*

DEI GRATIA


EPISCOPI CONSTANTIENSIS,

S. R. I. PRINCIPIS,

DOMINI AUGUSTÆ MAJORIS, ET OENINGÆ,

INCLYTÆ ORD. S. JOAN. JEROSOL.

BAJULIVII, & PROTECTORIS &c. &c.




*JUXTA NORMAM RITUALIS ROMANI*

REFORMATUM, APPROBATUM, ET EDITUM

ANNO MDCCLXXXI.

—  
CONSTANTIÆ,  
Typis Antonii Labhart, Celsiss. & Rvdiss. Ord. Typogr. Aul.





**NOS MAXIMILIANUS**  
**CHRISTOPHORUS,**  
**D. G. EPISCOPUS CONSTANTIENSIS,**  
**S. R. I. PRINCEPS, DOMINUS AUGIÆ MAJORIS,**  
**& OENINGÆ, INCLYTI ORDINIS S. JOANNIS**  
**HIEROSOLYMIT. BAJULIVUS, & PRO-**  
**TECTOR. &c. &c.**

*Univerſo Clero tam ſæculari, quam regu-*  
*lari, exempto & non exempto totius Diœ-*  
*ceſis Noſtræ Conſtantiensis, Salutem & Gra-*  
*tiam Noſtram cum ſubſcriptorum Notitia,*  
*& Mandatis Noſtris obedientiam adhibere*  
*fidelem & exactam.*



Sancta Mater catholica Ecclesia,  
 filiorum suorum bono spiri-  
 tuali æque, ac temporali jugi-  
 ter invigilans; pro illorum sanctifica-  
 tione,

X 2

tione, & conservatione non tantum sanctissima, & pretiosissima Sacramenta a Christo Domino Sponso suo accepit, variasque præterea ordinavit Orationes perquam efficaces; verum etiam animadvertens, versutissimum humani generis hostem diabolum hominum spiritali, & corporali saluti circa res quoque temporales eorum usui necessarias, multifariam, multisque modis insidiari, diversas insuper Benedictiones, Precationes, & Exorcismos sacerdotales solite præscripsit, ad omnem infestissimi inimici potestatem enervandam, salutemque populorum in quiete, ac felici statu conservandam, tuendamque.

Quapropter in Sacerdotum Consecratione, Spiritu sancto dictante, fieri  
cerni-

cernimus , quod , dum illorum manus sacro Oleo ab Episcopis inunguntur, potestas eisdem tradatur, & conferatur, ut, quidquid benedixerint, benedicatur, & quidquid consecraverint, consecretur, & sanctificetur.

Sic quoque S. Paulus 1. Timoth. 4. omnem creaturam per verbum, & orationem (Sacerdotum videlicet ex institutione Ecclesiæ) sanctificari affirmavit. Magna certe dignitas Sacerdotum , & magna fidelium consolatio !

Quemadmodum vero aliis rebus facris sæpius abuti solet humana improbitas, ita pariter, attestante multiplici experientia, Benedictiones quandoque vertit in maledictiones, preces in præstigias, & Exorcismos in execrationes.



Ad tollendos proinde hac in re abusus qualescunque, & præbendam sufficientem tam Benedictionum, quam Exorcismorum copiam in hoc novo Benedictionali, adinstar Ritualis Nostri juxta Normam, & Ritum Romanum reformato, formulas eorundem notabiliter augmentari, & pro diversis necessitatibus, seu occasionibus in unum colligi jussimus ita, ut omnia alia Benedictionalia, in quantum a Nostro sunt diversa, in Dicecesi Constantiensi deinceps abrogata, & Benedictiones, seu Exorcismos, modosque benedicendi, & exorcizandi alios, nisi specialiter a Nobis recogniti, seu approbati fuerint, hisce sub poena Suspensionis ipso facto incurrendæ omnino prohibitos expresse declaremus; mandantes insuper



I. Ut sub eadem poena nullus Clericus, five Sæcularis, five Regularis extra proprium districtum Benedictiones, vel Exorcismos sine prævia Parochi licentia exercere præsumat.

II. Ut nullibi a Parochis permittatur, five tolleretur usus aliarum rerum benedictarum, quam quæ juxta Ritus Ecclesiæ, vel ex præscripto hujus Benedictionalis fuerint benedictæ.

III. Ut effectus Benedictionum tam in Catechesi, quam in Concionibus diligenter explicentur, simulque moneantur fideles, dictos effectus ab ipsorum etiam devotione, cordis contritione, fide, ac fiducia erga Deum dependere.

IV. Denique, ut sub gravi poena nobis arbitraria, pro Benedictionibus,  
&

o o o o o

---

& Exorcismis ultra id , quod vel rationabili consuetudine introductum est, vel a fidelibus sponte offertur, nihil unquam fordide exigatur. Datum in Residencia Nostra Marisburgi die xix. Januarii , Anno MDCCLXXXI. Indiēt. xiv.

MAXIMILIANUS  
CHRISTOPHORUS,  
EPISCOP. CONSTANT.



*INDEX,*



---

INDEX, & ORDO RERUM,  
QUÆ  
IN HOC BENEDICTIONALI LIBRO  
CONTINENTUR,

---

SECTIO I.

OBSERVATIONES, & INSTRUCTIONES  
DE BENEDICTIONIBUS IN GENERE.

	pag.
<u>I. Quid, &amp; quotuplex sit Benedictio.</u>	<u>I</u>
<u>II. De effectibus Benedictionum, &amp; unde suam vim seu virtutem, &amp; efficaciam habeant.</u>	<u>2</u>
<u>III. De Benedictionum duratione, &amp; repetitione.</u>	<u>4</u>
<u>IV. Cautelæ Benedicentis.</u>	<u>5</u>
<u>V. De Benedicentis Vestibus, &amp; aliis Requisitis.</u>	<u>6</u>
<u>VI. Ordo, &amp; Modus benedicendi.</u>	<u>6</u>
<u>VII. Instructio populi de fine &amp; utilitate rerum ad usum fidelium benedictarum, nec non de de- bita utentium dispositione, ac legitimo usu.</u>	<u>7</u>

SECTIO II.

BENEDICTIONES ORDINARIÆ  
PER ANNUM.

<u>I. Benedictio aquæ lustralis in Dominicis.</u>	<u>II</u>
<u>II. Benedictio domorum in Vigilia Nativit. Domini.</u>	<u>16</u>
<u>X X</u>	<u>III.</u>

	<i>pag.</i>
III. <i>Benedictio vini in Festo S. Joannis Evangelist.</i>	18
IV. <i>Benedictio domorum in Profesto Circumcisionis.</i>	23
V. <i>Benedictio domorum in Vigilia Epiphaniæ.</i>	24
VI. <i>Benedictio aquæ trium Regum in Vigilia, seu Festo Epiphaniæ.</i>	25
VII. <i>Benedictio candelarum in Festo Purificationis B. M. V. ut in Missali.</i>	51
VIII. <i>Benedictio panis, vini, vel aliorum esculentorum, aut poculentorum, in Festo S. Blasii.</i>	51
IX. <i>Benedictio Collorum, eodem die in honorem S. Martyris.</i>	53
X. <i>Benedictio panis, fructuum, aquæ, vini, candelarum, in Festo S. Agathæ.</i>	54
XI. <i>Benedictio Cinerum, feria quarta in capite Jejunii, ut in Missali.</i>	56
XII. <i>Benedictio Ramorum Dominica Palmarum, ut in Missali.</i>	56
XIII. <i>Benedictio novi ignis, quinque granorum, &amp; Cerei Paschalis in Sabbatho sancto, ut in Missali.</i>	57
XIV. <i>Benedictio domorum in Sabbatho sancto Paschæ.</i>	58
XV. <i>Benedictio Esculentorum in Dominica Paschæ.</i>	59
<i>Alia Benedictio carniū.</i>	60
<i>Benedictio ovorum in Paschate.</i>	61
<i>Benedictio ad quodcunque comestibile.</i>	62

<b>XVI.</b> <i>Benedictio equorum, boum, ovium, aut aliorum animalium, gregatim collectorum, in Festo S. Georgii M. aut alterius Sancti, ubi consuetudo viget.</i>	63
<b>XVII.</b> <i>Benedictio tempestatis tempore vernali, &amp; æstivali post Missam.</i>	64
<b>XVIII.</b> <i>Benedictio tempestatis eodem tempore vernali, &amp; æstivali extra Missam.</i>	67
<i>Exorcismus contra imminentem tempestatem fulgurum, &amp; grandinis.</i>	70
<i>Exorcismus brevior.</i>	74
<b>XIX.</b> <i>Benedictio agrorum, vinearum &amp;c. tempore vernali, &amp; æstivali, in Festo Ascensionis, &amp; aliis temporibus, pro locorum consuetudine.</i>	75
<b>XX.</b> <i>Benedictio quadruplex in Processione Festi Ss. Corporis Christi.</i>	81
<b>XXI.</b> <i>Benedictio Herbarum in Festo Assumptionis B. V. Mariæ.</i>	87
<b>XXII.</b> <i>Benedictio Panis in Festo, seu alio die in honorem S. Gebhardi Ep. &amp; Conf.</i>	90

### SECTIO III.

#### BENEDICTIONES EXTRAORDINARIÆ PERSONARUM.

<b>I.</b> <i>Benedictio Mulieris post partum.</i>	92
<b>II.</b> <i>Benedictio Mulieris ante partum, vita vel partu periclitantis.</i>	97

	pag.
III. <i>Benedictio infirmorum in genere.</i>	100
<i>Alia Benedictio infirmorum.</i>	102
IV. <i>Benedictio puerorum, sive infantium, cum primum in Ecclesia presentantur a parentibus.</i>	104
V. <i>Benedictio proles infirmæ.</i>	107
VI. <i>Benedictio peregrinorum, seu ad loca sacra prodeuntium.</i>	108
VII. <i>Benedictio peregrinorum post reditum.</i>	111
VIII. <i>Benedictio Neo-Mystæ, seu novi Sacerdotis super unum, vel plures.</i>	112

## SECTIO IV.

### BENEDICTIONES EXTRAORDINARIÆ RERUM AD USUM SACRUM.

I. <i>Benedictio simplex Crucis.</i>	113
II. <i>Benedictio simplex Imaginum JEsu Christi, B. Virginis, &amp; aliorum Sanctorum.</i>	114
III. <i>Benedictio Medaliorum, seu Numismatum, signorum Confraternitatis &amp;c.</i>	115
IV. <i>Benedictio Rosariorum Confraternitat. Rosarii.</i>	117
V. <i>Ordo benedicendi, &amp; recipiendi Scapulare B. V. M. de monte Carmelo.</i>	118
VI. <i>Benedictio Cilicii, Cinguli, vel alterius indumenti ad pœnitendum.</i>	123
VII. <i>Benedictio Vexilli Ecclesiastici pro Templis &amp; Processionibus.</i>	124

VIII.

	<i>pag.</i>
VIII. <i>Benedictio Metallī ad constandam Campanam.</i>	125
IX. <i>Benedictio Candelarum, extra diem Purificationis B. V. Mariæ.</i>	127
X. <i>Benedictio Candelæ pro Moribundis.</i>	128
XI. <i>Benedictio Thuris, seu Incensi pro fumigatione contra maleficia.</i>	129
<i>Alia Benedictio Thuris, seu incensi.</i>	130
XII. <i>Benedictio aquæ Baptismalis extra Sabbathum sanctum, vel Vigiliam Pentecostes.</i>	131
XIII. <i>Benedictio novi Baptisterii, seu lapidis fontium.</i>	131
XIV. <i>Benedictio Cerei Paschalis extra Sabbathum sanctum, si aliquo casu defecerit.</i>	132

## SECTIO V.

### BENEDICTIONES EXTRAORDINARIÆ RERUM PRO USU NON SACRO.

I. <i>Benedictio panis quocunque tempore facienda.</i>	133
<i>Alia Benedictio panis.</i>	134
II. <i>Benedictio olei simplicis.</i>	135
III. <i>Benedictio herbarum quocunque tempore facienda.</i>	136
IV. <i>Benedictio fructuum in genere.</i>	137
V. <i>Benedictio ad quodcunque comestibile, vel potabile, quovis tempore.</i>	137
VI. <i>Benedictio Medicinæ cujusvis pro hominibus.</i>	138



	<i>pag.</i>
VII. <i>Benedictio animalium contra pestem, seu infirmitatem.</i>	139
VIII. <i>Benedictio Salis, vel Medicinæ pro animalibus.</i>	140
IX. <i>Benedictio pabuli animalium,</i>	141
X. <i>Benedictio stabulorum pro equis, bobus, &amp; aliis armentis.</i>	144
XI. <i>Benedictio seminum pro agris seminandis.</i>	145
XII. <i>Benedictio terræ seminatae.</i>	146
XIII. <i>Benedictio communis super fruges &amp; vineas.</i>	146
<i>Alia longior Benedictio communis camporum, alpium, pratorum, pascuorum,</i>	147
XIV. <i>Benedictio agrorum contra noxia animalcula, aves, mures, vermes, serpentes, locustas, fructus terræ vastantes.</i>	150
XV. <i>Benedictio novi Putei.</i>	159
XVI. <i>Benedictio novæ navis.</i>	159
XVII. <i>Benedictio domorum quovis tempore facienda cum aspersione aquæ benedictæ.</i>	160
XVIII. <i>Benedictio Loci in communi.</i>	161
XIX. <i>Benedictio domus novæ.</i>	162
XX. <i>Benedictio Thalami.</i>	163
XXI. <i>Benedictio vestimentorum, vel indumentorum, &amp; lintheaminum lecti, &amp; similium, mutatis mutandis.</i>	163
XXII. <i>Benedictio contra inundationes aquarum &amp; incendia.</i>	165

XXIII.



	pag.
XXIII. <i>Benedictio cujuslibet rei.</i>	166
<i>Alia Benedictio communis cujuslibet rei sub Invocatione alicujus Sancti.</i>	167

## SECTIO VI.

### BENEDICTIONES A SOLIS EPISCOPIS, VEL SACERDOTIBUS LICENTIAM PAPALEM, AUT EPISCOPALEM HABENTIBUS FACIENDÆ.

I. <i>Benedictio Sacerdotalium indumentorum in genere.</i>	168
II. <i>Benedictio cujuslibet indumenti in specie.</i>	170
III. <i>Benedictio Mapparum, seu Linteaminum Altaris.</i>	171
IV. <i>Benedictio Corporalium, &amp; Pallarum.</i>	172
V. <i>Benedictio Tabernaculi, seu Vasculi, Ciborii, Monstrantiæ, vel Lunulæ pro sacrosancta Eucharistia conservanda.</i>	173
VI. <i>Benedictio novæ Crucis, publice &amp; solenniter erigendæ.</i>	174
VII. <i>Benedictio Imaginum JEsu Christi Domini nostri, B. V. Mariæ, &amp; aliorum Sancto- rum publice ac solenniter erigendarum.</i>	178
VIII. <i>Benedictio sacrorum Vasorum, &amp; aliorum Ornamentorum in genere.</i>	179
IX. <i>Benedictio Vasculi, aut Capse sacrarum Re- liquiarum.</i>	180
X. <i>Ritus benedicendi, &amp; imponendi primarium la- pidem pro Ecclesia ædificanda.</i>	181

	<i>pag.</i>
XI. <i>Ritus benedicendi novam Ecclesiam, seu Oratorium publicum, ut ibi sanctiss. Missæ Sacrificium celebrari possit.</i>	188
XII. <i>Benedictio Oratorii privati.</i>	194
XIII. <i>Ritus reconciliandi Ecclesiam violatam, si nondum erat ab Episcopo consecrata.</i>	197
XIV. <i>Ritus benedicendi novum Cæmeterium per Sacerdotem ab Episcopo delegatum.</i>	202
XV. <i>Ordo reconciliandi Cæmeterium violatum, sive Ecclesiæ contiguum sit, sive separatum, ubi Ecclesia non est polluta.</i>	208
XVI. <i>Benedictio signi, seu Campanæ, omittis unctionibus.</i>	207
XVII. <i>Benedictio Vexilli, seu Signi bellici.</i>	225
XVIII. <i>Benedictio Ensis, seu Gladii.</i>	226
XIX. <i>Benedictio armorum in communi.</i>	227

## SECTIO VII.

### OBSERVATIONES, SEU INSTRUCTIONES DE EXORCISMIS IN GENERE.

I. <i>Quid, &amp; quotuplex sit Exorcismus.</i>	229
II. <i>Exorcistæ qualitates.</i>	230
III. <i>Cautelæ Exorcistæ.</i>	231
IV. <i>Signa Obsefforum.</i>	233
V. <i>Præcepta Exorcistæ.</i>	234
VI. <i>Deceptiones dæmonis in obseffis.</i>	237
VII.	



	<u>pag.</u>
VII. <i>Locus &amp; tempus exorcizandi.</i>	238
VIII. <i>Modus procedendi cum Energumenis eorum- que dispositio ad exorcizandum.</i>	239
IX. <i>Modus exorcizandi.</i>	242
X. <i>Praxis disponendi Energumenum ad firmam spem, &amp; fiduciam.</i>	243

### SECTIO VIII.

#### ORDO TRIPLEX EXORCIZANDI OBSESSOS A DÆMONIO.

I. <i>Ordo exorcizandi Obseffos ex Rituali Romano.</i>	244
II. <i>Ordo brevior exorcizandi Obseffos a dæmonio.</i>	260
III. <i>Ordo brevissimus exorcizandi in defeſſu temporis.</i>	266

### SECTIO IX.

#### OBSERVATIONES SEU INSTRUCTIONES DE MALEFICIIS.

I. <i>Quid, &amp; quotuplex ſit Maleficium.</i>	267
II. <i>Signa Maleficiatorum.</i>	268
III. <i>Curatio ſeu remedia Maleficiorum.</i>	270

### SECTIO X.

#### BENEDICTIONES & EXORCISMI CONTRA MALEFICIA.

I. <i>Benedictio &amp; Exorcismus Maleficiatorum in ge- nere.</i>	272
II. <i>Benedictio &amp; Exorcismus parvulorum, ſeu in- fantium maleficiatorum.</i>	275
)( )( )(	III.



	<i>pag.</i>
III. <i>Benedictio, &amp; Exorcismus Conjugum maleficio impeditorum.</i>	278
IV. <i>Benedictio, &amp; Exorcismus domus a malis spiritibus vexatae.</i>	283
V. <i>Benedictio, &amp; Exorcismus animalium maleficiatorum.</i>	292
VI. <i>Benedictio, &amp; Exorcismus Lacticianiorum &amp;c. maleficiatorum.</i>	296

*SECTIO ULTIMA.*  
*DE REMEDIIS ADHIBENDIS*  
*POST LIBERATIONEM ENERGUMENI,*  
*VEL MALEFICIATI.*

300

---

*APPENDIX.*

<i>Litaniae de omnibus Sanctis.</i>	302
<i>Evangelium I. S. Matthæi.</i>	310
<i>Evangelium II. S. Marci.</i>	312
<i>Evangelium III. S. Lucæ.</i>	312
<i>Evangelium IV. S. Joannis.</i>	313



SEC-



SECTIO I.  
OBSERVATIONES,  
SEU  
INSTRUCTIONES,  
DE  
BENEDICTIONIBUS  
IN GENERE.

---

I.

*Quid, & quotuplex sit Benedictio.*



Benedictio Ecclesiastica est actio religiosa, per quam ritibus & precibus ab Ecclesia præscriptis seu approbatis, res aut personæ divino cultui destinantur: vel a Deo, sive rebus sive personis imploratur divinum auxilium; hinc ex fine intrinseco Benedictionum duplex est illarum differentia.

Aliæ nimirum Benedictiones sunt constitutivæ, aliæ invocativæ; Constitutivæ dicuntur, per quas sive  
A res,

res sive personæ sanctificantur, ut divino cultui interserviant, v. g. Benedictio vestium Sacerdotalium, Mapparum altaris, Corporalium &c. Invocativæ vero sunt, per quas a Deo sive rebus sive personis divinum auxilium imploratur, quales sunt Benedictio Agni in Paschate, Ovorum &c.

Aliæ insuper Benedictiones dicuntur Papales, seu fieri solitæ a solo summo Pontifice, qualis est Benedictio sic dictorum agnorum Dei ex cera alba (a); aliæ Episcopales, quæ a solis Episcopis, vel a Sacerdotibus licentiam Papalem, aut Episcopalem habentibus fieri possunt, ut in hoc Benedictionali suo loco notabitur; aliæ Benedictiones denique sunt Sacerdotales, quæ cuilibet Sacerdoti communes sunt.

(a) Agni Dei sic nominantur ab Imagine Christi in figura agni super illis communiter expressa, erantque olim donum solis Imperatoribus, Regibus, & Principibus a summo Pontifice mitti solitum, qui magna semper reverentia illud susceperunt, & summo in pretio habuerunt.

Quia sacro Chrismate delibuti sunt, monere oportet Laicos, ut eosdem non immediate attingant, nisi adsit rationabilis causa, v. g. ut imponant capsulæ &c.

## II.

*De Effectibus Benedictionum, & unde suam vim, seu virtutem, & efficaciam habeant.*

**E**ffectus Benedictionum in genere præcipui sunt  
 1. Remissio peccatorum venialium. 2. Collatio gratiarum excitantium, seu prævenientium. 3. Remissio pœnarum. 4. Expulsio, vel compressio dæmonum. 5. Denique operatio sanitatum, & similitum donorum temporalium.

Non

Non tamen omnes Benedictiones, aut res benedictæ omnes prædictos effectus operantur, sed aliquos ex illis, plures, vel pauciores, secundum Ecclesiæ institutionem, quod ex formulis singularum Benedictionum, earumque ritibus; & precibus, quibus constant, colligendum, & conformiter Decreto Episcopali huic Benedictionali præfixo Christi fidelibus tam in Concionibus, quam in Catechesi diligenter explicandum est.

Sic nominatim supra dictæ Cæræ Papales, ut patet ex formula Benedictionis in Cæremoniali Papæ, magnam vim seu efficaciam habent contra plurima mala, præcipue autem contra fulgura, & tempestates, contra incendia, & naufragia, contra pericula parturientium mulierum, contra repentinam mortem, & ad repellendas diabolicas fraudes, insidias, atque tentationes.

Operantur autem Benedictiones effectus suos ex communi sensu DD. non semper, & infallibiliter, sed per modum impetrationis ex meritis ipsius Ecclesiæ, a qua consequenter suam vim seu virtutem, & efficiam præcipue accipiunt (b).

Unde Sacerdos iis, qui Benedictionem hujusmodi petunt, certitudinem effectus non promittat, sed potius rei eventum a divina voluntate, & NB. petentium quoque devotione, cordis contritione, & fide, ac spe, seu fiducia in Deum pendere ostendat.

(b) Falluntur itaque, aliosque fallunt, qui neglectis Benedictionibus ab Ecclesia præscriptis, seu approbatis pro suo arbitrio privatas sibi effingunt, aut conquirunt Benedictionum formulas, modosque benedicendi, cremandi, inepte fumigandi, defodiendi in terram &c. vel qui Benedictiones, aut res benedictas superstitiose ad alios NB. fines, seu effectus, v. g. aquam baptismalem, vel reliquias SS. Oleorum ad curationem mor-

borum, & maleficiorum detorquere solent, quam ad quos ab Ecclesia Dei ordinatæ, seu institutæ sunt.

Hujusmodi abusus manifeste repugnant generali regulæ, seu doctrinæ Theologorum de Benedictionibus ex D. Thoma 2. 2. q. 93. in fine. *Quod fit præter Dei, & Ecclesiæ institutionem, vel contra consuetudinem communem (quæ habet vim legis) totum hoc superfluum, & superstitiosum reputandum est.* Quodsi exinde aliquando sequatur effectus, adscribendus est arti diabolicæ ex tacita dæmonis invocatione, ut communiter docent DD. in Tract. de Superst.

Quomodo Benedictiones supra dictos quinque effectus speciatim operentur, cum variis mysteriis, & documentis fuse explicat Quarti in præclaro libro seu tractatu de sacris Benedictionibus tit. 1. sect. 5. agendo de singulis in particulari.

### III

#### *De Benedictionum duratione, & repetitione.*

**R**es benedictæ Benedictione constitutiva tamdiu retinent Benedictionem, seu illud esse sacrum per Benedictionem adeptum, quamdiu in eis durat dispositio vel naturalis, vel artificialis necessario ab Ecclesia in eis præscripta ad Benedictionem; cessante autem tali dispositione hoc ipso etiam cessat Benedictio, adeoque res illæ haud amplius censendæ sunt sacrae (c).

Hinc res benedictæ Benedictione constitutiva, quamdiu durat prior Benedictio, non possunt iterum benedici simili Benedictione, utpote quæ nullum haberet effectum, & sic nugatoria, seu frustratoria esset.

Benedictiones autem mere invocativæ iterum, & sæpius replicari possunt super eadem re; cum enim Benedictio invocativa solum consistat in deprecatione, qua imploratur divina protectio in utilitatem fide-

fidelium, sicut potest sæpius repeti eadem oratio, ita etiam hæc Benedictio.

(c) Si frangantur Agni Dei, seu Ceræ albæ a Pontifice benedictæ, non amittunt Benedictionem, quia hæc cadit supra materiam, non supra formam, quæ pro ornatu additur, ut expresse declaravit Urbanus Papa V. missis hujusmodi Agnis cereis ad Imperatorem Græcorum.

#### IV.

##### *Cautelæ Benedicentis.*

Noverit inprimis Sacerdos, quarum rerum Benedictiones ad ipsum, & quæ ad Episcopum suo iure pertineant, ne majoris dignitatis munera temere, aut imperite unquam usurpet propria auctoritate (d).

Attendat præterea, ne quid incaute benedicat, quo ad pravos, aut superstitiosos usus aliquem abuturum esse merito suspicari possit, atque ideo, quando res postulabit, petentis animum, & intentionem diligenter exploret.

Caveat denique, ne Benedictionis causa ponat aliquid indecens super Altare, velut esculenta &c. Sed, quod ejusmodi est, ponatur super mensam, vel in Sacristia, vel prope Altare ad Cornu Epistolæ, ubi fieri debent Benedictiones, semper tamen pro ratione eorum, quæ benedicuntur.

(d) Quamvis Benedictiones Sacerdotales communes sint cuilibet Sacerdoti, eas tamen extra proprium districtum exercere sine prævia Parochi licentia impermissum est. Videatur supra decretum Episcopale huic Benedictionali præfixum.



## V.

*De Benedicentis vestibus, & aliis Requisitis.*

**I**n omni Benedictione extra Missam Sacerdos superpelliceo, & stola, vel extra Ecclesiam saltem stola pro ratione temporis, vel festi utatur, nisi aliter in Missali, & hoc Benedictionali notetur (e).

Cum aliquid benedicturus est, præter candelam ceream accensam habeat Ministrum cum vase aquæ benedictæ, aspergillo, & dicto libro Benedictionali, seu Missali.

Stando semper benedicat, & aperto capite, librum manu tenens, vel si alius teneat, aut ante se repositum habeat, junctis ante pectus manibus, etiam ad orationes, & præfationes, nisi ad crucis notam rem benedicat, formando crucem manu dextra, digitis omnibus conjunctis, & directe extensis, nec ultra humeros elevatis.

(e) In Benedictionibus, nulli certo tempori, aut festo, vel Sancto propriis, color albus plerumque adhibetur, nisi Benedictio sit conjuncta cum Exorcismo, quo casu congrue adhibetur color violaceus.

## VI.

*Ordo, & Modus benedicendi.*

**I**n omni Benedictione Sacerdos dicit *✠. Adjutorium*  
*✠ nostrum in nomine Domini. R. Qui fecit cælum*  
*& terram. V. Domine exaudi orationem meam. Ec.*  
*✠. Dominus vobiscum. Ec. Oremus. Deinde dica-*  
*tur Oratio propria, una, vel plures, prout suo loco*  
*notatum fuerit. Subinde plures hæ Orationes inter*  
*se uniuntur, & sine Oremus dicuntur; subinde ta-*  
*men,*



men, & plerumque clauduntur, & sequens cum *Oremus* inchoatur.

Postea rem aspergat aqua benedicta, nihil dicendo, & cum aspergillo unam duntaxat crucem ducendo, nisi multitudo rerum benedicendarum trinas postulet (*f*); ubi denique notatum fuerit, videlicet in Benedictione solenni, pariter incenset modo subscripto (*g*).

(*f*) Hoc signum crucis non debet fieri per modum circuli, sed in figura quadrangulari dextram in medio sursum porrigendo, inde quasi recta lineam ducendo deorsum, & deum transversalem extendendo a sinistro ad dextrum latus.

(*g*) Incensatio fit per tres cum thuribulo ductus, primum in medio, secundum a dextra, tertium a sinistra rei versus eandem rem benedicendam faciendo.

## VII.

*Instructio populi de fine & utilitate rerum ad usum fidelium benedictarum, nec non de debita utentium dispositione, ac legitimo usu.*

Ut fideles non solum dignam de rebus benedictis concipiant æstimationem, sed etiam salutare ex earum usu consequantur effectus, de illarum fine, utilitate, debita animi dispositione, & legitimo usu diligenter instrui debent.

*Finis itaque generalis*, ob quem communiter Ecclesia diversas res ad usum fidelium benedicere solet, est salus populi tam spiritualis, quam corporalis; hanc præcipue promovere ac conservare intendit præbendo fidelibus tutamen ac remedia adversus multifarias diaboli, infensissimi humano generi hostis, insidias, quæ hic continuo tum animarum,  
tum

tum corporum salutem nocere contendit, tentando homines sive interne ad peccandum sive externe diversis malis divexando, quam ob causam ad assiduam vigilantiam gravissimis verbis nos adhortatur Beatus Petrus Apostolus dicens: *Sobrii estote, & vigilate, quia adversarius vester diabolus tanquam leo rugiens circuit, quærens, quem devoret, cui resistite fortes in fide (h).*

Non est tamen, cur credentes in Christum multum formidemus ab infernali inimico; ex una enim parte, quantacunque sit ejus potentia & pertinacia, nec tamen quantum, aut quamdiu vult, tentare nos aut vexare potest, sed omnis ejus potestas a Dei nutu & permissione dependet; ex altera vero parte Dominus ac Salvator noster Jesus Christus, qui in hunc mundum venit, ut dissolveret opera diaboli, & nos ex ejus potestate eriperet, per crucem & passionem suam nobis efficacissima promeruit & suppeditavit remedia gratiarum ad resistendum diaboli tentationibus tam internis, quam externis, omnemque ejus nocendi vim sive impediendam, sive propulsandam.

Præterea non solum omnes, qui in se crediderint, in nomine suo dæmonia ejecturos affirmavit, verum etiam multo ampliorem potestatem reliquit Sponsæ suæ Ecclesiæ catholicæ, quam in Apostolis fundavit; *Dedit enim illis Luc. c. 9. virtutem & potestatem super omnia dæmonia, & ut languores curarent, & misit illos prædicare regnum Dei, & sanare infirmos.* Quæ potestas Ecclesiæ usque ad consummationem duraturæ attributa existimanda est, sicut cætera Christi beneficia, quæ talia sunt, ut semper ad hominum incolumitatem & salutem tutandam utilia & necessaria sint, etiam nunc in Ecclesia durare, & ad finem usque duratura sine dubio creduntur.

Qua-

Quapropter Ecclesia tanquam sollicita Mater famem, aquam, herbas, & res alias multas in usum hominum Exorcismis & Orationibus præparat, ut sint ad arcendas dæmonum insidias, ad morbos pellendos, & ad omnia incommoda, quæ hominum incolumitati inimica sunt, avertenda efficaces.

*Utilitas* rerum benedictarum tum ex mox dictis tum ex effectibus supra §. II. memoratis facile colligitur.

*Dispositio* autem ad certius consequendos hos effectus requisita consistit in eo, ut 1. fideles ab omni peccato saltem gravi sint immunes, huncque in finem pœnitentia, ac seria peccatorum detestatione sese præparent; quemadmodum enim ipsa Sacramenta ex se alias efficacia, non conferunt gratiam ponentibus obicem: ita ordinarie nec a Sacramentalibus, seu rebus benedictis effectum sperare possunt, qui per peccatum grave diaboli laqueis voluntarie manent irretiti, & divinis beneficiis consequendis se reddunt indignos.

2. Ut viva fide, & firma fiducia sint præmuniti, ob oculos sibi ponentes infinitam Dei in dictis veracitatem, inexhaustibilem quæcunque sive faciendi, sive concedendi potentiam, & summam in servandis suis promissis fidelitatem, qua certi reddimur, quod preces Sponsæ suæ Ecclesiæ in Benedictione ejusmodi rerum fufas & adhibitas indubie sit exauditurus, quatenus ea, quæ petuntur, ad salutem nostram conducant (i).

3. Ut in ipso usu vel applicatione rerum benedictarum cum Orationibus Ecclesiæ, quæ ejusmodi rebus moraliter inhærent, etiam suas preces uniant;

B

&amp;

& juxta monitum S. Pauli Apostoli ad Coloss. 3. v. 17. omnia agant in *Nomine Domini nostri Jesu Christi*, firmiter sperantes fore, ut virtute sanctissimi hujus Nominis, quod est Nomen super omne Nomen, & in quo omne genu cœlestium, terrestrium & infernorum flectitur, ab omnibus molestiis infernalis inimici liberentur: & quidquid in hoc Nomine rite petierint, a cœlesti Patre procul dubio consequantur.

*Legitimus denique usus* rerum benedictarum exigit, ut 1. fideles eas in loco decenti reponant, & religiose custodiant. 2. Ut iis non utantur ad alios fines, quam ad quos ab Ecclesia specialiter ordinatæ, seu institutæ sunt. 3. Ut sibi caveant ab omni specie superstitionis sive in intentione, sive opere committendæ, cujusmodi v. g. sunt, si effectus, ad quos res illæ per verbum Dei & Orationem ordinatæ sunt, ipsis rebus corporalibus, & non virtuti divinæ, quæ tales effectus sola operatur, tribuant: si observent certa tempora, vel certa temporis intervalla: si certum numerum rerum benedictarum necessarium esse judicent, & adhibeant: si determinatas quasdam preces ab Ecclesia nec præscriptas nec approbatas, aut ritus vel ceremonias ejusmodi adjungant: si res non benedictas rebus benedictis admisceant: si fumant, aut deglutiant res non comestibiles aut potabiles v. g. grana rosarii, cretam, schedulas &c. vel alia his similia a mente Ecclesiæ aliena agant, aut observent; a quibus proin fideles efficaciter sunt dehortandi.

(h) Inexplebilem diaboli cupiditatem & assiduum hominibus nocendi studium ac potestatem late exponit Catechismus Romanus L. 4. de *Oratione Dominica*. c. 18. & infra c. 19. sequentibus verbis: malus quoque dicitur dæmon ob eam causam, quod, etsi nihil eum læserimus, tamen perpetuum nobis bellum infert, & capitali nos insectatur odio, quodsi nobis fide

fide armatis, & innocentia testis nocere non potest, tamen nullum finem facit tentandi nos externis malis, & quacunque potest ratione divexandi.

(i) Necessitas firmæ fidei & fiduciæ manifeste colligitur ex Epistola S. Jacobi Apostoli, ubi ait: *Postulet autem in fide nihil hæsitans, qui enim hæsitat -- -- non æstimet homo ille, quod accipiat aliquid a Domino.* Quia autem fides & fiducia sunt donum Dei, etiam pro illius concessione & augmento humiliter orare oportet. Quare monet Catechismus Romanus c. 9. de Oratione his verbis: Quodsi titubant interdum, nec se satis esse firmos in fide sentiunt, utantur illa voce Apostolorum: *Domine adauge nobis fidem; & cæci illius: Adjuv incredulitatem meam.*

## S E C T I O II.

### BENEDICTIONES ORDINARIÆ

PER ANNUM.

#### I.

#### BENEDICTIO AQUÆ LUSTRALIS

IN DOMINICIS.

*Diebus Dominicis, & quandocunque opus fuerit, præparato sale, & aqua munda benedicenda, in Ecclesia, vel Sacristia juxta exemplum Elisæi Prophetæ. 4. Reg. 2. Sacerdos superpelliceo, & stola violacea indutus primo dicit:*

℣. Adjutorium nostrum in Nomine Domini,  
℞. Qui fecit cælum & terram.

B 2

Deinde

---

*Deinde absolute incipit Exorcismum salis.*

Exorcizo te creatura salis per Deum † vivum, per Deum † verum, per Deum † sanctum, per Deum, qui te per Elisæum Prophetam in aquam mitti jussit, ut sanaretur sterilitas aquæ: ut efficiaris sal exorcizatum in salutem credentium, & sis omnibus fumentibus te sanitas animæ, & corporis; & effugiat, atque discedat a loco, in quo aspersum fuerit, omnis phantasia, & nequitia, vel versutia diabolicæ fraudis, omnisque spiritus immundus adjuratus per eum, qui venturus est judicare vivos & mortuos, & sæculum per ignem. R. Amen.

Oremus.

Immensam clementiam tuam, omnipotens æterne Deus, humiliter imploramus: ut hanc creaturam salis, quam in usum generis humani tribuisti, beneddicere, & sanctificare tua pietate digneris: ut sit omnibus fumentibus salus mentis, & corporis: &, quidquid ex eo tactum, vel respersum fuerit, careat omni immunditia, omnique impugnatione spiritualis nequitiae. Per Dominum nostrum Jesum Christum Filium tuum &c. R. Amen.

*EXOR-*

*EXORCISMUS AQUÆ,**Qui dicitur absolute sine Oremus.*

Exorcizo te creatura aquæ in nomine Dei  
† Patris omnipotentis, in nomine JESU †  
Christi Filii ejus Domini nostri, & in virtute  
Spiritus † sancti: ut fias aqua exorcizata ad  
effugandam omnem potestatem inimici, &  
ipsum inimicum eradicare, & explantare va-  
leas cum angelis suis apostaticis. Per virtu-  
tem ejusdem Domini nostri JESU Christi, qui  
venturus est judicare vivos & mortuos, &  
sæculum per ignem. R. Amen.

*Oremus.*

Deus, qui ad salutem humani generis ma-  
xima quæque Sacramenta in aquarum  
substantia condidisti: adesto propitius invoca-  
tionibus nostris, & elemento huic multimo-  
dis purificationibus præparato virtutem tuæ  
Benedictionis infunde; ut creatura tua, my-  
steriis tuis serviens, ad abigendos dæmones,  
morbosque pellendos divinæ gratiæ sumat  
effectum: ut, quidquid in domibus, vel in  
locis fidelium hæc unda resperferit, careat  
omni immunditia, liberetur a noxa: non illic  
resedeat spiritus pestilens, non aura corrup-  
pens: discedant omnes insidiæ latentis inimi-  
ci: & si quid est, quod aut incolumitati ha-

bitantium invidet, aut quieti, aspersione hujus aquæ effugiat, ut salubritas per invocationem sancti tui Nominis expetita, ab omnibus sit impugnationibus defensa. Per Dominum nostrum &c. R. Amen.

*Hic ter mittat sal in aquam in modum crucis dicendo semel:* Commixtio salis & aquæ pariter fiat in nomine Patris, & Filii, & Spiritus sancti. R. Amen.

V. Dominus vobiscum.

R. Et cum spiritu tuo.

### Oremus.

**D**eus invictæ virtutis Auctor, & insuperabilis imperii Rex, ac semper magnificus Triumphator, qui adversæ dominationis vires reprimis: qui inimici rugientis sævitiam superas: qui hostiles nequitias potenter expungas; te, Domine, trementes & supplices deprecamur, ac petimus, ut hanc creaturam salis, & aquæ dignanter aspicias, benignus illustres, pietatis tuæ rore sanctifices, ut, ubicunque fuerit aspersa, per invocationem sancti Nominis tui omnis infestatio immundi spiritus abigatur, terrorque venenosi serpentis procul pellatur, & præsentia sancti Spiritus misericordiam tuam poscentibus ubique adesse dignetur. Per Dominum nostrum **JE-**  
**sum**



sum Christum Filium tuum, qui tecum vivit,  
& regnat in unitate ejusdem Spiritus sancti  
&c. R. Amen.

*Post Benedictionem aquæ Sacerdos Domini-  
cis diebus, antequam incipiat Missam, aspergit  
Altare (nisi Venerabile in eo sit expositum)  
deinde se, & Ministros, ac populum; & Cho-  
rus incipit Antiphonam, ut in Missali.*

Asperges me Domine &c. Miserere mei  
Deus. Gloria Patri. Asperges.

*Finita Antiphona: Asperges, Sacerdos, qui  
aspergit aquam, reversus ad Altare, stans ante  
gradus Altaris dicat:*

Ÿ. Ostende nobis Domine misericordiam  
tuam,

R. Et salutare tuum da nobis.

Ÿ. Domine exaudi orationem meam,

R. Et clamor meus ad te veniat.

Ÿ. Dominus vobiscum,

R. Et cum Spiritu tuo.

### Oremus.

**E**xaudi nos, sancte Pater, omnipotens  
æternæ Deus, & mittere dignare sanctum  
Angelum tuum de cœlis, qui custodiat, fo-  
veat,

veat, protegat, vifitet, atque defendat omnes habitantes in hoc habitaculo. Per Christum Dominum nostrum. R. Amen.

*Antiphona: Asperges, supra dicto modo dicitur ad asperſionem aquæ benediſtæ in Dominicis per totum annum, excepta Dominica de Paſſione, & Dominica Palmarum, in quibus non dicitur: Gloria Patri; ſed poſt Pſalmum: Miſerere, repetitur immediate Antiphona: Asperges me. Excepto etiam tempore paſchali, quo cantatur Antiphona: Vidi aquam. Conſitemini Domino &c. ut in eodem Miſſali, & in Verſu: Oſtende nobis &c. ac Reſponſorio: Et ſalutare tuum, additur: Alleluja.*

## II.

## BENEDICTIO DOMORUM

IN VIGILIA NATIVITATIS DOMINI.

*Hodie, item in Profeſto Circumciſionis, in Vigilia Epiphaniæ, & in Sabbatho S. Paſchæ, ubi uſu receptum, benedicuntur domus eum in finem, ut propulſatis præſtigiis diabolicis, etiam in domibus privatis tantæ Domini naſcentis, circumcidendi, apparentis, & a morte reſurgentis feſtivities majori cum devotione celebrentur.*

*Poſt Veſperas Sacerdos præcedentibus uno, vel duobus Miniſtris ſuperpelliceo indutis, portanti-*

*tantibus vas aquæ benedictæ cum aspergillo, & naviculam cum thuribulo &c. indutus superpelliceo, & stola albi coloris ex Ecclesia modeste procedit ad domum, & ingrediens dicit: Pax huic domui, & omnibus habitantibus in ea.*

*Tum aspergit adstantes domesticos aqua benedicta in modum crucis dicendo: Asperges me Domine hyssopo, & mundabor, lavabis me, & super nivem dealbabor.*

*Deinde in principali, vel alio commodo domus loco ponit incensum in thuribulum, & illud benedicit: Ab illo benedicaris, in cujus honorem cremaberis, Amen. Et mox incipiens dicit*

*Antiph. Hodie scietis, quia veniet Dominus, & mane videbitis gloriam ejus.*

*Psal. 50. Miserere mei Deus &c. & Canticum: Magnificat &c. in fine utriusque, Gloria Patri &c. quibus finitis, vel pro amplitudine loci repetitis repetitur Antiphona: Hodie scietis &c. Deinde reversus ad priorem locum principalem subjungit V. Dominus vobiscum. R. Et cum Spiritu tuo.*

### Oremus.

**D**eus, qui hanc sacratissimam noctem veri luminis fecisti illustratione clarescere: da, quæsumus, ut cujus lucis mysteria in terris

C

ris

ris cognovimus, ejus quoque gaudiis in coelo perfruamur. Per eundem Christum Dominum nostrum. R. Amen.

℣. Divinum Auxilium maneat semper nobiscum.

R. Amen.

### III.

## BENEDICTIO VINI

IN FESTO S. JOANNIS EVANGELISTÆ.

*Sacerdos juxta historiam de S. Joanne Evangelista toxicatum poculum benedicente ac bibente, benedicturus vina, Alba, vel superpellitico, & Stola albi coloris indutus, stans in cornu Epistolæ, vino extra dictum cornu juxta se in mensa posito, & vasis apertis, dicat:*

℣. Adjutorium nostrum &c. R. Qui fecit &c.

℣. Dominus vobiscum. R. Et cum Spiritu tuo.

℣. Initium S. Evangelii † secundum Joannem.

R. Gloria tibi Domine.

**I**n principio erat Verbum, & Verbum erat apud Deum, & Deus erat Verbum. Hoc erat in principio apud Deum: Omnia per ipsum facta sunt; & sine ipso factum est nihil,

hil, quod factum est, in ipso vita erat, & vita erat lux hominum: & lux in tenebris lucet, & tenebræ eam non comprehenderunt. Fuit homo missus a Deo, cui nomen erat Joannes. Hic venit in testimonium, ut testimonium perhiberet de lumine. Erat lux vera, quæ illuminat omnem hominem venientem in hunc mundum. In mundo erat: & mundus per ipsum factus est, & mundus eum non cognovit. In propria venit, & sui eum non receperunt. Quotquot autem receperunt eum, dedit eis potestatem filios Dei fieri, his, qui credunt in Nomine ejus. Qui non ex sanguinibus, neque ex voluntate carnis, neque ex voluntate viri, sed ex Deo nati sunt. Et Verbum caro factum est, & habitavit in nobis: & vidimus gloriam ejus, gloriam quasi Unigeniti a Patre, plenum gratiæ & veritatis.

R. Deo gratias.

*Psalmus 22.*

**D**ominus regit me, & nihil mihi deerit: \*  
in loco pascuæ, ibi me collocavit.

Super aquam refectionis educavit me: \*  
animam meam convertit.

Deduxit me super semitas justitiæ: \* pro-  
pter Nomen suum.

Nam, etsi ambulavero in medio umbræ

C 2

mor-

mortis, non timebo mala : \* quoniam tu mecum es.

Virga tua, & baculus tuus : \* ipsa me consolata sunt.

Paraſti in conſpectu meo menſam : \* adverſus eos, qui tribulant me.

Impinguavi in oleo caput meum : \* & calix meus inebrians quam præclarus eſt?

Et miſericordia tua ſubſequetur me : \* omnibus diebus vitæ meæ.

Et ut inhabitem in domo Domini : \* in longitudinem dierum.

Gloria Patri, & Filio &c. Sicut erat &c.  
Kyrie eleiſon. Chriſte eleiſon. Kyrie eleiſon.  
Pater noſter &c.

Ÿ. Et ne nos inducas in tentationem.  
R. Sed libera nos a malo.

Ÿ. Salvos fac fervos tuos. R. Deus meus ſperantes in te.

Ÿ. Eſto nobis Domine turris fortitudinis.  
R. A facie inimici.

Ÿ. Guſtate, & videte, quoniam ſuavis eſt Dominus. R. Beatus vir, qui ſperat in eo.

Ÿ. Et ſi mortiferum quid biberint. R. Non eis nocebit.

Ÿ. Domine exaudi orationem meam. R. Et clamor meus ad te veniat.

Ÿ. Dominus vobiscum. R. Et cum Spiritu tuo.

Ore-

**Oremus.**

**D**eus, & Pater Domini nostri JESU Christi, cujus imperio cœli firmati sunt, cui omnis creatura deservit, & omnis potestas subiecta est, & metuit, & expavescit: Nos te in auxilium nostrum invocamus, cujus audito Nomine serpens conquiescit, draco fugit, vipera fileat, & subdola illa, quæ dicitur rana inquieta, torpescit, scorpio extinguitur, regulus vincitur, squalongus nihil noxium operatur, & omnia venenata, & adhuc fortiora animalia noxia terrentur. Tu, Domine, extingue omnes diabolicas fraudes, & omnes humano generi adversantes nequitias, & hunc liquorem vini, per intercessionem sancti Joannis Evangelistæ, tua virtute benedicto; & omnes ex eo gustantes, meritis & precibus sanctissimæ Dei Genitricis Mariæ, & omnium Sanctorum tuorum intervenientibus, ab omni malo custodias, & ad regnum gloriæ tuæ perducas. Per Dominum nostrum JESUM Christum &c.

**Oremus.**

**D**eus, qui mirabili potentia vinum producis ex vite, ut inde exhilaretur cor hominis; qui mirabili potentia in Cana Galilææ ad potandum nuptiali populo aquam convertisti in vinum, quique mirabilissima potentia per manus Sacerdotum, elementum

C 3

vini

vini quotidie in sacratissimum tuum transformas Sanguinem: Deus, cujus potestate Joannes Evangelista venenosi potus digessit toxicum, beneddicere dignare hanc creaturam vini, ut omnes ex eo gustantes, expulso toto genere nocivo, infuso tuæ Benedictionis mysterio, in animo & corpore mereantur misericorditer exhilarari. Per Dominum nostrum &c.

Oremus.

**B**eati Joannis Evangelistæ, quæsumus Domine, supplicatione placatus, & veniam nobis tribue, & remedia æterna concede. Per Dominum nostrum &c.

Et Benedictio Dei Patris omnipotentis, & Filii, & Spiritus sancti descendat super hunc liquorem vini, & maneat semper. R. Amen.

*Postea aspergatur aqua benedicta in modum crucis, & si Benedictio fiat solemniter,thurificetur triplici ductu.*

*Denique vinum in vase mundo (non calice) porrigens populo ad bibendum dicat:*

Bibe amorem sancti Joannis in nomine Patris, & Filii, & Spiritus sancti. Amen.



IV.



## IV.

## BENEDICTIO DOMORUM

IN PROFESTO CIRCUMCISIONIS.

*Sacerdos per omnia procedit ut in Vigilia Nativitatis Domini pag. 16. & 17. dicendo*

*Antiph.* Ecce Maria genuit nobis Salvatorem; quem Joannes videns, exclamavit, dicens: Ecce Agnus Dei, ecce qui tollit peccata mundi, Alleluja.

*Psalm.* Miserere mei Deus &c. *cum Cantic.* Magnificat &c. *quibus finitis repetitur Antiph.* Ecce Maria &c. *& subjungitur V.* Dominus vobiscum. *R.* Et cum Spiritu tuo.

## Oremus.

**D**eus, qui salutis æternæ, beatæ Mariæ Virginitate fæcunda, humano generi præmia præstitisti; tribue, quæsumus, ut ipsam pro nobis intercedere sentiamus, per quam meruimus Authorem vitæ suscipere, Dominum nostrum, JESUM Christum, Filium tuum, qui tecum vivit, & regnat Deus in unitate Spiritus sancti Deus, per omnia sæcula sæculorum. *R.* Amen.

Divinum auxilium maneat semper nobiscum. *R.* Amen.

## V.

## V.

## BENEDICTIO DOMORUM

IN VIGILIA EPIPHANIÆ.

*Post Vesperas eodem modo, quo supra in Vigilia Nativitatis Domini pag. 16. & 17. Sacerdos procedit, ac dicit Antiphonam:*

Apertis thesauris suis obtulerunt Magi Domino aurum, thus, & myrrham, Alleluja. *Psalms.* Miserere &c. Magnificat &c. *ut supra.* Repetitur Antiphona: Apertis thesauris &c. & dicitur *℣.* Dominus vobiscum. *℞.* Et cum Spiritu tuo.

## Oremus.

**D**eus, qui hodierna die Unigenitum tuum gentibus stella duce, revelasti: concede propitius, ut, qui jam te ex fide cognovimus, usque ad contemplandam speciem tuæ celsitudinis perducamur. Per eundem Christum Dominum nostrum. *℞.* Amen,

*℣.* Divinum auxilium maneat semper nobiscum.

*℞.* Amen.



## VI.

## VI.

BENEDICTIO AQUÆ TRIUM REGUM  
IN VIGILIA, SEU FESTO EPIPHANIÆ.

*Sacerdos in memoriam Christi Domini a Joanne Baptista in Jordani flumine baptizati, aquam benedicturus superpelliceo, & Stola alba induitur, ac procedit ad locum, ubi alveolus cum aqua, sale, aspersorio, & imagine Crucifixi paratus est, dicens*

*Responsorium.* Hodie cœli aperti sunt, & mare dulce factum est, terra exultat: montes & colles lætantur. \* Quia a Joanne in Jordane Christus baptizatus est. R. Quid est tibi mare, quod fugisti; & tu Jordanis, quia conversus es retrorsum? \* Quia &c.

*Finito Responsorio, dicatur*

*Antiph.* Vox Domini super aquas multas, Alleluja: Deus Majestatis intonuit, Alleluja.

*Psalms 28.*

**A**fferre Domino filii Dei: \* afferre Domino filios arietum.

Afferre Domino gloriam & honorem, afferre Domino gloriam Nomini ejus: \* adore Dominum in atrio sancto ejus.

Vox Domini super aquas multas, Deus majestatis intonuit: \* Dominus super aquas multas.

D

Vox

Vox Domini in virtute: \* vox Domini in magnificentia.

Vox Domini confringentis cedros: \* & confringet Dominus cedros libani.

Et comminuet eos tanquam vitulum libani: \* & dilectus quemadmodum filius unicornium.

Vox Domini intercidentis flammam ignis, vox Domini concucientis desertum: \* & commovebit Dominus desertum Cades.

Vox Domini præparantis cervos, & revelabit condensa: \* in templo ejus omnes dicent gloriam.

Dominus diluvium inhabitare facit: \* & sedebit Dominus Rex in æternum.

Dominus virtutem populo suo dabit: \* Dominus benedicet populo suo in pace.

*Antiph.* Vox Domini super aquas, Alleluja: Deus Majestatis intonuit, Alleluja.

*Antiph.* In Ecclesiis benedicite Dominum, Alleluja, de fontibus Israel, Alleluja.

*Psalms 67.*

**E**xurgat Deus, & dissipentur inimici ejus: \* & fugiant, qui oderunt eum, a facie ejus.

Sicut deficit fumus, deficiant: \* sicut fluit cera a facie ignis, sic pereant peccatores a facie Dei.

Et justī epulentur, & exultent in conspectu Dei: \* & delectentur in lætitia.

Can-

Cantate Deo, Psalmum dicite Nomini ejus :  
\* iter facite ei, qui ascendit super occasum :  
Dominus nomen illi.

Exultate in conspectu ejus, turbabuntur a facie ejus, \* patris orphanorum, & judicis viduarum.

Deus in loco sancto suo : \* Deus, qui inhabitare facit unius moris in domo.

Qui educit vinctos in fortitudine : \* similiter eos, qui exasperant, qui habitant in sepulchris.

Deus, cum egredereris in conspectu populi tui : \* cum pertransires in deserto.

Terra mota est, etenim distillaverunt a facie Dei Sinai : \* a facie Dei Israel.

Pluviam voluntariam segregabis Deus hereditati tuæ : \* & infirmata est, tu vero perfecisti eam.

Animalia tua habitabunt in ea : \* parasti in dulcedine tua pauperi Deus.

Dominus dabit verbum evangelizantibus, \* virtute multa.

Rex virtutum dilecti dilecti : \* & speciei domus dividere spolia.

Si dormiatis inter medios cleros, pennæ columbæ deargentatæ ; \* & posteriora dorsi ejus in pallore auri.

Dum discernit cælestis reges super eam, nive dealbabuntur in Selmon : \* Mons Dei, mons pinguis.

Mons coagulatus, mons pinguis: \* ut quid suspicamini montes coagulatos?

Mons, in quo beneplacitum est Deo habitare in eo: \* etenim Dominus habitabit in finem.

Currus Dei decem millibus multiplex, milia lætantium: \* Dominus in eis, in Sina in Sancto.

Ascendisti in altum, cepisti captivitatem: \* acceperis dona in hominibus.

*Antiph.* In Ecclesiis benedicite Dominum, Alleluja, de fontibus Israel, Alleluja.

*Antiph.* Ipse liberavit me: Alleluja, de laqueo venantium: Alleluja.

*Psalmus 90.*

**Q**ui habitat in adjutorio Altissimi: \* in protectione Dei cœli commorabitur.

Dicet Domino: Susceptor meus es tu, & refugium meum: \*. Deus meus sperabo in eum.

Quoniam ipse liberavit me de laqueo venantium: \* & a verbo aspero.

Scapulis suis obumbrabit tibi: \* & sub penis ejus sperabis.

Scuto circumdabit te veritas ejus: \* non timebis a timore nocturno.

A sagitta volante in die, a negotio perambulante in tenebris: \* ab incurfu, & dæmonio meridiano.

**Cadent**

Cadent a latere tuo mille, & decem milia a dextris tuis: \* ad te autem non appropinquabit.

Verumtamen oculis tuis considerabis, \* & retributionem peccatorum videbis.

Quoniam tu es Domine spes mea: \* Altissimum posuisti refugium tuum.

Non accedet ad te malum: \* & flagellum non appropinquabit tabernaculo tuo.

Quoniam Angelis suis mandavit de te: \* ut custodiant te in omnibus viis tuis.

In manibus portabunt te: \* ne forte offendas ad lapidem pedem tuum.

Super aspidem & basiliscum ambulabis: \* & conculcabis leonem & draconem.

Quoniam in me speravit, liberabo eum: \* protegam eum, quoniam cognovit nomen meum.

Clamabit ad me, & ego exaudiam eum; cum ipso sum in tribulatione: \* eripiam eum, & glorificabo eum.

Longitudine dierum replebo eum; \* & ostendam illi salutare meum.

*Antiph.* Ipse liberavit me: Alleluja, de laqueo venantium; Alleluja.

*Quibus finitis Sacerdos sic dicit:*

℣. Exaudi nos Domine. ℞. Quoniam benigna est misericordia tua: & secundum multitudinem miserationum tuarum respice nos Domine.

℣. Salvum me fac Deus, quoniam intraverunt aquæ.

℞. Usque ad animam meam.

℣. Gloria Patri, & Filio, & Spiritui sancto. ℞. Sicut erat in principio, & nunc & semper, & in sæcula sæculorum. Amen.

℣. Exaudi nos Domine. ℞. Quoniam benigna est misericordia tua: & secundum multitudinem miserationum tuarum respice nos Domine.

*Deinde dicuntur Litanie majores de omnibus Sanctis ex Breviario, genibus flexis.*

*Postquam autem dictum fuerit, ut omnibus fidelibus defunctis &c. surgit, & dicit:*

Ut hanc aquam beneddicere digneris. ℞. Te rogamus; audi nos.

Ut hanc aquam beneddicere, & sanctificare digneris. ℞. Te rogamus, audi nos.

Ut hanc aquam beneddicere, sanctificare, & consecrare digneris. ℞. Te rogamus, audi nos.

*Genusflexus iterum profequitur Litanias usque ad Pater noster.*

℣. Et ne nos inducas in tentationem. ℞. Sed libera nos a malo.

℣. Salvos nos fac Domine Deus noster. ℞. Et congrega nos de nationibus.

℣. Ut confiteamur Nomini sancto tuo. ℞. Et gloriemur in laude tua.

✠



℣. Benedictus Dominus Deus Israel a sæculo. ℞. Et usque in sæculum, fiat, fiat.

*Surgens sufflat in aquam tribus vicibus sic dicendo: Exsufflo te omnis legio satanæ, in nomine Patris, & Filii, & Spiritus sancti.*

### EXORCISMUS AQUÆ.

Exorcizo te creatura aquæ: in nomine Patris, & Filii, & Spiritus sancti: ne communices ulli spiritui immundo, sed dabis honorem viventi atque regnanti Patri, & Filio, & Spiritui sancto: ut ubicunque aspersa fueris, spiritus immundus ab eo loco recedat. Itemque adjuro te creatura aquæ: In nomine Jesu Christi Nazareni, Filii Dei vivi, Regis, & Judicis nostri: ut sis purgatio & sanctificatio hominum, quos Deus ad suam sanctam gratiam vocare dignatus est. Te ergo invoco, Domine sancte, Pater omnipotens, æterne Deus, ut hanc aquam exorcizare, & benedicere pro tua pietate digueris: ut omnis immundus spiritus locum in ea ultra non habeat, vel potestatem; sed ubicunque aspersa fuerit, Angelorum tuorum ibi descendat Exercitus. Per eum, qui venturus est judicare vivos & mortuos, & sæculum per ignem. ℞. Amen.

*Deinde dicat: Lectio libri Numeri c. 20.*

**I**n illis diebus: convenerunt filii Israel adversum Moysen, & Aaron, & versi in seditio-

ditionem dixerunt: Da nobis aquam, ut bibamus, ingressusque Moyſes & Aaron, diſmiſſa multitudine, in tabernaculum foederis corruerunt proni in terram, clamaveruntque ad Dominum atque dixerunt: Domine Deus, exaudi clamorem huius populi, & aperi eis theſaurum tuum, fontem aquæ vivæ, ut ſatiati, ceſſet murmuratio eorum. Et apparuit gloria Domini ſuper eos. R. Deo gratias.

*Sequitur Tractus:* Ultimo feſtivitatis die dicebat JEſus: qui in me credunt, flumina de ventre ejus fluent aquæ vivæ. Hoc autem dixit de ſpiritu, quem accepturi erant credentes in eum: Alleluja, Alleluja. V. Qui ſitit, veniat ad me & bibat, & de ventre ejus fluent aquæ vivæ. Hoc autem &c. V. Vox Domini ſuper aquas; Deus Majestatis intonuit: ſuper aquas multas. Alleluja.

*Postea legat:* Dominus vobiscum. R. Et cum &c.

V. Sequentia S. Evangelii ſecundum Joannem. R. Gloria tibi Domine.

**I**n illo tempore: In noviffimo autem die magno feſtivitatis ſtabat JEſus, & clamabat, dicens: Si quis ſitit, veniat ad me, & bibat. Qui credit in me, ſicut dicit Scriptura, flumina de ventre ejus fluent aquæ vivæ. Hoc autem dixit de ſpiritu, quem accepturi erant, credentes in eum. R. Laus tibi Chriſte.

*EXOR-*

## EXORCISMUS AQUÆ.

Exorcizo te, creatura aquæ, per Deum † vivum, per Deum † verum, per Deum † sanctum, per Deum totius mundi Creatorem, ut te mundum exhibeas contra omnem morbum, atque insidias inimici, & diabolicas potestates: ut ubicunque aspersa fueris, sit propitio Deo defensa domus ista. Et sicut defensæ fuerunt in Ægypto domus Hebræorum per signum sanguinis Agni, sic defendantur, Domine, domus famulorum famularumque tuarum per asperionem hujus aquæ. In ipsius Nomine te exorcizo, qui filios Israel per medium maris eduxit. In ipsius Nomine te exorcizo, qui super te suis sanctis pedibus ambulavit, & in ipsius Nomine te exorcizo, quem Joannes in Jordane baptizavit, ut omnis spiritus erroris, & omnes phantasie dæmonum per te aspersæ fugiant, & separentur de eodem loco. Per eundem Dominum nostrum JESUM Christum filium tuum, qui venturus est judicare vivos, & mortuos, & sæculum per ignem. R. Amen.

*Sequitur alius Exorcismus.*

Exorcizo te creatura aquæ, in nomine Dei Patris † omnipotentis, & in nomine Domini nostri JESU Christi, ut omnis immundus spiritus, vel incurio satanæ separentur a te creatura aquæ. Proinde ergo efficere aqua

E

exor-

exorcizata ad effugandum omne phantasma inimici, & ipsum inimicum eradicare, & effugare valeas, in nomine Dei Patris omnipotentis, qui cum eodem Filio suo, & Spiritu sancto vivit, & regnat in sæcula sæculorum. *R. Amen.*

*Oremus.*

**B**enedic † Domine, hanc aquam benedictione cœlesti, & assistat super eam virtus Spiritus sancti, ut ubicunque aspersio fuerit, longe recedat virtus inimicorum, verbera phantasmatum, incurio turbinum, percussio fulminum, læsio tonitruorum, calamitas tempestatum, omnis denique spiritus procellarum, te ipso benedicente, effugetur. Qui vivis, & regnas in sæcula sæculorum. *R. Amen.*

*O R A T I O*  
*SUPER SALEM LEGENDA.*

*Oremus.*

**V**irtutis tuæ invictam fortitudinem deprecor, Domine sancte, Pater omnipotens, æterne Deus, super hunc salem, cui non minimam gratiam conferre dignatus es, ut ex illo possint universa condiri, quæ hominibus ad eiscam per tuum Filium Dominum nostrum procreare iussisti: per quem, te Domine, supplices

plices exoramus, ut salem istum sanctificare, & benedicere, & consecrare, pro tua pietate digneris, ut ex vultu divinæ Majestatis tuæ virtutem tuam contra omnes immundos spiritus possit accipere. Expellat de tabernaculis famulorum, famularumque tuarum, quidquid potest pestiferum esse, & exhibeat plenum salutis effectum. Deterreat præstigia, phantasmata compescat per signum sanctæ Crucis Filii tui Domini nostri, & tutelam fidelissimam desiderantibus præstet per hoc tuum, Domine JESU Christe, signaculum, quod nullius dolus, nullius pertinacia designavit.

### *ALIA BENEDICTIO SALIS.*

**B**enedico te, creatura salis, in nomine Patris, & Filii, & Spiritus sancti, qui te ad tutelam humani generis procreavit, & populo venienti ad credulitatem, per servos suos consecrari præcepit. Proinde rogamus te, Domine Deus noster, ut hæc creatura salis, in nomine sanctæ Trinitatis, efficiatur salutare Sacramentum, sitque perfecta medicina in visceribus fidelium tuorum. Per eum, qui venturus est judicare vivos & mortuos, & sæculum per ignem. R. Amen.

*O R A T I O*  
*SUPER SALEM LEGENDA.*

Oremus.

**I**ntuere, Domine, hanc creaturam salis, quam usibus humani generis tribuisti. Et petimus, omnipotens æterne Deus, per signum Crucis Unigeniti Filii tui Domini nostri Jesu Christi, ut, ubicunque aspersa fuerit aqua hoc sale permixta, sit efficax ad evacuandam omnem adversariam potestatem inimici. Consummet, & arefaciat, nihilque ibi remaneat immundum, nihil pestiferum, sed per invocationem Nominis tui sit nobis mundum ac benedictum. Per eum, qui venturus est judicare vivos & mortuos, & sæculum per ignem. R. Amen.

*EXORCISMUS SALIS.*

Exorcizo te, creatura salis, per Deum ✠ verum, per Deum ✠ sanctum, per Deum ✠ totius Creatorem, per eum, qui te per Eliæum Prophetam in aquam mitti jussit, ut sanaretur sterilitas aquæ. Qui per Apostolum Paulum dicere dignatus est: sit cor vestrum sale conditum. Ideoque efficere sal ad exorcizandum, ad evacuandum, & expellendum inimicum, omnemque virtutem, & putredinem ejus, in nomine Domini nostri Jesu Christi-

Christi, qui venturus est judicare vivos, & mortuos, & sæculum per ignem.

Oremus.

**D**ominus & Salvator noster IESUS, antequam ad cœlos ascenderet, Apostolis suis mandavit, dicens: Habete in vobis sal, & pacem habete inter vos.

*Hic ponat sal in aquam, dicens:* Hæc commixtio salis, & aquæ pariter fiat. In nomine Patris, & Filii, & Spiritus sancti, & in virtute Domini nostri Iesu Christi, cui est honor, & gloria in sæcula sæculorum. R. Amen.

### EXORCISMUS SALIS, & AQUÆ.

Exorcizo te creatura salis & aquæ, in nomine Patris, & Filii, & Spiritus sancti. Exorcizo te per Deum vivum; exorcizo te per Crucifixum; exorcizo te per Spiritum sanctum. Per eum te exorcizo, qui te per Eliæum Prophetam in aquam mitti iussit, dicens: Hæc dicit Dominus: sanabitur aqua ista, & non erit in ea mors, neque sterilitas. Per ipsius Nomen te adjuro, qui divina voce oris fui Apostolis suis locutus est, dicens: Vos estis sal terræ, & cor vestrum sit sale conditum. Ut omnes, qui ex te sumpserint, sint sanctificati in animabus, & corporibus. Ut,

E 3

ubi-

ubicunque aspersa fueris, effuges inimicum, & præstes omnibus remissionem peccatorum, expellas infidias, & excludas omnes dæmonum tentationes. Te autem, Conditor & Restaurator omnium elementorum tuorum, qui hæc fluentia tuo Nomine sanctificata, ad purificationem locorum proficere iussisti, deprecor, ut Nominis tui invocata Majestate gratiam Spiritus sancti hæc aqua accipiat, valeatque ad expellendas diabolicas artes, per manus fervorum tuorum aspersa, & per sanctificationem, quam tu Domine, sanctificando sanctificas, & benedicendo benedicis. Ut omnis immundus spiritus aspersione hujus aquæ repulsus, & confusus discedat, & omnis incurfus satanæ, & omne phantasma, omnisque immunditia, & putredo inimicorum longe recedat, nec consistendi aut resistendi habeat potestatem, nec in eodem loco standi, aut commorandi, sed victus & destructus abscedat diabolus cum omni pompa sua. Per virtutem & gloriam Domini nostri Jesu Christi, qui venturus est judicare vivos & mortuos, & sæculum per ignem. R. Amen.

*Sequitur alius Exorcismus.*

Exorcizo te, creatura aquæ sale conspersa, per Deum vivum, per Deum verum, per Deum totius Creatorem, qui te in principio separavit ab arida, & in quatuor flumina di-  
videre



videre dignatus est, ut ubicunque portata vel aspersa fueris, effugetur & separetur inimicus, & omnis putredo ejus, ut sit ipsa domus Deo dicata. Per virtutem Domini nostri Jesu Christi, qui venturus est judicare vivos, & mortuos, & sæculum per ignem. R. Amen.

*Item super aquam.*

Te autem, creatura aquæ, adjuro per Deum vivum, per Deum verum, per Deum sanctum, per eum te adjuro, qui te in principio separavit ab arida: adjuro te per Deum vivum, qui te de fonte paradisi manare fecit; (*hic dividat aquam in quatuor partes:*) Et in quatuor fluminibus exire jussit, & totam terram rigare præcepit. Adjuro te per eum, qui te in Cana Galilææ sua potentia convertit in vinum: qui super te suis sanctis pedibus ambulavit: qui tibi nomen imposuit Syloo. Adjuro te per eum, qui te in Naaman Syrum a sua lepra per manum Elisæi Prophetæ mundavit. Aqua sancta, aqua benedicta, aqua (*hic tangat aquam, dicens:*) lavans fordes, & mundans peccata. Adjuro te per Deum vivum, ut te mundam exhibeas, nec aliquam phantasiâ retineas, sed efficiaris exorcizata ad effugandum inimicum, & omnes actus fulguris. Ut, ubicunque aspersa fueris, sive in domo, sive in agro, sive in vineis, sive in seminatis campis, sive in fructibus,

bus, five in angulis cubiculorum, five in navibus, five in puteis, vel siquis ex te gustaverit, fias ei defensio, & remedium sanitatis. Ipse quoque diabolus elongetur, & separetur, quantum elongatum est cœlum a terra: lux a tenebris: veritas a mendacio: justitia ab injustitia: dulce ab amaro: tantum elongetur, & separetur ille immundus spiritus ab habitationibus famulorum, famularumque Dei. Per nomen Domini nostri JESU Christi, qui cum Patre, & Spiritu sancto vivit, & regnat &c.

### SEQUITUR PRÆFATIO.

℣. Per omnia sæcula sæculorum. ℞. Amen.

℣. Dominus vobiscum. ℞. Et cum Spiritu tuo.

℣. Sursum corda. ℞. Habemus ad Dominum.

℣. Gratias agamus Domino Deo nostro. ℞. Dignum, & justum est.

**V**ere dignum & justum est, æquum & salutare, \* nos tibi semper & ubique gratias agere.\* Domine Deus cœli & terræ \* (cujus virtuti subdita sunt universa) cujus verbo creata sunt omnia; \* supermitte, quæsumus, virtutem Spiritus sancti tui super hanc creaturam, \* ut fiat aqua sanctificata \* (in nomine Patris, & Filii, & Spiritus sancti)

Et) te igitur omnipotens Deus, \* altissima Salus, & Respector perpetuus,\* humiliter rogamus, & petimus, \* ut nos exaudias, & miserearis precibus nostris, quatenus ubicunque hæc aqua aspersa fuerit, \* fiat, te iubente, causa purificationis: \* habeat quoque perpetuam gratiam ipsa domus, fidem rectam, spem certam, charitatem perfectam, \* gaudium verum, honorem perpetuum, ut omnes malevoli, & invidi spiritus \* ab ea expellantur, & separentur. \* Per Christum Dominum nostrum.

Iterum te alloquor aqua, quæ lucis similitudinem habes, tu sub cœlo, tu super cœlum, tu sub terra, tu super terram. Super te invoco Nomen sanctum, ac admirabile Dei omnipotentis, qui te sua potentia convertit in vinum, suspendit super cœlos, congregavit in terra, miscuit in mari, qui te arcanis & velocibus ventis pluere præcepit, & ad usum hominum, & lavacrum dedit, & sitientibus potum subministravit. Super aquam etiam Spiritus Domini non solum ferebatur, sed etiam fertur. Adjuro ergo te, creatura aquæ, per septiformem Spiritum Dei vivi. Adjuro te per novem ordines Angelorum. Adjuro te per vocem tonitruï coruscantis, tremendi, & cœlestis Regis. Adjuro te per lignum mysteriï, de quo aqua percussa, statim dulcis facta est. Adjuro te per eum, qui

F

om-

omnia creavit, ne contemnas vocem humilitatis meæ, sed expellas omnem umbram, omnes satellites adversariorum, omnes machinationes diaboli, five spirituum immundorum, five damnatorum, five errantium, five ex combinatione magicæ artis, five præcantorum argumento, five draconum, & omnium volucrum, vel viperarum; quia imperat tibi Dominus JESUS Christus Filius Dei vivi, quod mox, ut aspersa fueris, in nomine Dei Sabaoth, five in hominibus, five in domibus, five in vineis, five in pecoribus, five in quibuslibet animantibus, five in feminatis campis, five ab hominibus conculcata fueris, five in navibus, five in mari, five in paludibus, five in qualicunque creatura, vel in quocunque loco aspersa fueris, five super infirmum, vel languentem, five in potum data fueris, homini invaletudine detento, aut maligni spiritus infestatione percusso, mox expellas, & excludas omne malignum, ut possit homo velocius salvus fieri. Per virtutem Domini nostri JESU Christi, qui neque dici, neque scribi, neque computari potest, cui Nomen est Deus.

Tu autem Domine, qui per Angelum tuum fontem Agar ostendisti, \* & ex eo Ismaelem sitientem potasti, \* qui pueri tui Abrahæ in Mesopotamia preces exaudisti, \* & omnia desideria cordis ejus implevisti, qui famulo

mulo tuo Moyſi in deſerto eremi petram percutere , \* & ex ea aquam producere , & populum rigare juſſiſti.

*Sacerdos ter dicit ſequentem verſum , ſtipitem Crucifixi ter in aquam immergendo :*

Qui aquam amaram immiſſo ligno dulcoraſti.

*Antiph.* Baptizatur Chriſtus, & ſanctificatur omnis mundus, & tribuit nobis remiſſionem peccatorum : aqua & ſpiritu omnes purificamur.

*Antiph.* Baptizat miles Regem : ſervus Domini : Joannes Salvatorem. Aqua Jordaniſtupuit, columba proteſtatur, paterna vox audita eſt : Hic eſt filius meus.

*Sacerdos dicat hanc Orationem.*

**B**enedicere, & ſanctificare digneris Domine, hanc creaturam aquæ, in nomine Patris, & Filii, & Spiritus † ſancti, ut ubicunque aſperſa fuerit in Nomine tuo, omnes ſævas inimici jaculationes expellat. Illud etiam rogamus, ac petimus, Deus omnipotens, ut, ſicut ad domum Raguëliſ ſanctum Angelum tuum Raphaëlem mittere dignatus es, ut Aſmodæum dæmonem colligaret, ſimile quoque beneficium domibus noſtris donare digneris, ut, ubicunque hæc unda aſperſa

fuerit, nunquam malignus spiritus in eadem domo consistendi, vel commorandi habeat potestatem, sed confusus protinus & destructus abscedat, per Christum Dominum nostrum, per quem Majestatem tuam laudant Angeli, adorant Dominationes, tremunt Potestates; cœli cœlorumque virtutes, ac beata Seraphim, socia exultatione concelebrant. Cum quibus & nostras voces, ut admitti jubeas, deprecamur, supplici confessione dicentes :

Sanctus, sanctus, sanctus Dominus Deus Sabaoth. Pleni sunt cœli & terra gloria tua, Hosanna in excelsis. Benedictus, qui venit in Nomine Domini. Hosanna in excelsis.

### *EXORCISMUS.*

Exorcizo te spiritus immunde, per Deum vivum, qui fecit cœlum & terram, & omnia, quæ in eis sunt, ut omnes virtutes adversarii, omnes exercitus diaboli, omnes incurfus, & omnia phantasmata inimici eradicentur, & effugiant ab hac creatura salis & aquæ, ut sit sancta & salutifera, & ignis ardens adversus omnes insidias eorum. Ut, ubicunque portata vel aspersa fuerit, hæc creatura salis & aquæ sit sanitas, sinceritas, & corporis medicina, ut effugiat omnis infirmitas. Fulgura quoque & grandines ab asperione hujus aquæ separentur, & effugiant,

giant, & elongentur. Per eum, qui venturus est judicare vivos & mortuos, & sæculum per ignem. *R.* Amen.

*Oremus.*

**V**ere sanctus, vere benedictus, terribilis, metuendus, & adorandus es, Domine Deus noster: ab occultis nostris munda nos, & ab alienis parce servis tuis, ut cum fiducia valeamus dicere orationem illam regalem, quam Dominus & Salvator noster per Evangelium suum orare docuit, dicens: Pater noster, qui es in cœlis. Sanctificetur Nomen tuum. Adveniat regnum tuum. Fiat voluntas tua sicut in cœlo, & in terra. Panem nostrum quotidianum da nobis hodie. Et dimitte nobis debita nostra, sicut & nos dimittimus debitoribus nostris. Et ne nos inducas in tentationem. *R.* Sed libera nos a malo.

*Oremus.*

**L**ibera nos, quæsumus Domine, ab omnibus malis, præteritis, præsentibus, & futuris: libera nos, quæsumus Domine, famulos & famulas tuas a gladio, a fame, a tentatione diaboli, a percussione sæculi, & ab infirmitatibus malis. Per Liberatorem, & Redemptorem Dominum nostrum Jesum Christum Filium tuum, qui tecum vivit, & regnat in sæcula sæculorum. *R.* Amen.

## Oremus.

**D**omine sancte, Pater omnipotens, æternæ Deus, Pater Domini nostri JESU Christi, Deus Abraham, Deus Isaac, & Deus Jacob, exorcizante me istam creaturam salis, & aquæ, precor te, ut me exaudire digneris, in nomine Domini nostri JESU Christi Nazareni, Filii Dei vivi, Regis & Judicis nostri, ut sit purgatio, & purificatio omnibus hominibus, atque in eis, in quibus aspersa fuerit, habeat potestatem ad effugandos immundos, & phantasmaticos spiritus, & omnem nefarium diabolum, atque omnes figuras & minas satanæ. Concedatur etiam ei potestas ad exterminandum fulgura, & grandines, & omnes adversitates humanæ naturæ, ut non possit immundus spiritus nocere his locis, in quibus aspersa fuerit, sed confusus & destructus abscedat. Per virtutem Domini nostri JESU Christi Regis, qui cum Deo Patre vivit & regnat in sæcula sæculorum. R. Amen.

*EXORCISMUS.*

Adjuro te, creatura salis, & aquæ, in nomine Patris, & Filii, & Spiritus sancti. Adjuro te in nomine Domini nostri JESU Christi, qui super te suis sanctis pedibus ambulavit. Adjuro te per eum, qui te de fonte paradisi produxit. Adjuro te per eum, qui



qui Apostolis suis præcepit, dicens : Ite, baptizate omnes gentes in nomine Patris, & Filii, & Spiritus sancti. Per ipsius Nomen te adjuro, ut, ubicunque aspersa fueris, omne phantasma de domo ipsa, & omnis incursum diaboli eradicetur, & effugiat : per Deum vivum †, per Deum verum †, per Deum totius naturæ Creatorem †, ut neque hominibus, neque Domiciliis, neque navibus, neque pecoribus, neque frugibus, neque arboribus noceas. Per Dominum nostrum JESUM Christum Filium tuum, qui venturus est judicare vivos, & mortuos, & sæculum per ignem. R. Amen.

Oremus.

**D**eus, qui ad salutem humani generis maxima quæque sacramenta in aquarum substantia condidisti, adesto propitius invocationibus nostris, & elemento huic multimodis purificationibus præparato, virtutem tuæ Benedictionis infunde, ut creatura tuaysteriis tuis serviens, ad abigendos dæmones, morbosque pellendos divinæ gratiæ sumat effectum : ut quidquid in domibus, vel in locis fidelium hæc unda resperferit, careat omni immunditia, liberetur a noxa : non illic resideat spiritus pestilens, non aura corrumpens : discedant omnes insidiæ latentis inimici : & si quid est, quod aut incolumitati habitantium invidet, aut quieti, aspersione hujus

jus aquæ effugiat , atque discedat : ut salubritas per invocationem sancti tui Nominis expedita , ab omnibus impugnationibus sit defensa. Per eum , qui venturus est judicare vivos & mortuos , & sæculum per ignem. *R.* Amen.

### BENEDICTIO.

**B**enedictio Dei Patris, & Filii, & Spiritus sancti, descendat super hanc creaturam salis & aquæ. *R.* Amen.

*Tum Sacerdos incipiat Credo in unum Deum &c. quo finito aspergat populum aqua benedicta, & dicat Antiphonam Asperges me Domine &c. cum Gloria &c.*

*His dictis recitat Evangelium.*

*℣.* Dominus vobiscum. *R.* Et cum Spiritu tuo.

*℣.* Sequentia sancti Evangelii secundum Lucam. *R.* Gloria tibi Domine.

**F**actum est autem , cum baptizaretur omnis populus , & JESU baptizato & orante , apertum est cœlum : Et descendit Spiritus sanctus corporali specie , sicut columba in ipsum , & vox de cœlo facta est : Tu es Filius meus dilectus , in te complacui mihi. Et ipse JESUS erat incipiens quasi annorum triginta , & putabatur Filius Joseph , qui fuit Heli , qui fuit Mathat , qui fuit Levi , qui fuit Melchi,

chi , qui fuit Janne , qui fuit Jofeph , qui fuit Mathathiæ , qui fuit Amos , qui fuit Nahum , qui fuit Hesli , qui fuit Nagge , qui fuit Mahath , qui fuit Mathatiæ , qui fuit Semei , qui fuit Jofeph , qui fuit Juda , qui fuit Joanna , qui fuit Refa , qui fuit Zorobabel , qui fuit Salathiel , qui fuit Neri , qui fuit Melchi , qui fuit Addi , qui fuit Cofan , qui fuit Elmadan , qui fuit Her , qui fuit Jefu , qui fuit Eliezer , qui fuit Jorim , qui fuit Mathat , qui fuit Levi , qui fuit Simeon , qui fuit Juda , qui fuit Jofeph , qui fuit Jona , qui fuit Eliakim , qui fuit Melcha , qui fuit Menna , qui fuit Mathatha , qui fuit Nathan , qui fuit David , qui fuit Jefle , qui fuit Obed , qui fuit Booz , qui fuit Salmon , qui fuit Naafson , qui fuit Abinadab , qui fuit Aram , qui fuit Elfron , qui fuit Phares , qui fuit Judæ , qui fuit Jacob , qui fuit Ifaac , qui fuit Abrahamæ , qui fuit Thare , qui fuit Nachor , qui fuit Sarug , qui fuit Ragau , qui fuit Phaleg , qui fuit Heber , qui fuit Sale , qui fuit Cainan , qui fuit Arphaxad , qui fuit Sem , qui fuit Noë , qui fuit Lamech , qui fuit Mathufale , qui fuit Henoch , qui fuit Jared , qui fuit Malaleel , qui fuit Cainan , qui fuit Henos , qui fuit Seth , qui fuit Adam , qui fuit Dei. JESUS autem plenus Spiritu fancto regreffus eft a Jordane. R. Laus tibi Chriſte.

*Quo finito incipiat Te Deum laudamus:*

G

te

te Dominum confitemur &c. *ut in Breviario.*  
*Deinde dicat*

ψ. Ostende nobis Domine misericordiam tuam. R. Et salutare tuum da nobis.

ψ. Domine exaudi orationem meam. R. Et clamor meus ad te veniat.

ψ. Dominus vobiscum. R. Et cum Spiritu tuo.

Oremus.

**E**xaudi nos, Domine sancte, Pater omnipotens, æterne Deus, & mittere digneris sanctum Angelum tuum de cœlis; qui custodiat, foveat, protegat, visitet, atque defendat omnes habitantes in hoc habitaculo. Per Christum Dominum nostrum. R. Amen.

NOTANDUM. *Ad fovendam simul, & incitandam fidelium devotionem, sanctissimus Dominus noster Benedictus XIII. omnibus, & singulis utriusque sexus Christi fidelibus, qui hujusmodi aquæ Benedictioni, quavis in Ecclesia illa fiat, devote adfuerint, centum indulgentiæ dies perpetuo est elargitus.*

*Si ita visum fuerit alicui Ecclesiæ, hanc Benedictionem solemniter cum Cantu & Ministris paratis celebrare, varietas Cantus, ac Notæ Chorales, aliique ritus, ex Rituali Romano novissimæ editionis de anno 1757. desumi poterunt.*

VII.

## VII.

## BENEDICTIO CANDELARUM,

IN FESTO PURIFICATIONIS B. Mariæ Virginis,

UT IN MISSALI.

*Benedicuntur hæc die ; & alias infra annum ex ordinatione Ecclesiæ lumina , seu candelæ , quæ ubicunque accensæ , vel positæ fuerint , valent præcipue contra fulmina , & tempestates & incursiones malignorum spirituum ; unde patet dictas Candelas utiliter etiam accendi coram moribundis ad fugandos dæmones , & divinam operam pro illis facilius impetrandam.*

## VIII.

## BENEDICTIO PANIS , VINI ,

VEL ALIORUM ESCULENTORUM , AUT

POCULENTORUM IN FESTO S. Blasii.

*Si fidelis populus voluerit ad Ecclesiam deferre panem , vinum &c. ante vel post Missam in honorem S. Blasii Ep. M. contra malum anginæ patrocinantis benedicuntur , ac domi a fidelibus pie sumuntur.*

℣. Sit Nomen Domini benedictum. ℞. Ex hoc , nunc , & usque in sæculum.

℣. Adjutorium nostrum in nomine Domini.

℞. Qui fecit cælum , & terram.

G 2

℣.

℣. Ora pro nobis sancte Blasii. ℞. Ut digni efficiamur promissionibus Christi.

℣. Dominus vobiscum. ℞. Et cum Spiritu tuo.

### Oremus.

Salvator mundi Deus, Domine Iesu Christe, qui hodiernam diem beatissimi Blasii Martyrio consecrasti, & diversas creaturas ad salutem hominum creasti: quique ex quinque panibus, & duobus piscibus quinque millia hominum satiasti, ac populum Judaicum in deserto miraculose pavisti; ineffabilem misericordiam tuam suppliciter exoramus, & petimus, ut hos panes, escas ac liquores, quos plebs fidelis tibi devote hodie ad sanctificandum attulit, tua pietate benedicere & sanctificare digneris, ut qui ex eis comederint, vel gustaverint, ab omni gutturis plaga, & totius corporis infirmitate, meritis & intercessione ejusdem beati Blasii Martyris tui, plenam recipiant sanitatem: & nos servos tuos ab omni corporis & animæ ægitudine sanos conserves. Qui vivis & regnas Deus, per omnia sæcula sæculorum. ℞. Amen.

*Deinde aspergat aqua benedicta nihil dicens.*



## IX.

## BENEDICTIO COLLORUM,

EADEM DIE IN MEMORIAM DICTI S. MARTYRIS.

*Benedicuntur duæ candelæ, ut sequitur.*

V. Adjutorium nostrum &amp;c.

V. Domine exaudi &amp;c.

V. Dominus vobiscum &amp;c.

## Oremus.

**O**mnipotens & mitissime Deus, qui omnium mundi rerum diversitates solo Verbo creasti, & ad hominum reformationem illud idem Verbum, per quod facta sunt omnia, incarnari voluisti: qui magnus es & immensus, terribilis atque laudabilis, faciens mirabilia: pro cujus fidei defensione gloriosus Martyr, & Pontifex Blasius diversorum tormentorum genera non pavescens Martyrii palmam feliciter est adeptus. Cui inter cæteras gratias hanc prærogativam contulisti, ut quoscunque gutturi morbos tua virtute curaret: Majestatem tuam suppliciter exoramus, ut non intuitu nostri reatus, sed ejus placatus meritis & precibus, hanc creaturam ceræ benedicere & sanctificare tua venerabili pietate digneris, tuam gratiam infundendo, ut omnes, quorum colla per eam ex bona fide tacta fuerint, a quocunque gutturi morbo

G 3

ipsum

ipſius paſſionis meritis liberentur, & in Eccleſia ſancta tua ſani & hilares tibi gratiarum referant actiones : & laudent Nomen tuum glorioſum , quod eſt benedictum in ſæcula. Per eundem Dominum &c.

*Aſpergat aqua benediſta, & iisdem decuſſatim junctis tangens ſingulorum colla dicat :*

Per interceſſionem ſancti Blaſii Episcopi & Martyris liberet & præſervet te Dominus a malo gutturis in nomine Patris &c.

## X.

IN FESTO S. AGATHÆ

BENEDICTIO PANIS , FRUCTUUM ,  
AQUÆ, VINI, CANDELARUM &c. CONTRA IGNES.

*Pſalmus 66.*

**D**eus miſeratur noſtri, & benedicat nobis : \*  
illuminet vultum ſuum ſuper nos , & miſereatur noſtri.

Ut cognoſcamus in terra viam tuam : \* in omnibus gentibus ſalutare tuum.

Confiteantur tibi populi Deus : \* confiteantur tibi populi omnes.

Lætentur & exultent gentes : \* quoniam iudicas populos in æquitate , & gentes in terra dirigis.

Confiteantur tibi populi Deus ; confiteantur tibi populi omnes : \* terra dedit fructum ſuum.

Bene-



Benedicat nos Deus, Deus noster, benedicat nos Deus: \* & metuant eum omnes fines terræ.

Gloria Patri &c. Kyrie eleison &c. Pater noster &c.

℣. Adjutorium nostrum in nomine Domini.

℞. Qui fecit cœlum & terram.

℣. Sit Nomen Domini benedictum.

℞. Ex hoc nunc & usque in sæculum.

℣. Ora pro nobis beata Agatha.

℞. Ut digni efficiamur promissionibus Christi.

℣. Domine exaudi orationem meam.

℞. Et clamor meus ad te veniat.

℣. Dominus vobiscum.

℞. Et cum Spiritu tuo.

### ORATIO.

Domine JESU Christe, Fili Dei vivi, qui es panis vivus, qui de cœlo descendisti, benedic †, & sanctifica † hos panes, fructus, cereos, aquam, vinum, oleum, & cætera hic posita in honorem beatæ Agathæ Virginis, & Martyris tuæ deportata: & concede per intercessionem ejusdem Virginis, & Martyris, ut ubicunque contra ignem comburentem missa vel posita fuerint, illico ignis evanescat, & penitus extinguatur. Qui vivis & regnas cum Deo Patre, in unitate Spiritus sancti Deus, per omnia sæcula sæculorum. ℞. Amen.

Bene-

Benedictio Dei omnipotentis, Patris †, & Filii †, & Spiritus † sancti, per intercessionem beatæ Agathæ Virginis, & Martyris descendat, & maneat super hos panes, & super omnes ex eis gustantes. R. Amen.

*Aspergatur aqua benedicta.*

# XI.

## BENEDICTIO CINERUM.

FERIA QUARTA IN CAPITE JEJUNII.

UT IN MISSALI.

*Benedicuntur Cineres, ut illi, qui Cineres illos devote susceperint, spiritum compunctionis, & peccatorum remissionem consequi mereantur. 2. Ut contra spirituales nequitias pugnaturi continentie muniantur auxiliis. 3. Ut corporis sanitatem, & animi tutelam percipiant. 4. Denique, ut Deus illis omnia, quæ juste postulerint, tribuat, & concessa perpetuo stabili, & intacta manere decernat.*

# XII.

## BENEDICTIO RAMORUM

DOMINICA PALMARUM.

UT IN MISSALI.

*Benedicuntur Rami. 1. Ut qui illos devote gestaverint tam corporis quam animæ protectionem*

*tionem suscipiant. 2. Ut de hoste victoriam reportent, & opera eorum frondeant justitiæ Ramis. 3. Ut in quemcunque locum introducti fuerint, habitatores illius omnem Benedictionem consequantur, & omni adversitate fugata protegantur. Ex quo patet, quod Rami etiam pecoribus prosint, qua ratione a fidelibus in stabulis quoque asservari solent.*

## XIII.

## BENEDICTIO NOVI IGNIS, QUINQUE

GRANORUM, ET CEREI PASCHALIS IN SAB-  
BATHO SANCTO.

UT IN MISSALI.

*In Benedictione novi ignis Ecclesia Deum præcipue rogat, ut fideles illustrentur gratia cælesti, simulque adjuventur contra ignita tela inimici; unde passim carbones, & ligna ambusta contra tempestates maleficas &c. domi accendi solent. 2. In Benedictione quinque granorum similiter rogat Ecclesia, ut in quocunque loco ex hujus sanctificationis mysterio aliquid fuerit deportatum, expulsa diabolicæ fraudis nequitia, Virtus Divinæ Majestatis assistat. 3. Denique in Benedictione cerei Paschalis eadem Ecclesia precatur omnibus specialem Dei protectionem, & temporum quietem, victoriam contra inimicos, & perpetuam pacem, nominatim autem orat pro summo Pontifice, pro Imperatore &c.*

H

XIV.

## XIV.

## BENEDICTIO DOMORUM

IN SABBATHO SANCTO PASCHÆ.

*Sacerdos, superpelliceo & Stola alba indutus, & cum Ministro deferente vas aquæ ex Benedictione fontium ante perfusionem Chrismatis acceptæ, visitat domos suæ Parochiæ, aspergens eas eadem aqua benedicta.*

*Ingrediens domum, dicit: Pax huic domui, & omnibus habitantibus in ea.*

*Deinde aspergens loca præcipua domus, & eos, qui habitant in ea, dicit Antiphonam:*

*Vidi aquam egredientem de templo a latere dextro, Alleluja: & omnes, ad quos pervenit aqua ista, salvi facti sunt, Alleluja, Alleluja. Psalmus. Confitemini Domino &c. Ex Breviario Romano horæ imæ in Dominica: Gloria Patri, & Filio, & Spiritui sancto, sicut erat &c. Repetitur Antiphona: Vidi aquam &c. dein dicit:*

*℣. Ostende nobis Domine misericordiam tuam, Alleluja.*

*℞. Et salutare tuum da nobis, Alleluja.*

*℣. Domine exaudi orationem meam. ℞. Et clamor meus ad te veniat.*

*℣. Dominus vobiscum. ℞. Et cum Spiritu tuo.*

Ore-

Oremus.

**E**xaudi nos, Domine sancte, Pater omnipotens, æterne Deus, & sicut domus Hebræorum in exitu de Ægypto agni sanguine linitas, quod Pascha nostrum, in quo immolatus est Christus, figurabat, ab Angelo percutiente custodisti, ita mittere digneris sanctum Angelum tuum de cœlis, qui custodiat, foveat, protegat, visitet, atque defendat omnes habitantes in hoc habitaculo. Per eundem Christum Dominum nostrum. R. Amen.

XV.

BENEDICTIO ESCULENTORUM

IN DOMINICA PASCHATIS.



*BENEDICTIO AGNI PASCHALIS,  
SEU CARNIS IN PASCHATE.*

℣. Adjutorium nostrum in nomine Domini.  
R. Qui fecit cœlum & terram.  
℣. Domine exaudi &c. R. Et clamor &c.  
℣. Dominus vobiscum. R. Et cum Spiritu tuo.

Oremus.

**D**eus, qui per famulum tuum Moysem in liberatione populi tui de Ægypto agnum  
H 2 occidi

occidi jussisti in similitudinem Domini nostri Jesu Christi, & utrosque postes domorum de sanguine hujus Agni perungi præcepisti: ita beneddicere, & sanctificare digneris hanc creaturam carnis, quam nos famuli tui ad laudem tuam sumere desideramus, per resurrectionem Domini nostri Jesu Christi, qui tecum vivit, & regnat in sæcula sæculorum. R. Amen.

*Aspergatur, nisi aliæ Benedictiones simul dicantur.*

### *ALIA BENEDICTIO CARNIUM.*

Ps. Adjutorium nostrum &c. R. Qui fecit &c.

Ps. Domine exaudi &c. R. Et clamor &c.

Ps. Dominus vobiscum. R. Et cum Spiritu tuo.

### *Oremus.*

**D**omine Jesu Christe, Fili Dei vivi, qui es verus immaculatus Agnus, quique immaculatus in Ara Crucis oblati, peccata mundi delesti, & nos in tuum ovile reportasti: has carnes, quas ad usus hominum creasti, beneddicere, & sanctificare digneris, ut omnes ex eis fumentes tua Benedictione repleti, corporis & animæ sanitatem, te annuente, semper accepisse lætentur, Salvator mundi. Qui vivis & regnas in sæcula sæculorum. R. Amen.

*Ore-*

## Oremus.

**D**eus universæ Creator carnis, qui Noë & filiis ejus, de mundis tantum animalibus sumere, & agnum Paschalem olim in figuram Jesu Christi, qui verus est Agnus, manducare præcepisti; dignare, quæsumus, Domine Deus, has carnes ovium, (vel hædorum, vel agnorum, vel boum, vel avium &c.) beneddicere, & sanctificare, ut quicumque de tuis fidelibus ex eis comederint, omni Benedictione cœlesti, & tua perenni gratia repleti satientur. Per eundem Dominum nostrum &c.

*Aspergantur, ut supra dictum est post Benedictionem agni Paschalis.*

**BENEDICTIO OVORUM  
IN PASCHATE.**

℣. Adjutorium nostrum &c.   ℟. Qui fecit &c.

℣. Domine exaudi &c.   ℟. Et clamor &c.

℣. Dominus vobiscum.   ℟. Et cum Spiritu tuo.

## Oremus.

**S**ubveniat, quæsumus, Domine, tuæ benedictionis gratia huic ovorum creaturæ, de qua pullos gallinarum procreare dignatus

es, ut cibus salubris fiat tuis fidelibus in tuarum gratiarum actione fumentibus. Per Christum Dominum nostrum &c.

*Aspergantur, ut supra dictum est.*

*BENEDICTIO AD QUODCUNQUE  
COMESTIBILE.*

℣. Adjutorium nostrum &c. ℞. Qui fecit &c.

℣. Domine exaudi &c. ℞. Et clamor &c.

℣. Dominus vobiscum. ℞. Et cum Spiritu tuo.

*Oremus.*

**B**enedic, Domine, creaturam istam N. ut sit remedium salutare generi humano: & præsta per invocationem sancti Nominis tui, ut quicumque ex ea sumpserint, corporis sanitatem, & animæ tutelam accipiant. Per Dominum nostrum Jesum Christum &c.

*Aspergantur omnia simul; si porro plura esculenta benedicantur, ℣℣. Adjutorium &c. tantum semel in principio dicuntur.*

✠



XVI.

BENEDICTIO EQUORUM

(BOVM, OVIVM, AUT ALIORVM ANIMALIVM)  
GREGATIM COLLECTORVM IN FESTO S. GEORGII  
MARTYRIS, AUT ALTERIVS SANCTI,  
UBI CONSUEITUDO VIGET.

℣. Adjutorium nostrum &c.   ℟. Qui fecit &c.

℣. Domine exaudi &c.   ℟. Et clamor &c.

℣. Dominus vobiscum.   ℟. Et cum Spiritu tuo.

Oremus.

Misericordiam tuam, supplices exoramus, Domine Deus noster, ut interveniente pro nobis S. Georgio (vel sancto N.) hos equos, (& alia animalia) in Nomine tuo Benedictionis † tuæ virtute ab omni diabolica fraude, & potestate, & a quocunque morbo conservare digneris; tu eis, Domine, sis defensio, & subsidium vitæ, & remedium sanitatis: & multiplica ea tuæ misericordiæ benignitate, ut honorificetur Nomen sanctum tuum in sæcula.   ℟. Amen.

Oremus.

Exaudi nos, sancte Pater, omnipotens æterne Deus, ut, sicut domus Hebræorum in exitu de Ægypto Agni sanguine conspersas

fas ab Angelo percutiente custodisti: ita meritis & intercessione ejusdem S. Georgii (vel sancti N.) mittere digneris sanctum Angelum de coelis, qui custodiat, protegat, atque defendat hos equos (vel alia animalia) ab infirmitate, a raptoribus, ab animalibus nocivis, a scabie, a variis morbis, & moribus, ab improvvisis periculis, a diabolo, & ministris ejus, ab insidiis inimicorum visibilium, & invisibilium omnium, nec non a maleficiis, & veneficiis quocunque modo factis, vel procuratis, ut laudetur, & magnificetur Nomen sanctum tuum, & gloriosum. Per Dominum nostrum Jesum Christum Filium tuum, qui tecum vivit, & regnat in unitate Spiritus sancti Deus, per omnia sæcula sæculorum. R. Amen.

Benedictio Dei omnipotentis Patris †, & Filii †, & Spiritus † sancti, descendat super hos equos, & maneat semper. R. Amen.

*Aspergantur aqua benedicta.*

## XVII.

### BENEDICTIO TEMPESTATIS

TEMPORE VERNALI, ET ÆSTIVALI POST MISSAM.

*Sacerdos dicto Evangelio sancti Joannis: In principio erat Verbum &c. stans in medio Altaris dicit:*

✠.

Ÿ. A fulgure, grandine, & tempestate.

R. Libera nos Domine JESU Chrifte.

Ÿ. Ostende nobis Domine misericordiam tuam.

R. Et salutare tuum da nobis.

Ÿ. Domine exaudi Orationem meam.

R. Et clamor meus ad te veniat.

Ÿ. Dominus vobiscum.

R. Et cum Spiritu tuo.

### Oremus.

**Q**uæsumus omnipotens Deus, ut intercessionem sanctæ Dei Genitricis Mariæ, sanctorum Angelorum, Patriarcharum, Prophetarum, Apostolorum, Martyrum, Confessorum, Virginum, Viduarum, & omnium Sanctorum tuorum continuum nobis præstes subsidium: tranquillam auram permittas, atque contra fulgura, & tempestates desuper nobis indignis tuam salutem effundas de coelis, & generi humano semper æmulas, dextera potentiae tuæ aëreas conteras potestates. Per eundem Dominum nostrum JESUM Christum Filium tuum, qui tecum vivit, & regnat in unitate Spiritus sancti Deus per omnia sæcula sæculorum. R. Amen.

### Oremus.

**D**eus, qui omnium rerum tibi servientium naturam, per ipsos motus aëris ad cultum

tum tuæ Majestatis instituis , tranquillitatem nobis tuæ misericordiæ , remotis aëris terroribus permanere permittas , ut , cujus iram expavemus , clementiam sentiamus. Per Dominum nostrum JESUM Christum Filium tuum , qui tecum vivit , & regnat &c. R. Amen.

*Postea accipit Crucem Benedictionis eo fine in Altari extra tabernaculum paratam , & utraque manu tenens dicit :*

℣. Sit nomen Domini benedictum.

R. Ex hoc nunc , & usque in sæculum.

℣. Adjutorium nostrum in nomine Domini.

R. Qui fecit cœlum , & terram.

*Tum vertens se ad populum , & faciens unam tantum Crucem (nisi sit Prælati infulatus , qui tres format Cruces) dicit :*

Benedictio Dei omnipotentis , Patris † , & Filii , & Spiritus sancti , descendat super vos (locum istum) & fructus terræ , & maneat semper. R. Amen.

*Si aliquo die sub Missa Sanctissimum vel in Monstrantia , vel in Ciborio expositum fuerit , hæc Benedictio cum iis dabitur , ut supra , similiter formando unam Crucem.*

*Si autem Missa de Requiem in paramentis nigris celebretur eo die , quo Benedictio tempestatæ est facienda , Sacerdos finita Missa vel ad ipsum*  
Alta-

*Altare, vel in Sacristia illis depositis sumit Stolam albam, sicut fieri oportet, quando immediate post Missam pro defunctis sacra Communio administrari debet.*

*Si denique sanctissimum Sacramentum in Monstrantia sit expositum, dictis Orationibus ante infimum gradum Altaris more solito imponitur incensum sine Benedictione, & dictum Sanctissimum incensatur.*

## XVIII.

## BENEDICTIO TEMPESTATIS

EODEM TEMPORE VERNALI, ET ÆSTIVALI  
EXTRA MISSAM.

*Sacerdos vel in Ecclesia ante Altare majus superperpelliceo, & Stola, vel domi, sola Stola violacea indutus, & genuflexus cum firma fiducia in Deum dicit Litanias majores, ut in fine hujus Benedictionalis, in quibus bis dicitur: A fulgure, & tempestate.*

*In fine Litaniarum dicitur: Pater noster &c.*

℣. Et ne nos inducas in tentationem.

℞. Sed libera nos a malo.

*Psalmus 147.*

**L**auda Jerusalem Dominum, \* lauda Deum tuum Sion.

Quoniam confortavit seras portarum tuarum: \* benedixit filiis tuis in te.

Qui posuit fines tuos pacem: \* & adipe frumenti satiat te.

Qui emittit eloquium suum terræ: \* velociter currit sermo ejus.

Qui dat nivem sicut lanam, \* nebulam sicut cinerem spargit.

Mittit crystallum suam, sicut buccellas: \* ante faciem frigoris ejus quis sustinebit.

Emittet verbum suum, & liquefaciet ea: \* flabit Spiritus ejus, & fluent aquæ.

Qui annuntiat verbum suum Jacob: \* justitias, & judicia sua Israel.

Non fecit taliter omni nationi: \* judicia sua non manifestavit eis.

Gloria Patri, & Filio &c. Sicut erat in principio &c.

*Deinde Sacerdos stans versus tempestatem dicit:*

℣. Adjutorium nostrum in nomine Domini.

℣. Qui fecit cælum & terram.

℣. Ostende nobis Domine misericordiam tuam.

℞. Et salutare tuum da nobis.

℣. Adjuva nos Deus salutaris noster.

℞. Et propter gloriam Nominis tui Domine libera nos.

℣. Nihil proficiat inimicus in nobis,

℞. Et filius iniquitatis non apponat nocere nobis.

℣.

Ÿ. Fiat misericordia tua Domine super nos.

R. Quemadmodum speravimus in te.

Ÿ. Salvum fac populum tuum Domine.

R. Et benedic hæreditati tuæ.

Ÿ. Non privabis bonis eos , qui ambulant in innocentia.

R. Domine Deus virtutum , beatus homo, qui sperat in te.

Ÿ. Domine exaudi orationem meam.

R. Et clamor meus ad te veniat.

Ÿ. Dominus vobiscum.

R. Et cum Spiritu tuo.

### Oremus.

**D**eus , qui culpa offenderis , pœnitentia placaris : preces populi tui supplicantis propitius respice : & flagella iracundiæ tuæ , quæ pro peccatis nostris meremur , averte.

A Domo tua , quæsumus Domine , spirituales nequitia repellantur , & aërearum discedat malignitas tempestatum.

Omnipotens sempiterne Deus , parce metuentibus , propitiare supplicibus : ut post sopitos nubium impetus in materiam laudis transeat comminatio tempestatis.

Domine JEsu Christe , qui imperasti ventis & mari , & facta fuit tranquillitas magna : exaudi preces familiæ tuæ , & præsta : ut hoc signum sanctæ Crucis † omnis discedat sævitia tempestatum.

Omnipotens & misericors Deus, qui nos & castigando sanas, & ignoscendo conservas: præsta supplicibus tuis; ut & tranquillitibus optatæ consolationis lætemur, & dono tuæ pietatis semper utamur. Per Dominum nostrum JESUM Christum Filium tuum &c.

*Postea Sacerdos manu formans Crucem versus tempestatem dicit:*

Benedictio Dei omnipotentis Patris †, & Filii, & Spiritus sancti, descendat super has nubes, & omnem vim inimici ab eis repellat. R. Amen.

*Denique locus versus nubes aspergatur aqua benedicta per modum Crucis.*

*Si tempestas longius duret, possunt subjungi Litanie de SS. Nomine JESU, vel Lauretanæ B. V. M. potest etiam dici Oratio Sancti, vel Sanctæ, vel Sanctorum propriæ Ecclesiæ.*

*Si porro tempestas aliquando sit periculorior, & rationabiliter timeatur, ne forte opera dæmonum fuerit concitata, poterit etiam sub tali conditione saltem tacita dici sequens*

## EXORCISMUS

*contra imminentem Tempestatem fulgurum & grandinis.*

Per signum † Crucis de inimicis nostris libera nos † Deus noster. In nomine Patris †,

&



& Filii †, & Spiritus † sancti, Amen. Pa-  
ter, Ave, & Credo.

Kyrie eleison, Christe eleison, Kyrie elei-  
son.

℣. Adjutorium nostrum in nomine Domini.

℞. Qui fecit cœlum & terram.

℣. Sit Nomen Domini benedictum.

℞. Ex hoc nunc, & usque in sæculum.

℣. Exurgat Deus, & dissipentur inimici  
ejus.

℞. Et fugiant, qui oderunt eum, a facie  
ejus.

℣. Exurge Christe, adjuva nos.

℞. Et libera nos propter Nomen tuum.

℣. Domine exaudi orationem meam.

℞. Et clamor meus ad te veniat.

℣. Dominus vobiscum.

℞. Et cum Spiritu tuo.

### Oremus.

Domine JESU Christe, qui fecisti cœlum &  
terram, & omnia, quæ in eis sunt, qui-  
que flumini Jordani benedixisti, atque in eo  
baptizari voluisti, & tuas sanctissimas manus  
& brachia sanctissima in Cruce extendisti,  
quibus aërem sanctificasti. Obsecramus im-  
mensam pietatis, & bonitatis abundantiam,  
ut hinc has nubes, quas ante me, & post  
me, & supra me a dextris, & a sinistris vi-  
deo

deo aërem perturbare, dissolvere, & annihilare digneris, ut alligata potestas dæmonum impie desævientium deficiat, & turbetur ad laudem tui sanctissimi Nominis, & potentissimæ Majestatis tuæ. Qui vivis & regnas &c.

*Postea conversus ad nubes signet eas signo Crucis, dicens :*

Benedicat te nubes Deus † Pater, benedicat te Deus † Filius, benedicat te Deus † Spiritus sanctus. Dividat te Deus † Pater, dividat te Deus † Filius, dividat te Deus † Spiritus sanctus. Destruat te Deus † Pater, destruat te Deus † Filius, destruat te Deus † Spiritus sanctus.

### OBSECRATIO.

Sanctus Matthæus, sanctus Marcus, sanctus Lucas, sanctus Joannes Evangelista, qui Christi Evangelium per quatuor mundi partes divulgaverunt, suis meritis, & precibus hanc tempestatem a termino isto, & ab omnibus Christianorum finibus ab eodem Domino nostro Jesu Christo removeri obtineant, & depelli.

### EXORCISMUS.

Et ego peccator, & Christi Sacerdos, seu Minister, licet indignus auctoritate & virtute ejusdem Dei & Domini nostri Jesu Christi  
summi

summi Imperatoris, non meæ potentiæ innixus, & confusus vobis præcipio immundissimi Spiritus, qui has nubes, seu nebulas concitatis, in virtute ejusdem Domini nostri JESU Christi † per sanctissimam ejusdem Incarnationem, per sanctam Nativitatem, per Baptismum, & jejunium ipsius, per ejusdem sacratissimam Cru†cem, & Passionem, per sanctam Resurrectionem, per admirabilem Ascensionem, per tremendum Adventum ejus ad judicium, per merita intemeratæ semperque Virginis Mariæ, & Sancti N. per merita omnium Sanctorum, ut exeatis ab eis, quatenus nocere non possint hominibus, animalibus, fructibus, herbis, arboribus, agris (vineis) aut quibuscunque rebus, humanis usibus deputatis, per Dominum nostrum JESUM Christum, qui venturus est judicare vivos, & mortuos, & sæculum per ignem, Amen.

Ipse vobis imperat dæmones, qui has nubes commovetis, a quo de nube lucida dictum est, hic est Filius meus dilectus, in quo mihi bene complacui †, ipse vobis imperat, qui sua sacratissima Corporis sui sanctissimi in ea extensione aërem purgavit †, ipse vobis imperat, qui per mortem suam vos, principem vestrum, mortemque devicit, & ligavit, atque æternæ gehennæ mancipavit incendiis †, ipse vobis imperat, qui inferno spoliato surrexit a mortuis. † Ipse vobis imperat, qui

K

post

post quadraginta dies nube susceptus virtute sua ascendit in cœlum †, ipse vobis imperat, qui venturus est judicare vivos, & mortuos, & sæculum per ignem. R. Amen.

*Denique aquam benedictam in modum Crucis aspergat.*

*EXORCISMUS BREVIOR  
contra imminentem Tempestatem.*

Ego, qua Minister Christi, & Ecclesiæ, potestate, a Deo, & ab Ecclesia recepta, in virtute SS. Trinitatis, & in nomine Domini nostri JESU Christi impero tibi dæmon, imo omnibus vobis dæmonibus, qui forte hanc tempestatem excitatis, ut illico una cum omnibus maleficiis ab aëre fugiatis, & recedatis, neque ullam habeatis potestatem has nubes commovendi, vel grandines excitandi: fugite ergo partes adversæ, dæmones infernales; sic enim vobis impero in nomine Patris †, & Filii †, & Spiritus † sancti. R. Amen.

*Si tempestas cessaverit pro gratiarum actione dicatur Te Deum laudamus &c. ut in Bre- viario.*

℣. Benedicamus Patrem, & Filium cum sancto Spiritu.

R. Laudemus, & superexaltemus eum in sæcula.

Ore-

## Oremus.

**D**eus, cujus misericordiæ non est numerus, & bonitatis infinitus est thesaurus: piissimæ Majestati tuæ pro collatis donis gratias agimus, tuam semper clementiam exorantes, ut qui petentibus postulata concedis, eosdem non deferens, ad præmia futura disponas, per Dominum nostrum Jesum Christum Filium tuum, qui tecum vivit, & regnat &c. R. Amen.

*Contra tempestates etiam valent aqua benedicta, Agnus Dei, Carbones Sabbati sancti Paschæ, Palmæ, & Candelæ in festo Purificationis, vel alias infra annum benedictæ, & accensæ.*

## XIX.

## BENEDICTIO AGRORUM, VINEARUM

&c. TEMPORE VERNALI, ET ÆSTIVALI IN FESTO ASCENSIONIS, ET ALIIS TEMPORIBUS PRO LOCORUM CONSUETUDINE.

**P**ro hac Benedictione ordinatur Processio more & consueto, & in illa quatuor haberi solent stationes, in quibus cantantur initia Evangeliorum cum Versiculis, & Orationibus, ut sequitur.

## IN PRIMA STATIONE

*Sacerdos stans absolute incipit cantare:*

✠. Dominus vobiscum. R. Et cum Spiritu tuo.

K 2

✠.

℣. Initium sancti Evangelii secundum Matthæum. (*signat Librum, & se, ut alias*) R. Gloria tibi Domine. Liber Generationis &c. *ut in fine primæ Partis hujus Benedictionalis.*

*In fine osculatur Librum, dicens : Per Evangelica dicta deleantur nostra delicta, Amen.*

*Quibus absolutis subjungit :*

℣. Ut fructus terræ dare, & conservare digneris.

R. Te rogamus audi nos.

℣. Ostende nobis Domine misericordiam tuam.

R. Et salutare tuum da nobis.

℣. Domine exaudi Orationem meam.

R. Et clamor meus ad te veniat.

℣. Dominus vobiscum.

R. Et cum Spiritu tuo.

O r e m u s.

Clementiam tuam, omnipotens Deus, suppliciter deprecamur, ut benedicere, visitare, & irrigare digneris fruges, & fines servorum tuorum, noxias tempestates amoveas, inundationem coerceas imbrium, spirituales repellas nequitias, aërem salubrem indulgeas, & ab omni nos inimicorum infestatione in pace defendas, quos corpore, & sanguine Filii tui a morte perpetua redemisti. Qui tecum  
vivit,

vivit, & regnat in unitate Spiritus sancti Deus,  
per omnia sæcula sæculorum. R. Amen.

*Finita Oratione accipit Crucem Benedictionis,  
& utraque manu tenens pergit cantando:*

Ÿ. Sit Nomen Domini benedictum.

R. Ex hoc nunc, & usque in sæculum.

Ÿ. Adjutorium nostrum in nomine Domini.

R. Qui fecit cælum & terram.

*Tum formans Crucem versus populum, &  
agros, vel vineas dicit:*

Benedictio Dei omnipotentis, Patris †, &  
Filii, & Spiritus sancti, descendat super vos,  
& fructus terræ, & maneat semper.

*Denique agri, vel vineæ, ubi moris est, ter  
in modum Crucis asperguntur aqua benedicta.*

## IN SECUNDA STATIONE

*iterum cantare incipit:*

Ÿ. Dominus vobiscum. R. Et cum Spiritu tuo.

Ÿ. Initium sancti Evangelii secundum Marcum (*signat Librum & se*). R. Gloria tibi Domine.

*In fine osculatur Librum, dicens: Per Evangelica dicta &c.*

Ÿ. Dominus dabit benignitatem.

R. Et terra nostra dabit fructum suum.

Ÿ. Ostende nobis Domine misericordiam tuam.

- R. Et salutare tuum da nobis.  
 V. Domine exaudi Orationem meam.  
 R. Et clamor meus ad te veniat.  
 V. Dominus vobiscum.  
 R. Et cum Spiritu tuo.

## Oremus.

Quæsumus omnipotens Deus, ut, misericordia tua annuente, concedas nobis messium copiam, fructuum largitatem (vinearum quoque substantiam) arborum foetus, rerumque omnium sufficientiam, & ab his omnibus malignum tempestatis sydus, vim procellarum, frigora nocentia, & grandines amovere digneris. Per Dominum nostrum JESUM Christum &c. R. Amen.

V. Sit Nomen Domini benedictum. *Cum reliquis, ut supra. pag. 77. usque ad Benedictionem, & asperersionem aquæ benedictæ inclusive.*

## IN TERTIA STATIONE.

- V. Dominus vobiscum &c.  
 V. Initium sancti Evangelii secundum Lucam (*signat Librum, & se*). R. Gloria tibi Domine. Fuit in diebus Herodis &c.  
 V. A fulgure, grandine, & tempestate.  
 R. Libera nos Domine JESU Christe.  
 V. Ostende nobis Domine misericordiam tuam.

R.



- R. Et salutare tuum da nobis.  
 V. Domine exaudi Orationem meam.  
 R. Et clamor meus ad te veniat.  
 V. Dominus vobiscum.  
 R. Et cum Spiritu tuo.

Oremus.

Quæsumus omnipotens Deus, ut intercessionem sanctæ Dei Genitricis Mariæ, sanctorum Angelorum, Patriarcharum, Prophetarum, Apostolorum, Martyrum, Confessorum, Virginum, Viduarum, & omnium Sanctorum tuorum continuum nobis præstes subsidium: tranquillam auram permittas, atque contra fulgura, & tempestates desuper nobis indignis tuam salutem effundas de coelis, & generi humano semper æmulas dextera potentiae tuæ aëreas conteras potestates. Per eundem Dominum nostrum IESUM Christum Filium tuum, qui tecum vivit & regnat &c.  
 R. Amen.

V. Sit Nomen Domini benedictum. *Cum reliquis ut supra pag. 77. usque ad Benedictionem, & asperfusionem aquæ benedictæ inclusive.*

IN QUARTA, seu ULTIMA STATIONE.

V. Dominus vobiscum. R. Et cum Spiritu tuo.

V. Initium sancti Evangelii secundum Joannem

annem (*signat Librum, & se*). R. Gloria tibi Domine. In principio erat Verbum &c.

Ÿ. Domine non secundum peccata nostra facias nobis.

R. Neque secundum iniquitates nostras retribuas nobis.

Ÿ. Ostende nobis Domine misericordiam tuam.

R. Et salutare tuum da nobis.

Ÿ. Domine exaudi Orationem meam.

R. Et clamor meus ad te veniat.

Ÿ. Dominus vobiscum.

R. Et cum Spiritu tuo.

### Oremus.

**D**eus, qui omnium rerum tibi servientium naturam, per ipsos motus aëris ad cultum tuæ Majestatis instituis, tranquillitatem nobis tuæ misericordiæ, remotis aëris terroribus permanere permittas, ut, cujus iram expavemus, clementiam sentiamus. Per Dominum nostrum Jesum Christum Filium tuum, qui tecum vivit, & regnat &c. R. Amen.

Ÿ. Sit Nomen Domini benedictum. *Cum reliquis, ut supra pag. 77. usque ad Benedictionem, & asperersionem aquæ benedictæ inclusi.*

**NOTANDUM.** *Post singulas stationes continuantur preces consuetæ, videlicet Rosaria, Litanicæ &c. quibus omnibus finitis redditur ad Ecclesiam more solito.*

XX.

BENEDICTIO QUADRUPLEX

IN PROCESSIONE FESTI SS. CORPORIS CHRISTI

POST EVANGELIUM PRIMUM

*Sacerdos stans in medio Altaris cantat, ut  
sequitur :*

℣. Salvum fac populum tuum Domine.

℟. Et benedic hæreditati tuæ.

℣. Ostende nobis Domine misericordiam  
tuam.

℟. Et salutare tuum da nobis.

℣. Domine exaudi Orationem meam.

℟. Et clamor meus ad te veniat.

℣. Dominus vobiscum.

℟. Et cum Spiritu tuo.

Oremus.

**D**eus, in te sperantium fortitudo; adesto propitius invocationibus nostris: & quia sine te nihil potest mortalis infirmitas, præsta auxilium gratiæ tuæ, ut in exequendis mandatis tuis, & voluntate tibi, & actione placeamus. Per Dominum nostrum **JESUM** Christum Filium tuum, qui tecum vivit, & regnat in unitate Spiritus sancti Deus, per omnia sæcula sæculorum. ℟. Amen.

L

Ore-

## Oremus.

**D**a, quæsumus Domine, populo tuo salutem mentis, & corporis: ut bonis operibus inhærendo, tua semper mereatur protectione defendi. Per Dominum nostrum JESUM Christum Filium tuum &c. R. Amen.

*Finitis Orationibus Sacerdos cum debitis reverentiis descendit ad pedem Altaris, ibidem stans imponit incensum sine Benedictione, & genuflexus Sacramentum thurificat.*

*Postea assumpto velo oblongo iterum ascendit ad medium Altaris, accipit Monstrantiam, & tenens illam ante se canit sequentes Versus.*

V. Sit Nomen Domini benedictum.

R. Ex hoc nunc, & usque in sæculum.

V. Adjutorium nostrum in nomine Domini.

R. Qui fecit cælum, & terram.

*Deinde vertit se cum Venerabili versus populum, & producit cum Monstrantia unam tantum Crucem, nisi sit Prælatus insignibus Pontificalibus utens, qui tres facit Cruces, dicens:*

Benedictio Dei omnipotentis Patris †, & Filii, & Spiritus sancti, descendat super vos, locum istum, & fructus terræ, & maneat semper. R. Amen.

POST

POST EVANGELIUM SECUNDUM

*Sacerdos iterum cantat, ut sequitur:*

℣. A peste, fame, & bello.

℞. Libera nos Domine JESU Christe.

℣. Ostende nobis Domine misericordiam tuam.

℞. Et salutare tuum da nobis.

℣. Domine exaudi Orationem meam.

℞. Et clamor meus ad te veniat.

℣. Dominus vobiscum.

℞. Et cum Spiritu tuo.

Oremus.

**I**neffabilem nobis, Domine, misericordiam tuam clementer ostende: ut simul nos & a peccatis omnibus exuas, & a pœnis, quas pro his meremur, eripias. Per Dominum nostrum JESUM Christum Filium tuum &c. ℞. Amen.

Oremus.

**F**amiliam tuam, quæsumus Domine, continua pietate custodi: ut a cunctis adversitatibus, te protegente, sit libera, & in bonis actibus tuo Nomini sit devota. Per Dominum nostrum JESUM Christum Filium tuum &c. ℞. Amen.

*Finitis Orationibus fiunt reliqua omnia, ut supra ad primum Evangelium pag. 82.*

L 2

POST

*POST EVANGELIUM TERTIUM**Sacerdos similiter cantat, ut sequitur:*

V. Fiat pax in virtute tua.

R. Et abundantia in turribus tuis.

V. Ostende nobis Domine misericordiam tuam.

R. Et salutare tuum da nobis.

V. Domine exaudi Orationem meam.

R. Et clamor meus ad te veniat.

V. Dominus vobiscum.

R. Et cum Spiritu tuo.

*Oremus.*

**O**mnipotens sempiterne Deus, qui cœlestia simul, & terrena moderaris; supplicationes populi tui clementer exaudi, & pacem tuam nostris concede temporibus. Per Dominum nostrum IESUM Christum Filium tuum &c. R. Amen.

*Oremus.*

**H**ostium nostrorum, quæsumus Domine, elide superbiam, & eorum contumaciam dexteræ tuæ virtute prosterne. Per Dominum nostrum IESUM Christum Filium tuum &c. R. Amen.

*Dictis Orationibus fiunt reliqua omnia, ut supra ad primum Evangelium pag. 82.*

*POST*

POST EVANGELIUM QUARTUM

*Sacerdos iterum cantat, ut sequitur :*

℣. A fulgure, grandine, & tempestate.

℞. Libera nos Domine JESU Christe.

℣. Ostende nobis Domine misericordiam tuam.

℞. Et salutare tuum da nobis.

℣. Domine exaudi Orationem meam.

℞. Et clamor meus ad te veniat.

℣. Dominus vobiscum.

℞. Et cum Spiritu tuo.

Oremus.

Quæsumus, omnipotens Deus, ut intercessionem sanctæ Dei Genitricis Mariæ, sanctorum Angelorum, Patriarcharum, Prophetarum, Apostolorum, Martyrum, Confessorum, Virginum, Viduarum, & omnium Sanctorum tuorum continuum nobis præstes subsidium: tranquillam auram permittas, atque contra fulgura, & tempestates desuper nobis indignis tuam salutem effundas de cœlis, & generi humano semper æmulas dextera potentiae tuæ aëreas conteras potestates. Per eundem Dominum nostrum JESUM Christum Filium tuum &c. ℞. Amen.

Oremus.

Deus, qui omnium rerum tibi servientium naturam, per ipsos motus aëris ad cultum

tum tuæ Majestatis instituis, tranquillitatem nobis tuæ misericordiæ, remotis aëris terroribus, permanere permittas, ut, cujus iram expavemus, clementiam sentiamus. Per Dominum nostrum JESUM Christum Filium tuum &c. R. Amen.

*His Orationibus finitis fiunt & reliqua omnia, ut supra ad primum Evangelium pag. 82.*

*Peracta Processione, & sanctissimo Sacramento super Altare deposito, eoque incensato, Sacerdos præmisso V. Panem de coelo præstitisti eis, Alleluja. Cum R. Omne delectamentum in se habentem, Alleluja. Stans dicit:*

### Oremus.

**D**eus, qui nobis sub Sacramento mirabili Passionis tuæ memoriam reliquisti: tribue, quæsumus, ita nos Corporis, & Sanguinis tui sacra Mysteria venerari, ut redemptionis tuæ fructum in nobis jugiter sentiamus. Qui vivis, & regnas per omnia sæcula sæculorum. R. Amen.

*Postea imposito incenso; iterumque incensato sanctissimo Sacramento canitur a Sacerdote Versus Genitori &c. & datur cum Venerabili Benedictio, factaque incensatione illud reverenter reponitur.*



## XXI.

## BENEDICTIO HERBARUM

IN FESTO ASSUMPTIONIS B. V. Mariæ.

*Benedicuntur hac die herbæ salutiferæ in memoriam gloriosi triumphî, quem B. V. Maria in cælum assumpta de mundo, carne, & dæmone reportavit. 2. Ut, qui herbas sunt portaturi, vel ex eis aliquid gustaverint, sanitatem mentis & corporis consequantur. 3. Ut non solum hominibus sed & pecoribus prosint, præsertim si sint maleficiata; admoneatur autem populus, ut his non utatur ad cremandum seu fumigandum.*

*℣. Adjutorium nostrum &c. R. Qui fecit &c.*

*℣. Domine exaudi &c. R. Et clamor &c.*

*℣. Dominus vobiscum. R. Et cum Spiritu tuo.*

## Oremus.

**D**omine sancte, Pater omnipotens, qui ab initio fecisti hominem ad imaginem tuam, & condidisti cælum & terram, solem & lunam, stellas, & omnia cœlestia, & terrestria; qui dominaris potestati maris: qui habes potestatem abyssi magnæ: qui condidisti omnia elementa: Tu benedicere, & sanctificare digneris has creaturas herbarum, sicut benedixisti quinque panes in deserto, & duos pisces, & satiasse quinque millia hominum: omnesque

nesque qui utentur ex eis : beneddicere, & sanctificare dignare, ut in eis sit sanitas animæ, & corporis in nomine Patris, & Filii, & Spiritus sancti: & ab omnibus hominibus, pecoribusque, qui ex his gustaverint, omnem putredinem, & omne phantasma diaboli, & omnem morbum, ac dolorem expellere digneris, qui in Trinitate perfecta vivis, & regnas Deus, per omnia sæcula sæculorum. R. Amen.

### Oremus.

Omnipotens sempiterne Deus, suppliciter & obnixis precibus tuam deprecamur clementiam, qui mirabiliter ex nihilo cuncta creasti, quique terram diversa proferre germina præcepisti, & varia medicamentorum genera, ad sananda generis humani corpora, herbis indidisti : beneddicere, & sanctificare has diversi generis herbas tua pietate digneris; ut, quicumque ex eis in hac Solemnitate Beatissimæ semper Virginis Mariæ, Dei Genitricis, sumpturi sunt, tam animæ, quam corporis desiderabilem percipiant sanitatem, & eadem intercedente, sic earum usu jucundentur salubriter, quatenus in tuorum odore unguentorum paradisi januas adire mereantur : præstante Domino nostro Jesu Christo, qui tecum vivit, & regnat Deus, per omnia sæcula sæculorum. R. Amen.

Ore-

## Oremus.

**D**eus, qui in universis herbarum generibus humanis necessitatibus præstitisti remedia, hanc herbarum collectionem tuæ miserationis benedictæ dextera; ut, quiscunque languore depressus ex eis aliquid gustaverit, Ecclesiæ tuæ sanctæ repræsentatus, optatæ munus salutis te donante percipiat. Per Dominum nostrum &c. R. Amen.

*Resp.* Vidi speciosam, sicut columbam, ascendentem desuper rivos aquarum; cujus inæstimabilis odor erat nimis in vestimentis ejus. Et sicut dies verni circumdabant eam flores rosarum, & lilia convallium. V. Quæ est ista, quæ ascendit per desertum, sicut virgula fumi, ex aromatibus myrrhæ & thuris. Et sicut dies verni? &c. *deinde Sacerdos canit:*

V. Ora pro nobis sancta Dei Genitrix. R. Ut digni efficiamur promissionibus Christi.

V. Dominus vobiscum. R. Et cum Spiritu tuo.

## Oremus.

**V**eneranda nobis, Domine, hujus diei Festivitas opem conferat sempiternam, in qua sancta Dei Genitrix mortem subiit temporalem, nec tamen mortis nexibus deprimi potuit; quæ Filium tuum Dominum nostrum;

M

de

de se genuit incarnatum : qui tecum vivit, & regnat in unitate Spiritus sancti Deus, per omnia sæcula sæculorum. R. Amen.

*Deinde aspergantur aqua benedicta in modum Crucis, & si benedictio fiat solemniter, thurificentur triplici ductu.*

## XXII.

## BENEDICTIO PANIS

IN FESTO, SEU ALIO DIE

IN HONOREM S. GEBHARDI EPISC. &amp; CONFESSORIS.

ψ. Adjutorium nostrum &c. R. Qui fecit &c.

ψ. Domine exaudi Orationem &c. R. Et clamor meus &c.

## Oremus.

Salvator mundi, Deus æterne, Jesu Christe, qui hodiernum diem beati Gebhardi solemnitati consecrasti, & diversas creaturas ad salutem hominum condidisti, quique ex quinque panibus, & duobus piscibus quinque millia satiasti, ac populum Judaicum in deserto miraculose pavisti, ineffabilem misericordiam tuam suppliciter exoramus, ac petimus, ut hos panes, quos fideliter & devote hodie ad sanctificandum offerimus, tua pietate beneddicere, & sanctificare digneris, ut,  
qui

qui ex eis comederint, vel gustaverint, ab omni gutturis plaga, & totius corporis infirmitate meritis & intercessione ejusdem beati Gebhardi Confessoris tui plenam recipiant sanitatem, & nos servos tuos ab omni corporis, & animæ ægitudine conserves. Qui vivis, & regnas Deus per omnia sæcula sæculorum. R. Amen.

Oremus.

**D**omine JEsu Christe, Fili Dei vivi, qui es panis vivus, qui de cœlo descendisti, benedic, & sanctifica hos panes in honorem beati Gebhardi Confessoris tui huc deportatos: & concede per intercessionem ejusdem Episcopi, & Confessoris tui Gebhardi, ut, ubicunque contra ignem missi vel positi fuerint, illico ignis evanescat, & penitus extingatur. Qui vivis, & regnas cum Deo Patre in unitate Spiritus sancti Deus, per omnia sæcula sæculorum. R. Amen.

Benedictio Dei omnipotentis Patris, & Filii, & Spiritus sancti, per intercessionem beati Gebhardi Episcopi, & Confessoris tui descendat, & maneat super hos panes, & super omnes ex eis gustantes. R. Amen.

Domine sancte, Pater omnipotens, æterne Deus benedicere digneris hos panes tua sancta spiritali Benedictione, ut sint omnibus sumentibus salus mentis & corporis, atque

M 2

contra

contra omnes morbos, & universas inimicorum insidias tutamentum. Per Dominum nostrum JESUM Christum Filium tuum, panem vivum, qui de cœlo descendit, & dat vitam, & salutem mundo, & tecum vivit, & regnat in unitate Spiritus sancti Deus, per omnia sæcula sæculorum. R. Amen.

*Aspergantur aqua benedicta.*



### SECTIO III.

## BENEDICTIONES EXTRAORDINARIÆ PERSONARUM.



### I.

## BENEDICTIO MULIERIS

### POST PARTUM.

*Si qua puerpera post partum juxta Divæ Virginis exemplum, ac piam, & laudabilem consuetudinem ad Ecclesiam veniat pro incolumitate sua Deo gratias actura, petatque a Sacerdote Benedictionem, ipse superpelliceo, & Stola alba indutus cum Ministro aspergillum deferente ad fores Ecclesiæ accedat, ubi illam genuflectentem, vel (ubi commodè fieri nequit) stantem aqua*

*aqua benedicta aspergat, & seipsum signans signo Crucis dicat, respondente Ministro :*

℣. Adjutorium nostrum in nomine Domini.

℞. Qui fecit cœlum, & terram.

*Antiphona.*

Hæc accipiet Benedictionem a Domino.

*Psalmus 23.*

**D**omini est terra, & plenitudo ejus : \* orbis terrarum, & universi, qui habitant in eo.

Quia ipse super maria fundavit eum : \* & super flumina præparavit eum.

Quis ascendet in montem Domini ? \* aut quis stabit in loco sancto ejus ?

Innocens manibus, & mundo corde, \* qui non accepit in vano animam suam, nec juravit in dolo proximo suo :

Hic accipiet benedictionem a Domino, \* & misericordiam a Deo salutare suo.

Hæc est generatio quærentium eum, \* quærentium faciem Dei Jacob.

Attollite portas principes vestras, & elevamini portæ æternales : \* & introibit Rex gloriæ.

Quis est iste Rex gloriæ ? \* Dominus fortis, & potens, Dominus potens in prælio.

Attollite portas principes vestras, & elevamini portæ æternales : \* & introibit Rex gloriæ.

Quis est iste Rex gloriæ? \* Dominus virtutum ipse est Rex gloriæ.

Gloria Patri &c.

*Antiphona.*

Hæc accipiet Benedictionem a Domino, & misericordiam a Deo salutari suo : quia hæc est generatio quærentium Dominum.

*Postea dicitur :*

Kyrie eleison. Christe eleison. Kyrie eleison. Pater noster.

℣. Et ne nos inducas in tentationem. *R.*  
Sed libera nos a malo.

℣. Salvam fac famulam tuam Domine.

*R.* Deus meus sperantem in te.

℣. Esto ei Domine turris fortitudinis. *R.*  
A facie inimici.

℣. Nihil proficiat inimicus in ea. *R.* Et filius iniquitatis non apponat nocere ei.

℣. Domine exaudi Orationem meam. *R.*  
Et clamor meus ad te veniat.

℣. Dominus vobiscum. *R.* Et cum Spiritu tuo.

*Oremus.*

**O**mnipotens sempiterne Deus, Majestatem tuam supplices exoramus, ut, sicut unigenitus Filius tuus, cum nostræ carnis substantia in templo est præsentatus, ita facias hanc famulam tuam purificata tibi mente in  
tem-



templo tuo præsentari. Per eundem Christum Dominum nostrum. R. Amen.

Omnipotens sempiterne Deus, Pater Domini nostri Jesu Christi, qui Unigenitum tuum una cum Matre sua semper Virgine Maria post quadraginta dierum spatium in templo præsentari voluisti, benedicere †, & sanctificare † dignare hanc famulam tuam, post partum suum tibi Domino Deo nostro ad templum hoc purificandi gratia præsentatam, & concede propitius, ut, sicut eam per nostrum officium ad templum istud terrenum introducimus, sic post finem vitæ præsentis regni cælestis mereatur introitum. Per eundem Christum Dominum nostrum. R. Amen.

*Deinde Sacerdos porrigens extremæ Stolæ partem puerperæ deosculandam, & introducendo eam in Ecclesiam dicit :*

Dominus custodiat introitum tuum, & exitum tuum ex hoc nunc, & usque in sæculum. R. Amen.

*Postremo illam aspergat aqua benedicta in modum Crucis, dicens :*

Benedictio Dei omnipotentis, Patris, & Filii, & Spiritus sancti, descendat super te, & maneat semper. R. Amen.

*Si plures adsint puerperæ, omnia dicantur in numero plurali. Puerpera, si mortua fuerit, hac*

*hac Benedictione post mortem non benedicatur, neque Acatolica, quod etiam ex consuetudine ad puerperas extramatroniales extenditur.*


*Si mulier legitime impedita v. g. diuturna infirmitate ad Ecclesiam accedere nequeat, domi quoque benedici poterit, sine aspersione aquæ benedictæ incipiendo a Versu: Adjutorium nostrum &c. Et post Versum: Dominus vobiscum &c. omissis binis Orationibus una cum porrectione Stolæ, Et interductione in Ecclesiam, immediate dicendo sequentem Orationem:*

### Oremus.

**O**mnipotens sempiterne Deus, qui per beatæ Mariæ Virginis partum fidelium parientium dolores in gaudium vertisti: respice propitius super hanc famulam tuam, & præsta, ut post hanc vitam ejusdem beatæ Mariæ meritis, & intercessione, ad æterna Beatitudinis gaudia pervenire mereatur. Per Christum Dominum nostrum.

*Deinde Sacerdos puerperam aspergit aqua benedicta in modum Crucis, dicens, ut supra:*

Benedictio Dei omnipotentis, Patris, & Filii, & Spiritus sancti, descendat super te, & maneat semper. R. Amen.



II.

BENEDICTIO MULIERIS

ANTE PARTUM VITA, VEL PARTU PERICLITANTIS.

*Parochus coram periclitante stando dicat :*

℣. Adjutorium nostrum in nomine Domini.

℞. Qui fecit cœlum & terram.

℣. Salvam fac ancillam tuam. ℞. Deus meus sperantem in te.

℣. Esto illi, Domine, turris fortitudinis. ℞. A facie inimici.

℣. Nihil proficiat inimicus in ea. ℞. Et filius iniquitatis non apponat nocere ei.

℣. Mitte ei, Domine, auxilium de sancto. ℞. Et de Sion tuere eam.

℣. Domine exaudi Orationem meam. ℞. Et clamor meus ad te veniat.

℣. Dominus vobiscum. ℞. Et cum Spiritu tuo.

Oremus.

**O**mnipotens sempiterne Deus, qui dedisti famulis tuis, in confessione veræ fidei, æternæ Trinitatis gloriam agnoscere, & in potentia Majestatis adorare unitatem: quæsumus, ut ejusdem fidei firmitate, hæc famula tua ab omnibus semper muniatur adversis. Per Christum Dominum nostrum. ℞. Amen.

N

Ore-

## Oremus.

**D**omine Deus, omnium Creator, fortis & terribilis, iustus & misericors; qui solus bonus & pius es; qui de omni malo liberas Israel; qui electos Patres munere Spiritus tui sanctificasti; qui gloriosæ Virginis Matris Mariæ corpus & animam, ut dignum Filii tui habitaculum esse mereretur, Spiritu sancto cooperante præparasti; qui Joannem Baptistam Spiritu sancto replevi, & in utero Matris exultare fecisti: accipe sacrificium cordis contriti, ac fervens desiderium famulæ tuæ N. humiliter supplicantis pro conservatione prolis debilis, quam ei dedisti concipere, & custodi partem tuam, & defende ab omni dolo & injuria dicti hostis, ut, obstetricante manu misericordiæ tuæ, foetus ejus ad hanc lucem veniat incolumis, ac sanctæ regenerationi fervetur, tibi que in omnibus jugiter deserviat, & vitam consequi mereatur æternam. Per eundem Christum Dominum nostrum. R. Amen.

*Postea aspergatur aqua benedicta in modum Crucis dicendo*

*Psalium 66.*

**D**eus misereatur nostri, & benedicat nobis: illuminet vultum suum super nos,\* & misereatur nostri.

Ut

Ut cognoscamus in terra viam tuam: \* in omnibus gentibus salutare tuum.

Confiteantur tibi populi Deus: \* confiteantur tibi populi omnes.

Lætentur & exultent gentes: \* quoniam iudicas populos in æquitate, & gentes in terra dirigis.

Confiteantur tibi populi Deus, confiteantur tibi populi omnes: \* terra dedit fructum suum.

Benedicat nos Deus, Deus noster, benedicat nos Deus: \* & metuant eum omnes fines terræ.

Gloria Patri &c.

℣. Benedicamus Patrem, & Filium, cum sancto Spiritu. ℞. Laudemus, & superexaltamus eum in sæcula.

℣. Angelis suis Deus mandavit de te. ℞. Ut custodiant te in omnibus viis tuis.

℣. Domine exaudi Orationem meam. ℞. Et clamor meus ad te veniat.

℣. Dominus vobiscum. ℞. Et cum Spiritu tuo.

### O r e m u s.

**V**isita, quæsumus Domine, habitationem istam, & omnes insidias inimici ab ea, & a præsentī famula tua longe repelle, Angeli tui sancti habitent in ea, qui eam, & foetum ejus ab omni adversitate, & mortis periculo, tua Benedictione custodiant. Per Christum Dominum nostrum. ℞. Amen.

Benedictio Dei omnipotentis, Patris, & Filii †, & Spiritus Sancti, descendat super te, & super prolem tuam, & maneat semper.  
R. Amen.

*Aspergantur aqua benedicta.*

### III.

## BENEDICTIO INFIRMORUM

IN GENERE.

Ÿ. Adjutorium nostrum in nomine Domini.  
R. Qui fecit cœlum & terram.

*Psal. 90.*

**Q**ui habitat in adjutorio Altissimi &c. *ut supra pag. 28.*

*In fine Gloria Patri &c.*

Kyrie eleison. Christe eleison. Kyrie eleison. Pater noster &c.

Ÿ. Et ne nos inducas in tentationem.

R. Sed libera nos a malo.

Ÿ. Salvum fac famulum tuum (famulam tuam.)

R. Deus meus sperantem in te.

Ÿ. Mitte eis Domine auxilium de Sancto.

R. Et de Sion tuere eum (eam.)

Ÿ. Nihil proficiat inimicus in eo (in ea.)

R. Et Filius iniquitatis non apponat nocere ei.

Ÿ.

Ÿ. Esto ei Domine turris fortitudinis.

R. A facie inimici.

Ÿ. Dominus opem ferat illi.

R. Super lectum doloris ejus.

Ÿ. Domine exaudi Orationem meam.

R. Et clamor meus ad te veniat.

Ÿ. Dominus vobiscam.

R. Et cum Spiritu tuo.

### O r e m u s.

**D**eus, cui proprium est misereri semper, & parcere, suscipe deprecationem nostram: ut nos, & hunc famulum tuum (hanc famulam tuam) quos delictorum catena constringit, miseratio tuæ pietatis clementer absolvat.

Deus infirmitatis humanæ singulare præsidium auxilii tui super infirmum famulum tuum (infirmam famulam tuam) ostende virtutem, ut ope misericordiæ tuæ adjutus (adjuta) Ecclesiæ tuæ sanctæ incolumis repræsentari mereatur.

Concede hunc famulum tuum (hanc famulam tuam) quæsumus, Domine Deus, perpetua mentis & corporis sanitate gaudere, & gloriosa beatæ Mariæ semper Virginis intercessione a præsentis liberari tristitia, & æterna perfrui lætitia. Per Christum Dominum nostrum. R. Amen.

N 3

*Deinde*

*Deinde aspergat eum vel eam aqua benedicta, dicendo :*

Benedictio Dei omnipotentis Patris †, & Filii, & Spiritus sancti, descendat super te, & maneat semper.    *R.* Amen.

### ALIA BENEDICTIO INFIRMORUM.

*ψ.* Adjutorium nostrum &c. *ut supra pag. 100.*

#### Oremus.

**I**ntroeat, quæsumus, Domine JESU Christe, domum hanc sub nostræ humilitatis ingressu, æterna felicitas, divina prosperitas, serena lætitia, charitas fructuosa, sanitas sempiterna; effugiat ex hoc loco accessus dæmonum: adsint Angeli pacis: domumque hanc deferat effugata discordia. Magnifica, Domine, super nos Nomen sanctum tuum, benedic conversationi nostræ, sanctifica nostræ humilitatis ingressum; qui sanctus & pius es, & permanes cum Patre & Spiritu sancto in sæcula &c.    *R.* Amen.

*Postea dicitur :*

*Psal.* De profundis clamavi &c.

*ψ.* Dominus vobiscum &c.

*ψ.* Sequentia sancti Evangelii secundum Lucam.

*R.* Gloria tibi, Domine.

In



**I**n illo tempore, surgens Iesus de synagoga introivit in domum Simonis: Socrus autem Simonis tenebatur magnis febribus, & rogaverunt illum pro ea, & stans super illam imperavit febrī, & dimisit illam: & continuo surgens ministrabat illis. Cum sol autem occidisset, omnes qui habebant infirmos variis languoribus, ducebant illos ad Iesum. At ille singulis manus imponens curabat eos.

*Quo dicto subditur:*

Kyrie eleison. Christe eleison. Kyrie eleison. Pater noster &c.

℣. Et ne nos inducas in tentationem &c.

℣. Miserere mei, Domine, quoniam infirmus sum.

℞. Sana me, Domine, quoniam conturbata sunt ossa mea.

℣. Salvum fac servum tuum.

℞. Deus meus sperantem in te.

℣. Ego dixi: Domine! miserere mei.

℞. Sana animam meam, quia peccavi tibi.

℣. Domine exaudi &c.

℣. Dominus vobiscum &c.

**Oremus.**

**R**espice, Domine, famulum tuum, fratrem nostrum, in infirmitate sui corporis laborantem: & animam refove, quam creasti: ut castigationibus emendatus, continuo se sen-

fentiat tua medicina salvatum. Per Christum  
Dominum nostrum &c.

*Ponat manum super caput infirmi, & dicat :*

Super ægros manus imponent, & bene  
habebunt †, JESUS Mariæ Filius, mundi Sa-  
lus, & Dominus, meritis B. M. & omnium  
Sanctorum sit tibi clemens & propitius. R.  
Amen.

Dominus JESUS Christus apud te sit, ut  
te defendat : intra te sit, ut te conservet ; ante  
te sit, ut te deducat : post te sit, ut te custo-  
diat : super te sit, ut te beneducat : qui cum  
Patre & Spiritu sancto vivit & regnat in sæ-  
cula sæculorum, Amen.

Benedictio Dei omnipotentis Pa-tris, &  
Fi-lii, & Spiritus † sancti, descendat super  
te, & maneat semper. R. Amen.

*Aspergatur.*

#### IV.

**BENEDICTIO PUERORUM,**  
SIVE INFANTIUM, CUM PRIMUM IN ECCLESIA  
PRÆSENTANTUR A PARENTIBUS.

*Sacerdos superpelliceo & Stola alba indutus,  
coram Altari versus puerum dicit :*

℣. Adjutorium nostrum &c. ut supra pag. 100.

℟.

℣. Domine exaudi &c. *ut supra pag. 101.*  
℣. Dominus vobiscum &c. *ibid.*

Oremus.

Quæsumus, omnipotens Deus, Pueris istis (vel Puero isti) pro quibus (vel quo) tuam deprecamur clementiam, benedicere digneris, & per virtutem sancti Spiritus cor-  
da eorum (vel cor ejus) corrobora, vitam sanctifica, castitate decora: & sensus eorum (vel ejus) in bonis operibus munire, & informare, & ab omnibus diabolicis ac humanis fraudibus & insidiis tua protectione & virtute tueri, & tandem ad requiem æternam perducere digneris. Per Christum &c.

*Psal. Laudate pueri Dominum &c. ex Vesp. Dom. cum Gloria Patri &c.*

Kyrie eleison. Christe eleison. Kyrie eleison. Pater noster &c.

℣. Et ne nos inducas in tentationem &c.

℣. Benedic Domine, Pueris istis (vel Puero isti.)

℣. Et invocetur super eos (vel eum) Nomen Domini Dei nostri.

℣. Videte, ne contemnatis unum ex his pusillis. ℣. Quia Angeli eorum semper vident faciem Patris mei, qui in cœlis est.

℣. Dominus vobiscum &c.

O

Ore-

## Oremus.

**D**omine JESu Christe, qui parvulos tibi oblatos, & ad te venientes complectebaris (*hic ponat manus super capita puerorum*) manusque super illos imponens benedicebas, atque dicebas: finite parvulos venire ad me, & nolite prohibere eos, talium enim est regnum cœlorum, & Angeli eorum semper vident faciem Patris mei: respice, quæsumus, ad pueri vel puellæ (*si fuerit unus*) seu puerorum vel puellarum præsentium innocentiam, & ad suorum parentum devotionem, & clementer eos hodie per ministerium meum benedic, ut in tua gratia & misericordia semper proficiant, te sapiant, te diligant, te timeant, & mandata tua custodiant & ad finem optatum feliciter perveniant per te, Salvator mundi. Qui cum Patre, & Spiritu sancto vivis & regnas Deus in sæcula. R. Amen.

## Oremus.

**R**espice, quæsumus, Domine, ad præsentium puerorum (*vel præsentis hujus pueri*) devotionem: ut in tua gratia & misericordia proficiant & crescant, & cum sancta Benedictione tua in gratia cœlesti conserventur, & post hanc vitam ad æternam salutem perducantur. Per Christum Dominum nostrum. R. Amen.

Sacer-

*Sacerdos imponens manus super eos (vel eum)  
cum signo Crucis dicit:*

Benedictio Dei omnipotentis Patris, &  
Filii, & Spiritus sancti, descendat super  
vos & custodiat, & dirigat, & maneat sem-  
per. R. Amen.

*Aspergantur.*

V.

## BENEDICTIO PROLIS INFIRMÆ.

Ps. Adjutorium nostrum in Nomine Domini.

R. Qui fecit cœlum, & terram.

Ps. Domine exaudi Orationem meam.

R. Et clamor meus ad te veniat.

Ps. Dominus vobiscum.

R. Et cum Spiritu tuo.

Oremus.

**O**mnipotens sempiterne Deus conserva pue-  
rum istum, (Puellam istam) & virtute  
Spiritus sancti vitam illius sanctifica, sanita-  
tem confer, prospera tribue, pacem concede;  
atque ab omnibus humanis & diabolicis insi-  
diis tua protectione defende. Angelus tuus  
sanctus ei in custodiam deputatus, illi bene-  
dicat, & Nomen sanctum tuum super eum  
(eam) jugiter invocetur, crescat in multitudi-  
nem dierum, & ad gaudia paradisi perveniat.  
Per Christum Dominum nostrum. Amen.

O 2

Bene-

Benedictio Dei Omnipotentis, Patris, & Filii †, & Spiritus sancti, descendat super te, & maneat semper. *R.* Amen.

*Aspergat prolem aqua benedicta.*

## VI.

### **BENEDICTIO PEREGRINORUM,** SEU AD LOCA SACRA PRODEUNTUM.

**P**eregrini, ad loca sancta profecturi, antequam discedant, juxta veteris Ecclesie institutum, deberent accipere Patentes, seu commendatitias literas a suo Ordinario seu Parocho. Quibus obtentis, & rebus suis dispositis, facta peccatorum suorum confessione, & audita Missa, in qua dicitur Oratio pro Peregrinantibus, sanctissimam Eucharistiam devote suscipiunt. Expleta Missa, Sacerdos super eos genuflexos dicit sequentes preces :

*Antiph.* In viam pacis. *Canticum.* Benedictus Dominus Deus Israel &c. *ex Laudibus Breviarii.* In fine Gloria Patri &c. *Repetitur Antiph.* In viam pacis & prosperitatis dirigat vos omnipotens & misericors Dominus : & Angelus Raphael comitetur vobiscum in via, ut cum pace, salute, & gaudio revertatis ad propria.

Kyrie eleison. Christe eleison. Kyrie eleison. Pater noster &c. *V.* Et ne nos inducas in tentationem. *R.* Sed libera nos a malo.

malo. *Ÿ.* Salvos fac fervos tuos. *R.* Deus meus sperantes in te. *Ÿ.* Mitte eis Domine auxilium de Sancto. *R.* Et de Sion tuere eos. *Ÿ.* Esto eis Domine turris fortitudinis. *R.* A facie inimici. *Ÿ.* Nihil proficiat inimicus in eis. *R.* Et filius iniquitatis non apponat nocere eis. *Ÿ.* Benedictus Dominus die quotidie. *R.* Prosperum iter faciat nobis Deus salutarium nostrorum. *Ÿ.* Vias tuas Domine demonstra nobis. *R.* Et semitas tuas edoce nos. *Ÿ.* Ut dirigantur viæ nostræ. *R.* Ad custodiendas justificationes tuas. *Ÿ.* Erunt prava in directa. *R.* Et aspera in vias planas. *Ÿ.* Angelis suis Deus mandavit de te. *R.* Ut custodiant te in omnibus viis tuis. *Ÿ.* Domine exaudi Orationem meam. *R.* Et clamor meus ad te veniat. *Ÿ.* Dominus vobiscum. *R.* Et cum Spiritu tuo.

### Oremus.

**D**eus, qui filios Israel per maris medium sicco vestigio ire fecisti, quique tribus Magis iter ad te stella duce pandisti; tribue eis, quæsumus, iter prosperum, tempusque tranquillum, ut, Angelo tuo sancto comite, ad eum, quo pergunt, locum, ac demum ad æternæ salutis portum feliciter valeant pervenire.

Deus, qui Abraham puerum tuum, de Ur Chaldæorum eductum, per omnes suæ

O 3

pereгри-

peregrinationis vias illæsum custodisti: quæsumus, ut hos famulos tuos custodire digneris; esto eis, Domine, in procinctu suffragium, in via solatium, in æstu umbraculum, in pluvia & frigore tegumentum, in lassitudine vehiculum, in adversitate præsidium, in lubrico baculus, in naufragio portus: ut, te Duce, quo tendunt, prospere perveniant, & demum incolumes ad propria revertantur.

Adesto, quæsumus Domine, supplicationibus nostris, & viam famulorum tuorum in salutis tuæ prosperitate dispone, ut inter omnes viæ & vitæ hujus varietates tuo semper protegantur auxilio.

Præsta, quæsumus, omnipotens Deus, ut familia tua per viam salutis incedat, & beati Joannis Præcursoris hortamenta sectando ad eum, quem prædixit, secura perveniat Dominum nostrum JESUM Christum Filium tuum.

Exaudi, Domine, preces nostras, & iter famulorum tuorum propitius comitare, atque misericordiam tuam, sicut ubique es, ita ubique largire; quatenus a cunctis adversitatibus tua opitulatione defensi, gratiarum tibi referant actionem. Per Christum Dominum nostrum.    R. Amen.

Pax & Benedictio † Dei omnipotentis, Patris, & Filii, & Spiritus sancti, descendat super vos, & maneat semper.    R. Amen.

*Deinde aspergantur aqua benedicta.*

*Quod si*



Quodsi unus fuerit peregrinaturus, omnia dicuntur in numero singulari; ac si Sacerdos ipse, qui benedicit, fuerit socius peregrinationis, dicat in persona prima numeri pluralis, quatenus congruere videbitur.

VII.

BENEDICTIO PEREGRINORUM

POST REDITUM.

Sacerdos Stola & superpelliceo indutus, peregrinos domum reuersos, in Ecclesia genuflexos, ipse coram Altari stans, benedicit, dicens:  
 V. Adjutorium nostrum in nomine Domini.  
 R. Qui fecit cœlum & terram.

*Antiph.* Ecce sic benedicetur homo, qui timet Dominum.

*Psalmus 127.* Beati omnes, qui timent Dominum &c. *Fer. 4. ad Vesp.* In fine Gloria Patri &c. *Repetitur Antiphona:* Ecce sic benedicetur homo, qui timet Dominum.

Kyrie eleison. Christe eleison. Kyrie eleison. Pater noster &c. V. Et ne nos inducas in tentationem. R. Sed libera nos a malo. V. Benedicti, qui veniunt in nomine Domini. R. Benedicti vos a Domino, qui fecit cœlum & terram. V. Respice Domine in seruos tuos, & in opera tua. R. Et dirige eos in viam mandatorum tuorum. V. Domine exaudi Orationem meam. R. Et clamor meus ad te veniat. V. Dominus vobiscum. R. Et cum Spiritu tuo.

Ore-

**O r e m u s.**

**L**argire, quæsumus Domine, famulis tuis indulgentiam placatus & pacem, ut pariter ab omnibus mudentur offensis, & securâ tibi mente deserviant.

Omnipotens sempiterne Deus, nostrorum temporum vitæque Dispositor, famulis tuis continuæ tranquillitatis largire subsidium, ut, quos incolumes propriis laboribus reddidisti, tua facias protectione securos.

Deus humilium Visitator, qui nos fraterna dilectione consolaris, prætende Societati nostræ gratiam tuam, ut per eos, in quibus habitas, tuum in nobis sentiamus adventum. Per Christum Dominum nostrum. *R.* Amen.

*Deinde aspergantur aqua benedicta, Sacerdote dicente: Pax & Benedictio † Dei omnipotentis, Patris, & Filii, & Spiritus sancti, descendat super vos, & maneat semper. R. Amen.*

**VIII.**

**BENEDICTIO NEO - MYSTÆ,  
SEU NOVI SACERDOTIS SUPER UNUM, VEL PLURES.**

**I**n *Neo - Mysta, seu novus Sacerdos more passim recepto benedicturus unum, vel plures ante se genuflexos junctis manibus dicit: Benedicat te (vos) omnipotens Deus; deinde manu sinistra infra pectus posita, extensa manu dextera formando Crucem pergit: Pater, & Filius †, & Spiritus sanctus. Amen.*      **SEC-**

SECTIO IV.

BENEDICTIONES  
EXTRAORDINARIÆ RERUM  
AD USUM SACRUM.

---

I.

BENEDICTIO SIMPLEX CRUCIS.

- ℣. Adjutorium nostrum in nomine Domini.  
℞. Qui fecit cœlum, & terram.  
℣. Domine exaudi &c.  
℣. Dominus vobiscum &c.

Oremus.

**R**ogamus te, Domine sancte, Pater omnipotens, æterne Deus, ut digneris benedicere hoc lignum Crucis, ut sit remedium salutare generi humano, sit soliditas fidei, profectus bonorum operum, redemptio animarum, sit solamen & protectio, ac tutela contra sæva jacula inimicorum. Per Christum Dominum nostrum. ℞. Amen.

Oremus.

**B**enedic Domine hanc Crucem tuam, per quam eripuisti mundum a dæmonum potestate,  
P

testate, & superasti Passione tua suggestorem peccati, qui gaudebat in prævaricatione primi hominis per ligni vetiti sumptionem.

*Hic aspergat aqua benedicta.*

Sanctificetur hoc signum Crucis, in nomine Patris, & Filii, & Spiritus † sancti, ut orantes, inclinantesque se propter Dominum ante istam Crucem inveniant corporis & animæ sanitatem. Per Christum Dominum nostrum. R. Amen.

NOTANDUM. *Cruces Altarium, seu Processionum non sunt benedicendæ de præcepto, potest tamen simplex Sacerdos eas benedicere privatim, & non solemniter. S. R. C. 12. Jul. 1704. in una Urbis Clemente XI. confirmante in suo Bullario Part. 3. Decr. 5.*

## II.

### **BENEDICTIO SIMPLEX IMAGINUM JESU CHRISTI, B. VIRGINIS, ET ALIORUM SANCTORUM.**

℣. Adjutorium nostrum &c. *ut supra.*

**Oremus.**

**O**mnipotens sempiterne Deus, qui Sanctorum tuorum imagines (*sive effigies*) sculpti, aut pingi non reprobas, ut quoties illas  
oculis

oculis corporeis intuemur, toties eorum actus & sanctitatem ad imitandum memoriæ oculis meditemur; hanc, quæsumus, imaginem (*seu sculpturam*) in honorem & memoriam unigeniti Filii tui Domini nostri Iesu Christi (*vel beatissimæ Virginis Mariæ Matris Domini nostri Iesu Christi, vel beati N. Apostoli tui, vel Martyris, vel Confessoris, vel Pontificis, aut Virginis*) adaptatam benedicere & sanctificare digneris: & præsta, ut quicumque coram illa unigenitum Filium tuum (*vel beatissimam Virginem, vel gloriosum Apostolum, sive Martyrem, sive Confessorem, aut Virginem*) suppliciter colere & honorare studuerit, illius meritis & obtentu a te gratiam in præsentem, & æternam gloriam obtineat in futuro. Per eundem Christum Dominum nostrum: R. Amen.

*Postea aspergat eas aqua benedicta.*

### III.

## B E N E D I C T I O

MEDALIORUM, SEU NUMISMATUM,  
SIGNORUM CONFRATERNITATIS &c.

Ÿ. Adjutorium nostrum &c. *ut supra.*

Oremus.

Omnipotens sempiterne Deus, Largitor bonorum omnium, atque Salus & vita animarum

P 2

marumstrarum, te suppliciter exoramus, ac petimus, ut hæc Numismata (*seu* signa Confraternitatis &c.) quibus Domini nostri Jesu Christi effigies &c. &c. seu ejusdem Redemptoris nostri in Cruce pendentis signum seu imago Virginis Deiparæ, ac Sanctorum Apostolorum, Martyrum, Confessorum & Virginum tuarum figura impressa est; benediciere & sanctificare digneris, ut qui unum aut plura ex his secum devote gestaverit, aut domi suæ reverenter asservaverit, per merita Sanctorum tuorum, quorum effigies in his expressæ sunt, ab omnibus diaboli insidiis omnique morbo contagioso præservetur, atque corporis & animæ sanitatem continuam consequatur. Per eundem &c.

### Oremus.

**B**enedic † Domine hæc Numismata (*seu* signa Confraternitatis &c.) ut fiat salutare remedium, & devotionis augmentum omnibus ea devote venerantibus. Et præsta per invocationem tui S. Nominis, & Sanctorum tuorum, quorum effigies hæc præferunt, ut quisquis eadem secum portaverit, aut domi suæ asservaverit, benedictionem & defensionem tuam accipiat: atque contra omnes morbos atque universas tentationes diaboli tutamen penes se habeat. Unde ego Sacerdos tuus in Nomine tuo, & in nomine Sanctorum  
tuo-

tuorum hæc Numismata purifico, sanctifico, & benedico: ut sint defensio Creaturis tuis, & ignis ardens dæmonum, atque destructio omnium maleficiorum, in nomine Patris, & Filii, & Spiritus sancti. R. Amen.

IV.

BENEDICTIO ROSARIORUM  
CONFRATERNITATIS ROSARII.

℣. Adjutorium nostrum &c. *ut supra.*

Oremus.

**O**mnipotens & misericors Deus, qui propter eximiam charitatem tuam, qua dilexisti nos, Filium tuum unigenitum, Dominum nostrum Iesum Christum, de coelis in terram descendere, & de beatissimæ Virginis Mariæ, Dominæ nostræ, utero sacratissimo, Angelo nuntiante, carnem suscipere, crucemque ac mortem subire, & tertia die gloriose a mortuis resurgere voluisti, ut nos eriperes de potestate diaboli: obsecramus immensam clementiam tuam, ut hoc signum (*vel hæc signa*) Rosarii in honorem & laudem ejusdem Genitricis Filii tui ab Ecclesia tua fidei dicata, benedicas & sanctifices, eique (*vel eisque*) concedere digneris, ut quicumque illud (*vel horum quodlibet*) secum portaverit, atque in domo sua reverenter habuerit, & in eo (*vel eis*) ad Te secundum ejusdem sanctæ Societatis instituta, divina contem-

plando mysteria devote oraverit, salubri & perseveranti devotione abundet, sitque confors, & particeps omnium gratiarum, privilegiorum, & indulgentiarum, quæ eidem Societati per sanctam Sedem Apostolicam concessa fuerunt, ab omni hoste visibili & invisibili semper & ubique in hoc sæculo liberetur, & in exitu suo ab ipsa beatissima Virgine Maria Dei Genitrice, tibi plenus (plena) bonis operibus præsentari mereatur. Per Christum Dominum nostrum. R. Amen.

*Aspergat aqua benedicta.*

## V.

## ORDO BENEDICENDI, &amp; RECIPIENDI

SCAPULARE B. V. M. DE MONTE CARMELO.

*Persona receptura genuflectat ante Altare majus, vel B. Virginis, & tunc Sacerdos habens potestatem v. g. vi Confraternitatis incipiat Antiphonam:*

Suscepimus Deus misericordiam tuam in medio templi tui: secundum Nomen tuum, sic & laus tua in fines terræ, justitia plena est dextera tua.

*Psalms 47.*

**M**agnus Dominus & laudabilis nimis: \* in civitate Dei nostri in monte sancto ejus. Fundatur exultatione universæ terræ mons Sion, \* latera Aquilonis, civitas Regis magni. Deus



Deus in domibus ejus cognoscetur: \* cum suscipiet eam.

Quoniam ecce Reges terræ congregati sunt: \* convenerunt in unum.

Ipsi videntes sic admirati sunt, conturbati sunt: commoti sunt; \* tremor apprehendit eos.

Ibi dolores ut parturientis: \* in spiritu vehementi conteres naves Tharsis.

Sicut audivimus, sic vidimus in civitate Domini virtutum; in civitate Dei nostri: \* Deus fundavit eam in æternum.

Suscepimus Deus misericordiam tuam: \* in medio templi tui.

Secundum Nomen tuum Deus, sic & laus tua in fines terræ: \* justitia plena est dextera tua.

Lætetur mons Sion, & exultent filiæ Judæ: \* propter judicia tua Domine.

Circumdate Sion, & complectimini eam: \* narrate in turribus ejus.

Ponite corda vestra in virtute ejus: \* & distribuite domos ejus, ut enarretis in progenie altera.

Quoniam hic est Deus, Deus noster in æternum, & in sæculum sæculi: \* ipse reget nos in sæcula.

*Psalmus 132.*

**E**cce quam bonum, & quam jucundum: \* habitare fratres in unum.

Sicut

Sicut unguentum in capite : \* quod descendit in barbam , barbam Aaron.

Quod descendit in oram vestimenti ejus , sicut ros Hermon , \* qui descendit in montem Sion.

Quoniam illic mandavit Dominus benedictionem : \* & vitam usque in sæculum.

Kyrie eleison &c. Pater noster &c.

℣. Et ne nos inducas &c.

℣. Salvum fac servum tuum.   ℞. Deus meus sperantem in te.

℣. Mitte ei auxilium de Sancto.   ℞. Et de Sion tuere eum.

℣. Nihil proficiat inimicus in eo.   ℞. Et filius iniquitatis non apponat nocere ei.

℣. Domine exaudi Orationem meam &c.

℣. Dominus vobiscum &c.

### ORATIO.

**S**uscipiat te Deus in numero fidelium suorum , & nos licet indigni suscipimus te in Orationibus nostris : concedat tibi Deus per unigenitum suum Mediatorem Dei & hominum tempus bene vivendi , locum bene agendi , constantiam bene perseverandi. Et sicut nos hodie fraterna charitas spiritualiter conjungit in terris , ita divina pietas , quæ dilectionis est auctrix & amatrix nos cum fidelibus suis conjungere dignetur in cœlis. Per eundem Christum Dominum nostrum.   ℞. Amen.

Ore-

Oremus.

Adesto, Domine, supplicationibus nostris, & hunc famulum tuum, quem in tuo sancto Nomine ad participationem omnium bonorum spiritualium, & fraternitatem recepimus hujus sacrae Religionis beatæ Genitrici tuæ Virgini Mariæ specialiter dedicatæ, beneddicere digneris, & præsta, ut te largiente devotus in Ecclesia persistere valeat cum augmento virtutum, atque suffragiis hujusmodi sacri Ordinis adjutus vitam percipere mereatur æternam. Per Christum Dominum nostrum. R. Amen.

*Deinde conversus ad habitum dicat:*

ψ. Ostende nobis, Domine, misericordiam tuam &c.

ψ. Scapulis suis obrumbrabit tibi. R. Et sub pennis ejus sperabis.

ψ. Domine Deus virtutum converte nos.

R. Et ostende faciem tuam: & salvi erimus.

Oremus.

Suppliciter te, Domine, rogamus, ut super hunc habitum servo tuo imponendum Benedictio tua benigna descendat, ut sit benedictus, atque divina virtute procul pellantur hostium nostrorum visibilium & invisibilium tela nequissima. Amen.

Q

Ore-

## Oremus.

**C**aput omnium fidelium, Deus, & humani generis Salvator, hunc habitum, quem propter tuum, tuæque Genitricis Virginis Mariæ de monte Carmeli amorem atque devotionem servus tuus est delaturus, dextera tua sanctifica, & hoc, quod per illum mystice datur intelligi, tua semper custodia, corpore & animo ad remunerationem perpetuam cum Sanctis omnibus felicissime perducatur. Qui vivis &c.

## Oremus.

**C**reator, Conservator, & Salvator omnium, Largitor humanæ salutis, Deus, Dator gratiæ spiritualis, Benedictionem tuam super hunc habitum immitte: ut, qui eum gestaverit, cœlesti virtute munitus, fidem integram, spem firmam & charitatem desideratam teneat, & a te nunquam separari permittas. Qui vivis &c.

*Deinde aspergat aquam benedictam super habitum, & postea ipsum imponat personæ recipienti, dicens:*

Accipe Vir devote habitum benedictum, precamurque sanctissimam Virginem, ut ejus meritis illum perferas sine macula, & te ab omni adversitate defendat, atque ad vitam perducatur æternam. R. Amen.

*Deinde*

*Deinde dicat :*

Ego , ex potestate mihi tradita , & concessa , suscipio , ac recipio te ad participationem omnium Orationum , Disciplinarum , Precum , Suffragiorum , Eleemosynarum , Jejuniorum , Vigiliarum , Missarum , Horarum Canonicarum , ac cæterorum bonorum spiritualium , quæ passim die noctuque ( cooperante misericordia JESU Christi ) a Religiosis totius Ordinis Carmelitarum peraguntur. In nomine Patris &c.

*Postea signo Crucis benedicens Personam recipientem , dicat :*

Benedicat te Conditor cœli & terræ, Deus omnipotens , qui te eligere dignatus est ad B. V. Mariæ de monte Carmeli Societatem & Confraternitatem , quam precamur , ut in hora obitus tui conterat caput serpentis , qui tibi est adversarius , & tanquam victor palmam , coronam sempiternæ hæreditatis consequaris. Per Christum Dominum nostrum &c.

*Deinde aspergatur Persona recipiens aqua benedicta.*

## VI.

**BENEDICTIO CILICII , CINGULI ,  
VEL ALTERIUS INDUMENTI AD POENITENDUM.**

*℣. Adjutorium nostrum &c. ut supra.*

Q 2

Ore-

Oremus.

**O**mnipotens & misericors Deus, benedice digneris hoc cilicium (cingulum *vel* indumentum) quo famuli tui pro humilitate, & poenitudinis suæ devotione indui appetunt: ut sicut Ninivitarum populo in cinere & cilicio poenitenti pepercisti; ita, & hic famulus humiliationis & professionis suæ, hoc indutus vestimento, a te Creatore suo omnium incrementa virtutum, & cunctorum indulgentiam consequatur delictorum. Per Christum Dominum nostrum. R. Amen.

*Aspergatur aqua benedicta.*

VII.

B E N E D I C T I O  
V E X I L L I E C C L E S I A S T I C I,  
P R O T E M P L I S , E T P R O C E S S I O N I B U S .

℣. Adjutorium nostrum &c. *ut supra.*

Oremus.

**D**omine JESU Christe, cujus Ecclesia est velut castrorum acies ordinata, Benedicere digneris hoc vexillum, ut omnes sub eo tibi Domino Deo nostro exercituum militantes, per intercessionem Sancti N. Patroni, inimicos suos invisibiles, in hoc sæculo superare,

rare, & post victoriam in cœlis triumphare mereantur, per te, JESU Christe, qui vivis & regnas cum Deo Patre in unitate Spiritus sancti Deus, per omnia sæcula sæculorum. R. Amen.

*Aspergitur aqua benedicta.*

### VIII.

## BENEDICTIO METALLI

AD CONFLANDAM CAMPANAM.

*Sacerdos ab artifice monitus mox aperiendum esse fornacis foramen, quo metallum effluat, confert se ad locum fornacis fusoriæ, ibique stans dicit:*

*Adjutorium nostrum &c. ut supra.*

### Oremus.

**D**eus, cujus Spiritu Ecclesia congregatur, & a quo certa signa populi convocandi petuntur, ut in fidelium cordibus, Spiritu sancto cooperante, divina charitas accendatur, igneum nobis tuum auxilium ostende; & quod metalli fusione perfici debet, nulla hostili incursione turbetur. Per Christum Dominum nostrum. R. Amen.

*Antiph. Psallite Domino.*

Q 3

*Psal-*

*Psalmus 97.*

**C**antate Domino canticum novum: \* quia  
mirabilia fecit.

Salvavit sibi dextera ejus: \* & brachium  
sanctum ejus.

Notum fecit Dominus salutare suum: \* in  
conspectu gentium revelavit justitiam suam.

Recordatus est misericordiæ suæ: \* & ve-  
ritatis suæ domui Israel.

Viderunt omnes termini terræ: \* salutare  
Dei nostri.

Jubilate Deo omnis terra: \* cantate, &  
exultate, & psallite.

Psallite Domino in cithara, in cithara &  
voce Psalmi: \* in tubis ductilibus, & voce  
tubæ corneæ.

Jubilate in conspectu regis Domini: mo-  
veatur mare, & plenitudo ejus: \* orbis ter-  
rarum, & qui habitant in eo.

Flumina plaudent manu, simul montes  
exultabunt a conspectu Domini: \* quoniam  
venit judicare terram.

Judicabit orbem terrarum in justitia: \* &  
populos in æquitate.

Gloria Patri &c. Sicut erat &c.

*Antiph.* Psallite Domino in voce Psalmi  
in tubis ductilibus. *Tempore Paschali additur:*  
Alleluja.

℣. Confiteantur tibi, Domine, omnia ope-  
ra tua. ℞. Et Sancti tui benedicant tibi.

Ore-



Oremus.

Per intercessionem beatæ Mariæ semper Virginis & omnium Sanctorum, effunde, quæsumus, Domine, Benedictionem tuam † super opus cultui tuo præparatum: & præsta, ut signum fiat ad congregandos fideles in laudem & gloriam Nominis tui. Per Christum Dominum nostrum. R. Amen.

*Tum aspergit metallum aqua benedicta in modum Crucis per fornacis fenestram; conflatam autem Campana dicitur: Te Deum &c.*

*Postea Sacerdos dicit: V. Sit Nomen Domini benedictum. R. Ex hoc nunc, & usque in sæculum.*

Oremus.

Quæsumus, omnipotens & misericors Deus, ut per id, quod de tua Benedictione percipimus, ad gratias Majestati tuæ jugiter referendas excitemur. Per Christum Dominum nostrum. R. Amen.

IX.

BENEDICTIO CANDELARUM

EXTRA DIEM PURIFICATIONIS B. V. Mariæ.

V. Adjutorium nostrum &c. *ut supra.*

Ore-

Oremus.

**D**omine JESU Christe, Fili Dei vivi, benedice candelas istas supplicationibus nostris; infunde eis, Domine, per virtutem sanctæ Crucis benedictionem coelestem, qui eas ad repellendas tenebras humano generi tribuisti: talemque Benedictionem signaculo sanctæ Crucis † accipiant, ut quibuscunque locis accensæ sive positæ fuerint, discedant principes tenebrarum, & contremiscant, & fugiant pavidum cum omnibus ministris suis ab habitationibus illis: nec præsumant amplius inquietare, aut molestare servientes tibi omnipotenti Deo; qui vivis & regnas in sæcula sæculorum. *R.* Amen.

*Postea aspergantur aqua benedicta.*

X.

## BENEDICTIO CANDELÆ

PRO MORIBUNDIS.

ψ. Adjutorium nostrum &c. *ut supra.*

ψ. Domine exaudi &c. *ut supra.*

ψ. Dominus vobiscum &c. *ut supra.*

Oremus.

**D**omine JESU Christe, Fili Dei vivi, qui dixisti: sint lumbi vestri præcincti, & lucernæ ardentes in manibus vestris: benedice

dicere dignare candulam istam, & infunde ei per virtutem S. Crucis Benedictionem cœlestem, talemque Benedictionem signaculo S. Crucis accipiat, ut quibuscunque in locis accensa, aut a quibuscunque infirmis in manibus portata fuerit, discedant & contremiscant principes tenebrarum, & fugiant pavidum cum omnibus ministris suis. Nec præsumant inquietare aut molestare, aut tentare famulos tuos, qui eam ob honorem tuum in manibus suis gestaverint. Tu Domine, qui es lumen ad revelationem gentium, & illuminas omnem hominem venientem in hunc mundum, digneris illuminare intellectum eorum, qui lumen hoc devote susceperint: ut cognoscant te solum verum Deum, & Patrem tuum cœlestem. Qui cum eo & Spiritu sancto vivis, & regnas in sæcula sæculorum. R. Amen.

*Aspergatur.*

## XI.

### BENEDICTIO THURIS SEU INCENSI PRO FUMIGATIONE CONTRA MALEFICIA.

V. Adjutorium nostrum &c. *ut supra.*

Oremus.

Domine Deus omnipotens, cui assistit exercitus Angelorum cum tremore, quorum servitium spirituale & igneum esse cognoscitur,

R

tur,

tur, dignare respicere, beneddicere, & sanctificare hanc creaturam incensi; ut omnes languores, omnesque infirmitates atque infidiæ inimici odorem ejus sentientes effugiant, & separentur a plasmate tuo; ut nunquam lædatur a morfu antiqui serpentis, quod pretioso Filii tui sanguine redemisti. Per eundem Christum Dominum nostrum. R. Amen.

*Aspergatur aqua benedicta.*

## ALIA BENEDICTIO THURIS

SEU INCENSI,

PRO FUMIGATIONE CONTRA MALEFICIA.

℣. Adjutorium nostrum &c. *ut supra.*

Oremus.

**P**er intercessionem B. Michaëlis Archangeli stantis a dextris Altaris incensi, & omnium Electorum suorum, incensum istud dignetur Dominus beneddicere; & in odorem suavitatis accipere. Sit, quæsumus Domine, famulis tuis, pretioso Sanguine tuo redemptis, defensio perpetua contra omnes spiritus malignos, & omnes incantationes, præstigia & diabolicas vexationes. Et in quocunque loco odor hujus incensi fuerit, nullum maleficium, nullaque molestatio diabolica possit perdurare. Sed statim tua immensa potentia & virtute tolla-

tollatur, & abigatur per signum S. Crucis tuæ. Qui vivis &c.

*Aspergatur aqua benedicta.*

XII.

**BENEDICTIO AQUÆ BAPTISMALIS**

EXTRA SABBATUM SANCTUM, VEL VIGILIAM  
PENTECOSTES.

*Ut in Novo Rituali pag. 91.*

XIII.

**BENEDICTIO NOVI BAPTISTERII,  
SEU LAPIDIS FONTIUM.**

℣. Adjutorium nostrum &c. *ut supra.*

**Oremus.**

**O**mnipotens sempiterne Deus, Baptisterium hoc salutis æternæ, cœlesti visitationi dedicatum, Spiritus tui illustratione sanctifica: ut quotiescunque, in fonte isto lavandi, trina ablutione fuerint aspersi, purgationem, & omnium delictorum suorum indulgentiam consequantur. Per Christum Dominum nostrum. ℞. Amen.

**Oremus.**

**M**ultiplica, Domine, Benedictionem tuam,  
& Spiritus sancti munere fidem nostram

R 2

cor-

corroborata; ut, qui in hæc fluentia descenderint, in libro vitæ scribi mereantur. Per Christum Dominum nostrum. *R. Amen.*

*Postea aspergatur aqua benedicta.*

#### XIV.

### BENEDICTIO CEREI PASCHALIS, EXTRA SABBATUM SANCTUM, SI ALIQUO CASU DEFECERIT.

*V. Adjutorium nostrum &c. ut supra.*

*Oremus.*

**D**omine Deus, Pater omnipotens, lux vera, & fons omnium luminum; benedic & sanctifica Cereum istum, ut ab ejus lumine accendamus, atque illuminemur igne claritatis tuæ: & sicut illuminasti Moysen exeuntem de Ægypto, ita illumines corda & sensus nostros, ut ad vitam & lucem æternam pervenire mereamur. Per Christum Dominum nostrum. *R. Amen.*

*Tum benedicuntur quinque grana incensi Cereo in modum Crucis insigenda.*

Veniat, quæsumus omnipotens Deus, super hoc incensum larga tuæ Benedictionis infusio; (*hic celebrans ter aspergit aqua benedicta, & ter incensat grana incensi, tum ea*

*ea infigit in modum Crucis in Cereo & prosequitur*) ut Christus resurgens ex mortuis nobis sit lumen indeficiens in illuminationem peregrinationis nostræ, & odor vitæ in vitam æternam, qui tecum vivit & regnat in unitate Spiritus sancti Deus, per omnia sæcula sæculorum. R. Amen.

*Sacerdos aspergit Cereum aqua benedicta, accendit & extinguit.*

SECTION V.

BENEDICTIONES  
EXTRAORDINARIÆ RERUM  
PRO USU NON SACRO.

I.

BENEDICTIO PANIS  
QUOCUNQUE TEMPORE FACIENDA.

✠. Adjutorium nostrum in nomine Domini.

R. Qui fecit coelum, & terram.

✠. Domine exaudi &c.

✠. Dominus vobiscum &c.

Oremus.

Domine JESU Christe, panis Angelorum,  
panis æternæ vitæ, benedicere † dignare  
panem

R 3

panem istum, sicut benedixisti quinque panes in deserto: ut omnes ex eo gustantes, inde corporis & animæ percipiant salutem. Qui vivis & regnas in sæcula sæculorum. R. Amen.

### ALIA BENEDICTIO PANIS.

℣. Adjutorium nostrum &c. *ut supra.*

#### Oremus.

**D**omine sancte, Pater omnipotens æternæ Deus, \* benedicere digneris hunc panem tua sancta spiritali benedictione: ut sit omnibus sumentibus salus mentis & corporis, atque contra omnes morbos, & universas inimicorum insidias tutamen. Per Dominum nostrum JESUM Christum Filium tuum, panem vivum, qui de cœlo descendit, & dat vitam, & salutem mundo: & tecum vivit & regnat in unitate Spiritus sancti Deus, per omnia sæcula sæculorum. R. Amen.

*Aspergatur aqua benedicta.*

\* *Si hæc Benedictio fiat sub invocatione aliqujus Sancti, hic addatur: Intercedente Sancto N. vel meritis & intercessione Sancti N. Idem observandum circa sequentem, aliasque similes Benedictiones.*



II.

BENEDICTIO OLEI SIMPLICIS.

℣. Adjutorium nostrum in nomine Domini.  
℞. Qui fecit cœlum & terram.

*EXORCISMUS.*

Exorcizo te creatura olei per Deum Patrem † omnipotentem, qui fecit cœlum & terram, mare & omnia, quæ in eis sunt. Omnis virtus adversarii, omnis exercitus diaboli, & omnis incurfus, omne phantasma satanæ eradicare & effugare ab hac creatura olei, ut fiat omnibus, qui eo usuri sunt, salus mentis & corporis, in nomine Dei Patris † omnipotentis, & Jesu † Christi Filii ejus Domini nostri, & Spiritus sancti † Paracliti, & in charitate ejusdem Domini nostri Jesu Christi, qui venturus est judicare vivos & mortuos, & sæculum per ignem. ℞. Amen.

℣. Domine exaudi orationem meam. ℞.  
Et clamor meus ad te veniat.

℣. Dominus vobiscum. ℞. Et cum Spiritu tuo.

*Oremus.*

**D**omine Deus omnipotens, cui astat exercitus Angelorum cum tremore, quorum servitium spirituale cognoscitur; dignare respicere

spicere, & beneddicere, & sanctificare hanc creaturam olei, quam ex olivarum succo eduxisti, & ex eo infirmos inungi mandasti, quatenus sanitate percepta, tibi Deo vivo, & vero gratias agerent; præsta quæsumus: ut hi, qui hoc oleo, quod in tuo Nomine beneddicimus, usi fuerint, ab omni languore, omnique infirmitate, atque cunctis insidiis inimici liberentur, & cunctæ adversitates separantur a plasmate tuo, quod pretioso sanguine Filii tui redemisti: ut nunquam lædatur a morfu serpentis antiqui. Per eundem Dominum nostrum Iesum Christum Filium tuum, qui tecum vivit & regnat in unitate &c.

*Aspergat oleum aqua benedicta.*

### III.

## BENEDICTIO HERBARUM

QUOCUNQUE TEMPORE FACIENDA.

℣. Adjutorium nostrum &c. *ut supra.*

Oremus.

**D**escendat Benedictio Patris, & Filii, & Spiritus sancti super hanc creaturam herbarum; ut, quicumque ex eis sumpserint, corporis & animæ salute potiantur. Per Christum Dominum nostrum. R. Amen.

*Aspergantur aqua benedicta.*

### IV.

IV.

BENEDICTIO FRUCTUUM

IN GENERE.

℣. Adjutorium nostrum &c. *ut supra.*

Oremus.

**D**eus, qui hos terræ fructus tua jussione & providentia progigni voluisti, nunc etiam eosdem beneddicere, & sanctificare digneris; ut, quicumque ex eis in tuo sancto Nomine gustaverint, incolumes esse valeant. Per Christum Dominum nostrum. R. Amen.

*Aspergantur aqua benedicta.*

V.

BENEDICTIO

AD QUODCUNQUE COMESTIBILE,  
VEL POTABILE QUOVIS TEMPORE.

℣. Adjutorium nostrum &c. *ut supra.*

Oremus.

**B**enedic Domine creaturam istam N. ut sit Remedium salutare generi humano, & præsta per invocationem Nominis tui sancti; ut, quicumque ex ea cum gratiarum actione sumplerint, corporis sanitatem, & ani-  
S mæ

mæ tutelam percipiant, per Christum Dominum nostrum. R. Amen.

*Aspergatur aqua benedicta.*

## VI.

## BENEDICTIO MEDICINÆ

CUJUSVIS PRO HOMINIBUS.

℣. Adjutorium nostrum &c. *ut supra.*

Oremus.

Summe Deus, qui summa & media, imaque custodis, qui omnem creaturam intrinsecus ambiendo concludis, sanctificare & benedicere digneris hanc Medicinam, & Benedictionem tuam super eam infundere digneris, ut per tuam sanctissimam Virtutem & copiosissimam Benedictionem, per signum S. Crucis impertitam, omnis virtus diabolica ab hac creatura, quæ hanc Medicinam sumptura est, expellatur, & annihiletur, tantam virtutem merito Passionis tuæ, & vivificæ Crucis recipiat, ut omnes immundos spiritus, incantationes, ligaturas, signaturas, facturas, & omnia maleficia possit expellere, & divertere a famulo tuo, qui ea utetur, exhibeatque ei plenum sanitatis effectum. Per Christum Dominum nostrum. R. Amen.

Ore-

Oremus.

**B**enedico te, creatura medicinæ, in nomine altissimi Patris †, & Filii †, & Spiritus † sancti, qui te creavit pro tutela humani generis: & rogamus te, Domine Deus noster, ut hæc creatura hujus medicinæ famulo tuo, qui ea utetur, in nomine SS. Trinitatis efficiatur salutare remedium, sitque perfecta medicina in visceribus ejus: qui in Trinitate perfecta vivis & regnas, per omnia sæcula sæculorum. R. Amen.

*Aspergatur.*

VII.

**BENEDICTIO ANIMALIUM**

CONTRA PESTEM, SEU INFIRMITATEM.

℣. Adjutorium nostrum &c. *ut supra.*

Oremus.

**M**isericordiam tuam, Domine, supplices exoramus, ut hæc animalia, quæ gravi infirmitate vexantur, in Nomine atque tuæ Benedictionis virtute sanentur. Extinguatur in eis omnis diabolica potestas, ne ulterius ægrotent; tu eis, Domine, sis sustentaculum vitæ & remedium sanitatis. Per Christum Dominum nostrum. R. Amen.

*Aspergatur aqua benedicta.*

S 2

VIII.

**VIII.****BENEDICTIO SALIS, VEL MEDICINÆ  
PRO ANIMALIBUS.**

*Adjutorium nostrum &c. ut supra.*

**Oremus.**

**D**eus invisibilis & inæstimabilis, pietatem tuam per sanctum ac tremendum Filii tui Nomen suppliciter deprecamur, ut in hac creatura salis Bene<sup>+</sup>dictionem & potentiam invisibilis operationis infundas, ut animalia, quæ necessitatibus humanis tribuere dignatus es, cum ex eo acceperint vel gustaverint, Bene<sup>+</sup>dictio, & Sancti<sup>+</sup>ficatio tua ab omni ægritudinis & læsionis incurso te protegente custodiat. Per eundem Christum Dominum nostrum. R. Amen.

**Oremus.**

**D**omine sancte, Pater omnipotens, æterne Deus, defende, quæsumus, omnia animalia nostra per hanc creaturam salis: defende piissime Deus a rapacibus, a latronibus, a bestiis, a scabie, a morbo, a morsibus, a laqueis, a diabolo, ab infirmitate, ab invidia & malitia pravorum, a malis hominibus; & ab omnibus malis salvare & pecudes, & animalia, quæ morbis & infirmitatibus vexantur,

tur, per hanc creaturam falis, & per invocationem sancti Nominis tui sanare digneris.  
Per Christum Dominum nostrum. R. Amen.

*Aspergatur aqua benedicta.*

## IX.

### BENEDICTIO PABULI ANIMALIUM.

℣. Adjutorium nostrum &c. *ut supra.*

*Antiph.* Benedicat Dominus hanc creaturam pabuli, falis, hordei, avenæ, filiginis, Amen.

### *Psalms* 125.

**I**n convertendo Dominus captivitatem Sion : \*  
facti sumus sicut consolati.

Tunc repletum est gaudio os nostrum, \* &  
lingua nostra exultatione.

Tunc dicent inter gentes : \* magnificavit  
Dominus facere cum eis.

Magnificavit Dominus facere nobiscum, \*  
facti sumus lætantes.

Converte Domine captivitatem nostram, \*  
sicut torrens in austro.

Qui seminant in lacrymis, \* in exultatione  
metent.

Euntes ibant & flebant, \* mittentes semi-  
na sua.

Venientes autem venient cum exultatione,\*  
portantes manipulos suos.

Gloria Patri &c.

*Antiph.* Benedicat &c. *ut supra.*

Kyrie eleison. Christe eleison. Kyrie elei-  
son. Pater noster &c.

℣. Et ne nos inducas in tentationem.

℞. Sed libera nos a malo.

℣. Ostende nobis Domine misericordiam  
tuam.

℞. Et salutare tuum da nobis.

℣. Domine exaudi Orationem meam.

℞. Et clamor meus ad te veniat.

℣. Dominus vobiscum.

℣. Et cum Spiritu tuo.

Oremus.

**D**omine Deus omnipotens, Creator cœli  
& terræ, Rex regum, & Dominus do-  
minantium: exaudi nos famulos tuos claman-  
tes & orantes ad te: qui omnia de nihilo crea-  
sti, & hoc pabulum cum cæteris creaturis ad  
usus animalium, & ad eorum nutrimentum  
fecisti: quæ quidem animalia in adjutorium  
& sustentationem hominum creasti: te humi-  
liter deprecamur, ut has creaturas avenæ, fa-  
lis, & cætera, quæ ad usus animalium &  
sanitatem eorum, sive in terra, sive in aqua  
degentium, per invocationem sancti Nominis  
tui,



tui, & per intercessionem beatæ Mariæ semper Virginis Genitricis tuæ, & per preces omnium Sanctorum tuorum beneddicere & sanctificare digneris; ut animalia, quæ ex eis gustaverint, sanitatem integraliter recipiant, per te Jesu Christe, cujus solo verbo omnia restaurantur, Salvator mundi, Rex æternæ gloriæ, qui in Trinitate perfecta cum Patre & Spiritu sancto vivis, & regnas in sæcula sæculorum. R. Amen.

**Oremus.**

**D**eus, qui temporibus Eliæ Prophetæ cælum a nubibus restringendo clausisti, & rursum aperiendo te mirabilem ostendisti; exaudi preces plebis tuæ, ut per Unigenitum tuum, quem consubstantialem & coæqualem tibi in Divinitate credimus, & per Spiritum sanctum Paraclitum, quem ab utroque procedere confitemur, benedicas, & sanctifices hunc salem, avenam, hordeum & filiginem, ut, quæcunque animalia ex eis gustaverint, adjutorium sanitatis & incolumitatis recipiant: per te Domine sancte Pater, qui cum Filio & Spiritu sancto vivis & regnas in sæcula sæculorum. R. Amen.

*Manu formans signum Crucis super pabulum  
dicit: Benedictio Dei omnipotentis, Patris,  
† & Filii, & Spiritus sancti, descendat super  
hanc*

hanc creaturam avenæ, hordei, filiginis, & falis &c. R. Amen.

*Aspergat omnia aqua benedicta.*

# X.

## BENEDICTIO STABULORUM

PRO EQUIS, BOBUS, ET ALIIS ARMENTIS.

℣. Adjutorium nostrum &c. *ut supra.*

### Oremus.

**E**xaudi nos, Domine sancte, Pater omnipotens, æterne Deus, ut sicut domos Hebræorum in Ægypto sanguine agni asperfas custodisti in eorum exitu de Ægypto ab Angelo percutiente; ita mittere digneris sanctum Angelum tuum de cœlis, qui custodiat, foveat, protegat, visitet, atque defendat hoc stabulum (*seu locum istum*) a maleficiis, fraudibus, & ab omnium inimicorum insidiis. Per Christum Dominum nostrum. R. Amen.

### Oremus.

**B**enedic, Domine, locum istum, & defende illum cum omnibus jumentis (*vel pecoribus*) ejus ab omni mala tempestate, ab igne & infirmitate, ab ira ventura, & ab omnibus diabolicis tribulationibus & insidiis; & tu Deus, qui unigenitum Filium tuum, ac  
Redem-

Redemptorem nostrum in jumentorum stabulo nasci, & collocari voluisti, ejus esse velis habitator, & custos, eumque ab omni malo custodire digneris. Per eundem Christum Dominum nostrum. R. Amen.

*Aspergatur aqua benedicta.*

## XI.

### BENEDICTIO SEMINUM

PRO AGRIS SEMINANDIS.

V. Adjutorium nostrum &c. *ut supra.*

Oremus.

**T**e Domine, rogamus & petimus, ut hæc segetum, fructuum, olerum, leguminum, & herbarum semina oculis tuis serenis aspicias, sicut testatus es Moyse famulo tuo in terra Ægypti dicens: Dic filiis Israel, cum ingressi fuerint terram promissionis, quam eis Dominus Deus daturus est, primitias fructuum suorum offerant Sacerdotibus, & erunt benedicti; ita & nos oramus, Domine auxilium misericordiæ tuæ super hæc semina, ex quibus fructus de terra suscipere speramus, ut non grando illa succidat, non turbo subvertat, non tempestas detundat, non aëris aut aquarum inundatio exterminet; sed tua sancta † Benedictione præmunita, cum fructu largiter pro nostrorum corporum, vel animalium usu

T

ad

ad plenissimam maturitatem perducere digneris. Per Christum Dominum nostrum. *R.* Amen.

*Deinde aspergat aqua benedicta. Et si una tantum seminis species benedicatur, reliquæ omit-  
tuntur.*

## XII.

## BENEDICTIO TERRÆ SEMINATÆ.

*℣.* Adjutorium nostrum &c. *ut supra.*

Oremus.

**B**enedicat nos Deus, Deus noster, & terræ nostræ ubertatem concedat; in centuplum amplificet fructus ejus, ut viventes in exultatione manipulos nostros colligamus. Per Christum Dominum nostrum. *R.* Amen.

*Aspergat aqua benedicta.*

## XIII.

## BENEDICTIO COMMUNIS

SUPER FRUGES ET VINEAS.

*℣.* Adjutorium nostrum &c. *ut supra.*

Oremus.

**O**ramus pietatem tuam, omnipotens Deus,  
ut has primitias creaturæ tuæ, quas aë-  
ris

ris & pluviae temperamento nutrire dignatus es, Benedictionis tuae imbre profundas, & fructus terrae tuae usque ad maturitatem perducas; tribuas quoque populo tuo de tuis muneribus tibi semper gratias agere, ut a fertilitate terrae esurientium animas bonis affluentibus repleas, & egenus & pauper. laudent Nomen gloriae tuae. Per Christum Dominum nostrum. R. Amen.

*Aspergat illas aqua benedicta.*

## ALIA LONGIOR BENEDICTIO

COMMUNIS CAMPORUM, ALPIUM, PRATORUM,  
PASCUORUM &c.

℣. Adjutorium nostrum &c. *ut supra.*

Oremus.

Deus, a quo omne bonum sumit initium, & semper ad potiora progrediens percipit incrementum: concede, quaesumus, supplicantibus nobis, ut quod ad laudem Nominis tui inchoare aggredimur, aeterno tuae sapientiae munere ad terminum perducatur. Per Dominum nostrum Jesum Christum, Filium tuum &c. R. Amen.

## ORATIO.

Omnipotens aeternae Deus, qui Sacerdotibus tuis praeter ceteris gratiam conferre digna-

dignatus es, ut quicquid in tuo Nomine ab iis digne & perfecte agitur, a te fieri credatur: quæsumus clementiam tuam, ut quod modo visitaturi sumus, tu quoque visites, & quod benedicturi sumus, tu quoque benedicas, & ad ea, quæ acturi sumus, tuæ potentiae dexteram extendas: sit ad humilitatis nostræ ingressum, Sanctorum tuorum meritis, & intercessionibus fuga dæmonum, & tuorum ingressus Angelorum. Per Christum Dominum &c.

*Dicantur Lytaniæ omnium Sanctorum, & post Versum: ut animas nostras &c. Sacerdos surgens dicat:*

Ut hos campos, alpes, & pascua (*vel agros, vel prata &c.*) beneddicere digneris. Te rogamus audi nos.

Ut hos campos (*vel alpes, vel pascua, vel agros, vel prata &c.*) beneddicere, & sanctificare digneris. Te rogamus audi nos.

Ut hos campos (*vel alpes, vel pascua &c.*) beneddicere, sanctificare, conservare †, & ab omni dæmonum infestatione custodire digneris. Te rogamus audi nos.

Ut fulgura, grandines, sævas tempestates, & noxias aquarum inundationes a loco isto clementer expellere & effugare digneris. Te rogamus audi nos.

*Deinde*

*Deinde prosequitur, & absolvit Lytanas.*

Ut fructus terræ dare &c. *postea*

Kyrie eleison. Christe eleison. Kyrie eleison. Pater noster &c. *secreto.*

℣. Et ne nos inducas in tentationem &c.

℣. Emitte Spiritum tuum, & creabuntur,

℞. Et renovabis faciem terræ.

℣. Dominus dabit benignitatem.

℞. Et terra nostra dabit fructum suum.

℣. Domine exaudi Orationem meam &c.

℣. Dominus vobiscum &c.

### Oremus.

Pietatem tuam, omnipotens Deus, humiliter imploramus, ut hos campos (*vel alpes, vel prata, vel pascua*) quo aëris temperamento nutrire dignatus es, tuæ Benedictionis imbre perfundere digneris, tribuens populo tuo, de tuis muneribus, tibi semper gratias agere, & pulsa sterilitate terræ, esurientium animos bonis affluentibus replere, ut egeni & pauperes laudent Nomen gloriæ tuæ in sæcula. ℞. Amen.

*Postea Sacerdos circumeat campos, vel agros, vel pascua, quantum licet, aspergendo & recitando aliquos Psalmos graduales; post ultimum Gloria Patri dicitur:*

Kyrie eleison. Christe eleison. Kyrie eleison. Pater noster &c.

℣. Et ne nos inducas in tentationem &c.

℣. Domine exaudi &c.

℣. Dominus vobiscum &c.

Oremus.

**B**enedic, quæsumus Domine, & sanctifica hos campos (*vel alpes, vel pascua, vel prata &c.*) & omnem ubertatem eis concede in centuplum, & multiplica fructus ejus, ut viventes servi tui in exultatione manipulos colligant, & te semper laudent, & benedicant. Per Dominum nostrum JESUM Christum, Filium tuum, qui tecum vivit & regnat in unitate Spiritus sancti Deus, per omnia sæcula sæculorum. *R. Amen.*

*Hæc Benedictio etiam adhiberi potest pro agris solis.*

#### XIV.

### BENEDICTIO AGRORUM

CONTRA NOXIA ANIMALCULA, AVES, MURES,  
VERMES, SERPENTES, LOCUSTAS, FRUCTUS  
TERRÆ VASTANTES.

℣. Adjutorium nostrum &c. *R. Qui fecit  
cælum &c.*

℣. Domine exaudi &c.

℣. Dominus vobiscum &c.

Ore-



Oremus.

**P**reces nostras, quæsumus Domine, clementer exaudi: ut, qui iuste pro peccatis nostris affligimur: & harum noxiarum avium (murium, vermium, locustarum) persecutionem patimur, pro tui Nominis gloria ab ea misericorditer liberemur, ut procul a tua potentia expulsæ (expulsi) nulli noceant, & hos agros (prata, vineas, aquas) in tranquillitate & quiete dimittant, quatenus ex eis provenientia tuæ Majestati deserviant, & nostræ necessitati absque nocumento subveniant. Per Christum Dominum nostrum. R. Amen.

*EXORCISMUS.*

Exorcizo & adjuro vos, pestiferi vermes (mures, locustæ, aves) noxia animantia, per Deum Patrem omnipotentem, per Jesum † Christum Filium ejus Dominum nostrum, & per Spiritum † sanctum, ab utroque procedentem, & per intercessionem beatæ Mariæ Virginis, & Sancti N. (*ponatur Patronus loci*) ut confestim recedatis ab his agris (campis, pratis, hortis:) nec amplius in eis habitetis, sed ad illa, & talia loca transeatis, ubi nullis Dei servis nocere possitis, pro parte omnipotentis Dei, & totius Curiae coelestis, Sancti N. & Ecclesiæ sanctæ Dei, vos maledicens, ut, quocunque ieritis, sitis maledicti, deficientes  
de

de die in diem in vos ipsos, & decrefcentes, ita ut reliquiæ in vobis, nullo in loco inveniuntur, niſi neceſſariæ ad ſalutem & uſum hominum, quod præſtare dignetur, qui venturus eſt iudicare vivos & mortuos, & ſæculum per ignem. R. Amen.

### *ALIUS EXORCISMUS.*

Exorcizo & adjuro vos dæmones per Deum Patrem omnipotentem, qui in deſerto per quadraginta annos cibavit filios Iſrael manna, & ex petra aquam eduxit eis ad bibendum, ut ſtatim ab his agris (campis, vineis, pratis, hortis, aquis) omne, quod noxium eſt, amoveatis. Adjuro etiam vos animalia, & quæcunque per maleficium diaboli noxia eſtis hominibus; & bonis eorum, per Deum Patrem, omnipotentem, & per Filium ejus, & per Spiritum ſanctum Paraclitum, ut hinc diſcedatis & nocere deſinatis graminibus (frugibus, piſcibus &c.) & diſſipemini: & omnis virtus & poteſtas nocendi vobis adimatur, & interimat vos dextera Dei omnipotentis per invocationem Nominis ſui, & per Paſſionem & mortem JEſu Chriſti Filii ſui, & per merita beatiffimæ Virginis Mariæ, & omnium Sanctorum & Sanctarum cœleſtis Curia. R. Amen.

### *Oremus.*

**O**mnipotens ſempiternæ Deus, Remunerator omnium bonorum, & pœnitentium pecca-

peccatorum maximus miserator, in cuius Nomine omnia gēua flectuntur, cœlestium, terrestrium, & infernorum. Concede nobis propitius, ut, quod de gratia & misericordia tua confisi agimus, per eandem gratiam & virtutem tuam efficacem consequatur effectum; ut per tuam clementiam ab hac peste liberati, Majestati tuæ congruas referamus gratiarum actiones. R. Amen.

*Aspergit agros, prata, vel vineas aqua benedicta.*

*Si hæc Benedictio agrorum &c. contra noxia animalcula fiat processionaliter cum Reliquia seu sic dicto Baculo S. Magni, tunc Sacerdos Reliquiam hanc durante processione in manibus gerens incedit: cum vero ad locum Benedictiōis devenerit, reponit eam super mensam vel alium convenientem locum ad id paratum, aut si hujus copia desit, Ministro a principio usque ad finem Benedictiōis tenendam tradit. Sacerdos vero observat omnia ut supra Sect. 2. §. 19. in Benedictiōe agrorum &c. tempore vernali & æstivali, exceptis Versibus & Orationibus, quæ una cum Exorcismis & reliquis dicuntur, ut sequitur.*

### *POST EVANGELIUM PRIMUM.*

ψ. Ostende nobis Domine misericordiam tuam.

R. Et salutare tuum da nobis.

U

ψ.

℣. Domine exaudi Orationem meam.

℞. Et clamor meus ad te veniat.

℣. Dominus vobiscum.

℞. Et cum Spiritu tuo.

### Oremus.

**P**reces nostras, quæsumus Domine, clementer exaudi: ut qui iuste pro peccatis nostris affligimur, & harum noxiarum avium (murium, vermium, locustarum) persecutionem patimur, pro tui Nominis gloria per merita & intercessionem S. Magni Abbatis misericorditer liberemur, ut procul a tua potentia expulsæ (expulsi) nulli noceant, & hos agros (prata, vineas, aquas) in tranquillitate, & pietate dimittant, quatenus ex eis provenientia, tuæ Majestati deserviant, & nostræ necessitati absque nocumento subveniant. Per Dominum nostrum JESUM Christum &c.

### Exorcismus.

Exorcizo & adjuro vos, pestiferi vermes (mures, locustæ, aves) noxia animantia, per Deum Patrem omnipotentem, per JESUM & Christum Filium ejus Dominum nostrum, & per Spiritum & sanctum ab utroque procedentem, & per intercessionem beatæ Mariæ Virginis, & sancti Magni Abbatis, ut confestim recedatis ab his agris (campis, pratis, hortis)

tis) nec amplius in eis habitetis, sed ad illa & talia loca transeat, ubi nullis Dei servis nocere possitis, pro parte omnipotentis Dei, & totius Curiae coelestis, sancti Magni Abbat, & Ecclesiae sanctae Dei, vos maledicens, ut quocunque ieritis, sitis maledicti, deficientes de die in diem in vos ipsos, & decrescetes, ita ut reliquiae de vobis nullo in loco inveniatur, nisi necessariae ad salutem & usum hominum, quod praestare dignetur, qui venturus est iudicare vivos & mortuos & saeculum per ignem. R. Amen.

ψ. Sit Nomen Domini benedictum.

R. Ex hoc nunc, & usque in saeculum.

ψ. Adjutorium nostrum in nomine Domini.

R. Qui fecit caelum & terram.

*Tunc elevata manu dextra format unicam Crucem, dicendo :*

Benedictio Dei omnipotentis Patris †, & Filii, & Spiritus sancti, descendat super hos agros (vineas aut hortos) & eorum (vel earum) fructus, & maneat semper. R. Amen.

*Aspergantur agri (vineae, aut horti) ter in modum Crucis aqua benedicta.*

## *POST EVANGELIUM SECUNDUM.*

ψ. Ostende nobis Domine misericordiam &c.

ψ. Domine exaudi &c.

ψ. Dominus vobiscum &c.

U 2

Ore-

## Oremus.

**O**mnipotens sempiterne Deus, Remunerator omnium bonorum, & poenitentium peccatorum maximus Miserator: in cujus Nomine omnia genua flectuntur, coelestium, terrestrium & infernorum. Concede nobis propitius, ut, quod de gratia & misericordia tua confisi agimus, per eandem gratiam, & virtutem tuam, intercedente S. Magno Abbate, efficacem consequatur effectum; ut per tuam clementiam ab hac peste liberati, Majestati tuæ congruas referamus gratiarum actiones. Per Dominum nostrum Jesum Christum &c.

*Exorcismus.*

Exorcizo & adjuro vos dæmones per Deum Patrem omnipotentem, qui in deserto per quadraginta annos cibavit filios Israel manna, & ex petra aquam eduxit eis ad bibendum, ut statim ab his agris (campis, vineis, pratis, hortis, aquis) omne, quod noxium est, amoveatis. Adjuro etiam vos animalia, & quæcunque per maleficium diaboli noxia estis hominibus, & bonis eorum per Deum Patrem omnipotentem, & per Filium ejus, & per Spiritum sanctum Paraclitum, ut hinc discedatis & nocere desinatis graminibus (frugibus, piscibus &c.) & dissipemini: & omnis virtus & potestas nocendi vobis adimatur,

tur, & interimat vos dextera Dei omnipotentis per invocationem Nominis sui, & per Passionem & mortem Jesu Christi Filii sui, & per merita beatissimæ Virginis Mariæ & omnium Sanctorum & Sanctarum coelestis Curiae.  
R. Amen.

ψ. Sit nomen Domini benedictum, *cum reliquis ut supra pag. 155. usque ad Benedictionem, & asperfusionem aquæ benedictæ inclusive.*

### *POST EVANGELIUM TERTIUM.*

ψ. Ostende nobis Domine misericordiam &c.

ψ. Domine exaudi &c.

ψ. Dominus vobiscum &c.

### *Oremus.*

**O**ramus te Domine Deus noster, ut per merita, & intercessionem S. Magni Abbatis hos agros, aut vineas clementer respicere digneris: tuamque super nos mittere Benedictionem †, ut non grando surripiat, non vis tempestatis detruncet, non æstus exurat, non animalia noxia corrodant, neque inundatio pluviae exterminet, sed fructus incolumes, uberesque usui nostro ad plenam maturitatem perducas. Per Dominum nostrum Jesum Christum &c. R. Amen.

*Exorcismus.*

Exorcizo , & adjuro vos pestiferi vermes  
&c. *ut supra post Evangelium primum pag. 154.*  
 & 155.

Ÿ. Sit nomen Domini benedictum , *cum reliquis ut supra , usque ad Benedictionem & asperersionem aquæ benedictæ inclusive.*

*POST EVANGELIUM ULTIMUM.*

Ÿ. Ostende nobis Domine misericordiam &c.

Ÿ. Domine exaudi &c.

Ÿ. Dominus vobiscum &c.

*Oremus.*

**D**eus , qui famulorum tuorum Moyfis & Aaronis ministerio ab Aegyptiis pro gloria Nominis tui locustas , bruchos , cinifes , aliasque plagas , scilicet justitiæ in peccatores flagella avertisti , a filiis quoque Israel prohibuisti , intercedente S. Magno Abbate a populo tuo in te credente similes calamitates aufer , ut potentiam tuam & beneficentiam prædicemus. Per Dominum nostrum JESUM Christum &c.

*Exorcismus.*

Exorcizo , & adjuro vos dæmones per Deum Patrem &c. *ut supra post Evangelium secundum pag. 156. & 157.*

Ÿ.



✠. Sit nomen Domini benedictum, cum reliquis ut supra pag. 155. usque ad Benedictionem & asperersionem aquæ benedictæ inclusive.

XV.

BENEDICTIO NOVI PUTEI.

✠. Adjutorium nostrum &c. ut supra.

Oremus.

**D**eprecamur, Domine, clementiam pietatis tuæ, ut aquam putei hujus cœlesti Benedictione † sanctifices, & ad communem vitam concedas salubrem, & ita ex eo fugare digneris omnem diabolicæ tentationis incursum, ut, quicumque ex eo hauserit, biberitve, vel in quibuslibet necessariis usibus hausta aqua usus fuerit, totius virtutis ac sanitatis dulcedine perfruatur, ut tibi semper Sanctificatori omnium Domino gratias agere mereatur. Per Christum Dominum nostrum. R. Amen.

*Aspergatur puteus aqua benedicta.*

XVI.

BENEDICTIO NOVÆ NAVIS.

✠. Adjutorium nostrum &c. ut supra.

Ore-

## Oremus.

**P**ropitiare, Domine, supplicationibus nostris, & benedic navem istam dextera tua sancta, & omnes, qui in ea vehentur, sicut dignatus es benedicere arcam Noë, ambulantiem in diluvio: porrige eis, Domine, dexteram tuam, sicut porrexisti beato Petro ambulanti supra mare: & mitte sanctum Angelum tuum de coelis, qui liberet & custodiat eam semper a periculis universis, cum omnibus, quæ in ea erunt: & famulos tuos, repulsis adversitatibus, portu semper optabili, cursuque tranquillo tuearis, transactisque ac recte perfectis negotiis omnibus, iterato tempore ad propria cum omni gaudio revocare digneris. Qui vivis & regnas &c.

*Aspergat navim aqua benedicta.*

## XVII.

## BENEDICTIO DOMORUM

QUOVIS TEMPORE FACIENDA CUM ASPERSIONE  
AQUÆ BENEDICTÆ.

**P**arochus, seu alii Sacerdotes volentes aliquam particularem domum, vel generaliter domos fidelium alio tempore infra annum aspergere aqua benedicta, ingredienti domum dicant: Pax huic domui, & omnibus habitantibus in ea. Deinde loca aspergendo dicant *Antiph.* Asperges me  
Domi-

Domine hyssopo, & mundabor; lavabis me, & super nivem dealbabor. *Psalmus* 50. Miserere mei Deus secundum magnam misericordiam tuam &c. *In fine.* Gloria Patri, & Filio, & Spiritui sancto. Sicut erat &c. *Repetitur Antiphona:* Asperges me Domine &c. *℣.* Domine exaudi Orationem meam. *℞.* Et clamor meus ad te veniat. *℣.* Dominus vobiscum. *℞.* Et cum Spiritu tuo.

Oremus.

**E**xaudi nos Domine sancte, Pater omnipotens, æterne Deus; & mittere digneris sanctum Angelum tuum de cœlis, qui custodiat, foveat, protegat, visitet, atque defendat omnes habitantes in hoc habitaculo. Per Christum Dominum nostrum. *℞.* Amen.

*Deinde aspergat aqua benedicta astantes.*

XVIII.

BENEDICTIO LOCI IN COMMUNI.

Adjutorium nostrum &c. *ut supra.*

Oremus.

**B**enedic, Domine Deus omnipotens, locum istum (*vel domum istam*) ut sit in eo (ea) sanitas, castitas, victoria, virtus, humilitas, bonitas, & mansuetudo, plenitudo  
X legis,

legis, & gratiarum actio Deo Patri, & Filio, & Spiritui sancto; & hæc Benedictio maneat super hunc locum, & super habitantes in eo, nunc & semper. *R. Amen.*

*Et aspergat aqua benedicta.*

# XIX.

## BENEDICTIO DOMUS NOVÆ.

*v. Adjutorium nostrum &c. ut supra.*

*Oremus.*

**T**e Deum Patrem omnipotentem suppliciter exoramus pro hac domo, & habitatoribus ejus, ac rebus: ut eam benedicere & sanctificare, ac bonis omnibus ampliare digneris: tribue eis, Domine, de rore cœli abundantiam, & de pinguedine terræ vitæ substantiam, & desideria voti eorum ad effectum tuæ miserationis perducas. Ad introitum ergo nostrum benedicere & sanctificare digneris hanc domum, sicut benedicere dignatus es domum Abraham, Isaac, & Jacob: & intra parietes domus istius Angeli tuæ lucis inhabitent, eamque & ejus habitatores custodiant. Per Christum Dominum nostrum. *R. Amen.*

*Deinde aspergatur aqua benedicta.*

# XX.

XX.

BENEDICTIO THALAMI.

℣. Adjutorium nostrum &c. *ut supra.*

Oremus.

**B**enedic, Domine, thalamum hunc, ut omnes habitantes in eo, in tua pace consistant, & in tua voluntate permaneant, & fenescant, & multiplicentur in longitudine dierum, & ad Regna coelorum perveniant. Per Christum Dominum nostrum. *R. Amen.*

*Aspergatur aqua benedicta.*

XXI.

BENEDICTIO VESTIMENTORUM,

VEL INDUMENTORUM, ET LINTEAMINUM LECTI,  
ET SIMILIIUM MUTATIS MUTANDIS.

**E**xorcizo vos, creaturae diversae indumentorum, per eum, qui vos paravit ad ornamentum generis humani, ut sitis indumenta benedicta † pura † & munda † ab omni virtute diaboli, & ministrorum ejus, & ab omnibus factoris & maleficiis, cujuscunque generis sint: & vires diaboli retinere non possitis, sed sitis indumenta pura †, benedicta †, & sanctificata †; quæsumus Domine, ut hæc indumenta purificare, benedicere & sanctificare

X 2

ficare

ficare digneris; nam ego Sacerdos tuus hæc indumenta in tuo Nomine benedico, purifico †, & sanctifico †; concede, Domine, ut qui ea portaverit, & induerit, cœlestis gratiæ, & Benedictionis plenitudinem valeat accipere, ut ab omnibus dæmonibus & factoris sit liber & defensus. In nomine Patris †, & Filii †, & Spiritus † sancti, Amen.

*Oremus.*

**O**mnipotens æterne Deus, qui inter cætera mirabilia tua creaturas diversis ornamentis decorasti, & tunicas pelliceas Adæ & Evæ fecisti, nosque veste misericordiæ in hoc sæculo, & in futuro regno stola gloriæ circumdas: quæsumus, ut hæc indumenta pro tui Nominis honore purificare & benedicere digneris, quæ & ego in Nomine tuo purifico † & benedico, tuamque clementiam supplex invoco, ut creaturam istam, quæ his indumentis vestietur, sub tua protectione conservare, & copiosis meritis, diversisque virtutibus ditare, & ornare digneris, ut cum senseris horum vestimentorum fragrantiam, des eidem creaturæ tuæ osculum pacis, & benedicas eam in anima & corpore; concede Domine, ut odor horum vestimentorum sit sicut odor thuris, qui Angelos lætificet, dæmones vero in fugam convertat. Da quoque Domine, ut famulus tuus (famula tua) qui hæc vesti-

vestimenta portaverit, cœlestis gratiæ plenitudinem, & tuæ protectionis munimen mereatur accipere: utque ab omnibus inimicorum maleficiis, incantationibus, & insidiis incolumis permaneat, teque Deum suum omnipotentem glorificet in tempore & æternitate. Per Dominum nostrum &c.

Benedictio Dei omnipotentis Patris, & Filii, & Spiritus † sancti, descendat super hæc indumenta, & maneat semper. Amen.

*Aspergantur aqua benedicta.*

## XXII.

### BENEDICTIO LOCORUM

CONTRA INUNDATIONES AQUARUM ET INCENDIA,  
QUÆ FLAMMIS INGRAVESCENTIBUS NULLO  
HUMANO AUXILIO SOPIRI POSSE  
PUTANTUR.

*Sacerdos indutus superpelliceo, & Stola alba cum Ministro deferente hoc Benedictionale procedit ad locum, & dicit sequentes preces:*

℣. Adjuva nos Deus salutaris noster. ℞. Et propter gloriam Nominis tui libera nos.

℣. Salvos fac fervos tuos. ℞. Deus meus sperantes in te.

℣. Domine non secundum peccata nostra facias nobis. ℞. Neque secundum iniquitates nostras retribuas nobis.

X 3

℣.

℣. Mitte nobis, Domine, auxilium de sancto. R. Et de Sion tuere nos.

℣. Domine exaudi Orationem meam. R. Et clamor meus ad te veniat.

℣. Dominus vobiscum. R. Et cum Spiritu tuo.

### Oremus.

**D**eus, qui justificas impium, & non vis mortem peccatoris; Majestatem tuam suppliciter deprecamur, ut famulos tuos de tua misericordia confidentes ab his aquarum (vel ignium) periculis cœlesti protegas benignus auxilio, & assidua protectione conserves, ut tibi jugiter famulentur, & nullis tentationibus a te separentur. Per Christum Dominum nostrum. R. Amen.

*Extendens manum super aquas (flammas) faciat signum Crucis dicendo:*

Benedictio Dei omnipotentis, Patris †, & Filii, & Spiritus sancti, descendat super has aquas (vel flammas) easque clementer coerceat. R. Amen.

*Injici quandoque etiam solent Agni Dei, palmæ, aliæque res benedictæ; a superstitiosis vero Judæorum characteribus plane abstineatur.*

### XXIII.

#### BENEDICTIO CUJUSLIBET REL.

℣. Adjutorium nostrum &c. *ut supra.*

Ore-



**Oremus.**

**D**eus, cujus verbo sanctificantur omnia, effunde, quæsumus, Benedictionem tuam super nos, & super hanc creaturam; ut per invocationem sancti tui Nominis, quæcunque præsentis vitæ necessitas pie postulat, misericorditer cum gratiarum actione assequamur. Per Christum Dominum nostrum. R. Amen.

*Aspergat aqua benedicta.*

**ALIA BENEDICTIO COMMUNIS  
CUJUSLIBET REI**

**SUB INVOCATIONE ALCUIUS SANCTI.**

**Ÿ. Adjutorium nostrum &c. ut supra.**

**Oremus.**

**B**enedic, Domine, creaturam istam N. ut salutare remedium sit creaturæ tuæ, quam pretioso Sanguine redemisti: & præsta per invocationem tui sancti Nominis, & Sancti N. Servi tui, ut quisquis ea usus fuerit, Benedictionem recipiat & sanitatem: atque contra omnes morbos, atque universas insidias diaboli, & inimicorum tutamen sit: & ego N. tuus Sacerdos, in Nomine tuo, & Sancti N. hanc creaturam N. benedico, ac sanctifico, ut sit defensio creaturis tuis & ignis ardens dæmoniorum, & sit expulsio diabolorum, atque annihilatio omnium factorum diabolicarum, in nomine Patris, & Filii, & Spiritus sancti, Amen. *Aspergatur.*

**SEC-**

**SECTIO VI.****BENEDICTIONES**

**A SOLIS EPISCOPIS, VEL SACERDOTIBUS  
LICENTIAM PAPALEM, AUT EPISCOPALEM  
HABENTIBUS FACIENDÆ.**

**I.****BENEDICTIO SACERDOTALIUM  
INDUMENTORUM IN GENERE.**

℣. Adjutorium nostrum in nomine Domi-  
ni.    ℞. Qui fecit cœlum, & terram.  
℣. Domine exaudi &c.  
℣. Dominus vobiscum &c.

**Oremus.**

**O**mnipotens sempiterne Deus, qui per  
Moyſen famulum tuum Pontificalia &  
Sacerdotalia ſeu Levitica veſtimenta, ad ex-  
plendum in conſpectu tuo Miniſterium eorum,  
ad honorem, & decorem Nominis tui fieri de-  
creviſti: adeſto propitiuſ invocationibus no-  
ſtris, & hæc indumenta Sacerdotalia, deſu-  
per irrigante gratia tua, ingenti Benedictione  
per noſtræ humilitatis ſervitium puriſſicare,  
beneſdicere, & conſecrare digneris; ut di-  
vinis cultibus, & ſacris Myſteriis apta & be-  
nedicta

nedicta existant; his quoque sacris vestibus Pontifices & Sacerdotes, seu Levitæ tui induti ab omnibus impulsionebus, seu tentationibus malignorum spirituum muniti & defensi esse mereantur: tuisque Mysteriis apte & condigne servire, & inhærere, atque in his tibi placide, & devote perseverare tribue. Per Christum Dominum nostrum. R. Amen.

Oremus.

**D**eus invictæ virtutis Triumphator, & omnium rerum Creator, & Sanctificator: intende propitius preces nostras: & hæc indumenta Leviticæ, Sacerdotalis, & Pontificalis gloriæ Ministris tuis fruenda tuo ore proprio beneddicere, sanctificare, & consecrare digneris: omnesque eis utentes, tuis Mysteriis aptos, & tibi in eis devote ac laudabiliter servientes, gratos efficere digneris. Per Dominum nostrum Iesum Christum, Filium tuum, qui tecum vivit & regnat &c. R. Amen.

Oremus.

**D**omine Deus omnipotens, qui vestimenta Pontificibus, Sacerdotibus, & Levitis in usum tabernaculi foederis necessaria, Moysen famulum tuum conficere iussisti, eumque spiritu sapientiæ ad id peragendum replevisti:

Y

hæc

hæc vestimenta in usum, & cultum Mysteriorum tui beneddicere, sanctificare, & consecrare digneris: atque Ministros Altaris tui, qui ea induerint, septiformis spiritus gratia dignanter repleti, atque castitatis stola, beata facias cum bonorum fructu operum Ministerii congruentis immortalitate vestiri. Per Christum Dominum nostrum. R. Amen.

*Deinde aspergit ipsa indumenta aqua benedicta.*

## II.

### B E N E D I C T I O

CUJUSLIBET INDUMENTI IN SPECIE.

✠. Adjutorium nostrum &c. *ut supra.*

O r e m u s.

**D**eus omnipotens, bonarum virtutum dator, & omnium Benedictionum largus infusor, supplices te rogamus, ut manibus nostris opem tuæ Benedictionis infundas, & *vel* has caligas, & sandalia, *vel* amictum, *vel* albam, *vel* cingulum, *vel* stolam, *vel* manipulum, *vel* tunicellam, *vel* dalmaticam, *vel* planetam divino cultui præparatam virtute sancti Spiritus beneddicere, sanctificare, & consecrare digneris, & omnibus ea, *vel* eo, *vel* eis utentibus gratiam sanctificationis sacri Mysteriorum tui benignus concede; ut in conspectu

tu tuo sancti & immaculati, atque irreprehensibiles appareant, & auxilium misericordiæ tuæ acquirant. Per Dominum nostrum Jesum Christum, Filium tuum, qui tecum vivit & regnat in unitate ejusdem Spiritus sancti Deus, per omnia sæcula sæculorum. R. Amen.

*Deinde aspergit ea aqua benedicta.*

### III.

#### BENEDICTIO MAPPARUM, SEU LINTEAMINUM ALTARIS.

℣. Adjutorium nostrum &c. *ut supra.*

Oremus.

Exaudi, Domine, preces nostras, & hæc lintheamina, sacri Altaris usui præparata, beneddicere, & sanctificare digneris. Per Christum Dominum nostrum. R. Amen.

Oremus.

Domine Deus omnipotens, qui Moysem famulum tuum ornamenta, & lintheamina facere per quadraginta dies docuisti; quæ etiam Maria texuit, & fecit in usum Ministerii & tabernaculi foederis: beneddicere, sanctificare, & consecrare digneris hæc lintheamina ad tegendum, involvendumque Altare

Y 2

glorio-

gloriosissimi Filii tui, Domini nostri JESU Christi, qui tecum vivit & regnat in unitate Spiritus sancti Deus, per omnia sæcula sæculorum. *R.* Amen.

*Deinde aspergat ea aqua benedicta.*

#### IV.

### **BENEDICTIO CORPORALIUM, ET PALLARUM.**

*℟. Adjutorium nostrum &c. ut supra.*

**Oremus.**

**C**lementissime Domine, cujus inenarrabilis est virtus, cujus Mysteria arcanis mirabilibus celebrantur: tribue quæsumus, ut hoc linteamen, tuæ propitiationis Benedictione † sanctificetur, ad consecrandum super illud Corpus & Sanguinem Dei & Domini nostri JESU Christi, Filii tui: qui tecum vivit & regnat in unitate Spiritus sancti Deus, per omnia sæcula sæculorum. *R.* Amen.

**Oremus.**

**O**mnipotens sempiterne Deus, beneddicere, sanctificare, & consecrare digneris linteamen istud ad tegendum, involvendumque Corpus & Sanguinem Domini nostri JESU Christi, Filii tui: qui tecum vivit, & regnat &c. *R.* Amen.

Ore-

Oremus.

**O**mnipotens Deus, manibus nostris opem tuæ Benedictionis infunde: ut per nostram Bene†dictionem, hoc lintheamen sanctificetur, & Corporis ac Sanguinis Redemptoris nostri novum fudarium Spiritus sancti gratia efficiatur. Per eundem Dominum nostrum JESUM Christum, Filium tuum: qui tecum vivit & regnat in unitate Spiritus sancti Deus, per omnia sæcula sæculorum. R. Amen.

*Et aspergat aqua benedicta.*

V.

**BENEDICTIO TABERNACULI,  
SEU VASculi, CIBORII, MONSTRANTIÆ,  
VEL LUNULÆ PRO SACROSANCTA EUCHA-  
RISTIA CONSERVANDA.**

*℣. Adjutorium nostrum &c. ut supra.*

Oremus.

**O**mnipotens sempiterne Deus, Majestatem tuam supplices deprecamur, ut vasculum hoc pro Corpore Filii tui Domini nostri JESU Christi in eo condendo fabricatum, Bene†dictionis tuæ gratia dicare digneris. Per eundem Christum Dominum nostrum. R. Amen.

*Deinde aspergat illud aqua benedicta.*

Y 3

VI.

## VI.

## BENEDICTIO NOVÆ CRUCIS,

PUBLICE ET SOLENNITER ERIGENDÆ,

*Sacerdos indutus superpelliceo, Stola, & Pluviali rubri coloris, ubi commodè haberi potest, cum Ministris thus, thuribulum, & aquam benedictam deferentibus more solito procedat ad locum Crucis erigendæ, vel jam erectæ, dicatque :*

*℣. Adjutorium nostrum &c. ut supra.*

*Oremus.*

**B**enedic Domine, hanc Crucem tuam, per quam eripuiti mundum a potestate dæmonum, & superasti Passione tua suggestorem peccati, qui gaudebat in prævaricatione primi hominis per vetiti ligni sumptionem, qui cum Deo Patre, & Spiritu sancto vivis, & regnas in sæcula sæculorum. *℞. Amen.*

*Oremus.*

**R**ogamus te Domine sancte, Pater omnipotens sempiterne Deus, ut digneris benedicere hoc lignum Crucis tuæ, ut sit remedium salutare generi humano, sit soliditas fidei, bonorum operum profectus, & redemptio animarum, sit solamen & protectio,

*ac*



ac tutela contra sæva jacula inimicorum. Per Dominum nostrum &c.

*Deinde dicitur extensis manibus ante pectus*

*PRÆFATIO.*

Per omnia sæcula sæculorum, Amen.

Dominus vobiscum &c.

Sursum corda &c.

Gratias agamus Domino &c.

**V**ere dignum & justum est, æquum & salutare nos tibi semper, & ubique gratias agere, Domine sancte, Pater omnipotens, æterne Deus, cujus sanctum & terribile Nomen inter cæteras visibiles creaturas, ligna quoque fructifera laudare & benedicere non cessant, qui in figuram unigenitæ Sapientiæ tuæ ligno vitæ a principio paradysum voluptatis ornasti, ut ejusdem fructus sacrosancto Mysterio protoparentes nostri generis mortem cavere, & vitam admoneret custodire perpetuam, quique nos vetitæ arboris attactu justæ morti addictos ejusdem coæternæ tibi Sapientiæ Dei, & Domini nostri Jesu Christi innoxia morte ad vitam misericorditer revocare dignatus es. Te supplices exoramus, ut hoc singulare signum, quod ad exemplum primi illius sacratissimi Vexilli, quo pretioso Sanguine Filii tui triumphasti, fidelium tuorum devotione compactum erigendumque (vel ere-

erectum) est, tua cœlesti Bene+dictione sanctificare digneris, ut omnibus hic genuflectentibus, ac tuæ Majestati supplicantibus largior & cordis compunctio, & admissorum concedatur remissio, atque ipsa intercedente victoriosissima unigeniti Filii tui Passione, & tibi placita postulare, & citius valeant postulata percipere.

Da quæsumus, clementissime Pater, in quo vivimus, movemur, & sumus, ut quoties triumphum divinæ humilitatis, qua superbiam nostri hostis dejecit, oculis intuemur, quotiescunque mente recolimus, & contra hostem ipsum fiduciam & majorem tibi devotæ humilitatis gratiam consequamur, quatenus in illo tremendo tuæ Majestatis examine, cum paventibus elementis, cœlorumque tunc commotis viribus, Signum istud gloriosum redemptionis nostræ apparuerit in cœlo, ipsi de morte ad vitam transire, & ad perpetuæ resurrectionis gaudia pervenire mereamur, per eundem &c.

### Oremus.

**D**eus, qui beatæ Crucis patibulum, quod prius erat sceleratis ad pœnam, convertisti redemptis ad vitam, concede plebi tuæ ejus vallari præsidio, cujus est armata vexillo; sit ei fidei fundamentum, spei suffragium, in adversis defensio, in prosperis adju-  
vamen;

vamen; sit ei in hoste victoria, in civitate custodia, in campis profectio, in domo fultura, ut per eam pastor in futuro gregem conservet incolumem, quæ nobis Agno vivente † conversa est in salutem † per eundem &c.

Oremus.

Sanctifica Domine Jesu Christe istud signaculum Passionis tuæ, ut sit inimicis tuis obstaculum, & credentibus in te perpetuæ victoriæ vexillum, qui cum Deo Patre &c.

## BENEDICTIO THURIS.

Oremus.

Domine Deus omnipotens, cui adstat exercitus Angelorum cum tremore, quorum servitium spirituale, & igneum esse cognoscitur, dignare respicere, benedicere, & sanctificare hanc creaturam incensi, ut omnes languores, omnesque infirmitates, cunctæque insidiæ inimici odorem ejus sentientes effugiant, & separentur a plasmate tuo, ut nunquam lædatur a morfu antiqui serpentis, quod pretioso Filii tui Sanguine redemisti, qui tecum, & cum Spiritu &c.

*Finita Benedictione Sacerdos imponit thus  
in thuribulum sine ulteriori Benedictione; deinde  
Z asper-*

*aspergit Crucem aqua benedicta, eamque incensat. Denique subjungit :*

Sanctificetur istud lignum in nomine Patris, & Filii, & Spiritus sancti : & Benedictio illius ligni, in quo sacra membra Salvatoris suspensa sunt, sit in isto ligno, ut orantes, inclinantesque se propter Deum ante ipsam inveniant animæ & corporis sanitatem, per eundem &c.

*Si Crux nondum sit erecta, hic imponantur Reliquiæ, aliæque res benedictæ recludantur, & Crux erigatur. Tum Sacerdos flexis ante Crucem genibus eam devote adorat, & osculatur; idem faciunt, quicumque alii voluerint.*

## VII.

### BENEDICTIO IMAGINUM

JESU CHRISTI DOMINI NOSTRI, B. VIRGINIS  
MARIE, ET ALIORUM SANCTORUM PUBLICÆ,  
AC SOLENNITER ERIGENDARUM.

℣. Adjutorium nostrum &c. *ut supra.*

**Oremus.**

**O**mnipotens sempiterne Deus, qui Sanctorum tuorum imagines (*sive* effigies) sculpti, aut pingi non reprobas, ut, quoties illas oculis corporeis intuemur, toties eorum actus, & sanctitatem ad imitandum memoriæ oculis medite-

meditemur; hanc, quæsumus, imaginem (*seu sculpturam*) in honorem & memoriam unigeniti Filii tui Domini nostri Iesu Christi (*vel beatissimæ Virginis Mariæ, Matris Domini nostri Iesu Christi, vel Beati N. Apostoli tui, vel Martyris, vel Confessoris, vel Pontificis, aut Virginis*) adaptatam beneddicere, & sanctificare digneris; & præsta, ut quicumque coram illa unigenitum Filium tuum (*vel beatissimam Virginem, vel gloriosum Apostolum, sive Martyrem, sive Confessorem, aut Virginem*) suppliciter colere & honorare studuerit, illius meritis & obtentu a te gratiam in præsentem, & æternam gloriam obtineat in futuro. Per eundem Christum Dominum nostrum. R. Amen.

*Ultimo aspergat aqua benedicta, & thurificet.*

## VIII.

### BENEDICTIO SACRORUM VASORUM, ET ALIORUM ORNAMENTORUM IN GENERE.

℟. Adjutorium nostrum &c. *ut supra.*

Oremus.

**E**xaudi Domine, Pater clementissime, preces nostras, & hæc purificanda vasa & ornamenta, sacri Altaris, atque Ecclesiæ tuæ sacri Ministerii usui præparata, beneddicere,

Z 2

&

& sanctiſicare digneris. Per Chriſtum Dominum noſtrum. *R.* Amen.

**Oremus.**

**O**mnipotens, ſempiternus Deus, a quo omnia immunda purgantur, & in quo omnia purgata clareſcunt, ſupplices omnipotentiam tuam invocamus, ut ab his vasis, & ornamentis, quæ tibi offerunt ſamuli tui, omnis ſpiritus immundus confuſus longe diſcedat, & per tuam Beneſdictionem ad uſum & Miniſterium ſancti Altaris, & Eccleſiæ tuæ ſanctificata permaneant. Per Chriſtum Dominum noſtrum. *R.* Amen.

*Deinde aſpergit ea aqua benediſta.*

## IX.

### BENEDICTIO VASculi, AUT CAPSÆ SACRARUM RELIQUIARUM.

*Ÿ.* Adjutorium noſtrum &c. *ut ſupra.*

**Oremus.**

**B**eneſdic, quæſumus, ſancte Pater, omnipotens æternus Deus, hoc conditorium ſanctorum pignorum ad recondenda in eorum munera Sanctorum, in Chriſto JEſu Domino noſtro, qui tecum vivit & regnat in uni-

unitate Spiritus sancti Deus, per omnia sæcula sæculorum. R. Amen.

*Deinde aspergit aqua benedicta.*

X.

RITUS BENEDICENDI, & IMPONENDI

PRIMARIUM LAPIDEM PRO ECCLESIA  
ÆDIFICANDA.

*Ecclesiam ex Episcopi autoritate tantum, juxta  
sacrorum Canonum decreta, ædificari fas est.  
Si vero Sacerdos ejus ædificationis primum  
lapidem benedicendi potestatem habens, ejusmodi  
functionem peragat, hunc Ritus servabit.*

*Pridie quam primarius lapis benedicatur, li-  
gneam Crucem in loco, ubi debet esse Altare,  
figat ipse vel alius Sacerdos, sequenti vero die  
lapis in Ecclesiæ fundatione ponendus, qui de-  
bet esse quadratus, & angularis, benedicatur hoc  
modo.*

*Sacerdos indutus amictu, alba, cingulo, sto-  
la, & pluviali albi coloris, adhibitis aliquot  
Sacerdotibus, & Clericis, salem & aquam be-  
nedicit, nisi prius in promptu habeat jam bene-  
dictam ordinaria Benedictione, & interim, dum  
cantatur ex majore Pontificali Romano, vel di-  
citur a Clericis Antiphona cum Psalmo sequenti,  
aspergit locum, ubi Crux posita est, cum aqua  
benedicta.*

*Antiph.* Signum salutis pone Domine Iesu Christe, in loco isto, & non permittas introire Angelum percutientem.

*Psalms* 83.

Quam dilecta tabernacula tua Domine virtutum: \* concupiscit, & deficit anima mea in atria Domini.

Cor meum, & caro mea; \* exultaverunt in Deum vivum.

Etenim passer invenit sibi domum; \* & turtur nidum sibi, ubi ponat pullos suos.

Altaria tua Domine virtutum: \* Rex meus, & Deus meus.

Beati, qui habitant in domo tua Domine: \* in sæcula sæculorum laudabunt te.

Beatus vir, cujus est auxilium abs te: \* ascensiones in corde suo disposuit; in valle lacrymarum, in loco, quem posuit.

Etenim Benedictionem dabit Legislator, ibunt de virtute in virtutem: \* videbitur Deus Deorum in Sion.

Domine Deus virtutum, exaudi orationem meam: \* auribus percipe Deus Jacob.

Protektor noster aspice Deus: \* & respice in faciem Christi tui.

Quia melior est dies una in atriis tuis; \* super millia.

Elegi abjectus esse in domo Dei mei: \* magis quam habitare in tabernaculis peccatorum.

Quia



Quia misericordiam, & veritatem diligit Deus: \* gratiam, & gloriam dabit Dominus.

Non privabit bonis eos, qui ambulant in innocentia: \* Domine virtutum; beatus homo, qui sperat in te.

Gloria Patri &c. Sicut erat &c.

*Finito Psalmo Sacerdos versus ad locum per eum aspersum dicit, vel canit:*

Oremus.

**D**omine Deus, qui licet cœlo, & terra non capiaris, domum tamen dignaris habere in terris, ubi Nomen tuum jugiter invocetur; locum hunc, quæsumus, beatæ Mariæ semper Virginis, & Beati N. (*nominando Sanctum, vel Sanctam, in cujus honorem ac nomen fundatur Ecclesia*) omniumque Sanctorum intercedentibus meritis, sereno pietatis tuæ intuitu visita, & per infusionem gratiæ tuæ ab omni inquinamento purifica, purificatumque conserva, & qui dilecti tui David devotionem in filii sui Salomonis opere complevisti, in hoc opere desideria nostra perficere digneris: effugiantque omnes hinc nequitiae spirituales. Per Dominum nostrum Iesum Christum Filium tuum, qui tecum vivit & regnat, in unitate Spiritus sancti Deus, per omnia sæcula sæculorum. \* R. Amen.

*Postea stans benedicit primarium lapidem, dicens:*

Ÿ.

℣. Adjutorium nostrum in nomine Domini.

℞. Qui fecit cœlum, & terram.

℣. Sit Nomen Domini benedictum,

℞. Ex hoc nunc, & usque in sæculum.

℣. Lapidem, quem reprobaverunt ædificantes.

℞. Hic factus est in caput anguli.

℣. Tu es Petrus.

℞. Et super hanc petram ædificabo Ecclesiam meam.

℣. Gloria Patri, & Filio, & Spiritui sancto.

℞. Sicut erat in principio, & nunc, & semper, & in sæcula sæculorum. Amen.

### Oremus.

**D**omine JESU Christe, Fili Dei vivi, qui es verus omnipotens Deus, splendor & imago æterni Patris, & vita æterna, qui es lapis angularis de monte sine manibus abscissus, & immutabile fundamentum, hunc lapidem collocandum in tuo Nomine confirma, & tu, qui es Principium & finis, in quo Principio Deus Pater ab initio cuncta creavit, sis, quæsumus, principium & incrementum, & consummatio ipsius operis, quod debet ad laudem, & gloriam tui Nominis inchoari. Qui cum Patre & Spiritu sancto, vivis & regnas Deus, per omnia sæcula sæculorum. ℞. Amen.

*Tunc*

*Tunc aspergit lapidem ipsum aqua benedicta, & accepto cultro per singulas partes sculpsit in eo signum Crucis, dicens: In nomine Pa-tris, & Fi-lii, & Spiritus † sancti. R. Amen.*

*Quo facto dicit:*

**O r e m u s.**

**B**ene†dic Domine creaturam istam lapidis, & præsta per invocationem sancti tui Nominis, ut quicumque ad hanc Ecclesiam ædificandam pura mente auxilium dederint, corporis sanitatem, & animæ medelam percipiant. Per Christum Dominum nostrum. R. Amen.

*Postea dicantur Litanie ordinariæ sine Orationibus in fine positis, quibus dictis, parato cæmento, & cæmentario assistente, Sacerdos inchoat, Clericis prosequentibus, Antiphonam:*

Mane surgens Jacob erigebat lapidem in titulum, fundens oleum desuper: Votum vovit Domino: vere locus iste sanctus est, & ego nesciebam.

*Psalmus 126.*

**N**isi Dominus ædificaverit domum: \* in vanum laboraverunt, qui ædificant eam.

Nisi Dominus custodierit civitatem: \* frustra vigilat, qui custodit eam.

Vanum est vobis ante lucem surgere; \*

A a

fur-

furgite, postquam federitis, qui manducatis panem doloris.

Cum dederit dilectis suis somnum: \* ecce hæreditas Domini, filii; merces fructus ventris.

Sicut sagittæ in manu potentis: \* ita filii Excussorum.

Beatus vir, qui implevit desiderium suum ex ipsis: \* non confundetur, cum loquetur inimicis suis in porta.

Gloria Patri, & Filio; & Spiritui sancto.

Sicut erat in principio, & nunc, & semper, & in sæcula sæculorum. Amen.

*Quo dicto, Sacerdos stans tangit, & ponit ipsum primarium lapidem in fundamento, dicens: In fide JESU Christi collocamus lapidem istum primarium in hoc fundamento, in Nomine Patris, & Filii, & Spiritus sancti, ut vigeat vera fides hic, & timor Dei, fraterna-que dilectio, & sit hic locus destinatus orationi, & ad invocandum, & laudandum Nomen ejusdem Domini nostri JESU Christi, qui cum Patre & Spiritu sancto vivit & regnat Deus, per omnia sæcula sæculorum. R. Amen.*

*Interim cæmentarius locat ipsum lapidem cum cæmento, postea Sacerdos spargit super lapidem aquam benedictam, dicens: Asperges me Domine hyssopo, & mundabor, lavabis me, & super nivem dealbabor. Psalm. Miserere mei Deus: secundum magnam &c. dicitur totus cum*

cum Gloria Patri. Quo dicto Sacerdos spargit aquam benedictam per omnia fundamenta, si sunt aperta: si vero non sunt aperta, circuit aspergendo fundamenta Ecclesiæ designata, & incipiens aspergere inchoat Antiphonam, Clero prosequente, O quam metuendus est locus iste: vere non est hic aliud, nisi domus Dei, & porta cœli.

*Psalmus 86.*

**F**undamenta ejus in montibus sanctis: \* diligit Dominus portas Sion super omnia tabernacula Jacob.

Gloriosa dicta sunt de te: \* civitas Dei.

Memor ero Rahab, & Babylonis: \* scientium me.

Ecce alienigenæ, & Tyrus, & populus Æthiopum: \* hi fuerunt illic.

Numquid Sion dicet, homo & homo natus est in ea: \* & ipse fundavit eam Altissimus?

Dominus narrabit in Scripturis populorum, & principum: \* horum, qui fuerunt in ea:

Sicut lætantium omnium: \* habitatio est in te.

Gloria Patri, & Filio: \* & Spiritui sancto. &c.

*Antiph.* O quam metuendus est locus iste, vere non est hic aliud, nisi domus Dei, & porta cœli.

*Interim aspergendo procedit usque ad fundamenta aperta, seu designata, & repetita Antiphona, stans dicit: Oremus. Ministri: Flectamus genua. R. Levate.*

**O**mnipotens, & misericors Deus, qui Sacerdotibus tuis tantam præ cæteris gratiam contulisti, ut, quidquid in tuo Nomine digne, perfecteque ab eis agitur, a te fieri credatur, quæsumus immensam clementiam tuam, ut quidquid modo visitaturi sumus, visites; & quidquid benedicturi sumus, benedicas, sitque ad nostræ humilitatis introitum, Sanctorum tuorum meritis, fuga dæmonum Angeli pacis ingressus. Per Christum Dominum nostrum. R. Amen.

Deus, qui ex omnium cohabitatione Sanctorum æternum Majestati tuæ condis habitaculum, da ædificationi tuæ incrementa celestia, ut quod te jubente fundatur, te largiente perficiatur. Per Christum Dominum nostrum. R. Amen.

## XI.

### RITUS BENEDICENDI

NOVAM ECCLESIAM, SEU ORATORIUM PUBLICUM,  
UT IBI SANCTISSIMUM MISSÆ SACRIFICIUM  
CELEBRARI POSSIT.

*Sacerdos novam Ecclesiam de licentia Episcopi  
benedicturus, ut in ea divinum Sacrificium  
Missæ*

*Missæ rite celebretur, Stola, ac Pluviali albi coloris indutus, aliquot Sacerdotibus & Clericis adhibitis prælata Cruce media inter duos Clericos deferentes cereos accensos, mane procedit ad primariam Ecclesiæ, vel Oratorii januam, ubi stans capite aperto conversus ad eam dicit absolute Orationem.*

**A**ctiones nostras, quæsumus Domine, aspi-  
rando præveni, & adjuvando prosequere;  
ut cuncta nostra Oratio, & Operatio a te sem-  
per incipiat, & per te cœpta finiatur. Per  
Christum Dominum nostrum. R. Amen.

*Deinde inchoat Antiphonam: Asperges me  
Domine &c. Et Clerus alternatim dicit Psal-  
mum: Miserere mei Deus &c. in fine Gloria  
Patri &c.*

*Interim circumeunt exterius Ecclesiam (quæ  
intus debet esse vacua, & nuda, & pariter Al-  
taria nuda, excluso populo, donec absoluta sit  
Benedictio) & Sacerdos accepto aspergillo ex  
herba hyssopi ad ejus dexteram se convertens,  
parietes Ecclesiæ in superiori parte, & in fun-  
damentis cum aqua benedicta aspergit dicens:  
Asperges me Domine hyssopo, & munda-  
bor: lavabis me, & super nivem dealbabor.*

*Reversi ad locum, unde Processio initium ha-  
buit, repetita Antiphona a Clero, Sacerdos stans,  
ut prius, versus Ecclesiam dicit: Oremus. &  
Ministri: Flectamus genua. R. Levate.*

## ORATIO.

**D**omine Deus, qui licet cœlo & terra non capiaris, domum tamen dignaris habere in terris, ubi Nomen tuum jugiter invocetur: locum hunc, quæsumus, beatæ Mariæ semper Virginis, & Beati N. omniumque Sanctorum intercedentibus meritis, sereno pietatis tuæ intuitu visita, & per infusionem gratiæ tuæ ab omni inquinamento purifica, purificatumque conserva; & qui dilecti tui David devotionem in Filii sui Salomonis opere complevisti, in hoc opere desideria nostra perficere digneris; effugiantque omnes hinc nequitiae spirituales. Per Dominum nostrum &c.

*Qua finita Oratione, omnes bini in Ecclesiam intrantes, ad Altare majus procedunt, Litanias flexis genibus decantantes.*

*Ubi dictum fuerit: ut omnibus fidelibus defunctis requiem æternam donare digneris. Te rogamus, audi nos. Surgit Sacerdos, & intelligibili voce dicit: Ut hanc Ecclesiam, & Altare ad honorem tuum, & nomen Sancti tui N. purgare, & benedicere digneris. Te rogamus, audi nos. Cum dicit: Benedicere, manu dextera benedicit Ecclesiam, & Altare; deinde, ut prius genuflectit, donec perficiantur Litaniae, & Cantores prosequuntur:*

Ut nos exaudire digneris. Te rogamus,  
audi



audi nos. Fili Dei, te rogamus, audi nos.  
Agnus Dei &c.

*Dicto ultimo Kyrie eleison. Sacerdos stans  
dicit: Oremus. Ministri: Flectamus genua.  
R. Levate.*

**P**ræveniat nos, quæsumus Domine, misericordia tua, & intercedentibus omnibus Sanctis tuis, voces nostras clementia tuæ propitiationis anticipet. Per Christum Dominum nostrum. R. Amen.

*Tum distans ab Altari congruenti spatio genuflexus, & se signans, dicit: Deus in adiutorium meum intende. Et statim surgit, Clero respondente: Domine ad adjuvandum me festina. Ipse vero stans dicit: Gloria Patri, & Filio, & Spiritui sancto. Chorus respondet: Sicut erat in principio &c. Postea Sacerdos dicit: Oremus. Ministri: Flectamus genua. R. Levate.*

**O**mnipotens, & misericors Deus, qui Sacerdotibus tuis tantam præ cæteris gratiam contulisti, ut quidquid in tuo Nomine digne perfecteque ab eis agitur, a te fieri credatur: quæsumus immensam clementiam tuam, ut quidquid modo visitaturi sumus, visites; & quidquid benedicturi sumus, benedicas, sitque ad nostræ humilitatis introitum, Sanctorum tuorum meritis, fuga dæmonum Angeli pacis ingressus. Per Dominum  
num

num nostrum JESUM Christum Filium tuum  
&c.

*His dictis inchoat Antiphonam : Benedic  
Domine domum istam Nomini tuo ædificatam.  
Cum tribus Psalmis sequentibus.*

*Psalmus 119.*

**A**d Dominum, cum tribularer, clamavi : \*  
& exaudivit me.

Domine libera animum meum e labiis iniquis, \* & a lingua dolosa.

Quid detur tibi, aut quid apponatur tibi \*  
ad linguam dolosam?

Sagittæ potentis acutæ, \* cum carbonibus  
desolatoriis.

Heu mihi, quia incolatus meus prolongatus est, habitavi cum habitantibus Cedar : \*  
multum incola fuit anima mea.

Cum his, qui oderunt pacem, eram pacificus : \* cum loquebar illis, impugnabant me gratis.

Gloria Patri &c.

*Psalmus 120.*

**L**evavi oculos meos in montes, \* unde veniet auxilium mihi.

Auxilium meum a Domino, \* qui fecit cælum & terram.

Non det in commotionem pedem tuum, \*  
neque dormitet, qui custodit te.

**Ecce**

Ecce non dormitabit , neque dormiet , \*  
qui custodit Israel.

Dominus custodit te , Dominus protectio  
tua , \* super manum dexteram tuam.

Per diem sol non uret te : \* neque luna  
per noctem.

Dominus custodit te ab omni malo : \* cu-  
stodiat animam tuam Dominus.

Dominus custodiat introitum tuum , & exi-  
tum tuum ; \* ex hoc nunc , & usque in sæ-  
culum.

Gloria Patri &c.

*Psalmus 121.*

**L**ætatus sum in his , quæ dicta sunt mihi : \*  
in domum Domini ibimus.

Stantes erant pedes nostri : \* in atriis tuis  
Jerusalem.

Jerusalem , quæ ædificatur ut civitas : \* cu-  
jus participatio ejus in idipsum.

Illuc enim ascenderunt tribus , tribus Do-  
mini : \* testimonium Israel ad confitendum  
Nomini Domini.

Quia illic sederunt sedes in judicio : \* se-  
des super domum David.

Rogate quæ ad pacem sunt Jerusalem : \*  
& abundantia diligentibus te.

Fiat pax in virtute tua : \* & abundantia in  
turribus tuis.

Propter fratres meos , & proximos meos : \*  
loquebar pacem de te.

Bb

Pro-

Propter domum Domini Dei nostri: \* quæ-  
fivi bona tibi.

Gloria Patri &c. Sicut erat &c.

*Antiph.* Benedic Domine domum istam,  
Nomini tuo ædificatam.

*Interim aspergit interius parietes in parte su-  
periori, & inferiori, inchoans asperſionem a  
parte Evangelii, dicens: Asperges me Domi-  
ne &c. tum ad Altare reſerſus, dicit: Oremus.  
Ministri: Flectamus genua. R. Levate.*

**D**eus, qui loca Nomini tuo dicanda sancti-  
ficas: effunde super hanc Orationis do-  
mum gratiam tuam, ut ab omnibus hic No-  
men tuum invocantibus auxilium tuæ miseri-  
cordiæ sentiat. Per Dominum nostrum JE-  
sum Christum Filium tuum, qui tecum vivit,  
& regnat in unitate Spiritus sancti Deus, per  
omnia sæcula sæculorum. R. Amen.

*His peractis, dicitur Missa de tempore oc-  
currenti, vel de Sæculo.*

*Ecclesia vero, quamvis a simplici Sacerdote,  
ut supra, sit benedicta, ab Episcopo tamen con-  
secranda est.*

## XII.

### BENEDICTIO ORATORII PRIVATI.

*Sacerdos superpelliceo & Stola alba indutus,  
aperto capite ante Oratorii januam absolute dicit:*

**Actio-**

**A**ctiones nostras, quæsumus Domine, aspi-  
rando præveni, & adjuvando prosequere;  
ut cuncta nostra Oratio, & Operatio a te  
semper incipiat, & per te cœpta finiatur. Per  
Christum Dominum nostrum. R. Amen.

*Ingressus Oratorium dicit flexis genibus se-  
quentem Litaniam, ministro respondente, & in  
ea nominat bis Sanctum, vel Sanctam titularem  
novi Oratorii suo ordine:*

<b>K</b> yrrie eleison. R. Christe eleison.	
Christe, audi nos. R. Christe, exaudi nos.	
Pater de cœlis Deus,	Miserere nobis.
Fili Redemptor mundi Deus,	Miserere nobis.
Spiritus sancte Deus,	Miserere nobis.
Sancta Trinitas unus Deus,	Miserere nobis.
Sancta Maria,	Ora pro nobis.
Sancte Michaël,	
Sancte Joannes Baptista,	
Sancte Joseph,	
Sancte Petre,	
Sancte Paule,	
Sancte Pelagi,	
Sancte Conrade,	
Omnes Sancti, & Sanctæ Dei,	Intercedite
pro nobis.	
Propitius esto,	Parce nobis Domine.
A morte perpetua,	Libera nos Domine.
Per Mysterium sanctæ Incarnationis tuæ,	
Libera nos Domine.	

Ora pro nobis.

Per Nativitatem tuam,	} Libera nos Domine.
Per Baptismum, & sanctum jejunium tuum,	
Per Crucem & Passionem tuam,	
Per Mortem & Sepulturam tuam,	
Per sanctam Resurrectionem tuam,	
Per admirabilem Ascensionem tuam,	
Per Adventum Spiritus sancti Paracliti,	
In die judicii,	
Peccatores,	Te rogamus, audi nos.
Ut ad veram poenitentiam nos perducere digneris,	Te rogamus, audi nos.
Ut omnibus fidelibus defunctis requiem æternam donare digneris,	Te rogamus, audi nos.

*Surgit Sacerdos, & dicit :*

Ut hoc Sacellum, & Altare ad honorem tuum  
sub nomine Sancti tui (*vel Sanctæ tuæ*) N.  
purgare & benedicere † digneris, Te roga-  
mus, audi nos.

*Genusflectit & prosequitur :*

Ut nos exaudire digneris, Te rogamus, audi nos.  
Fili Dei,                      Te rogamus, audi nos.

Agnus Dei, qui tollis peccata mundi, Parce  
nobis Domine.

Agnus Dei, qui tollis peccata mundi, Exau-  
di nos Domine.

Agnus Dei, qui tollis peccata mundi, Mife-  
rere nobis.

*Surgit, & dicit :* Oremus. Flectamus  
genua. R. Levate.

Præ-

**P**ræveniat nos, quæsumus Domine, misericordia tua, & intercedente Sancto N. (vel Sancta N.) voces nostras clementia tuæ propitiationis anticipet. Per Christum Dominum nostrum. R. Amen.

*Tum aspergit parietes intra Sacellum, & Altare, dicens Antiph.*

Asperges me Domine hyssopo, & munda-  
bor, lavabis me & super nivem dealbabor.  
V. Miserere mei Deus secundum magnam mi-  
sericordiam tuam. &c. V. Gloria Patri &c. Si-  
cut erat &c. *Repetitur Antiph.* Asperges me  
&c. *Denique dicit :*

**Oremus.**

**E**ffunde, quæsumus Domine, Benedictionem  
tuam super hunc Orationis locum ; ut ab  
iis, qui invocant Nomen tuum, misericordiæ  
tuæ auxilium sentiatur. Per Christum Domi-  
num nostrum. R. Amen.

*Tum si sit hora competens, celebratur Missa  
de die, mutata Stola, si alium colorem ab albo  
officium requirat.*

### XIII.

## RITUS RECONCILIANDI ECCLESIAM

VIOLATAM, SI NONDUM ERAT AB  
EPISCOPO CONSECRATA.

*Ecclesiæ violatæ reconciliatio per Sacerdotem  
ab Episcopo delegatum fiat hoc modo :*

B b 3

*Altare*

*Altare Ecclesiæ omnino nudetur, provideaturque, ut Ecclesia possit libere circumiri tam exterius, quam interius, si fieri potest. Paretur vasculum cum aqua benedicta, & aspergillum de herba hyssopi factum. Sacerdos indutus Amictu, Alba, Cingulo, Stola & Pluviali albo, adhibitis aliquot Sacerdotibus & Clericis, procedit ad primariam Ecclesiæ portam: ubi stans Antiphonam incipit, dicens, Clero prosequente: Asperges me Domine hyssopo, & mundabor: Lavabis me, & super nivem dealbabor. Psalmus: Miserere mei Deus, totus cum Gloria Patri. Quo finito Antiphona repetitur. Interim dum Antiphona & Psalmus dicuntur, Sacerdos cum aqua benedicta aspergit in circuitu extrinsecus Ecclesiam, & Cæmeterium, simul aspergendo alternatim ad parietes Ecclesiæ, ad terram Cæmeterii, præsertim ad loca contaminata. Quo facto redit ad locum, ubi incepit aspergere, & stans dicit:*

**Oremus.**

**O**mnipotens & misericors. Deus, qui Sacerdotibus tuis tantam præ cæteris gratiam contulisti, ut quidquid in tuo Nomine digne perfecteque ab eis agitur, a te fieri credatur; quæsumus immensam clementiam tuam; ut quod modo visitaturi sumus, visites; & quidquid benedicturi sumus, benedicas: fitque ad nostræ humilitatis introitum, Sanctorum tuorum meritis, fuga dæmonum, Angeli



geli Pacis ingressus. Per Christum Dominum nostrum. R. Amen.

*Deinde Sacerdos incipit Litanias, & ingreditur Ecclesiam cum Clero, cantando eas, acceditque ante Altare majus, coram quo genuflectit; cumque dictum fuerit: Ut omnibus fidelibus defunctis requiem æternam donare digneris. R. Te rogamus, audi nos. Sacerdos surgit & clara voce dicit: Ut hanc Ecclesiam, & Altare hoc, ac Cœmeterium purgare, & reconciliare digneris. Te rogamus &c. Quibus dictis rursus genuflectit, & Litanie perficiuntur; quibus finitis, Sacerdos versus ad dictum Altare, dicit: Oremus. Ministri: Flectamus genua. R. Levate.*

**P**ræveniat nos, quæsumus Domine, misericordia tua: & intercedentibus omnibus Sanctis tuis, voces nostras clementia tuæ propitiationis anticipet. Per Christum Dominum nostrum. R. Amen.

*Deinde Sacerdos genuflectit ante Altare, & se signo Crucis muniens, clara voce dicit: Deus in adjutorium meum intende. Tum surgit, & Chorus, seu astantes Clerici respondent: Domine ad adjuvandum me festina. Et Sacerdos stans dicit: Gloria Patri, & Filio, & Spiritui sancto. R. Sicut erat in principio, & nunc & semper, & in sæcula sæculorum. Amen.*

Quo

Quo dicto Sacerdos inchoat, Clero prosequente, *Antiphonam* :

Exurgat Deus, & dissipentur inimici ejus, & fugiant, qui oderunt eum, a facie ejus.

*Psalmus 67.*

**I**n Ecclesiis benedicite Deo Domino, \* de fontibus Israel. *Repetitur Antiphona.*

Ibi Benjamin adolescentulus, \* in mentis excessu. *Repetitur Antiphona.*

Principes Juda, duces eorum: \* Principes Zabulon, Principes Nephthali. *Repetitur Antiphona.*

Manda Deus virtuti tuæ: \* confirma hoc Deus, quod operatus es in nobis. *Repetitur Antiphona.*

A templo sancto tuo in Jerusalem, \* tibi offerent Reges munera. *Repetitur Antiphona.*

Increpa feras arundinis, congregatio taurorum in vaccis populorum: \* ut excludant eos, qui probati sunt argento. *Repetitur Antiphona.*

Dissipa gentes, quæ bella volunt: \* venient legati ex Ægypto: Æthiopia præveniet manus ejus Deo. *Repetitur Antiphona.*

Regna terræ, cantate Deo: \* Psallite Domino. *Repetitur Antiphona.*

Psallite Deo, \* qui ascendit super cælum cæli ad Orientem. *Repetitur Antiphona.*

Ecce dabit voci suæ vocem virtutis, \* date gloriam Deo super Israel, magnificentia ejus,  
&

& virtus ejus in nubibus. *Repetitur Antiphona.*

Mirabilis Deus in Sanctis suis, Deus Israel, \* ipse dabit virtutem, & fortitudinem plebi suæ, benedictus Deus.

*Et non dicitur Gloria Patri, sed Antiphona repetitur. Interim dum Antiphona, & Psalmi prædicti dicuntur, Sacerdos circuit Ecclesiam intrinsecus aspergendo: aspergit etiam specialiter loca contaminata; quo facto stans in Presbyterio versus ad Altare dicit: Oremus. Flectamus genua. R. Amen.*

**D**eus, qui in omni loco dominationis tuæ clemens & benignus Purificator assistis: exaudi nos, quæsumus, & concede, ut in posterum inviolabilis hujus loci permaneat benedictio; & tui muneris beneficia universitas fidelium, quæ supplicat, percipere mereatur. Per Christum Dominum nostrum. R. Amen.

*Deinde dicitur Missa de die occurrenti.*

**NOTANDUM.** *Simplex Sacerdos de jure communi tantum potest ex privilegio Sedis Apostolicæ Ecclesiam ab Episcopo consecratam reconciliare; & tunc utatur ritu in Pontificali præscripto, procedatque indutus Amictu, Alba, Cingulo, Stola, & Pluviali auri coloris, adhibitis secum aliis Presbyteris, & Clericis superpelliceis indutis, cum aqua Gregoriana, hoc est, aqua cum sale, vino, & cinere ab Episcopo benedicta,*

Cc

juxta

*juxta Decretalem, Aqua de consecratione Ecclesiæ  
Lib. 3. Tit. 40.*

*In hac tamen Dicecesi vi specialis facultatis, seu privilegii Apostolici Episcopus etiam simplici Sacerdoti delegare potest potestatem reconciliandi hujusmodi Ecclesias pollutas aqua ab Episcopo benedicta, & in casu necessitatis etiam aqua non benedicta ab Episcopo.*

## XIV.

## RITUS BENEDICENDI

NOVUM COEMETERIUM PER SACERDOTEM  
AB EPISCOPO DELEGATUM.

**P**ridie, quam fiat Benedictio, ponitur in medio Cœmeterio benedicendo lignea Crux alta ad staturam hominis; & ante ipsam Crucem in terra figitur paxillus tridens ligneus altus ad cubitum unum, aptus ad affigendum illi tres candelas.

Sequenti die mane Sacerdos in Sacristia paratus Amictu, Alba, Cingulo, Stola, & Pluviali albi coloris, adhibitis aliquot Sacerdotibus & Clericis indutis superpelliceis, qui deferant vasculum aquæ benedictæ, aspergillum, & thuribulum cum incensi navicula, & hoc Benedictionali libro, & tribus candelis cereis, procedit ad Cœmeterium benedicendum ante Crucem in medio positam, & affiguntur, & accenduntur tres candelæ super ligneum paxillum, & Sacerdos ante  
Cru-

*Crucem & candelas stans discooperto capite dicit, vel cantat in tono feriali:*

**Oremus.**

**O**mnipotens Deus, qui es custos animarum, & tutela salutis, fides credentium; respice propitius ad nostræ servitutis officium, & ad introitum nostrum purgetur †, benedicatur †, & sanctificetur † hoc Cœmeterium, ut humana corpora hic post vitæ cursum quiescentia in magno judicii die simul cum fidelibus animabus mereantur adipisci vitæ perennis gaudia. Per Christum Dominum nostrum. R. Amen.

*Mox ante ipsam Crucem omnes genibus flexis dicunt, vel cantant Litanias ordinarias, incipiente Cantore, cæteris respondentibus: Et cum dictum fuerit, ut omnibus fidelibus Defunctis &c. Te rogamus, audi nos. Sacerdos surgit, & clara voce dicit, producens manu signum Crucis: Ut hoc Cœmeterium purgare, & benedicere digneris. Te rogamus &c. Deinde Sacerdos ut prius genuflectit, & Litanias perficiuntur.*

*Quibus finitis, surgunt omnes, & Sacerdos Crucem aspergit aqua benedicta dicens Antiphonam: Asperges me, Domine, hyssopo, & mundabor; lavabis me, & super nivem dealbabor. Miserere mei Deus &c. dicitur totus ab astantibus cum Gloria Patri &c. quo dicto*

*repetitur Antiphona. Dum dicitur Psalmus, Sacerdos circuit, & perambulat totum Cœmeterium, incipiens ad ejus (Cœmeterii) dexteram, aspergens ubique aquam benedictam, quo facto redit ante Crucem, & ad ipsam respiciens dicit:*

### Oremus.

**D**eus, qui es totius orbis Conditor, & humani generis Redemptor, cunctarumque creaturarum visibilium & invisibilium perfectus dispositor, te supplici voce ac puro corde exposcimus, ut hoc Cœmeterium, in quo famulorum famularumque tuarum corpora quiescere debent post curricula hujus vitæ labentia, purgare, benedicere, & sanctificare digneris: quique remissionem omnium peccatorum per tuam magnam misericordiam in te confitentibus præstitisti, corporibus quoque eorum in hoc Cœmeterio quiescentibus, & tubam primi Archangeli expectantibus consolationem perpetuam largiter impertire. Per Christum Dominum nostrum. R. Amen.

*Tunc figit in summitate Crucis unam ex tribus candelis ardentibus, & alias duas similiter ardentes in duobus brachiis ejusdem Crucis. Deinde incensat ipsam Crucem, & aspergens aqua benedicta, redit cum Ministris in Sacristiam.*

## XV.

## ORDO RECONCILIANDI

COEMETERIUM VIOLATUM, SIVE ECCLESIAE  
CONTIGUUM SIT, SIVE SEPARATUM, UBI  
ECCLESIA NON EST POLLUTA.

*C*œmeterium iisdem modis, quibus Ecclesia,  
polluitur, cum hoc discrimine, quod pollu-  
ta Ecclesia semper polluitur contiguum Cœmete-  
rium, non tamen contra. Nec refert, si Cœ-  
meterium fuerit antea ab Episcopo, vel a sim-  
plici Sacerdote cum Episcopi licentia benedictum.

Mane diei cujuscunque, qua facienda est re-  
conciliatio, Sacerdos, si ab Episcopo facultatem  
habeat, adhibitis aliis Sacerdotibus, & Clericis  
indutis superpelliceis, in Sacristia, aut alio de-  
centi loco, vestitus Amictu, Alba, Cingulo, Sto-  
la & Pluviali albi coloris, accedit ad medium  
Cœmeterii, Clerico vasculum aquæ benedictæ, &  
aspergillum deferente, & ibi super tapete genu-  
flectit una cum Ministris, & Cantores, aliique  
omnes flexis genibus dicunt vel cantant Litanias.  
In quibus, cum dictum fuerit: Ut omnibus fide-  
libus Defunctis &c. Te rogamus, audi nos.  
Sacerdos surgit & manu dextera producens fig-  
num Crucis super Cœmeterium clara voce dicit:  
Ut hoc Cœmeterium reconciliare, & san-  
ctificare digneris. R. Te rogamus, audi nos.  
Quibus dictis ut prius genuflectit, Cantoribus  
Litanias perficientibus.

*Quibus finitis surgunt omnes, & Sacerdos accepto aspergillo cum aqua benedicta inchoat vel intonat Antiphonam: Asperges me, Domine, hyssopo, Clero prosequente, ut in Dominicis, si fiat in Cantu Benedictio: Et Mundabor, lavabis me, & super nivem dealbabor. Psalmus. Miserere mei Deus &c. dicitur totus sine Gloria Patri. In fine repetitur Antiphona Asperges &c. Dum hæc dicuntur, Sacerdos circumcivit totum Cœmeterium, incipiens ad ejus dexteram, aspergens ubique aquam benedictam, præsertim in loco, ubi violatio commissa est.*

*Quo peracto redit ad locum, ubi Litanie dictæ fuerunt, & ibi stans, dicit:*

Oremus. Flectamus genua. R. Levate.

**D**omine pie, qui agrum figuli pretio Sanguinis tui in sepulturam peregrinorum comparari voluisti; quæsumus, dignanter reminiscere clementissimi hujus Mysterii tui. Tu es enim Domine figulus noster; tu quietis nostræ ager, tu agri hujus pretium. Tu dedisti etiam, & suscepisti. Tu de pretio tui vivifici Sanguinis nos requiescere donasti. Tu ergo, Domine, qui es offensionis nostræ clementissimus Indultor, expectantissimus Judicator, judicii tui superabundantissimus Miserator; judicium tuæ justissimæ severitatis abscondens post miserationem tuæ piæ redemptionis; adesto Exauditor, & Effector nostræ reconciliatio-



ciliationis; hocque Cœmeterium peregrinorum tuorum cœlestis patriæ incolatum expectantium, benignus purifica, & reconcilia; & hic tumulatorum, & tumultandorum corpora de potentia & pietate tuæ Resurrectionis ad gloriam incorruptionis non damnans, sed glorificans resuscita. Qui venturus es judicare vivos & mortuos, & sæculum per ignem. R. Amen.

## XVI.

# BENEDICTIO SIGNI, SEU CAMPANÆ OMISSIS UNCTIONIBUS.

*In primis debet campana ipsa ita suspendi, & situari, ut commode possit intus, & extra tangi, tractari, & circui; deinde prope ipsam Campanam benedicendam præparetur credentia, cui superponantur vas aquæ benedicendæ cum sale, & aliquot aspersoriis ex buxo, vel alia simili fronde confectis ad lotionem Campanæ, lintea quoque munda ad eam extergendam, thuribulum & navicula cum thure, atque juxta credentiam ignitabulum cum carbonibus accensis. Diaconus etiam accipit Amictum, Albam, Cingulum, Manipulum, Stolam, & Dalmaticam albi coloris.*

*His omnibus ordinatis Sacerdos habens licentiam, seu commissionem benedicendi Campanam omissis unctionibus, in Sacristia; aut alio convenienti loco paratus Amictu, Alba, Cingulo, Stola,*

*Stola, & Pluviali albi coloris cum Diacono, aliisque Ministris, & Clericis, seu Choralistis more consueto processionaliter procedit ad Campanam, ubi cum ipsis dicit Psalmos sequentes.*

*Psalmus 50.*

**M**iserere mei Deus, \* secundum magnam misericordiam tuam.

Et secundum multitudinem miserationum tuarum, \* dele iniquitatem meam.

Amplius lava me ab iniquitate mea: \* & a peccato meo munda me.

Quoniam iniquitatem meam ego cognosco: \* & peccatum meum contra me est semper.

Tibi soli peccavi, & malum coram te feci: \* ut justificeris in sermonibus tuis, & vincas cum judicaris.

Ecce enim in iniquitatibus conceptus sum: \* & in peccatis concepit me mater mea.

Ecce enim veritatem dilexisti: \* incerta, & occulta Sapientiæ tuæ manifestasti mihi.

Asperges me hyssopo, & mundabor: \* lavabis me, & super nivem dealbabor.

Auditui meo dabis gaudium, & lætitiā: \* & exultabunt ossa humiliata.

Averte faciem tuam a peccatis meis: \* & omnes iniquitates meas dele.

Cor mundum crea in me Deus: \* & Spiritum rectum innova in visceribus meis.

Ne

Ne projicias me a facie tua : \* & Spiritum sanctum tuum ne auferas a me.

Redde mihi lætitiā salutaris tui : \* & Spiritu principali confirma me.

Docebo iniquos vias tuas : \* & impii ad te convertentur.

Libera me de sanguinibus Deus , Deus salutis meæ : \* & exultabit lingua mea justitiā tuam.

Domine labia mea aperies : \* & os meum annuntiabit laudem tuam.

Quoniam si voluisses Sacrificium , dedissem utique : \* holocaustis non delectaberis.

Sacrificium Deo spiritus contribulatus : \* cor contritum & humiliatum , Deus non despicies.

Benigne fac Domine in bona voluntate tua Sion : \* ut ædificentur muri Jerusalem.

Tunc acceptabis Sacrificium justitiæ , oblationes , & holocausta : \* tunc imponent super altare tuum vitulos.

Gloria Patri &c. Sicut erat &c.

*Psalms 53.*

**D**eus in Nomine tuo saluum me fac : \* & in virtute tua judica me.

Deus exaudi Orationem meam : \* auribus percipe verba oris mei.

Quoniam alieni insurrexerunt adversum me , & fortes quæsierunt animam meam : \* & non proposuerunt Deum ante conspectum suum.

D d

Ecce

Ecce enim Deus adjuvat me : \* & Dominus susceptor est animæ meæ.

Averte mala inimicis meis : \* & in veritate tua disperde illos.

Voluntarie sacrificabo tibi , \* & confitebor Nomini tuo Domine : quoniam bonum est.

Quoniam ex omni tribulatione eripuisti me : \* & super inimicos meos despexit oculus meus.

Gloria Patri &c. Sicut erat &c.

*Psalmus 56.*

**M**iserere mei Deus , miserere mei : \* quoniam in te confidit anima mea.

Et in umbra alarum tuarum sperabo , \* donec transeat iniquitas.

Clamabo ad Deum altissimum , \* Deum , qui benefecit mihi.

Misit de coelo , & liberavit me : \* dedit in opprobrium conculcantes me.

Misit Deus misericordiam suam , & veritatem suam , \* & eripuit animam meam de medio catulorum leonum : dormivi conturbatus.

Filii hominum dentes eorum arma & sagittæ : \* & lingua eorum gladius acutus.

Exaltare super coelos Deus , \* & in omnem terram gloria tua.

Laqueum paraverunt pedibus meis : \* & incurvaverunt animam meam.

Foderunt ante faciem meam foveam : \* & inciderunt in eam.

Para-

Paratum cor meum Deus, paratum cor meum: \* Cantabo, & Psalmum dicam.

Exurge gloria mea, exurge Psalterium, & cithara \* exurgam diluculo.

Confitebor tibi in populis Domine: \* & Psalmum dicam tibi in gentibus.

Quoniam magnificata est usque ad coelos misericordia tua \* & usque ad nubes veritas tua.

Exaltare super coelos Deus \* & super omnem terram gloria tua.

Gloria Patri &c. Sicut erat &c.

*Deinde Psalmus 66. Deus misereatur nostri, prout habetur supra pag. 98. & 99.*

*Psalmus 69.*

**D**eus in adiutorium meum intende: \* Domine ad adjuvandum me festina.

Confundantur, & reveantur, \* qui quaerunt animam meam.

Avertantur retrorsum, & erubescant, \* qui volunt mihi mala.

Avertantur statim erubescences, \* qui dicunt mihi: Euge, Euge.

Exultent & lætentur in te omnes, qui quaerunt te, \* & dicant semper: Magnificetur Dominus, qui diligunt salutare tuum.

Ego vero egenus, & pauper sum: \* Deus adjuva te.

D d 2

Adju-

Adjutor meus, & liberator meus es tu: \*  
Domine ne moreris.

Gloria Patri &c. Sicut erat &c.

*Psalmus 85.*

**I**nclina Domine aurem tuam, & exaudi me: \*  
\* quoniam inops, & pauper sum ego.

Custodi animam meam, quoniam sanctus sum: \*  
salvum fac servum tuum, Deus meus, sperantem in te.

Miserere mei Domine, quoniam ad te clamavi tota die: \*  
lætifica animam servi tui, quoniam ad te Domine animam meam levavi.

Quoniam tu Domine suavis, & mitis, \*  
& multæ misericordiæ omnibus invocantibus te.

Auribus percipe Domine Orationem meam: \*  
& intende voci deprecationis meæ.

In die tribulationis meæ clamavi ad te: \*  
quia exaudisti me.

Non est similis tui in Diis Domine: \* & non est secundum opera tua.

Omnes gentes quascunque fecisti, venient, & adorabunt coram te Domine: \* & glorificabunt Nomen tuum.

Quoniam magnus es tu, & faciens mirabilia: \* tu es Deus solus.

Deduc me Domine in via tua, & ingrediar in veritate tua: \*  
lætetur cor meum, ut timeat Nomen tuum.

Conf-

Confitebor tibi Domine Deus meus in toto corde meo, \* & glorificabo Nomen tuum in æternum.

Quia misericordia tua magna est super me: \* & eruisti animam meam ex inferno inferiori.

Deus, iniqui insurrexerunt super me, & synagoga potentium quæsierunt animam meam; \* & non proposuerunt te in conspectu suo.

Et tu Domine Deus Miserator, & misericors: \* patiens, & multæ misericordiæ, & verax.

Respice in me, & miserere mei, \* da imperium tuum puero tuo: & saluum fac filium ancillæ tuæ.

Fac mecum signum in bonum, ut videant, qui oderunt me, & confundantur: \* quoniam tu Domine adiuuisti me, & consolatus es me.

Gloria Patri &c. Sicut erat &c.

*Psalms 129.*

**D**e profundis clamavi ad te Domine: \* Domine exaudi vocem meam,

Fiant aures tuæ intendentes, \* in vocem deprecationis meæ.

Si iniquitates observaveris Domine: \* Domine, quis sustinebit?

Quia apud te propitiatio est: \* & propter legem tuam sustinui te Domine.

D d 3

Su-

Sustinuit anima mea in verbo ejus : \* speravit anima mea in Domino.

A custodia matutina usque ad noctem , \* speret Israel in Domino.

Quia apud Dominum misericordia : \* & copiosa apud eum redemptio.

Et ipse redimet Israel , \* ex omnibus iniquitatibus ejus.

Gloria Patri &c. Sicut erat &c.

*Expletis Psalmis benedicit aquam dicens V. Adjutorium nostrum &c. ut supra pag. II. addens Orationem sequentem post Orationem : Deus, qui ad salutem humani generis &c. ante commixtionem salis , & aquæ.*

### O r e m u s .

**B**enedic Domine hanc aquam benedictione cœlesti , & assistat super eam virtus Spiritus sancti ; ut cum hoc vasculum ad invitandos filios sanctæ Ecclesiæ præparatum , in ea fuerit tinctum , ubicunque sonuerit hoc tintinnabulum ; procul recedat virtus insidiantium , umbra phantasmatum , incursum turbinum , percussio fulminum , læsio tonitruorum , calamitas tempestatum , omnisque spiritus procellarum ; & cum clangorem illius audierint filii Christianorum , crescat in eis devotionis augmentum , ut festinantes ad piæ matris Ecclesiæ gremium ; cantent tibi in Ecclesia sanctorum Canticum novum , deferentes in  
sono



sono præconium tubæ, modulationem psalterii, suavitatem organi, exultationem tympani, jucunditatem cymbali; quatenus in templo sancto gloriæ tuæ suis obsequiis & precibus invitare valeant multitudinem exercitus Angelorum. Per Dominum nostrum JESUM Christum filium tuum: qui tecum vivit & regnat in unitate ejusdem Spiritus sancti Deus, per omnia sæcula sæculorum. R. Amen.

*Posthæc Sacerdos ter mittat sal in aquam in modum Crucis, dicendo semel: Commixtio salis, & aquæ pariter fiat, in nomine Patris, & Filii, & Spiritus sancti. R. Amen.*

✠. Dominus vobiscum. R. Et cum Spiritu tuo.

### Oremus.

**D**eus invictæ virtutis Author, & insuperabilis imperii Rex, ac semper magnificus Triumphator, qui adversæ dominationis vires reprimis, qui inimici rugientis sævitiam superas, qui hostiles nequitias potenter expugnas; te, Domine, trementes & supplices deprecamur ac petimus, ut hanc creaturam salis & aquæ dignanter aspicias, benignus illustres, pietatis tuæ rore sanctifices; ut ubicunque fuerit aspersa, per invocationem sancti tui Nominis, omnis infestatio immundi spiritus abigatur, terrorque venenosi serpentis

tis procul pellatur; & præsentia sancti Spiritus nobis misericordiam tuam poscentibus ubique adesse dignetur. Per Dominum nostrum Jesum Christum Filium tuum, qui tecum vivit & regnat in unitate Spiritus sancti Deus, per omnia sæcula sæculorum. *R. Amen.*

*His peractis Sacerdos sumpto aspersorio incipit lavare Campanam intus & foris cum dicta aqua, & Diaconus prosequitur lotionem sumpto similiter aspersorio; deinde lota Campana Ministri eam linteo mundo extergunt, Sacerdote interim cum aliis Ministris & Clericis, seu Choralistis dicente Psalmos sequentes.*

*Psalmus 145.*

**L**auda anima mea Dominum, laudabo Dominum in vita mea: \* psallam Deo meo quamdiu fuero.

Nolite confidere in principibus; \* in filiis hominum, in quibus non est salus.

Exibit spiritus ejus, & revertetur in terram suam: \* in ille die peribunt omnes cogitationes eorum.

Beatus, cujus Deus Jacob adjutor ejus, spes ejus in Domino Deo ipsius: \* qui fecit coelum & terram, mare, & omnia, quæ in eis sunt.

Qui custodit veritatem in sæculum, facit judicium injuriam patientibus: \* dat escam esurientibus.

**Domi-**

Dominus solvit compeditos : \* Dominus illuminat cæcos.

Dominus erigit elifos , \* Dominus diligit justos.

Dominus custodit advenas , pupillum , & viduam suscipiet : \* & vias peccatorum disperdet.

Regnabit Dominus in sæcula , Deus tuus Sion : \* in generatione & generationem.

Gloria Patri &c. Sicut erat &c.

*Psalmus 146.*

**L**audate Dominum, quoniam bonus est Psalmus : \* Deo nostro fit jucunda, decoraque laudatio.

Ædificans Jerusalem Dominus : \* dispersiones Israelis congregabit.

Qui sanat contritos corde ; \* & alligat contritiones eorum.

Qui numerat multitudinem stellarum : \* & omnibus eis nomina vocat.

Magnus Dominus noster, & magna virtus ejus : \* & Sapientiæ ejus non est numerus.

Suscipiens mansuetos Dominus : \* humilians autem peccatores usque ad terram.

Præcinite Domino in confessione : \* psallite Deo nostro in cithara.

Qui operit coelum nubibus : \* & parat terræ pluviam.

Qui producit in montibus fænum : \* & herbam servituti hominum.

E e

Qui

Qui dat jumentis escam ipforum: \* & pul-  
lis corvorum invocantibus eum.

Non in fortitudine equi voluntatem habe-  
bit: \* nec in tibiis vir; beneplacitum erit ei.

Beneplacitum est Domino super timentes  
eum: \* & in eis qui sperant super misericor-  
dia ejus.

Gloria Patri &c. Sicut erat &c.

*Deinde Psalmus 147. Lauda Jerusalem Do-  
minum, prout habetur supra pag. 67.*

*Psalmus 148.*

**L**audate Dominum de cœlis: \* laudate  
eum in excelsis.

Laudate eum omnes Angeli ejus: \* laudate  
eum omnes virtutes ejus.

Laudate eum sol & luna: \* laudate eum  
omnes stellæ & lumen.

Laudate eum cœli cœlorum: \* & aquæ  
omnes, quæ super cœlos sunt, laudent No-  
men Domini.

Quia ipse dixit, & facta sunt: \* ipse man-  
davit, & creata sunt.

Statuit ea in æternum, & in sæculum sæ-  
culi: \* præceptum posuit, & non præteribit.

Laudate Dominum de terra: \* dracones,  
& omnes abyssi:

Ignis, grando, nix, glacies, spiritus pro-  
cellarum: \* quæ faciunt verbum ejus.

Mon-

Montes, & omnes colles : \* ligna fructifera,  
& omnes cedri.

Bestiæ, & universa pecora : \* serpentes,  
& volucres pennatæ.

Reges terræ, & omnes populi : \* principes  
& omnes iudices terræ.

Juvenes & virgines, senes cum junioribus  
laudent Nomen Domini : \* quia exaltatum est  
Nomen ejus solius.

Confessio ejus super cælum, & terram : \*  
& exaltavit cornu populi sui.

Hymnus omnibus Sanctis ejus, \* filiis Israel,  
populo appropinquanti sibi.

*Sine Gloria Patri.*

*Psalmus 149.*

**C**antate Domino Canticum novum : \* laus  
ejus in Ecclesia Sanctorum.

Lætetur Israel in eo, qui fecit eum : \* &  
filii Sion exultent in Rege suo.

Laudent Nomen ejus in choro : \* in tym-  
pano & Psalterio psallant ei.

Quia beneplacitum est Domino in populo  
suo : \* & exaltabit mansuetos in salutem.

Exultabunt Sancti in gloria : \* lætabuntur  
in cubilibus suis.

Exaltationes Dei in gutture eorum, \* &  
gladii ancipites in manibus eorum.

Ad faciendam vindictam in nationibus, \*  
increpationes in populis.

E e 2

Ad

Ad alligandos Reges eorum in compedibus:  
\* & nobiles eorum in manicis ferreis.

Ut faciant in eis iudicium conscriptum: \*  
gloria hæc est omnibus Sanctis ejus.

Gloria Patri &c. Sicut erat &c.

*Psalmus 150.*

**L**audate Dominum in Sanctis ejus: \* lau-  
date eum in firmamento virtutis ejus.

Laudate eum in virtutibus ejus: \* laudate  
eum secundum multitudinem magnitudinis  
ejus.

Laudate eum in sono tubæ: \* laudate eum  
in psalterio & cithara.

Laudate eum in tympano & choro: \* lau-  
date eum in chordis, & organo.

Laudate eum in cymbalis bene sonantibus:  
laudate eum in cymbalis jubilationis: \* omnis  
spiritus laudet Dominum.

Gloria Patri &c. Sicut erat &c.

*Quibus finitis Sacerdos dicit:*

**Oremus.**

**D**eus, qui beatum Moysem legiferum fa-  
mulum tuum tubas argenteas fieri præ-  
cepisti, quibus dum Sacerdotes tempore Sa-  
crificii clangerent, sonitu dulcedinis populus  
monitus ad te adorandum fieret præparatus,  
& ad celebrandum sacrificia conveniret; qua-  
rum

rum clangore hortatus ad bellum, molimina prosterneret adversantium; præsta, quæsumus, ut hoc vasculum sanctæ tuæ Ecclesiæ præparatum sancti+ficetur a Spiritu sancto, ut per illius tactum fideles invitentur ad præmium. Et cum melodia illius auribus insonuerit populorum, crescat in eis devotio fidei; procul pellantur omnes insidiæ inimici, fragor grandinum, procella turbinum, impetus tempestatum; temperentur infesta tonitrua, ventorum flabra fiant salubriter, ac moderate suspensa; prosternat aëreas potestates dextera tuæ virtutis, ut hoc audientes tintinnabulum contremiscant, & fugiant ante sanctæ Crucis Filii tui in eo depictum vexillum, cui flectitur omne genu, cœlestium, terrestrium, & infernorum, & omnis lingua confitetur, quod ipse Dominus noster Iesus Christus absorpta morte per patibulum Crucis regnet in gloria Dei Patris, cum eodem Patre, & Spiritu sancto, per omnia sæcula sæculorum. R.  
Amen.

*Deinde inchoat, Choro prosequente, Antiphonam:*

Vox Domini super aquas multas, Deus Majestatis intonuit, Dominus super aquas multas.

*Psalmus 28.*

Afferte Domino Filii Dei &c. *prout habetur*  
E e 3

*betur supra pag. 25. & 26. Resumpta Antiphona Sacerdos dicit:*

### Oremus.

**O**mnipotens sempiterne Deus, qui ante arcam foederis per clangorem tubarum, muros lapideos, quibus adversantium cingebatur exercitus, cadere fecisti; tu hoc tintinnabulum coelesti Benedictione perfunde; ut ante sonitum ejus longius effugentur ignita jacula inimici, percussio fulminum, impetus lapidum, læsio tempestatum; ut ad interrogationem propheticam: Quid est tibi mare, quod fugisti? suis motibus cum jordanico retroactis fluento respondeant: a facie Domini mota est terra, a facie Dei Jacob, qui convertit petram in stagna aquarum, & rupem in fontes aquarum. Non ergo nobis Domine, non nobis, sed Nomini tuo da gloriam, super misericordia tua; ut quicumque ad sonitum hujus vasis convenerint, ab omnibus inimici tentationibus liberi semper fidei catholicæ documenta sectentur. Per Dominum nostrum **JEsum Christum** Filium tuum, qui tecum vivit & regnat in unitate Spiritus sancti Deus, per omnia sæcula sæculorum: *R. Amen.*

*Tum Sacerdos imponit in thuribulo thus, quo imposito thuribulum ipsum supponitur Campanæ seu signo, ut totum fumum recipiat, Choro interim cantante, seu dicente Antiphonam:*

**Deus**



Deus in Sancto via tua : quis Deus magnus , sicut Deus noster ?

*Psalmus 76.*

Viderunt te aquæ Deus , viderunt te aquæ :  
\* & timuerunt , & turbatæ sunt abyssi.

Multitudo sonitus aquarum : \* vocem dederunt nubes.

Etenim sagittæ tuæ transeunt : \* vox tonitruï tui in rota.

Illuxerunt coruscationes tuæ orbi terræ : \* commota est & contremuit terra.

In mari via tua , & semitæ tuæ in aquis multis : \* & vestigia tua non cognoscentur.

Deduxisti sicut oves populum tuum , \* in manu Moyfi , & Aaron.

Gloria Patri &c. Sicut erat &c.

*Quibus dictis Sacerdos subjungit :*

**Oremus.**

**O**mnipotens Dominator Christe , quo secundum carnis assumptionem dormiente in navi , dum oborta tempestas mare conturbasset , te protinus excitato & imperante , diffusit , tu necessitatibus populi tui benignus succurre ; tu hoc tintinnabulum sancti Spiritus rore perfunde ; ut ante sonitum illius semper fugiat bonorum inimicus , invitetur ad fidem populus christianus ; hostilis terreatur  
exer-

exercitus; confortetur in Domino per illud populus tuus convocatus: ac sicut Davidica cithara delectatus desuper descendat Spiritus sanctus; atque ut Samuele agnum lactentem mactante in holocaustum Regis æterni imperii, fragor aurarum turbam repulit adversantium; ita dum hujus vasculi sonitus transit per nubilâ, Ecclesiæ tuæ conventum manus conservet angelica; fruges credentium, mentes & corpora salvet protectio sempiterna. Per te, **Christe Jesu**, qui cum Deo Patre vivis & regnas in unitate ejusdem Spiritus sancti Deus, per omnia sæcula sæculorum. **R. Amen.**

*Demum Diaconus sacris vestibus albi coloris paratus dicit :*

**V. Dominus vobiscum.**

**R. Et cum Spiritu tuo.**

**Sequentia sancti Evangelii secundum † Lucam.**  
*Cap. 10.*

**I**n illo tempore: intravit **Jesus** in quoddam castellum: & mulier quædam, **Martha** nomine, excepit illum in domum suam, & huic erat soror nomine **Maria**, quæ etiam sedens fecus pedes Domini, audiebat verbum illius. **Martha** autem satagebat circa frequens ministerium, quæ stetit, & ait: Domine, non est tibi curæ, quod soror mea reliquit me solam ministrare? dic ergo illi, ut me adjuvet.  
**Et**

Et respondens dixit illi Dominus : Martha, Martha, sollicita es, & turbaris erga plurima. Porro unum est necessarium. Maria optimam partem elegit, quæ non auferetur ab ea.

*Finito Evangelio, Sacerdos osculatur librum Evangeliorum per unum ex Ministris sibi porre-ctum; tum producit super Campanam benedictam signum Crucis, & discedens revertitur ad locum, ubi paramenta accepit, in quo dimissis sacris vestibus vadit in pace.*

NOTANDUM. Si Benedictio Signi, seu Campanæ ex privilegio Sedis Apostolicæ a Sacerdote simplici fiat etiam cum unctionibus, tunc utatur ritu in Pontificali præscripto.

## XVII.

### BENEDICTIO VEXILLI, SEU SIGNI BELLICI.

*Unus ex Ministris coram Sacerdote tenet.*

℣. Adjutorium nostrum &c. ℞. Qui fecit &c.

℣. Domine exaudi &c. ℞. Et clamor &c.

℣. Dominus vobiscum. ℞. Et cum Spiritu tuo.

Oremus.

**O**mnipotens sempiterne Deus, qui es cunctorum benedictio, & triumphantium  
F f forti-

fortitudo , respice propitius ad preces humilitatis nostræ , & hoc vexillum , quod bellico usui præparatum est , cœlesti Benedictione sanctifica : ut contra adversarias & rebelles nationes sit validum , tuoque munimine circumseptum : sitque inimicis christiani populi tui terribile , ac intercedentibus Sanctis tuis solidamentum , & victoriæ certa fiducia ; tu enim es Deus fortis , qui conteris bella , & cœlestis præsidii sperantibus in te præstas auxilium. Per Christum &c.

*Aspergatur aqua benedicta , & tradatur ei , cui consignatum est ; dicendo :*

Accipe Vexillum , cœlesti Benedictione sanctificatum , signum inimicis populi christiani terribile ; & tibi det Dominus gratiam , ut ad ipsius Nomen , & honorem cum illo hostium cuneos potenter penetres incolumis , & securus. Pax tibi.

## XVIII.

### BENEDICTIO ENSIS , SEU GLADII.

℣. Adjutorium nostrum &c. ℞. Qui fecit &c.  
 ℣. Domine exaudi &c. ℞. Et clamor &c.  
 ℣. Dominus vobiscum. ℞. Et cum Spiritu tuo.

Ore-

## Oremus.

**B**enedicere digneris, quæsumus, Domine, hunc ensen, & istum famulum tuum, qui eum te inspirante suscipere desiderat, pietatis tuæ custodia munias, & illæsum custodias ab omnibus inimicis ejus. Per Christum &c. R. Amen.

*Aspergitur aqua benedicta, & traditur ei, cujus est, genuflexo, dicendo:*

Accipe ensen istum in nomine Patris, & Filii, & Spiritus sancti, & utaris eo ad defensionem tuam, & sanctæ Dei Ecclesiæ, & ad confusionem inimicorum Crucis Christi, ac fidei christianæ: & quantum humana fragilitas permiserit, cum eo neminem injuste lædas: quod ipse tibi præstare dignetur, qui cum Patre & Spiritu sancto vivit & regnat Deus in sæcula sæculorum. R. Amen.

## XIX.

**BENEDICTIO ARMORUM**  
IN COMMUNI.

*Ponuntur super mensam, vel ab aliquo tenentur.*

℣. Adjutorium nostrum &c. R. Qui fecit &c.

℣. Domine exaudi &c. R. Et clamor &c.

F f 2

℣.

ψ. Dominus vobiscum.    R. Et cum Spiritu tuo.

**Oremus.**

**S**ignaculum & Benedictio Dei omnipotentis Patris, & Filii, & Spiritus † sancti, descendat super hæc arma, & super induentem, quibus ad tuendam iustitiam induatur: rogamus te Domine Deus, ut illum protegas & defendas, qui vivis & regnas Deus. Per omnia sæcula sæculorum. Amen.

**Oremus.**

**D**eus omnipotens, in cujus manu victoria plena consistit: quique etiam Davidi ad expugandum rebellem Goliath vires mirabiles tribuisti, clementiam tuam humili prece deprecamur, ut hæc arma almifica pietate benedicere digneris, & concede famulis tuis (*vel* famulo tuo) eadem gestare cupientibus, ut ad munimen ac defensionem sanctæ Matris Ecclesiæ, pupillorum & viduarum, contra visibilibus & invisibilibus hostium impugnationem, ipsi libere & victorioso utantur. Per Christum &c.

*Aspergantur aqua benedicta; si ad unum tantum spectent, ponitur in singulari.*

**SECTIO**

SECTION VII.  
OBSERVATIONES,  
SEU  
INSTRUCTIONES  
DE  
EXORCISMIS IN GENERE.

I.

*Quid & quotuplex sit Exorcismus.*

Exorcismus nihil aliud est, quam adjuratio, qua dæmones humana corpora, sive aliam rem creatam obsidentes, opprimentes, vel maleficientes, per divini Nominis invocationem adjurantur.

Alia adjuratio dicitur Imperativa, qua Exorcista dæmoni in virtute Dei, & in Nomine Jēsu imperat, ut egrediatur, vel nocere desinat; & hæc est proprie dictus Exorcismus. Alia deprecativa, qua Deum summum optimum per suam infinitam bonitatem, vel aliam excellentiam rogat, ut dæmonem expellat, neque amplius nocumentum rebus creatis inferre patiatur.

Dæmones ex hominum corporibus ejecit Christus Dominus Matth. 8. v. 16. & in aliis quoque Evangeliiis. Eandem potestatem Matth. 10. v. 8. dedit suis Discipulis, eorumque Successoribus, Ecclesiæ videlicet Sacerdotibus, & Ministris, a quibus, ut ait S. Justinus Martyr Apol. ad Senat. & ad Imp. adju-

rati dæmones per Nomen JESU Christi parent, & exire coguntur (a).

Quamvis Christus Dominus cuilibet credenti generaliter dederit potestatem in Nomine JESU dæmonia ejiciendi, eaque compescendi, juxta illud Marci ult. *Signa autem eos, qui crediderint, hæc sequentur: In Nomine meo dæmonia ejicient &c.* ab Ecclesia tamen dæmonum expulsionem specialiter olim destinatus fuit ordo Exorcistarum, nunc autem ex justis causis, & communi praxi ejusdem Ecclesiæ Ministerium exorcizandi ad Sacerdotes proprie & principaliter pertinet ob dignitatem adeo eminentem, per quam super Angelos, & dæmones evehuntur.

(a) Hæc potestas expellendi dæmones adeo propria est christianæ, & orthodoxæ Religionis, ut supra laudatus Martyr ea tanquam indubitabili testimonio probet christianæ fidei veritatem: *Nos, qui in Crucifixum credimus, dæmonia cuncta, spiritusque malignos adjurantes, sub potestate nostra habemus subditos.* Dialog. cum Triphone.

## II.

### *Exorcistæ qualitates.*

In Exorcizante absolute necessariam esse firmam fidem, & certam fiduciam, manifeste colligitur ex responsione, quam Christus Dominus Matth. 17. v. 19. dedit Discipulis interrogantibus, cur ipsi non potuissent expellere dæmonem ab illo lunatico, sicuti ejecerant ex aliis possessis: *Quare non potuimus ejicere illum? propter incredulitatem vestram*, hoc est, imperfectam fidem, & fiduciam vestram, ut passim exponunt sacri Interpretes.

Talem fidem, & fiduciam facile habebit Exorcista,



cista, si attente consideret Deum ratione suæ omnipotentiae posse, ratione infinitæ bonitatis velle auxiliari, & ratione summæ fidelitatis suæ etiam certo adfuturum auxilio suo; cum enim fidem suam obstrinxerit, affirmans ad expellendos spiritus rebelles ab obsessis corporibus se opem suam præbiturum, iis præceptis, quæ a suis Ministris suo Nomine proferruntur, dubitari non potest, quin hæc promissa sit adimpleturus (b).

Præter dictam fidem, & fiduciam vexatos a dæmone exorcizaturus ea, qua par est, pietate, prudentia, ac vitæ integritate præditus esse debet, qui ab omni rerum humanarum cupiditate alienus, tam pium opus ex charitate constanter, & humiliter exequatur.

Hunc præterea maturæ ætatis esse decet, & non solum officio, sed etiam morum gravitate reverendum.

Memor denique Exorcista, Dominum nostrum dixisse genus esse dæmoniorum, quod non ejicitur, nisi per Orationem, & Jejunium; hæc duo potissimum remedia ad impetrandum divinum auxilium, dæmonesque pellendos exemplo sanctorum Patrum, quoad fieri poterit, tum per se, tum per alios curet prævie adhiberi.

(b) Hæc promissio divina est conditionata duntaxat, si videlicet requisitæ adsint dispositiones, hoc est, fides, & fiducia firma, seu conditiones absolute necessariæ tam ex parte Exorcistæ, quam ex parte Energumeni, ut infra dicitur §. 8.

### III.

#### *Cautelæ Exorcistæ.*

Nullus inprimis Sacerdos, aut Parochus, vel alius inferior, seu sæcularis, seu regularis (extra casum

sum necessitatis) munus exorcizandi homines a dæmone proprie obsessos, vel qui vulgo pro talibus habentur, exerceat, aut alium ad id exercendum admittat, nisi habita prius in scriptis facultate Ordinarii, seu Vicarii ejus in Spiritualibus Generalis.

Non facile credat Exorcista, aliquem a dæmone obsessum esse, sed nota habeat ea signa, quibus obsessus dignoscitur ab iis, qui vel atra bile, vel morbo aliquo laborant, vel qui obsessionem fraudulenter simulat, vel denique ex simplicitate sibi imaginantur (c).

Caveat sub gravi pœna Exorcista, ne vel Medicum, vel Chirurgum agat, præbendo maleficiatis vel obsessis medicinas pure naturales, vel etiam mixtas v. g. præparando diversa Balnea pro maleficiatis, emblastra, unguenta, massas ex diversis herbis, aut lapidibus &c., quia, præter id, quod agat contra Ritum, ac Interdictum Ecclesiæ, assumit officium, cujus qualitates non habet, & consequenter vitam, ac sanitatem harum miserabilium personarum (prout tristis experientia sæpius docuit) plurimis exponit periculis; si tamen omnibus rite perpenſis ex parte Exorcistæ emergat dubium, an status prætensi Energumeni, aut Maleficiati atræ bili, vel morbo naturali, aut hysterico (qui in mulieribus frequenter locum habet) sit adscribendus, expedit hac in re expertum consulere Medicum.

Mulierem exorcizans semper secum habeat honestas personas, quæ quidem personæ sînt patienti, si fieri potest, cognatione proximæ.

Univerſim honestatis memor Exorcista nihil unquam dicat, vel faciat, quod sibi aut aliis occasio esse possit praviæ cogitationis.

(c) Si

(c) Si unquam alias hic certe verificatur illud Eccli. 19. *Qui cito credit, levis est corde.* Antequam igitur aliquis habeatur pro obfesso, magna prudentia rem pensari oportet, ne potestas hæc imperandi omnibus inferiorum diabolis, & qualibet humana major exponatur ludibrio Heterodoxorum, aut malevolorum etiam Catholicorum.

Ex centum enim corporibus, quæ a dæmone obfessa dicuntur, vix duo erunt vere talia, & hæc ut plurimum erunt fæmellarum, quæ plurimis morbis obnoxie esse solent, & fingunt se esse dæmoniacas, licet non sint, inquit Baruffaldus in suis Commentariis ad Rituale Roman. tit. 9. num. 26.

#### IV.

### *Signa Obfessorum.*

Alia signa obfessorum seu maleficiatorum sunt certa, seu evidentia, alia tantum probabilia, seu conjecturalia, quæ non præbent certitudinem, seu evidentiam mali, sed solum conjecturam.

Ad primum genus signorum evidentium pertinent omnes effectus illi, qui oriri non possunt a viribus naturæ inferioris, sed requirunt potentiam humanam superiorem, ut vel agant, vel crucient. Cujusmodi est, si Energumenus seu maleficiatus bene, & diu loquatur linguis, quas nunquam didicit; vel respondeat Exorcistæ, nec tamen intelligat vim illarum vocum, quas proferri audit; vel detegat res occultas, vel ea efficiat, quæ a tali hominum genere effici non possunt, nisi per vires supra ætatis, vel conditionis naturam.

Signa tantum probabilia, seu conjecturalia sunt illi effectus, qui sæpe fiunt viribus dæmonis, sed possunt etiam fieri a causis omnino naturalibus, e. g. ad sacra verba contremiscere, torsiones, motus, furores insolitos, ac repentinos sentire, horrere, ac

Gg

dete-

detestari divina, & dolore ab iis affici, corporis, vel alicujus membri insolita inflatio &c.

Si Exorcista nullum evidens, sed solum probabile vexationis diabolicæ signum habeat, antequam progrediatur ad actualement expulsiõem dæmonis, prævie formabit præceptum probativum, & lenitivum, quibus mediantibus verum, sicut necesse est, facile poterit cognoscere.

De signis obsessorum videri potest Monacellius in Formulario legali practico Fori Ecclesiastici p. 3. tit. 1. form. 47. ad not. 4. ubi ex Martino del Rio disq. magic. lib. 6. q. 3. sect. 2. fuse referuntur.

## V.

### *Præcepta Exorcistæ.*

Ex communi usu Exorcistarum quintuplicis generis sunt præcepta, quibus potestates tartaræ coerceri possunt, videlicet communia, probativa, lenitiva, instructiva, & expulsiva.

Præcepta *communia* sunt, quibus dæmon ad aliquid agendum, vel ab aliquo cessandum constringitur, v. g. dæmon impedit Energumenum a loquela, progressu &c. tunc Exorcista dæmonem hoc, vel simili Præcepto constringit: *Ego N. Minister Christi, & Ecclesiæ in Nomine Jesu Christi præcipio tibi dæmon, ne hanc Dei creaturam a loquela &c. impedias.* Est autem hoc præceptum toties formandum, quoties Exorcistæ necessarium, vel utile videbitur.

Præcepta *probativa* dicuntur, quibus utitur Exorcista ad probandum, an quis imaginarie tantum, fecte, vel vere, & realiter sit obsessus, aut maleficio  
affe-

affectus; si igitur Exorcista in aliquo casu particulari nullum evidens, sed solum probabile vexationis diabolicæ signum deprehendat, verumque agnoscere velit, ita se gerat.

Postquam Energumenum circa fidem, & fiduciam modo infra §. 10. explicando instruxerit, vel jam instructum de illis eliciendis monuerit, fide similiter plenus in loco decenti, atque a populi multitudine remoto, præsentibus duntaxat parentibus, aut consanguineis ejus imponat manum super caput infirmi genuflexi, si possibile sit, & præceptum probativum efformet dicendo:

Ego N. Minister Christi, & Ecclesiæ, in Nomine  
Jesu Christi præcipio vobis, spiritus immundi, si qui  
latetis in corpore hujus hominis a Deo creati, vel si quo  
modo eum vexatis, ut statim mihi præbeatis aliquod  
signum evidens, & certum præsentis vestræ, agitando  
hominem hunc, vel coram me efficiendo aliquid ex iis,  
quæ prius me absente in eo efficere soliti eratis.

Hoc Præceptum proferre oportet in Idiomate latino, & quidem voce submissa, si Energumenus illius gnarus sit; & ita cognosci poterit, an corpus illud vere agitur a dæmone.

Si ad dictum præceptum probativum Energumenus se vexari fateatur, vel id aliunde appareat, Exorcista mox præcepto lenitivo, ut infra, contrarium efficiat, ut cesset a vexatione; si vero fateatur, se non vexari, non illico dimittat eundem, sed persona illa, vel statim, vel alio tempore bene viso blandis verbis melius disposita, præceptum probativum dicto modo iterum efformet.

Si porro requisita adfit tam ex parte Exorcistæ,  
G g 2                      quàm

quam Energumeni fides, nullus dubitandi superest locus, quin daemon praestiturus sit obedientiam, secus ulterius procedi non potest; cum statui nequeat, an malum a diabolo fiat.

Præcepta *lenitiva* dicuntur, quibus Exorcista utitur ad vexationes diabolicas coercendas, v. g. si praesente Exorcista persona vel certo, vel probabiliter Energumena in Phrenesin incidat, aliove modo vexetur, mox Exorcista fide viva firmatus præceptum formet hoc modo:

*Ego N. ut Minister Christi, & Ecclesiae, in Nomine, & virtute Domini nostri Jesu Christi præcipio tibi diabolo, vel omnibus, si plures esis, qui vexatis hanc creaturam Dei, ut illico ei nocere desinatis, neque ullam amplius eidem nocendi habeatis potestatem.*

Præcepta *instructiva* dicuntur, quibus Exorcista demonstrat vexato daemonis debilitatem, atque obedientiam, plurimumque deserviunt ad radicandam Energumeni fidem, v. g. poterit Exorcista præcipere diabolo: *Ut Minister Christi præcipio tibi in Nomine Jesu, ut leviter manum crucies &c.* quo viso illico super locum vexatum, pollice Crucis signum efformet, præcipiendo dicens: *Iterato, ut Minister Christi, præcipio tibi in Nomine Jesu, ut illico cesses.*

Si per præceptum probativum, & lenitivum habeatur semel certitudo verae, & realis obsessionis, ita, ut nulla amplius deceptio timenda sit, melius erit similia præcepta, si repetantur, efformare lingua materna, ut sic vexatus se magis conformare, distractiones, & diabolicas tentationes evitare, tantoque firmiorem fidem, & fiduciam concipere queat.

Præcepta denique *expulsiva* sunt ea, quæ ad expulsi-

pulsionem dæmonum sunt ordinata, quorum genuinam, & legitimam formam, modosque formandi infra Sectione VIII. videre licebit. Hoc porro præceptum nunquam formari debet, nisi obsessus conformiter hucusque dictis, & infra dicendis §. 8. perfecte dispositus, & probatus esse comperiatur.

Quia lingua latina Ecclesiæ Catholicæ usitata est, ordinari in hoc Exorcismo ultimato, & expulivo usurpanda erit; cum enim persona patiens eo tempore jam optime disposita supponatur. non ita facile dæmoniacis suggestionibus aures præbendo ad aliena divertet.

## VI.

### *Deceptiones dæmonis in Obsessis.*

Advertat Exorcista, quibus artibus, ac deceptionibus utantur dæmones ad Exorcistam decipiendum; solent ut plurimum fallaciter respondere, & difficile se manifestare, ut Exorcista diu defatigatus desistat, aut infirmus videatur non esse a dæmonio vexatus (d).

Aliquando, postquam sunt manifesti, abscondunt se, & permittunt corpus quasi liberum ab omni molestia, ut infirmus putet, se omnino esse liberatum, sed cessare non debet Exorcista, donec viderit signa liberationis.

Aliquando etiam dæmones ponunt, quæcunque possunt, impedimenta, ne infirmus se subiciat Exorcismis, vel conantur persuadere, infirmitatem esse naturalem; interdum in medio Exorcismi faciunt dormire infirmum, & ei visionem aliquam ostendunt, subtrahendo se, ut infirmus liberatus videatur.

Aliqui ostendunt factum maleficium, & a quibus sit factum, & modum ad illud dissipandum; sed caveat, ne ob hoc ad magos, vel fagas, vel ad alios quam ad Ecclesiæ Ministros confugiat, aut ulla superstitione, aut alio modo illicito utatur.

Quandoque diabolus infirmum quiescere, & suscipere sanctissimam Eucharistiam permittit, ut discessisse videatur; denique innumerabiles sunt artes, & fraudes diaboli ad decipiendum hominem, quibus ne fallatur Exorcista, cautus esse debet.

(d) Regula generalis pro Exorcista hac in re fit, ut non facile fidem præstet signis, & verbis diaboli, atque semper de dolo formidet; neque per hoc, quod hujusmodi fraudibus diabolicis aliquando retardetur Exorcizatio, Sacerdos a proposito suo cessare, sed magis, ac magis illi insistere debet, formando, si & quoties opus esse videbitur, præceptum commune, donec tandem remotis impedimentis, fraudibusque elusis, seu contemptis, mediante præcepto expulsivo inimicus fuerit ejectus.

## VII.

### *Locus, & Tempus exorcizandi.*

In Ecclesiam, si commode fieri potest, vel in alium religiosum, & honestum locum seorsim a multitudine perductus Energumenus exorcizetur.

Si vero fuerit ægrotus, vel persona nobilis, vel de alia rationabili causa, in domo privata exorcizari poterit, præsentibus viris, vel sceminis devotis simul jejunantibus, ac orantibus, seclusis aliis ex curiositate solum adesse volentibus.

Exorcizatio semper fiat tempore diurno, ita, ut ante solis ortum neque inchoetur, neque post ejusdem occasum usque ad noctem feram protrahatur.

Obser-



Observet insuper Exorcista, ne præceptis dæmonem adjurare incipiat eo tempore, quo Energumenus est valde perturbatus; tunc enim ille animum non advertens instructioni, necessariam fidem non concipiet, neque incumbet, ut par est, ad sperandum in Domino.

Eadem de causa neque Exorcista hujusmodi præcepta formare tunc aggrediatur, cum ipse est perturbatus, vel mente summopere vagatur; sed prius ipse se colligat, revocetque in mentem potestatem in sacro ordine acceptam, & virtutem sanctissimo Nomini JESU divinitus promissam.

Particulariter hic advertendum est, reperiri aliqua maleficia, in quibus dæmon nec invadit membra, nec assiduo inest maleficiato, sed solum certis temporibus redit ad illud vexandum; cum igitur fieri possit, ut adveniente Exorcista malignus, & callidus hostis recedat, ne cogatur quæsitum signum edere, oportet ab Exorcista non solum dæmonem præsentem adjurari præcepto suo, sed simul imperari viva fide, ut, si forte ille absit, statim accedat, & exequatur, quicquid illi præcipitur, videlicet se manifestet aliquid ex iis efficiendo, quæ alias efficere solet.

### VIII.

#### *Modus procedendi cum Energumenis, eorumque dispositio ad exorcizandum.*

Si Exorcista curam Energumeni in se suscipere velit, ante omnia diligenter ejusdem parentes, consanguineos, ejusque familiares interroget.

Deinde ipsum obsessum vultu sereno, verbis compassione plenis quærat de statu, & progressu morbi, simulque fixis oculis ejus situm, modum agendi, aliasque dispositiones consideret.

Si

Si nullum haberi possit signum probabile, ad implorandum divinum auxilium, & ad peritum Medicum esse confugiendum edoceat; quodsi vero aliquod signum saltem probabile appareat, eundem magna diligentia ad exorcizandum disponat.

Admoneatur igitur obsessus, si mente, & corpore valet, ut pro se ferventer oret Deum, Ecclesias visitet, ac jejundet, sacraque Confessione, & Communionem ad arbitrium Sacerdotis se communiat, minima etiam peccata evitet, & dum exorcizatur, totum se colligat, & ad Deum se convertat, ac firma (e) fide salutem ab eo deposcat, cum omni humilitate, & cum vehementius vexatur, patienter sustineat, nihilque diffidens de auxilio Dei, dæmoni ipsemet præcipiat in Nomine Jesu, ut cesset a vexatione.

Instruatur etiam obsessus, ut tentationes suas omnes Exorcistæ patefaciat, & omnia illius jussa accuratissime exequatur, exspoliando se omni propria voluntate, ut hoc modo majora dæmoni adimat arma, quibus hominem oppugnat, nempe propriam voluntatem.

Habeat præ manibus, & in conspectu Crucifixum; Reliquiæ Sanctorum quoque, ubi haberi possunt, decenter ac tuto loco colligatæ, & coopertæ, ad pectus, vel ad caput obsessi reverenter admoveantur; sed caveatur, ne res sacræ indigne tractentur, aut illis a dæmone ulla fiat injuria; sanctissima vero Eucharistia super caput obsessi, aut aliter ejus corpori nunquam admoveatur, ob irreverentiæ periculum.

Ad usum rerum sacrarum etiam reducuntur signum S. Crucis: invocatio Ss. Nominis Jesu: Imagines

nes Christi, B. V. Mariæ, & aliorum Sanctorum: asperfus aquæ benedictæ in Dominicis, & in Vigilia Epiphaniæ, nec non in Vigiliis Paschæ, ac Pentecostes ante infusionem Ss. Oleorum: comestio, vel gustatio olei communis, salis, panis &c. benedictorum: gestatio, vel detentio Cerae Papalis, item sic dictorum Brevium, seu Amuletorum, quæ res NB. juxta Ritum, seu Ordinationem Ecclesiæ benedictas, nominatim Imagines, item medalia, seu numismata Christi, B. V. Mariæ, & aliorum Sanctorum, aliquid de Cera Papali, de thure five incenso, de ramis Palmarum, de herbis Assumptionis B. V. Mariæ, de quinque granis Cerei Paschalis &c. continent; illa vero Amuleta, quæ aliis simul rebus seu ineptiis repleti solent, omnino sunt prohibita, nec ullibi a Parochis toleranda.

(e) In Energumeno, seu maleficiato non minus, quam in Exorcista absolute requiritur fides firma, & fiducia inconcussa, ut clare patet ex sacra Scriptura Matth. 17. v. 16. ubi Christus defectum non expulsi dæmonis non in solam incredulitatem Discipulorum, sed etiam in incredulitatem aliorum rejecit, dicens: *O generatio incredula &c.*

Sic pariter Christus ordinarie fidem ab eis requisivit, qui aliquod a se beneficium poposcissent; unde Matth. 9. v. 28. quæsit: *Creditis, quia possum facere hoc?* & mox v. 29. subjunxit: *Secundum fidem vestram fiat vobis.* Item Marc. 9. v. 22. *Si potes credere, omnia possibilia sunt credenti.*

Ad hanc proinde fidem, & fiduciam concipiendam Exorcista Energumenum omni meliori modo disponere satagat, eumque in finem eidem prævie in memoriam revocet omnipotentiam Dei, infinitam bonitatem, & veritatem promissionum ejus, ut supra dictum est de Exorcista §. 2. de ejusdem qualitatibus.

**IX.***Modus exorcizandi.*

Exorcista ne vagetur in multiloquio, aut super-  
vacaneis, vel curiosis interrogationibus ad expulsio-  
nem dæmonis non pertinentibus, sed jubeat immu-  
dum spiritum tacere, neque ei credatur, si dæmon  
simularet se esse animam alicujus Sancti, vel Defuncti,  
vel Angelum bonum.

Dæmonis porro nugas, risus, aut ineptias Ex-  
orcista cohibeat, aut contemnat, & circumstantes,  
qui pauci esse debent, admoneat, ne hæc curent,  
neque ipsi interrogent obsessum, sed potius humili-  
ter, & enixe Deum pro eo precentur.

Similiter Exorcista in nulla re voluntati dæmo-  
nis obsecundet, qui per varias artes, & machina-  
menta tueri contendit potestatem suam, & remorari,  
vel impedire Exorcistæ potestatem, cui subesse cogi-  
tur. Sed potius dæmonis superbiam præceptis com-  
munibus & instructivis retundere satagat, ac prius  
ad Exorcismum expulsivum non progrediatur, quam  
expertus fuerit, dæmonem præceptis suis exactam  
præstitisse, vel præstare obedientiam.

Cæterum Exorcismos legat Exorcista cum im-  
perio, & auctoritate, magna fide, & fiducia, humi-  
litate (*f*) atque fervore: & cum viderit, obsessum in  
aliqua corporis parte commoveri, aut pungi, aut tu-  
morem alicubi apparere, ibi, si salva honestate fieri  
possit, faciat signum Crucis, & aquam benedictam  
aspergat, quam exorcizando in promptu habeat.

(*f*) Hu-

(f) Humilitas est virtus ex diametro opposita diabolo, qui pater est superbiæ, & propterea contra eundem magnam virtutem habet, vocaturque a S. Bernardo Serm. 85. flagellum diaboli.

## X.

*Praxis disponendi Energumenum  
ad firmam spem, & fiduciam.*

Energumenus, seu maleficiatus ante actualement exorcizationem ad concipiendam firmam spem, & fiduciam optime, & facillime disponi poterit per sequentes, vel alias similes interrogationes:

Glaubet ihr ungezweifelt, daß Gott allmächtig sey, und vermög seiner Allmacht alle höllische Feinde augenblicklich von euch vertreiben könne?

Glaubet ihr auch, daß Gott unendlich barmherzig sey, und als ein barmherzigster Vater euch helfen, und von aller teuflischen Plage erlösen wolle?

Glaubt ihr, daß Gott mir, als seinem und seiner heiligen Kirchen rechtmäßigen Diener, Macht und Gewalt gegeben, in dem heiligsten Namen Jesu alle Teufel von den Menschen, und allen ihren Sachen zu vertreiben?

Glaubt ihr auch, daß, weil ich solche Macht und Gewalt von Gott bekommen, die höllische Feinde mir und allen meinen Befehlen nothwendig gehorsamen müssen?

Glaubt ihr, daß Gott durch eben diese Macht und Gewalt uns Menschen, wenn wir anderst einen festen Glauben und Hoffnung haben, gegen alle teuflische Plagen zu helfen versprochen?

H h 2

Glaubt

Glaubt ihr auch, daß Gott in Haltung und Erfüllung seines Versprechens unendlich getreu sey?

Sprecht also von ganzem Herzen, wie folgt:

**D** mein Gott und Alles! ich glaube festiglich, daß du sehest ein allmächtiger Gott, der mir augenblicklich helfen kann; ein barmherzigster Vater, der mir helfen will; ein getreuester Gott, der mir zu helfen versprochen; in dich, o Herr! habe ich gehofft, und werde in Ewigkeit nicht zu Schanden werden. Wenn Gott für mich, wer soll oder kann wider mich seyn? was für eine Gewalt des höllischen Feindes soll mich überwinden?



## SECTIO VIII.

### ORDO TRIPLEX

#### EXORCIZANDI OBSESSOS A DÆMONIO.



#### I.

#### ORDO EXORCIZANDI OBSESSOS

EX RITUALI ROMANO.

**S**acerdos, five alius Exorcista, rite confessus, aut saltem corde peccata sua detestans, peracto, si commode fieri potest, sanctissimo Missæ Sacrificio, divinoque auxilio piis precibus implorato, superpelliceo & stola violacea, cujus  
extre-

*extrema pars ad obsessi collum circumponatur, indutus, & coram se habens obsessum ligatum, si fuerit periculum, eum, se, & astantes communiat signo Crucis, & aspergat aqua benedicta, & genibus flexis, aliis respondentibus, dicat Litanias ordinarias usque ad preces exclusive. In fine Antiphona:*

Ne reminiscaris Domine delicta nostra, vel parentum nostrorum, neque vindictam sumas de peccatis nostris. Pater noster &c.

℣. Et ne nos inducas in tentationem.

℟. Sed libera nos a malo.

*Psalmus 53.*

**D**eus, in Nomine tuo saluum me fac: \* & in virtute tua iudica me.

Deus, exaudi Orationem meam: \* auribus percipe verba oris mei.

Quoniam alieni insurrexerunt adversum me, & fortes quæsierunt animam meam: \* & non proposuerunt Deum ante conspectum suum.

Ecce enim Deus adjuvat me: \* & Dominus susceptor est animæ meæ.

Averte mala inimicis meis: \* & in veritate tua disperde illos.

Voluntarie sacrificabo tibi: \* & confitebor Nomini tuo Domine, quoniam bonum est.

Quoniam ex omni tribulatione eripuisti me: \* & super inimicos meos despexit oculus meus.

Gloria Patri &c.

H h 3

℣.

✠. *Salvum fac servum tuum.* R. *Deus meus sperantem in te.* ✠. *Esto ei Domine turris fortitudinis.* R. *A facie inimici.* ✠. *Nihil proficiat inimicus in eo.* R. *Et filius iniquitatis non apponat nocere ei.* ✠. *Mitte ei Domine auxilium de Sancto.* R. *Et de Sion tuere eum.* ✠. *Domine exaudi Orationem meam.* R. *Et clamor meus ad te veniat.* ✠. *Dominus vobiscum.* R. *Et cum Spiritu tuo.*

### **Oremus.**

**D**eus, cui proprium est misereri semper & parcere: suscipe deprecationem nostram, ut hunc famulum tuum (hanc famulam tuam) quem (quam) delictorum catena constringit, miseratio tuæ pietatis clementer absolvat.

### **ORATIO.**

**D**omine sancte, Pater omnipotens, æterne Deus, Pater Domini nostri Jesu Christi, qui illum refugum tyrannum & apostatam gehennæ ignibus deputasti, quique Unigenitum tuum in hunc mundum misisti, ut illum rugientem contereret; velociter attende, accelera, ut eripias hominem ad imaginem & similitudinem tuam creatum, a ruina & dæmonio meridiano. Da Domine terrorem tuum super bestiam, quæ exterminat vineam tuam.

Da



Da fiduciam fervis tuis contra nequissimum draconem pugnare fortissime: ne contempnas sperantes in te, & ne dicat, sicut in Pharaone, qui jam dixit: Deum non novi, nec Israel dimitto. Urgeat illum dextera tua potens discedere a famulo tuo N. (*vel* famula tua N.) † ne diutius præsumat captivum tenere, quem tu ad imaginem tuam facere dignatus es, & in Filio tuo redemisti. Qui tecum vivit & regnat &c. R. Amen.

*Deinde præcipiat dæmoni hunc in modum.*

Præcipio tibi, quicumque es, spiritus im-munde, & omnibus sociis tuis, hunc Dei famulum obsidentibus, ut per mysteria Incarnationis, Passionis, Resurrectionis, & Ascensionis Domini nostri Jesu Christi, per missionem Spiritus sancti, & per Adventum ejusdem Domini nostri ad judicium, ut mihi Dei ministro, hæc indigno, prorsus in omnibus obedias, neque hanc creaturam Dei, vel circumstantes, aut eorum bona ullo modo offendas.

*Deinde legantur super obsessum hæc Evangelia, vel unum, aut alterum Lectio sancti Evangelii secundum Joannem. Hæc dicens, signat se, & obsessum in fronte, ore, & pectore. In principio erat Verbum &c. ut supra in Benedictione vini S. Joannis pag. 18. & 19.*

Lectio

**Lectio Sancti Evangelii secundum Marcum.**  
*Cap. 16.*

**I**n illo tempore, dixit IESUS discipulis suis: Euntes in mundum univ<sup>er</sup>s<sup>u</sup>m prædicate Evangelium omni creaturæ. Qui crediderit, & baptizatus fuerit, salvus erit: qui vero non crediderit, condemnabitur. Signa autem eos, qui crediderint, hæc sequentur: In Nomine meo dæmonia ejicient: linguis loquentur novis: serpentes tollent: & si mortiferum quid biberint, non eis nocebit: super agros manus imponent, & bene habebunt.

**Lectio sancti Evangelii secundum Lucam.**  
*Cap. 10.*

**I**n illo tempore, reversi sunt septuaginta duo cum gaudio, dicentes ad IESUM: Domine, etiam dæmonia subji<sup>ci</sup>untur nobis in Nomine tuo. Et ait illis: Videbam satanam, sicut fulgur, de cœlo cadentem. Ecce dedi vobis potestatem calcandi supra serpentes & scorpiones, & super omnem virtutem inimici, & nihil vobis nocebit. Verumtamen in hoc nolite gaudere, quia spiritus vobis subji<sup>ci</sup>untur: gaudete autem, quod nomina vestra scripta sunt in cœlis.

**Lectio sancti Evangelii secundum Lucam.**  
*Cap. 11.*

**I**n illo tempore, erat IESUS ejiciens dæmonium; & illud erat mutum; & cum ejecisset

ciſſet dæmonium, locutus eſt mutus, & admiratæ ſunt turbæ. Quidam autem ex eis dixerunt: In Beelzebub principe dæmoniorum ejicit dæmonia; & alii tentantes, ſignum de cœlo quærebant ab eo. Ipſe autem, ut vidit cogitationes eorum, dixit eis: Omne regnum in ſeipſum diviſum deſolabitur, & domus ſupra domum cadet. Si autem & fatanas in ſeipſum diviſus eſt, quomodo ſtabit regnum ejus? quia dicitis in Beelzebub me ejicere dæmonia. Si autem ego in Beelzebub ejicio dæmonia, filii veſtri in quo ejiciunt? ideo ipſi judices veſtri erunt. Porro ſi in digito Dei ejicio dæmonia, profecto pervenit in vos regnum Dei. Cum fortis armatus cuſtodit atrium ſuum, in pace ſunt ea, quæ poſſidet. Si autem fortior eo ſupervenientiſ vicerit eum, univerſa arma ejus auferet, in quibus confidebat, & ſpolia ejus diſtribuet.

Ÿ. Domine exaudi Orationem meam.

R. Et clamor meus ad te veniat.

Ÿ. Dominus vobiscum.

R. Et cum Spiritu tuo.

### Oremus.

**O**mnipotens Domine, Verbum Dei Patris, Chriſte Jeſu, Deus & Dominus univerſæ creaturæ, qui ſanctis Apoſtoliſ tuiſ dediſti poteſtatem calcandi ſuper ſerpentes & ſcorpiones; qui inter cætera mirabilium tuo-

I i

rum

rum præcepta dignatus es dicere: dæmones effugite; cujus virtute motus, tanquam fulgur de cœlo, satanas cecidit; tuum sanctum Nomen cum timore & tremore suppliciter deprecor, ut indignissimo mihi servo tuo, data venia omnium delictorum meorum, constantem fidem & potestatem donare digneris, ut hunc crudelem dæmonem, brachii tui sancti munitus potentia fidenter & securus aggrediar, per te, JESU Christe, Domine Deus noster, qui venturus es judicare vivos & mortuos, & sæculum per ignem. *R.* Amen.

*Deinde muniens se, & obsessum signo Crucis, circumposita parte stolæ ad collum ejus, & dextera manu sua capiti ejus imposita, constanter & magna cum fiducia dicat ea, quæ sequuntur.*

ψ. Ecce Crucem Domini, fugite partes adversæ. *R.* Vicit Leo de tribu Juda, radix David. ψ. Domine exaudi Orationem meam. *R.* Et clamor meus ad te veniat. ψ. Dominus vobiscum. *R.* Et cum Spiritu tuo.

**Oremus.**

**D**eus & Pater Domini nostri JESU Christi, invoco Nomen sanctum tuum, & clementiam tuam supplex exposco, ut adversus hunc, & omnem immundum spiritum, qui vexat hoc plasma tuum, mihi auxilium præstare

stare digneris. Per eundem Dominum nostrum JESUM Christum Filium tuum, qui tecum vivit & regnat &c. R. Amen.

## EXORCISMUS.

Exorcizo te immundissime spiritus, omnis incurtio adversarii, omne phantasma, omnis legio, in Nomine Domini nostri JESU Christi † eradicare & effugare ab hoc plasmate Dei †. Ipse tibi imperat, qui te de supernis coelorum in inferiora terræ demergi præcepit. Ipse tibi imperat, qui mari, ventis, & tempestatibus imperavit. Audi ergo, & time satana, inimice fidei, hostis generis humani, mortis adductor, vitæ raptor, justitiæ declinator, malorum radix, fomes vitiorum, seductor hominum, proditor gentium, incitator invidiæ, origo avaritiæ, causa discordiæ, excitator dolorum. Quid stas & resistis, cum scias, Christum Dominum vires tuas perdere? illum metue, qui in Isaac immolatus est, in Joseph venundatus, in agno occisus, in homine crucifixus, deinde inferni triumphator fuit. *Sequentes Cruces fiant in fronte Obsessi:* Recede ergo in Nomine Patris † & Filii † & Spiritus † sancti; & da locum Spiritui sancto, per hoc signum † Crucis JESU Christi Domini nostri. Qui cum Patre & eodem Spiritu sancto vivit & regnat Deus, per omnia sæcula sæculorum. R. Amen.

℣. Domine exaudi Orationem meam.

℞. Et clamor meus ad te veniat.

℣. Dominus vobiscum.

℞. Et cum Spiritu tuo.

### Oremus.

**D**eus conditor & defensor generis humani, qui hominem ad imaginem tuam formasti; respice super hunc famulum tuum, N. qui (hanc famulam tuam N. quæ) dolis immundi spiritus appetitur, quem (quam) vetus adversarius, antiquus hostis terræ, formidinis horrore circumvolat, & sensum mentis humanæ stupore defigit, terrore conturbat, & metu trepidi timoris exagitat. Repelle, Domine, virtutem diaboli, fallacesque ejus insidias amove: procul impius tentator aufugiat: sit Nominis tui signo † (*in fronte*) famulus tuus munitus, & in animo tutus & corpore. *Tres Cruces sequentes fiant in pectore dæmoniæ.* Tu pectoris † hujus interna custodias. Tu viscera † regas. Tu † cor confirmes. In anima adversatricis potestatis tentamenta evanescant. Da, Domine, ad hanc invocationem sanctissimi Nominis tui gratiam, ut qui hucusque terrebat, territus aufugiat, & victus abscedat, tibi que possit hic famulus tuus, & corde firmatus, & mente sincerus debitum præbere famulatum. Per Dominum nostrum JESUM Christum Filium tuum, qui tecum &c.    ℞. Amen.

**EXOR-**

*EXORCISMUS.*

Adjuro te, serpens antique, per Judicem vivorum & mortuorum, per factorem tuum, per factorem mundi, per eum, qui habet potestatem te mittendi in gehennam, ut ab hoc famulo Dei N. qui ad Ecclesiæ finem recurrit, cum metu & exercitu furoris tui festinus discedas. Adjuro te iterum † (*in fronte*) non mea infirmitate, sed virtute Spiritus sancti, ut ex eas ab hoc famulo Dei N. quem omnipotens Deus ad imaginem suam fecit. Cede igitur, cede non mihi, sed Ministro Christi. Illius enim te urget potestas, qui te Crucifusæ subjugavit. Illius brachium contremisce, qui devictis gemitibus inferni, animas ad lucem perduxit. Sit tibi terror corpus hominis, † (*in pectore*) sit tibi formido imago Dei, † (*in fronte*) non resistas, nec moreris discedere ab homine isto, quoniam complacuit Christo in homine habitare. Et ne contemnendum putes, dum me peccatorem nimis esse cognoscis. Imperat tibi Deus †; Imperat tibi Majestas Christi †; Imperat tibi Deus Pater †; Imperat tibi Deus Filius †; Imperat tibi Deus Spiritus † sanctus; Imperat tibi Sacramentum Crucis †; Imperat tibi fides sanctorum Apostolorum Petri & Pauli, & cæterorum Sanctorum †; Imperat tibi Martyrum sanguis †; Imperat tibi continentia Confessorum †; Imperat tibi pia Sanctorum & San-

Starum omnium intercessio † , Imperat tibi Christianæ fidei mysteriorum virtus † , Exi ergo transgressor. Exi seductor, plene omni dolo & fallacia , virtutis inimice , innocentium persecutor. Da locum dirissime ; da locum impiissime ; da locum Christo , in quo nihil invenisti de operibus tuis , qui te spoliavit , qui regnum tuum destruxit , qui te victum ligavit , & vasa tua diripuit , qui te projecit in tenebras exteriores , ubi tibi cum ministris tuis erit præparatus interitus. Sed quid truculente reniteris ? quid temerarie detrectas ? reus es omnipotenti Deo , cujus statuta transgressus es. Reus es Filio ejus Jesu Christo Domino nostro , quem tentare ausus es , & crucifigere præsumpsisti. Reus es humano generi , cui tuis persuasionibus mortis venenum propinasti.

Adjuro ergo te , draco nequissime , in Nomine Agni † immaculati , qui ambulavit super aspidem & basiliscum , qui conculcavit leonem & draconem , ut discedas ab hoc homine † (*fiat in fronte :*) discedas ab Ecclesia Dei † (*fiat signum Crucis super circumstantes :*) contremisce & effuge , invocato Nomine Domini illius , quem inferi tremunt , cui virtutes cœlorum , & potestates , & dominationes subjectæ sunt ; quem Cherubim & Seraphim indefessis vocibus laudant , dicentes : Sanctus , sanctus , sanctus , Dominus Deus Sabaoth.

Impe-



Imperat tibi Verbum † caro factum. Imperat tibi Natus † ex Virgine. Imperat tibi JESUS † Nazarenus, qui te, cum Discipulos ejus contemneres, elisum atque prostratum exire præcepit ab homine; quo præsentem, cum te ab homine separasset, nec porcorum gregem ingredi præsumebas. Recede ergo nunc adjuratus in Nomine † ejus ab homine, quem ipse plasmavit. Durum est tibi velle resistere †. Durum est tibi contra stimulum calcitrare †, quia quanto tardius exis, tanto magis tibi supplicium crescit; quia non homines contemnis, sed illum, qui dominatur vivorum & mortuorum: qui venturus est judicare vivos & mortuos, & sæculum per ignem. R. Amen.

ψ. Domine exaudi Orationem meam.

R. Et clamor meus ad te veniat.

ψ. Dominus vobiscum.

R. Et cum Spiritu tuo.

### Oremus.

**D**eus cœli, Deus terræ, Deus Angelorum, Deus Archangelorum, Deus Prophetarum, Deus Apostolorum, Deus Martyrum, Deus Virginum, Deus, qui potestatem habes donare vitam post mortem, requiem post laborem, quia non est alius Deus præter te, nec esse poterit verus, nisi tu Creator cœli & terræ, qui verus Rex es, & cujus regni non erit finis; humiliter Majestati gloriæ tuæ supplico,

plico, ut hunc famulum tuum de immundis spiritibus liberare digneris. Per Christum Dominum nostrum. R. Amen.

### *EXORCISMUS.*

Adjuro ergo te, omnis immundissime spiritus, omne phantasma, omnis incurfus fatanæ, in Nomine Jesu Christi † Nazareni, qui post lavacrum Jordanis in desertum ductus est, & te in tuis sedibus vicit, ut, quem ille de limo terræ ad honorem gloriæ suæ formavit, tu desinas impugnare: & in homine miserabili, non humanam fragilitatem, sed imaginem omnipotentis Dei contremiscas. Cede ergo Deo †, qui te, & malitiam tuam in Pharaone, & in exercitu ejus per Moysen servum suum in abyssum demersit. Cede Deo †, qui te per fidelissimum servum suum David de Rege Saule spiritualibus canticis pulsum fugavit. Cede Deo †, qui te in Juda Iccariote proditore damnavit. Ille enim te divinis † verberibus tangit, in cujus conspectu cum tuis legionibus tremens & clamans dixisti: Quid nobis & tibi Jesu Fili Dei altissimi? Venisti huc ante tempus torquere nos? Ille te perpetuis flammis urget, qui in fine temporum dicturus est impiis: Discedite a me maledicti in ignem æternum, qui paratus est diabolo & angelis ejus. Tibi enim impie, & angelis tuis vermes erunt, qui nunquam morien-

rientur. Tibi & angelis tuis inextinguibile præparatur incendium, quia tu es princeps maledicti homicidii; tu auctor incestus, tu sacrilegorum caput, tu actionum pessimarum Magister, tu hæreticorum doctor, tu totius obſcœnitatis inventor. Exi ergo † impie, exi † ſcelerate, exi cum omni fallacia tua, quia hominem templum ſuum eſſe voluit Deus, ſed quid diutius moraris hic? da honorem Deo Patri omnipotenti †, cui omne genu ſectitur. Da honorem Domino Jeſu Chriſto †, qui pro homine Sanguinem ſuum ſacratiffimum fudit. Da locum Spiritui † ſancto, qui per beatum Apoſtolum ſuum Petrum te manifeſte ſtravit in Simone Mago; qui fallaciam tuam in Anania & Saphira condemnavit; qui te in Herode Rege, honorem Deo non dante, percuffit; qui te in Mago Elima per Apoſtolum ſuum Paulum cæcitatis caligine perdidit, & per eundem de Pythoniſſa verbo imperans exire præcepit. Diſcede ergo nunc †, diſcede † ſeducator. Tibi eremus ſedes eſt. Tibi habitatio ſerpens eſt: humiliare & proſternere. Jam non eſt differendi tempus. Ecce enim Dominator Dominus proximat cito, & ignis ardebit ante ipſum, & præcedet, & inflammabit in circuitu inimicos ejus. Si enim hominem ſefelleris, Deum non poteris irridere. Ille te ejicit, cujus oculis nihil occultum eſt. Ille te expellit, cujus virtuti univerſa ſubjecta  
K k sunt.

funt. Ille te excludit, qui tibi & angelis tuis præparavit æternam gehennam; de cujus ore exhibit gladius acutus: qui venturus est judicare vivos & mortuos, & sæculum per ignem.  
R. Amen.

*Prædicta omnia, quatenus opus fuerit, repeti possunt, donec obsessus sit omnino liberatus.*

*Juvabit præterea plurimum, hæc, quæ infra notantur, supra obsessum devote dicere, sæpeque repetere.*

Pater noster &c. Ave Maria &c. Credo &c.

*I. Canticum Beatæ Mariæ Virginis. Magnificat anima mea &c. ut in Breviario ad Vesp. Dominic.*

*II. Canticum Benedictus Dominus Deus Israel &c. ut ad Laud. in Dominic.*

*III. Symbolum sancti Athanasii Quicumque vult salvus esse &c. ut in Dominic. ad Primam.*

*IV. Psalmus 90. Qui habitat in adjutorio Altissimi &c. ut in Complet. 3tio loco.*

*V. Psalmus 67. Exurgat Deus &c. feria 4ta ad Matut. ultimo loco.*

*VI. Psalmus 69. Deus in adjutorium meum, &c. Feria 5ta ad Matut. 2do loco.*

*VII. Psalmus 53. Deus in Nomine tuo salvum me fac &c. in Dominic. ad Primam 1mo loco.*

*VIII. Psalmus 117. Confitemini Domino, quoniam &c. ut in Dominic. ad Primam 2do loco.*

*IX.*

*IX. Psalmus 34. Judica Domine nocentes me  
Ec. Feria 2da ad Matut. loco 9no.*

*X. Psalmus 30. In te Domine speravi Ec. Fe-  
ria 2da ad Matut. 5to loco.*

*XI. Psalmus 21. Deus Deus meus , respice  
in me Ec. In feriali Officio ad Prim. 6to loco.*

*XII. Psalmus 3. Domine quid multiplicati  
sunt Ec. In Dominic. ad Matut. 1. No-  
cturno 3tio loco.*

*XIII. Psalmus 10. In Domino confido Ec.  
In Dominic. ad Matut. 1. Nocturno 8vo loco.*

*XIV. Psalmus 12. Usquequo Domine Ec.  
In Dominic. ad Matut. 1. Nocturno 10mo loco.*

## ORATIO

### POST LIBERATIONEM.

**O**ramus te , Deus omnipotens , ut spiritus  
iniquitatis amplius non habeat potesta-  
tem in hoc famulo tuo N. (hac famula tua N.)  
sed ut fugiat , & non revertatur. Ingrediatur  
in eum , (eam) Domine , te jubente , bonitas  
& pax Domini nostri JEsu Christi , per quem  
redempti sumus , & ab omni malo non time-  
mus , quia Dominus nobiscum est. Qui vivit  
& regnat cum Deo Patre in unitate Spiritus  
sancti Deus , per omnia sæcula sæculorum.  
¶. Amen.

## II.

## ORDO BREVIOR EXORCIZANDI

OBSESSOS A DÆMONIO.

*Facta præparatione, ut supra, recitentur Litanie omnium Sanctorum usque ad preces exclusivæ, quarum loco dicat Exorcista, quæ sequuntur:*

*Antiph.* Ne reminiscaris Domine delicta nostra vel parentum nostrorum, neque vindictam sumas de peccatis nostris. Pater noster &c. *℣.* Et ne nos inducas &c. *℞.* Sed libera &c. *℣.* Exsurgat Deus, & dissipentur inimici ejus. *℞.* Et fugiant, qui oderunt eum a facie ejus. *℣.* Salvum fac servum tuum (ancillam tuam). *℞.* Deus meus sperantem in te. *℣.* Nihil proficiat inimicus in eo (ea). *℞.* Et filius iniquitatis non apponat nocere ei. *℣.* Esto ei Domine turris fortitudinis. *℞.* A facie inimici. *℣.* Domine exaudi Orationem meam. *℞.* Et clamor meus ad te veniat. *℣.* Dominus vobiscum. *℞.* Et cum Spiritu tuo.

## Oremus.

**D**eus, qui culpa offenderis, pœnitentia placaris: preces populi tui supplicantis propitius respice, & flagella tuæ iracundiæ, quæ pro peccatis nostris meremur, averte.

Omni-

Omnipotens sempiterne Deus, salus æterna credentium: exaudi nos pro famulo tuo infirmo (famula tua infirma), pro quo (qua) misericordiæ tuæ imploramus auxilium: ut reddita sibi sanitate, gratiarum tibi in Ecclesia tua referat actiones.

Hostium nostrorum, quæsumus Domine, elide superbiam: & eorum contumaciam dexteræ tuæ virtute prosterne.

Deus qui contritorum non despicias gemitum; & mærentium non spernis affectum; adesto supplicationibus nostris, quas tibi pro tribulatione nostra effundimus, easque clementer exaudi: ut quidquid contra nos adversariæ moliuntur potestates, ad nihilum redigatur, & consilio tuæ pietatis allidatur; quatenus nullis adversitatibus læsi, sed de omni tribulatione & angustia erepti, læti in Ecclesia tua gratias referamus. Per Dominum nostrum &c. R. Amen.

*Deinde muniens se, & obsessum signo Crucis, circumposita parte stolæ ad collum ejus, & dextera manu sua capiti ejus imposita, constanter, & magna cum fide dicat ea, quæ sequuntur.*

Ÿ. Ecce Crucem † Domini, fugite partes adversæ. R. Vicit leo de tribu Juda radix David.

Ÿ. Domine exaudi Orationem meam. R. Et clamor meus ad te veniat. Ÿ. Dominus vobiscum. R. Et cum Spiritu tuo.

Kk 3

Ore-

**Oremus.**

**D**eus , & Pater Domini nostri JEsu Christi, invoco Nomen sanctum tuum , & clementiam tuam supplex exposco , ut adversus hunc , & omnem immundum spiritum , qui vexat hoc plasma tuum , mihi auxilium præstare digneris. Per eundem Dominum nostrum JEsu Christum &c.

*His finitis Exorcista quasi pro tribunali sedens ceu judex a Deo deputatus voce gravi non tamen clamorosa Exorcismum pronuntiet , ut sequitur :*

**EZORCISMUS AD DÆMONEM**

**AB ENERGUMENO EXPELLENDUM.**

Contra te maledicte dæmon (*vel* si plures estis) contra vos , spiritus immundi , & apostatici , qui Dominum Deum vestrum dereliquistis , & obliti estis Dei Creatoris vestri , constitutus sum a Deo ego N. Minister Christi , & Ecclesiæ ; ideo auctoritate , quam accepi a Deo , & ab Ecclesia in ordine Exorcistatus , in Nomine sanctissimæ Trinitatis , & in virtute Domini nostri JEsu Christi , præcipio vobis omnibus , & singulis , ut in omnibus , quæ nunc vobis præcepero , sine ulla mora ad amussim mihi obediatis.

Præcipio ergo vobis eadem auctoritate , ut in exitu vestro non audeatis vos , nec quicun-



quicumque alii dæmones, aliquod malum facere, vel nocumentum inferre isti creaturæ, nec mihi, nec astantibus, nec quibuscunque aliis creaturis, tam animatis, quam inanimatis; quinimo in exitu vestro vobiscum trahatis omnes vestras diabolicas infectiones; ac removeatis omnia noxia, quæ hucusque sive extrinsece, sive intrinsece intulistis corpori istius creaturæ: ac destruatis omnia maleficia, facturas, ac ligaturas, quas fecistis contra creaturam Dei.

Audite ergo spiritus rebelles, & apostatici ultimum meum præceptum, quod illico ac festinanter adimplere debetis: eadem auctoritate, qua supra in Nomine sanctissimæ Trinitatis, & in virtute sanctissimi Nominis Domini nostri Jesu Christi præcipio vobis, dæmones infernales, ut exeatis a corpore istius creaturæ Dei, & totaliter ab ea recedatis, ita, ut non amplius habeatis potestatem nocendi ei intrinsece, neque extrinsece, nec ullo modo eam perturbandi infirmitatibus, timoribus, visionibus, apparitionibus, nec aliis quibuscunque modis.

Exite ergo spiritus immundi; sic volo, sic jubeo vobis, ut Minister Christi, & Ecclesiæ: in nomine Patris, & Filii, & Spiritus sancti. Amen.

*Si factō Exorcismo Energumenus nullum amplius patitur ex iis effectibus, quos experiri prius consue-*

*consueverat , judicari poterit prorsus a dæmone liber , & Exorcista Deo gratias referat cum illo.*

*Si autem dæmon rursus aliquod præsentia suæ signum ederet , eo tempore nihil aliud agat , sed solummodo admoneat maleficiatum ad liberationem ipsius majorem fidem , & fiduciam requiri , clariusque se agniturum alia vice , unde oriatur defectus.*

*In dubio præceptum probativum efformet his , vel similibus verbis : Ego N. ut Minister Christi , & Ecclesiæ in nomine Jesu Christi præcipio tibi , dæmon , vel si plures estis , vobis omnibus , & singulis , ut si adhuc aliquam in hanc Dei creaturam potestatem habeatis , statim mihi detis signum evidens vestrae potestatis , ac præsentia , aliquam in ea causando vexationem earum , quas prius causare consueveratis.*

*Si dæmon adhuc præsens sit , haud dubie præcepto resistere non poterit , sed petitam causabit vexationem ; si vero nullum det signum certum suæ possessionis , nec ullam causet vexationem , de liberatione perfecta nullo modo erit dubitandum.*

*Denique pro gratiarum actione dicatur Hymnus : Te Deum laudamus &c. quo dicto dicantur sequentia :*

*✠. Confirma hoc Deus . quod operatus es in nobis.*

**R. A**

R. A templo ſancto tuo , quod eſt in Jeruſalem.

Ÿ. Oſtende nobis Domine miſericordiam tuam.

R. Et ſalutare tuum da nobis,

Ÿ. Domine exaudi Orationem meam.

R. Et clamor meus ad te veniat.

Ÿ. Dominus vobiscum.

R. Et cum Spiritu tuo.

### Oremus.

Gratias agimus tibi , Domine ſancte , Pater omnipotens , æterne Deus ; gratias agimus tibi Chriſte , verbum æterni Patris ; gratias agimus tibi Spiritus alme ; eluſus eſt draco. Deus Abraham , Deus Iſaac , Deus Jacob miſerere famulo tuo N. (famulæ tuæ N.) a diabolica poteſtate liberato (liberatæ) , & in ejus adjutorium ſanctum dirige S. Michaelem , qui eum (eam) protegat , viſitet , atque defendat ab omnibus inimicis ſuis. Qui vivis , & regnas &c.

### Oremus.

Omnipotens ſempiternæ Deus , qui liberare dignatus es hunc famulum tuum N. (hanc famulam tuam N.) a vexatione ſatanæ , & miniſtrorum ejus ; mitte in eum (eam) ſeptiformem Spiritum ſanctum paraclitum de cœlis.

Ll

Quæ-

Quæsumus, omnipotens Deus, famulum tuum N. (famulam tuam N.) propitius respice, ut te largiente protegatur in corpore, & te servante custodiatur in mente. Per Christum Dominum nostrum. *R. Amen.*

*Post hæc Exorcista personam liberatam aqua benedicta aspergendo benedicat dicens :*

Benedictio Dei omnipotentis Patris †, & Filii, & Spiritus sancti, descendat super te, & maneat semper. Amen.

### III.

#### **ORDO BREVISSIMUS EXORCIZANDI IN DEFECTU TEMPORIS.**

*Si coram Exorcista in defectu temporis Energumenus, vel maleficio infectus compareat, inprimis breviter in fide, & fiducia instruat, deinde jubeatur, ut genusflexus corde, & ore contritionem, actusque confidentiæ eliciat, atque Deum pro sua liberatione precetur. Quo facto Exorcista similiter dispositus sedeat, & patiente genusflexo sequens præceptum expulsum formet:*

Ego N. ut Minister Christi, & Ecclesiæ præcipio tibi dæmon in Nomine Domini nostri JESU Christi, ut immediate, & sine ulla mora recedas, & exeas a corpore istius creaturæ Dei; nec amplius habeas potestatem nocendi ei intrinsece, vel extrinsece, vel quocunque



rale, & mixtum. Naturale est, quod ex pacto cum dæmone, vel hujus ope per applicationem rei naturaliter noxiæ v. g. veneni est procuratum. Præternaturale maleficium est, quod dæmonis ope ita procuratur, ut simul dæmon sit præsens homini maleficiato, & corpus ejusdem sive immediate per se ipsum, sive per commixtionem humorum mire torqueat, seu vexet. Mixtum dicitur maleficium, quod participat ex utroque.

(a) Circa maleficia aliqui errant per excessum, aliqui per defectum: hi contra communem Ecclesiæ sensum, & praxin maleficia absolute negant, efficiuntque, ut negligantur remedia spiritualia cum ingenti vexatorum damno; illi autem qualescunque morbos naturales tam hominum, quam animalium passim, & absque sufficientibus signis habent pro maleficiis. unde fit, ut ex una parte communiter negligantur remedia naturalia, seu medicinæ pro curatione morborum aptæ, ex altera vero parte fiat abusus Exorcismorum contra institutionem, seu ordinationem mox dictæ Ecclesiæ.

## II.

### *Signa Maleficiatorum.*

Signa maleficiatorum saltem probabilia ex communi sensu DD. censentur esse sequentia, vel alia his similia, & quidem

Quoad *Ægrotos*, si magis horreant cibos appositos, in occulto benedictos, quam alios: si ad præsentiam Ss. Eucharistiæ, vel Reliquiarum insolito percellantur horrore, præsertim si simul easdem aspiciere nequeant: si vehementissima siti vel fame lupina vexentur, cibum tamen & potum, si afferatur, abhorreant, præsertim quando post varias ex ordinatione medicorum applicatas medicinas nullus sentitur effectus

effectus in iſto , vel aliis medico incognitis morbis : ſi ex ore eorundem exeant quaſi infernales fœtores ſulphuris, picis, fuliginis, carbonum &c. ſi ex ventre illorum inſoliti procedant clamores ranarum &c. Si vomitu ejiciant acus, cultros, clavos, vitra, aliaque ſimilia ; ubi tamen cavendum , ne forte circa tales fraus , vel ſimulatio intercedat.

Quoad *Infantes* ſigna intervenientis maleficii cenſentur eſſe , ſi per aliquot dies nihil omnino comedant , nec lac fugant ſine alia præcedente cauſa : ſi ſæpius contremiſcant, inſomnes ducant totas noctes, ſientes continuo absque eo, quod ab expertis aliqua hujus ſciatur cauſa naturalis : ſi oculos habeant pavidos, ac ſpecialiter Sacerdotes aſpicere nolint : ſi nunquam poſſint lacte ſatiari, licet ſemper fugentes, præſertim quando inde macilentiores evadunt, licet alias nutrix ſana exiſtat : ſi absque alia cognita cauſa naturali ſubito expalleſcant, amiſſa faciei, & totius corporis conſtitutione : ſi circa renes nigri fiant , vel in pectore intumeſcant.

Quoad *Conjugatos* denique, probabiliter ſaltem, inferri poterit interveniſſe maleficium , ſi maritus uxorem abſentem vehementiſſime diligat, quam tamen præſentem ſummo proſequitur odio ; ſi nec vir uxori, nec uxor viro appropinquare poſſit, quia videtur corpus aliquod præſens eſſe intermedium : ſi natura alias ſatis cupida, & robuſta ex improviſo ordinarie debilitetur, dum ipſamet tentatur copula : ſi uxor alias capax pro eo tempore , quo copula tentatur, ſubito ita conſtringatur, ut penetrari nequeat.

(b) Advertat hic Exorcista, non eſſe neceſſarium, ut omnia hæc ſigna in ægrotis &c. inveniantur, ſed ſufficere, ſi aliqua pro diverſitate morbi, vel maleficii concurrant, quæ moralem aliquam certitudinem, vel magnam probabilitatem

dant; si porro omnibus rite perpenſis ſigna maleficii ſint, vel maneant dubia, antequam Exorcifia progrediatur ad actualem Exorcizationem, excitata prius tam in ſe, quam in maleficiato firmæ ſpe, & fiducia, formabit præceptum probativum, & lenitivum, quibus mediantibus verum, ſicut neceſſe eſt, facile poterit cognoscere, ut ſupra dictum fuit de ſignis Obſefforum *ſect. 7. §. 4.*

Cæterum hic dicta de maleficiis proportionaliter etiam intelligenda ſunt de aliis vexationibus dæmonis, quæ videlicet ex permiſſione divina ab ipſo fiunt ſine pacto explicate vel tacito cum hominibus maleficis.

### III.

#### *Curatio ſeu remedia Maleficiorum.*

Remedia Maleficiorum alia ſunt naturalia, alia ſupernaturalia, & alia moralia. Hæc poſtrema ſunt ea, quibus, ſi nullum novum maleficium adhibeatur, licite deſtruuntur ſigna magica v. g. ligaturæ, nodi &c. Qua de re videri poſſunt Moraliftæ de ſignis Maleficiorum fatiſ, ſuperque agentes (c).

Remedia naturalia maleficiorum naturalium & mixtorum, qua naturalium, ſunt medicinæ, quæ ordinariè a Medicis contra diverſas ægri tudines pro exigentia rerum præſcribi ſolent, ac debent; quia vero diabolus, ſi Deus permittat, facile illarum vires debilitare & infringere, vel nova ſemper maleficia machinari poteſt, huiusmodi medicinæ, ſeu remedia naturalia plerumque minus ſunt efficacia; juvabit tamen illa, a Sacerdote antecederenter benedicta, experiri juxta præſcriptum medicorum, ſeu quæ ipſi magis congrua judicabunt.

Magis efficacia remedia maleficiorum tam præternaturalium, quam naturalium & mixtorum ſunt reme-




remedia supernaturalia, seu spiritualia, qualia in particulari censentur esse Confessio sacramentalis peccatorum, sumptio sanctissimi Eucharistiæ Sacramenti, signum sanctæ Crucis, invocatio Ss. Nominis Jesu, Reliquiæ Sanctorum, Agnus Dei, Cerei sacri, aqua, panis, & sal benedictum, aliæque res similes juxta Ritum Ecclesiæ benedictæ, quæ habent vim ex precibus ejusdem Ecclesiæ ad avertendas dæmonis infestationes, Oratio conjuncta jejunió, præcipue autem Exorcismi ab Ecclesia præscripti, seu adprobatí (*d*).

His tamen Exorcismis conformiter dictis *cit. Sect. VII. §. 2.* tam ab Exorcista, quam a maleficiato (vel si adhuc fuerit infans, ab ejusdem parentibus) semper præmitti oportet fidem & fiduciam firmam, tanquam dispositiones seu conditiones absolute necessarias.

(*c*) Ex sententia plurium inquisitio in ejusmodi signa, eorumque physica destructio consuetius negligitur, sufficitque, si dæmon Exorcismis Ecclesiæ compellatur, ut vel ipse destruat, vel per ea nocere definat, quia hæc signa non ex natura sua, sed solum ex operatione dæmonis vim nocendi habent, illa autem sublata, signa ipsa manebunt innoxia.

(*d*) Si dæmon vel sponte, vel coactus per Exorcismos, aut alia remedia ab infirmo totaliter recesserit, & aliquæ reliquæ morbi naturalis remaneant, prout sæpe contingere solet, per pharmaca naturalia, prævie benedicta, expellendæ forent, & præmuniendus infirmus mediis spiritualibus contra nequitiam diabolicam, ut infra dicetur *Sect. ult. §. 1.*



**SECTIO X.**  
**BENEDICTIONES,**  
**ET**  
**EXORCISMI**  
**CONTRA MALEFICIA.**

**NOTANDUM.** *Ordo triplex exorcizandi Ob-  
 fessos a dæmonio supra positus Sect. VIII. ser-  
 uire quidem etiam poterit pro exorcizandis ma-  
 leficiatis, vel alias vexatis, mutatis videlicet mu-  
 tandis v. g. exeatis in recedatis, vel vexare de-  
 sinatis: ejicere in repellere, vel abigere &c.  
 ad usum tamen faciliorem hac Sectione ulterius  
 subjunguntur propriæ Benedictiones, & Exor-  
 cismi pro maleficiatis tam in genere, quam in  
 specie.*

**I.**

**BENEDICTIO, ET EXORCISMUS**  
**MALEFICIATORUM IN GENERE.**

**O**bservatis iis, quæ supra cit. Sectione VIII.  
 & IX. jam dicta sunt, nominatim de sig-  
 nis maleficatorum, de fide, & fiducia firma &c.  
 Sacerdos indutus Superpelliceo, & Stola viola-  
 cea, vel saltem Stola, primo aspergat maleficia-  
 tum,

tum, Et adstantes aqua benedicta; deinde, si commode fieri possit, recitatis Litanis omnium Sanctorum usque ad Agnus Dei &c. inclusive, pergat dicendo:

℣. Salvum fac servum tuum (ancillam tuam).

℞. Deus meus sperantem in te.

℣. Domine exaudi &c.

℣. Dominus vobiscum &c.

### Oremus.

**D**omine JESU Christe, Fili Dei vivi, qui dedisti Apostolis, & fidelibus tuis potestatem super omnia dæmonia, & ut languores curarent; te suppliciter exoramus: ut per merita, & intercessionem beatissimæ Matris tuæ, omniumque Sanctorum tuorum famulum istum (famulam istam) ab omni potestate satanæ, & ministrorum ejus potenter eripere, atque ab omni ægitudine clementer liberare digneris.

Ne despicias, quæso, Redemptor meus, me indignissimum Sacerdotem, Ministrum tuum, te humiliter adorantem, & devote invocantem; sed, sicut tradidisti mihi potestatem quotidie offerendi Deo Patri immaculatam hostiam sacratissimi Corporis, & Sanguinis tui, ita nunc tribue mihi potestatem contra nefarium inimicum; & reple impositionem manuum mearum omni Benedictione

M m

cœlesti.

coelesti. Qui vivis, & regnas cum Deo Patre &c.

## EXORCISMUS

### SUPER MALEFICIATUM.

Contra te maledicte dæmon, rebellis Deo tuo, & Deo meo, constitutus sum ego N. Minister Christi, & Ecclesiæ; ideo auctoritate mihi tradita a Deo, & ab Ecclesia in ordine Exorcistatus tibi præcipio in Nomine Domini nostri Jesu Christi, ut illico destruas omne maleficium sive in corpore, sive extra corpus fabricatum: eadem etiam auctoritate, & potestate in virtute Ss. Trinitatis, & in Nomine Domini nostri Jesu Christi tibi præcipio, ut illico exeas, fugias, & recedas cum omnibus tuis facibus, & immunditiis, sine ullo nocumento creaturæ inferendo: nec in posterum ullam habeas potestatem hanc Dei creaturam quocunque modo molestandi, vel maleficiis afficiendi: sic enim volo, sic jubeo ut Minister Christi & Ecclesiæ, in Nomine Patris, & Filii, & Spiritus sancti. Amen.

*Finito Exorcismo tam proba liberationis, quam gratiarum actio fieri potest modo supra indicato Sect. VIII. §. 2. Quodsi tamen circumstantiæ loci, vel temporis viam breviorē suadeant, potest Exorcista breviter super parte vexata, & maleficiata formando signum sanctæ Crucis † pronunciare præceptum dicendo: Præcipio*

cipio tibi dæmon in Nomine Domini nostri Jesu Christi, ut cum omnibus tuis maleficiis illico recedas, & fugias, in Nomine Patris, & Filii, & Spiritus sancti. Amen.

*Ultimo aspergat maleficiatum aqua benedicta dicendo: Per asperisionem pretiosissimi Sanguinis Domini nostri Jesu Christi, & per virtutem amarissimæ Passionis, & mortis suæ liberet te Dominus ab omni infestatione maligna, & præservet te ab omni incantatione. In Nomine Patris † &c.*

## II.

### BENEDICTIO, & EXORCISMUS

PARVULORUM, seu INFANTIUM MALEFICIATORUM.

*Cum ex una parte parvuli ordinarie maleficiis afficiantur ob culpam parentum, vel aliorum, eorundem curam habentium, qui eos Deo commendare, atque signo S. Crucis munire negligunt: ex altera vero parte ad omne maleficium tollendum necessaria sit firma fides, Et fiducia, cujus dicti parvuli ob defectum rationis incapaces sunt, prævie moneri, seu instrui debent parentes, ut corde contriti, vel confessi hujusmodi actus fidei, Et fiduciæ eliciant conformiter dictis Sect. VII. §. 10. Quo facto Sacerdos dicat sequentia:*

℣. Adjutorium nostrum in Nomine Domini.

℞. Qui fecit cælum & terram.

M m 2

℣.

Ÿ. Domine exaudi &c.    R. Et clamor &c.  
Ÿ. Dominus vobiscum.    R. Et cum &c.

**Oremus.**

**D**omine JESU Christe, qui parvulos ad te venientes complexans, manusque super illos imponens (*imponat manum super caput ejus*) benedicebas, dicens: Sinite parvulos venire ad me, & nolite prohibere eos, tantum est enim regnum cœlorum. Respice, quæsumus, ad hujus parvuli innocentiam, & ad parentum ejus devotionem, & clementer eum per ministerium meum benedicare, & in gratia tua confirmare digneris: ut ab insidiis diaboli liberatus in bono semper proficiat, teque Creatorem, & Redemptorem suum diligat, timeat, mandata tua custodiat, & ad finem optatum perveniat. Per te, Christe JESU, Salvator mundi, qui vivis, & regnas &c.

**Oremus.**

**O**mnipotens sempiterne Deus, conserva puerum istum (puellam istam), & virtute Spiritus sancti vitam illius sanctifica, sanitatem confer, prospera tribue, pacem concede, atque ab omnibus humanis & diabolicis insidiis tua protectione defende. Angelus tuus sanctus ei in custodiam deputatus, illi benedicat, & Nomen sanctum tuum super eum

eum jugiter invocetur, crescat in multitudinem dierum, & ad gaudia Paradisi perveniat. Per Christum Dominum nostrum, Amen.

### EXORCISMUS.

In Nomine JEsu Christi præcipio tibi, maligne spiritus, qui in corpore istius prolis maleficium perfecisti; ut ab ea auferas omnem ligaturam, facturam, fascinationem, ac quodcunque malum, atque ab ea recedas, trahendo tecum omnes immunditias, molestiasque; nec amplius habeas potestatem ei unquam mala inferendi. Id præcipio tibi ut Minister Christi, & Ecclesiæ suæ sanctæ, in Nomine Patris †, & Filii †, & Spiritus † sancti, Amen.

Dominus noster JEsus Christus † apud te sit, ut te defendat: intra te sit †, ut te conservet: super te sit †, ut te benedicat, qui cum Patre, & Spiritu sancto in unitate perfecta vivit & regnat in sæcula sæculorum, Amen.

Et Benedictio Dei omnipotentis Patris †, & Filii †, & Spiritus † sancti, descendat super te, & maneat semper, Amen.

*Aspergatur aqua benedicta.*

**III.****BENEDICTIO, & EXORCISMUS****CONJUGUM MALEFICIO IMPEDITORUM.**

**C**ontingit aliquando, ut conjuges, Deo ita permittente, eorumque libidinem, matrimonium præcedentem, vel in illo subsequenter vindicante, maleficio ab usu matrimonii impediantur.

Exorcista igitur hujusmodi conjugibus ante omnia suadebit, ut peracta peccatorum suorum Confessione, sacratissimum Christi corpus reverenter sumant, & exemplo Tobiae, & Saræ aliquot diebus a copula abstinentes, jejunio, & precibus, aliisque piis operibus, & eleemosynis se præparent.

Deinde disponantur more consueto ad firmam spem, & fiduciam, quibus elicitis, dictisque, ut supra, Litaniis omnium Sanctorum, Sacerdos pergat in hunc, qui sequitur, modum.

**℣. Adjutorium nostrum in nomine Domini.**

**℞. Qui fecit cælum, & terram.**

**℣. Salvos fac servos tuos.**

**℞. Deus meus sperantes in te.**

**℣. Mitte eis Domine auxilium de Sancto.**

**℞. Et de Sion tuere eos.**

**℣. Nihil proficiat inimicus in eis.**

**℞. Et filius iniquitatis non apponat nocere eis.**

**℣. Esto eis Domine turris fortitudinis.**

**℞.**



R. A facie inimici.

Ÿ. Domine exaudi &c. R. Et clamor &c.

Ÿ. Dominus vobiscum. R. Et cum &c.

**Oremus.**

**D**omine JESU Christe, Fili Dei vivi, qui in Paradiso terrestri matrimonium instituiſti in officium; & postmodum pro nobis homo factus, & ex Virgine natus, etiam in Sacramentum; & tua præſentia, ac miraculorum tuorum primitiis dignanter illustraſti; quæſumus: ut per merita B. V. Mariæ, Matris tuæ, beatorum Apostolorum Petri, & Pauli, omniumque Sanctorum, & Sanctarum tuarum, hos conjuges Matrimonii Sacramento copulatos benedicere, & ab omni ligamento, fascinatione, & maleficio satanæ, fœcunditatem, & salutarem sobolis propagationem eis impertiendo, tua pietate liberare digneris. Qui cum Patre, & Spiritu sancto vivis, & regnas in sæcula sæculorum, Amen.

Creator cœli, & terræ, qui primis parentibus matrimonii fœdere sociatis dixit: Crescite, & multiplicamini, & replete terram; ille sua Benedictione adversus omnes diabolicas infestationes vos fœcundet, atque multiplicet, & Christianæ sobolis salutarem propagationem misericorditer vobis concedat. In Nomine Patris †, & Filii †, & Spiritus † sancti, Amen.

**EXOR-**

---

**EXORCISMUS AD MALEFICIUM**  
IN MATRIMONIO FACTUM DESTRUENDUM.

Ego N. ut Minister Christi & Ecclesiæ, auctoritate mihi tradita a Deo, & ab Ecclesia in ordine Exorcistatus venio contra te maledicte dæmon, spiritus immunde, qui dereliquisti Deum factorem tuum, & oblitus es Domini Creatoris tui, qui usum Sacramenti Matrimonii a Christo instituti ad peccata carnalia evitanda, ad conservationem reipublicæ Christianæ, ad multiplicationem naturæ humanæ, & ad novos milites in Ecclesia Dei procurandos, impedire præsumis; & in Nomine Domini nostri Jesu Christi præcipio tibi, ut statim sine ulla mora destruas omne, quod perfecisti maleficium in hac creatura Dei, atque totaliter recedas ab ea; nec amplius potestatem habeas illudendi ei, aut perturbandi sensus ejus sive externos, sive internos; vel in ea causandi odium, abominationem adversus alterum conjugem, aut ipsum impediendi, quin possit uti matrimonio suo ad generandam, & enutriendam prolem gratam Deo, & hominibus (*si persona maleficiata sit uxor, dicat: ad generandam, concipiendam, portandam, pariendam, & enutriendam prolem gratam Deo, & hominibus*) sed longe ab ea fugias, & tecum trahas omnes fœces, immunditias, & omnes diabolicas infectiones, quas in corpus istud usque modo intulisti, ac tollas omnes

nes diabolicas colligationes, ac quascunque removeas noxas, ita ut creatura ista remaneat libera, & sana, ac si nullam molestiam diabolicam unquam in se ipsa sensisset: sic igitur, ut Minister Christi, & Ecclesiæ, tibi præcipio immunde spiritus, ut exeas, & recedas, in Nomine † Patris, & † Filii, & † Spiritus sancti. Amen.

*Deinde benedicens utrique subjicit:*

Creator cœli & terræ, qui primis parentibus matrimonii fœdere fociatis dixit: Crescite, & multiplicamini, & replete terram: ille sua vos Benedictione adversus omnes diaboli infestationes fœcundet, atque multiplicet: & Christianæ sobolis salutarem propagationem misericorditer vobis concedat in Nomine † Patris, & † Filii, & † Spiritus sancti. Amen.

*Aspergat pariter utrumque aqua benedicta, dicens:* Benedicat vos omnipotens Deus Pater, & Filius, & Spiritus sanctus. Amen.

NOTANDUM. *Cum teste experientia in thalamo vel toro conjugali sæpius abscondita lateant signa maleficii, juvabit tandem benedicere, adjuncto Exorcismo eum in finem, ut destruantur signa maleficii, Et si dæmon ibidem inhabitet, stationem suam illico deferat, nec imposteorum ullam habeat potestatem sive conjugibus, sive aliis quibuscunque aliquod inferendi noverunt.*

N n

BENE-

**BENEDICTIO THALAMI.**

*Ps.* Adjutorium nostrum &c.    *R.* Qui fecit &c.  
*Ps.* Domine exaudi &c.    *R.* Et clamor &c.  
*Ps.* Dominus vobiscum.    *R.* Et cum Spiritu tuo.

**Oremus.**

**B**enedic † Domine thalamum hunc, ut omnes habitantes in eo, in tua pace constant, & fenescant, & multiplicentur in longitudinem dierum cum incolumitate mentis, & corporis, & ad regna coelorum perveniant, per Christum Dominum nostrum. Amen.

**Oremus.**

**C**reator & Conservator humani generis, Dator gratiæ spiritualis, Elargitor æternæ salutis, tu Domine emitte Benedictionem tuam super hunc thalamum & lectum, ut quicumque in eo requiescet, in virtute celestis defensionis ad vitam æternam proficiat, & a suis doloribus & languoribus, omnibusque insidiis & machinationibus diaboli & ministrorum ejus liberetur, per Christum Dominum nostrum. Amen.

**EXORCISMUS.**

Contra te maledicte dæmon, vel si forte plures sitis, contra vos spiritus immundi, & apostata-

apostatici constitutus sum a Deo ego N. Minister Christi, & Ecclesiæ. Quapropter potestate mihi a Deo & ab Ecclesia in ordine Exorcistatus tradita præcipio vobis in Nomine Domini nostri Jesu Christi, ut si forte in hoc loco vel lecto aliqua fabricastis, & etiamnum conservatis maleficia, illico destruat, & ad nihilum redigatis. Eadem auctoritate vobis præcipio in Nomine Domini nostri Jesu Christi, ut totaliter a lecto & loco isto recedatis, & fugiatis, nec imposterum ullam habeatis potestatem conjuges in hoc thalamo commorantes quocunque modo molestandi, vel a conjugio impediendi: sic enim vobis præcipio, ut Minister Christi, & Ecclesiæ, in Nomine Patris, & Filii, & Spiritus Sancti. Amen.

#### IV.

### BENEDICTIO, & EXORCISMUS

DOMUS A MALIS SPIRITIBUS VEXATÆ.

*In primis Sacerdos perpendat omnes circumstantias loci, temporis, personarum &c. accurate examinando, num adsint vera spectra, vel num potius sit mera apprehensio, vanusque timor causatus e. g. ex strepitu felium, aliorumve animalium. Item attendat, ne forsan lateat palliata fraus, & malitia hominum, sive domesticorum, sive exterorum, hac occasione alios malos fines suos facilius exequi intendentium.*

N n 2

Quod si

*Quod si omnibus rite perpensis, (adhibitis etiam, si opus esse videatur, præceptis probativo, & lenitivo,) deprehenderit, vexationem domus hic & nunc non a causis naturalibus, sed a malis spiritibus provenire, moneantur omnes domum inhabitantes, ut præviis jejuniis, eleemosynis, & Confessione peccatorum ad sacram Eucharistiam accedant; ipse etiam Sacerdos ad hoc officium exequendum jejuniis, Sacrificio Missæ, aliisque piis operibus se præparet.*

*His observatis superpelliceo, & Stola violacei coloris indutus ingrediatur locum domus principalem, vel vexatum, ac ibidem omnes habitantes ad actus fidei, & fiduciæ in Deum eliciendos efficacibus verbis adhortetur; deinde coram Crucifixi imagine inter candelas benedictas accensas exposita recitet Litanias omnium Sanctorum usque ad Preces exclusivæ, sequentiæ subjungendo:*

*℣. Adjutorium nostrum &c.    ℞. Qui fecit &c.*

*℣. Dominus vobiscum.    ℞. Et cum Spiritu tuo.*

### **Oremus.**

**O**mnipotens sempiterne Deus, qui Sacerdotibus tuis præ cæteris tantam gratiam contulisti, ut, quidquid in tuo Nomine digne, perfecteque ab iis agitur, a te fieri credatur; quæsumus immensam clementiam tuam, ut, quod modo visitaturi sumus, visites, & quidquid

quid benedicturi sumus, benedicas: & ad ea, quæ acturi sumus, dexteram tuæ potentiae extendas: sintque ad nostræ humilitatis ingressum & introitum, Sanctorum tuorum meritis fuga dæmonum & Angeli pacis ingressus, per Christum Dominum nostrum. Amen.

*Sacerdos deinde incipit Psalmum gradualem:*  
Ad Dominum cum tribularer. *Qui cum reliquis quatuor primis, videl.* Levavi: Lætatus sum: Ad te levavi: Nisi quia Dominus: *recitantur a Clericis præsentibus alternatim, vel iis deficientibus a Sacerdote cum Gloria Patri. In fine cujuslibet Psalmi. Interim Sacerdos illum, & alia vicina loca domus aqua benedicta continuo aspergit, in fine Psalmorum dicens:* Kyrie eleison. Christe eleison. Kyrie eleison. Pater noster. *secreto.* *ψ.* Et ne nos inducas in tentationem. *℞.* Sed libera nos a malo. *ψ.* Nihil proficiat inimicus in nobis. *℞.* Et filius iniquitatis non apponat nocere nobis. *ψ.* Domine exaudi Orationem meam. *℞.* Et clamor meus &c. *ψ.* Dominus vobiscum. *℞.* Et cum Spiritu tuo.

Oremus.

**D**omum tuam, Domine, clementer ingredere, & in tuorum tibi cordibus fidelium perpetuam construe mansionem: & præsta, ut in hac domo nulla malignorum spirituum  
N n 3 domi-

dominetur nequitia. Per Christum Dominum nostrum. *R.* Amen.

*Deinde in eodem vel alio loco vexato, seu principali domus dicantur modo supra notato alii quinque Psalmi graduales: Qui confidunt in Domino; In convertendo; Nisi Dominus; Beati omnes; Sæpe expugnaverunt. Sacerdote, ut prius, aquam lustralem aspergente: quibus finitis dicitur: Kyrie eleison. Christe eleison. Kyrie eleison. Pater noster &c. secreto.*  
*ψ.* Et ne nos inducas in tentationem. *R.* Sed libera nos a malo. *ψ.* Domum tuam, Domine, decet Sanctitudo. *R.* In longitudinem dierum. *ψ.* Domine exaudi Orationem meam. *R.* Et clamor meus ad te veniat. *ψ.* Dominus vobiscum. *R.* Et cum Spiritu tuo.

### Oremus.

**O**mnipotens sempiterne Deus, qui in omni loco dominationis tuæ totus assistis, totus operaris: adesto supplicationibus nostris, ut hujus domus ædificatæ sis protector, & nulla hic nequitia contrariæ potestatis obsistat; sed virtute Spiritus sancti, & beatæ Mariæ Virginis intercessione fiat tibi hic purum servitium, & devota libertas existat. Per Christum Dominum nostrum. *R.* Amen.

*Rursum in eodem vel alio loco domus, dicantur reliqui quinque Psalmi graduales, videl.*  
**De**



De profundis ; Domine non est ; Memento Domine ; Ecce quam bonum ; Ecce nunc. *Sacerdote iterum continuo aquam benedictam aspergente ; Psalmis finitis dicit Sacerdos : Kyrie eleison. Christe eleison. Kyrie eleison. Pater noster &c. secreto.* ℣. Et ne nos inducas in tentationem. ℞. Sed libera nos a malo. ℣. Non accedet ad te malum. ℞. Et flagellum non appropinquabit tabernaculo tuo. ℣. Domine exaudi Orationem meam. ℞. Et clamor meus ad te veniat. ℣. Dominus vobiscum. ℞. Et cum Spiritu tuo.

Oremus.

**D**eus, qui in omni loco dominationis tuæ mirabiliter assistis, exaudi nos, quæsumus, ut inviolabilis hujus domus permaneat Benedictio, & beneficia tui muneris universitas, quæ supplicat, mereatur. Per Christum Dominum nostrum. ℞. Amen.

Oremus.

**D**omine JESU Christe, Sanctificator universæ creaturæ, qui sanctis Apostolis tuis dedisti potestatem calcandi supra serpentes & scorpiones: qui inter cætera etiam mirabilium tuorum opera dignatus es docere, dæmones effugare, cujus virtute victus, tanquam fulgur de cœlo fatanas cecidit: tuum Nomen  
cum

cum pavore, & tremore supplices deprecamur, ut nobis indignissimis famulis tuis, data venia peccatorum, confidentiam & robur donare digneris, ut ab hac domo infernalis draconis insultus brachii tui muniti potentia, fideliter & securi propulsemus: te præstante eodem Christo Jesu Domino nostro, qui cum Deo Patre, & Spiritu sancto vivis & regnas in sæcula sæculorum. *R.* Amen.

*Postea in eodem, vel alio principali loco domus legat sequens Evangelium.*

*Ps.* Dominus vobiscum.

*R.* Et cum Spiritu tuo.

*Ps.* Sequentia sancti Evangelii secundum Lucam.

*R.* Gloria tibi Domine.

**I**n illo tempore: Ingressus Jesus perambulabat Jericho. Et ecce vir nomine Zachæus: & hic princeps erat Publicanorum, & ipse dives. Et quærebat videre Jesum, quis esset: & non poterat præ turba, quia statara pusillus erat. Et præcurrens, ascendit in arborem sycomorum, ut videret eum: quia inde erat transiturus. Et cum venisset ad locum, suspiciens Jesus vidit illum, & dixit ad eum: Zachæe festinans descende: quia hodie in domo tua oportet me manere. Et festinans descendit, & excepit illum gaudens. Et cum viderent omnes, murmurabant, dicentes,

tes, quod ad hominem peccatorem divertisset; stans autem Zachæus, dixit ad JESUM: Ecce dimidium bonorum meorum, Domine, do pauperibus: & siquid aliquem defraudavi, reddo quadruplum. Ait JESUS ad eum: Quia hodie salus domui huic facta est; eo quod & ipse sit filius Abrahæ: venit enim filius hominis quærere, & salvum facere, quod perierat. R. Laus tibi Christe.

*Tum imponens incensum in thuribulum benedicit, dicens:* Ab illo benedicaris †, in cujus honorem cremaberis.

*Postea incensat principaliora loca domus, dicens:* Incensum istud a te benedictum ascendet ad te, Domine, & descendat super nos misericordia tua.

*Finita incensatione, reversus in eundem primarium locum, dicit:* V. Domine exaudi Orationem meam. R. Et clamor meus ad te veniat. V. Dominus vobiscum. R. Et cum Spiritu tuo.

Oremus.

Visita, quæsumus Domine, habitationem istam, & omnes insidias inimici ab ea longe repelle: Angeli tui sancti habitent in ea, qui eam in pace custodiant, & Benedictio tua sit super eam semper. Per Christum Dominum nostrum. R. Amen.

O o

EXOR-

*EXORCISMUS.*

Contra vos spiritus apostaticos, rebelles Deo vestro, osores hominum, perturbatores pacis, plenos omni dolo, & fallacia, ego N. constitutus sum Minister Christi, & Ecclesiæ; ideo potestate, & authoritate, quam accepi in ordine Exorcistatus, vobis in Nomine Domini JESU Christi præcipio, ut illico, & sine ulla mora ab hoc loco, ejusque incolis recedatis, neque habeatis impofterum ullam potestatem habitandi, discurrendi, vel quemcunque tumultum, aut rumorem excitandi in eo, vel ejus habitatores divexandi, aut quocunque modo inquietandi, vel perturbandi, five de die, five de nocte, vel eis apparendi sub quacunque forma, vel figura, nec voces formandi, aut quidquid aliud operandi. Exite ergo, ac fugite spiritus maledicti; sic enim præcipio vobis in Nomine JESU Christi; sic jubeo ut Minister Christi, & Ecclesiæ, in Nomine Patris †, & Filii †, & Spiritus † sancti. Amen.

*EXORCISMUS BREVIOR.*

In Nomine JESU Christi, ego N. ut ejus Minister, & servus, licet indignus, impero tibi, & vobis, execrandi dæmones, ut statim ex hac domo discedatis, nec ad illam molestandam amplius redeatis: in Nomine Patris, & Filii, & Spiritus sancti, Amen.

*Finito*

*Finito Exorcismo tam proba liberationis, quam gratiarum actio hic pariter fieri potest modo supra indicato Sect. VIII. §. 2.*

*In fine Sacerdos benedicit domum, Et habitantes in ea, dicens aspergendo aquam benedictam :*

*Pax & Benedictio Dei omnipotentis, Patris †, & Filii, & Spiritus sancti, descendat super hanc domum, & omnes habitantes in ea, & maneat semper. R. Amen.*

*Possunt etiam in cubiculis domus hinc inde appendi Agni Dei, rami palmarum, cerei benedicti &c.*

**NOTANDUM.** *Ne forte aliquando mali spiritus domum vexantes habeantur pro animabus damnatis, vel pro animabus in purgatorio detentis, hic advertat Sacerdos, animas damnatas ex communi DD. sententia nunquam, vel vix unquam comparere: animas vero in purgatorio, si tamen compareant, communiter statim respondere interroganti eas, suamque necessitatem exponere, nec amplius redire, nisi forte una adhuc vice, ut gratias agant de subsidio illis per sacras preces delato; multoque minus redire ad molestiam afferendam, Et perturbandos habitatores. Del Rio lib. 2. disq. mag. q. 26. sect. 3.*

**V.****BENEDICTIO, & EXORCISMUS****ANIMALIUM MALEFICIATORUM.**

**S**i animalia ægrotare, seu vexari contingat, Sacerdos illorum morbos, seu vexationes non statim vel passim sine sufficienti signo habeat pro maleficiis, neque afflictos, hoc opinantes, in illa mox opinione relinquat, aut confirmet; multo minus aliis sive notis, sive ignotis imputet, aut imputari permittat, quin potius in casu, quo etiam verum maleficium, vel vexationem diabolicam adesse deprehendit, sinistrae suspiciones, ad quas ut plurimum homines plebei valde proclives esse solent, personis vexatis vel damnificatis adimere studeat, remonstrando, diabolum ex se satis cupidum esse ad hominibus nocendum, quoties ac quacunque via ex permissione Dei id facere possit, quin ad hoc opera vel invocatione maleficorum hominum provocetur.

Si vero vexati interdum prætendant, se hanc vel illam personam hoc vel illud facientem, ex quo maleficium provenisse autumant, vidiſſe: doceantur, versutissimum diabolum plerumque solere hominum phantasie & oculis illudere, exhibendo aliquam personam in specie, quatenus innocentis famæ nocere possit, simul autem in mentibus sic illusorum peccaminosas suspiciones & temeraria judicia excitet.

*Ante*

*Ante omnia igitur attendat, an non forte animalia ex causis naturalibus ægrotent; v. g. ex devoratis araneis pabulo se ingerentibus, aut ex aliorum venenatorum animalculorum morfu, ex ipso pabulo, vel ex aëre præ stabulorum immunditia vitio Et. Et.*

*Si porro deficiente causa naturali sufficiens maleficiū signum habeatur, v. g. ad præceptum Exorcistæ, vel applicationem rerum benedictarum Et. in ordine ad tollendum hoc maleficiū sequentia servanda sunt.*

*Paterfamilias, aut illi, sub quorum dominio vel cura constituta sunt animalia, moneantur, ut firmam fidem, ac fiduciam in Deum concipiant; Et quia hæc mala ab ipso sæpius in pœnam peccatorum permittuntur, eadem corde contrito, vel etiam iuncta Confessione defleant.*

*Deinde Sacerdos ipsum stabulum, Et animalia aqua benedicta aspergat, ac demum, si commode possit, recitatis Litaniis omnium Sanctorum, ut supra, pergat dicendo:*

℣. Adjutorium nostrum &c. ℞. Qui fecit &c.  
℣. Domine exaudi &c. ℞. Et clamor &c.  
℣. Dominus vobiscum. ℞. Et cum Spiritu tuo.

Oremus.

Omnipotens sempiterne Deus, qui ab origine mundi creans hominem ad imaginem,

nem , & similitudinem tuam ad ipsius usum & levamen fecisti etiam animam viventem super terram in genere suo : jumenta, equos, oves , & boves , cæteraque animalia & bestias terræ juxta species suas : te humiliter deprecamur , ut hoc animal ( *vel animalia* ) liberare digneris , a quocunque maleficio , ligatura , signatura , infestatione dæmonum , ac ministrorum ejus , ac qualibet lue , peste ac morbo contagioso , ut tradita ei ( *vel eis* ) sanitatē deservire possit ( *vel possint* ) ad usum Domini sui , qui in Ecclesia tua gratiarum tibi referat actiones. Qui vivis & regnas in sæcula sæculorum. Amen.

### **EXORCISMUS AD DÆMONES**

**AB ANIMALIBUS EXPELLENDOS.**

Ego N. ut Minister Christi , & Ecclesiæ , contra vos , spiritus maligni , qui vestris maleficiis has bestias , & ad usum istius hominis animalia spectantia infestatis , venio : & in Nomine JESU præcipio vobis , ut statim exeatis ab hisce animalibus sub dominio , vel cura istius hominis constitutis , & a quibuscunque rebus ad illum pertinentibus ac totaliter recedatis a loco isto , ac destruatis omne , quod perfecistis maleficium : nec amplius potestatem habeatis nocendi eis , ac vexandi ea sive intrinsece , sive extrinsece : nec apparendi eis sub quacunque forma , vel figura : nec impe-  
diendi



diendi eorum operationes naturales, ita ut libere & sine omni molestia, vel retardatione eorum Dominus vel custos eis uti possit, quodocunque opus fuerit. Fugite ergo, ac recedite spiritus maledicti; quia sic præcipio vobis, ut Minister Christi, & Ecclesiæ. In Nomine Patris, & Filii, & Spiritus sancti. Amen.

*Postremo stabulum cum animalibus iterum aspergens, dicat: Et Benedictio Dei omnipotentis Patris †, & Filii, & Spiritus sancti, descendat super hoc stabulum, & pecora, & maneat semper. Amen.*

*Cæterum præmuniat stabulum rebus benedictis, ne dæmon imposterus lædere valeat.*

NOTANDUM. *Ubi habentur artis periti, ipsis relinquatur cura medicinarum pro morbis naturalibus animalium, quas tamen medicinas Sacerdos utiliter poterit benedicere; in defectu autem hujusmodi peritorum, charitas proximi exigat, ut etiam Sacerdos, si forte medicinas usu probatas ad manus habeat, easdem antecedenter benedictas afflictis communicet.*



## VI.

## BENEDICTIO , &amp; EXORCISMUS

LACTICINIORUM &amp;c. MALEFICIATORUM.

**Q**uando lac , butyrum &c. maleficiata videntur , observatis simili fere modo iis , quæ §. præcedente jam dicta sunt , sequens Benedictio, & Exorcismus deservire poterit.

✱. Adjutorium nostrum &c. *ut supra.*

Oremus.

**O**mnipotens , & misericors Deus , qui necessitatem humani generis prævidens , clementer adminicula temporalia contulisti , te humiliter imploramus , ut † benedicere digneris hoc lac una cum vase lactario , ut quod tua nobis misericordia pie contulit , diabolica malitia non depereat , per Christum Dominum nostrum. Amen.

## EXORCISMUS

AD DESTRUENDUM MALEFICIUM  
IMPEDIMENTI BUTYRIZATIONIS.

Ego N. ut Minister Christi , & Ecclesiæ in Nomine Domini nostri Jesu Christi , tibi dæmon (*vel si plures sitis*) vobis dæmonibus , qui nefandis maleficiis vestris lac corrumpere , atque butyrum efficiendum impedire præsumpsistis , vobis (inquam) præcipio in virtute  
Ss.

Ss. Trinitatis, & in Nomine Domini nostri Jesu Christi, ut illico omne maleficio tol-  
latis, & destruatis, atque totaliter recedatis,  
ita, ut nullam impofterum potestatem habeatis  
lac quomodolibet corrumpendi, vel butyrum  
faciendum impediendi: sic enim volo, sic ju-  
beo ut Minister Christi, & Ecclesiæ, in No-  
mine Patris, & Filii, & Spiritus sancti, Amen.

*Denique surgens aspergat aqua benedicta,  
dicens: Benedictio Dei omnipotentis † Patris,  
& † Filii, & † Spiritus sancti, descendat su-  
per te, & maneat semper. Amen.*

*Moneat Sacerdos in lacticiiniis operam præ-  
stantes, ut dum ad opus lactarium se parant, in  
se excitent fiduciam in Deum, recitentque attente  
Et religiose Orationem Dominicam, Et Saluta-  
tionem angelicam, cum symbolo fidei.*

*Insuper eosdem instruat, ut muniant se Et  
opus suum signaculo sanctæ Crucis, aspergant  
aqua benedicta, Et ipsis lacticiiniis imponant  
aliquid salis benedicti, accendant Cereum bene-  
dictum Et c.*

NOTANDUM. Ex eo, quod vaccæ non  
reddant lac, nisi sanguinolentum, vel si lac  
nequeat coagulari in butyrum, nec statim, nec  
semper inferendum esse maleficio, quia san-  
guineus lactis color plerumque naturalis effectus  
est causæ naturalis v. g. inflammationis uberum,  
vel, etiam, probabiliter saltem, quarundam her-  
barum,

*barum , quibus tamen naturali stomachi calore consumptis hoc ipso cessabit malum. Aliæ causæ, & remedia naturalia lactis sanguinolenti videri possunt in libris medicis.*

*Quoad alteram molestiam curandum est, ut flos lactis, sive cremor a solis, vel fornacis calore bene custodiatur, & quantum fieri potest, in loco magis temperato asservetur; si locus desit, cremori nonnihil calidiori frigidus misceatur, vel frigidiori lac in suo naturali de vacca calore adjungatur, statimque imaginarium maleficium cessabit.*

**ALIA BENEDICTIO, & EXORCISMUS  
CONTRA VISIBILEM LACTIS, BUTYRI,  
VEL ALIARUM RERUM PER INCANTATIONES  
ABLATIONEM.**

**℣. Adjutorium nostrum &c. ut supra.**

**Oremus.**

**O**mnipotens sempiterne Deus, qui ad servandam inter homines pacem, furtum facere, & rem proximi concupiscere prohibuisti; obsecramus clementiam tuam, ut omnes, qui quod injuste concupiscunt, dæmonis adjutorio proximis suis auferre nituntur, dexteræ tuæ virtute coërceas, & hisce famulis tuis, qui concessis a te vitæ suæ subsidiis ad honorem tuum frui desiderant, sanctorum  
**Ange-**

Angelorum concede præsidium , qui dæmonum potestate repressa , maleficos injustorum hominum conatus , quos eorum adjumento perficiendos existimant , irritos reddant , & frustraneos. Per Christum Dominum nostrum.  
R. Amen.

### *EXORCISMUS.*

Exorcizo te , immunde spiritus , qui ad turbandam Christianorum quietem , & ad injurias in bonis temporalibus inferendas hominibus tua fraude deceptis auxilium præbes , per Judicem vivorum & mortuorum , ut ab hac domo , & familia , omnibusque ad eam pertinentibus recedas , nec quidquam eorum , quæ ad illam spectant , attingere , vel auferre præsumas.

Exorcizo te per æternam Dei justitiam , ex qua lex illa , qua suum cuique dandum esse statuitur , emanavit , ut omnibus promissionibus , pactis , artibus , signisque , quibus te quasi astrictum , & obligatum simulas , dissipatis , divinæ severitatis in te exercendæ formidine , omnia , quæ hujus familiæ sunt , salva , & intacta dimittas ; recede ergo hinc divinæ legis Transgressor , hominumque perturbator , & Angelis sanctis , quorum tutelæ familia ista commissa est , te propellentibus , fuge , nec eam in sua quiete ac bonis lædere , aut ulterius molestare præsumas , invocato contra

pp 2

tuam

tuam malitiam Nomine Domini nostri JEſu Chriſti, qui venturus eſt judicare vivos & mortuos, & ſæculum per ignem. Amen.

*Aspergat deinde aquam benediſtam.*

SECTIO ULTIMA.

DE REMEDIIS ADHIBENDIS

POST LIBERATIONEM ENERGUMENI,

VEL MALEFICIATI.

Ut Energumenus, vel Maleficiatus poſt ſuam liberationem in futurum præſervetur, de ſequentibus præcipue inſtruendus eſt, & quidem

*Primo*, ut Deo quotidie pro beneficio liberationis ex toto corde gratias agat, ſtudeatque ſæpius firmam fidem, & fiduciam erga ipſum elicere.

*Secundo*, ut ſi forte iterum aliquo modo tentari, ſeu infeſtari videatur, diabolus tentantem mox per invocationem Ss. Nominis JEſu, imo etiam per præceptum in hoc Nomine factum repellat dicens: *In Nomine JEſu Chriſti tibi præcipio dæmon, ut illico recedas, & me ab omni vexatione liberrimum relinquant.*

*Tertio*, ut Reliquias Sanctorum, aliasque res benediſtas ſecum ferat, uti principaliter æſtimantur cereæ papales, vulgo *Agnus Dei*.

*Quarto*, ut omni ſtudio, omnique conatu conſcientiam mundam conſervet a peccatis, præſertim mortua-

mortalibus, nominatim in illa materia, propter quam Deus iusto suo iudicio dæmoni forsan antea vexationem permisit.

*Quinto* denique, ut in Orationibus suis donum præservationis a Deo sæpius confidenter petat, Beatissimam etiam Virginem, Angelum suum tutelarem, aliosque Patronos hunc in finem devote imploret.

**NOTANDUM.** Si semel liberatus iterato possideatur, seu vexetur, eodem respectivo modo cum tali procedat Sacerdos, sicut cum vexato, nunquam liberato; ante omnia tamen persuaderi debet, possessionem novam omnino esse certam, sed facilem denuo divina favente gratia expulsionem, modo omnia illa exacte servaverit, circa quæ jam antecederet accepit instructionem.

Si necdum certo constet de nova possessione, sed de illa dubitetur, elicitis prævie actibus firmæ fidei, & fiduciæ probatio fiat more solito; postea, nisi certum diabolicæ possessionis, seu maleficii signum habeatur, liberatus, falsa persuasionem ab eo remota, pro hic, & nunc cum sacra Benedictione dimittatur.



A P P E N D I X,  
COMPLECTENS  
LITANIAS MAJORES,

ITEM  
INITIA SS. QUATUOR EVANGELIORUM,  
QUÆ IN BENEDICTIONIBUS ALIQUANDO DICI,  
SEU CANTARI SOLENT.

*Litanice de omnibus Sanctis.*

**K**yrie eleison. Christe eleison. Kyrie elei-  
son. Christe audi nos. Christe exaudi nos.  
Pater de coelis Deus,                      Miserere nobis.  
Fili Redemptor mundi Deus,              Miserere nobis.  
Spiritus sancte Deus,                      Miserere nobis.  
Sancta Trinitas unus Deus,              Miserere nobis.  
Sancta Maria,                              Ora pro nobis.  
Sancta Dei Genitrix,                      Ora pro nobis.  
Sancta Virgo Virginum,                  Ora pro nobis.  
Sancte Michael,                            Ora pro nobis.  
Sancte Gabriel,                            Ora pro nobis.  
Sancte Raphael,                            Ora pro nobis.  
Omnes sancti Angeli, & Archangeli, Orate  
pro nobis.  
Omnes sancti beatorum Spirituum Ordines,  
Orate pro nobis.

Sancte



Sancte Joannes Baptista , Ora pro nobis.  
Sancte Ioseph , Ora pro nobis.  
Omnes sancti Patriarchæ , & Prophetæ , Ora-  
te pro nobis.

Sancte Petre , Ora pro nobis.

Sancte Paule ,

Sancte Andrea ,

Sancte Iacobe ,

Sancte Joannes ,

Sancte Thoma ,

Sancte Iacobe ,

Sancte Philippe ,

Sancte Bartholomæe ,

Sancte Matthæe ,

Sancte Simon ,

Sancte Thaddæe ,

Sancte Mathia ,

Sancte Barnaba ,

Sancte Luca ,

Sancte Marce ,

Omnes sancti Apostoli , & Evangelistæ , Ora-  
te pro nobis.

Omnes sancti Discipuli Domini , Orate pro  
nobis.

Omnes sancti Innocentes , Orate pro nobis.

Sancte Stephane , Ora pro nobis.

Sancte Laurenti , Ora pro nobis.

Sancte Vincenti , Ora pro nobis.

Sancti Fabiane , & Sebastiane , Orate pro  
nobis.

Sancti

Ora pro nobis.

Sancti Joannes , & Paule , Orate pro nobis.  
 Sancti Cosma, & Damiane, Orate pro nobis.  
 Sancti Gervasi , & Protasi, Orate pro nobis.  
 Omnes sancti Martyres , Orate pro nobis.

Sancte Silvester ,  
 Sancte Gregori ,  
 Sancte Ambrosi ,  
 Sancte Augustine ,  
 Sancte Hieronyme ,  
 Sancte Martine ,  
 Sancte Nicolae ,

Ora pro nobis.

Omnes sancti Pontifices , & Confessores ,  
 Orate pro nobis.

Omnes sancti Doctores , Orate pro nobis.

Sancte Antoni , Ora pro nobis.

Sancte Benedicte , Ora pro nobis.

Sancte Bernarde , Ora pro nobis.

Sancte Dominice , Ora pro nobis.

Sancte Francisce , Ora pro nobis.

Omnes sancti Sacerdotes , & Levitæ , Orate  
 pro nobis.

Omnes sancti Monachi , & Eremitæ , Orate  
 pro nobis.

Sancta Maria Magdalena ,

Sancta Agatha ,

Sancta Lucia ,

Sancta Agnes ,

Sancta Cæcilia ,

Sancta Catharina ,

Sancta Anastasia.

Ora pro nobis.

Omnes

Omnes sanctæ Virgines, & Viduæ, Orate  
pro nobis.

Omnes Sancti, & Sanctæ Dei, Intercedite  
pro nobis.

Propitius esto, Parce nobis Domine.

Propitius esto, Exaudi nos Domine.

Ab omni malo, Libera nos Domine.

Ab omni peccato,

Ab ira tua,

A subitanea, & improvisa morte,

Ab insidiis diaboli,

Ab ira, & odio, & omni mala voluntate,

A spiritu fornicationis,

A fulgure, & tempestate,

A morte perpetua,

Per mysterium sanctæ Incarnationis tuæ,

Per Adventum tuum,

Per Nativitatem tuam,

Per Baptismum, & sanctum Jejunium tuum,

Per Crucem, & Passionem tuam,

Per mortem, & sepulturam tuam,

Per sanctam Resurrectionem tuam,

Per admirabilem Ascensionem tuam,

Per adventum Spiritus sancti Paracliti,

In die Judicii,

Peccatores,

Ut nobis parceas,

Ut nobis indulgeas,

Ut ad veram poenitentiam nos perducere di-

gneris,

Te rogamus, audi nos.

Te rogamus, audi nos.

Te rogamus, audi nos.

Te rogamus, audi nos.

Te rogamus, audi nos.

Q q

Ut

Libera nos Domine.

- Ut Ecclesiam tuam sanctam regere, & con-  
 servare digneris, Te rogamus, audi nos.  
 Ut domnum Apostolicum, & omnes Ec-  
 clesiasticos Ordines in sancta Religione  
 conservare digneris,  
 Ut inimicos sanctæ Ecclesiæ humiliare di-  
 gneris,  
 Ut Regibus, & Principibus Christianis pa-  
 cem, & veram concordiam donare di-  
 gneris,  
 Ut cuncto populo Christiano pacem, &  
 unitatem largiri digneris,  
 Ut nosmetipsos in tuo sancto servitio con-  
 fortare, & conservare digneris,  
 Ut mentes nostras ad cœlestia desideria  
 erigas,  
 Ut omnibus Benefactoribus nostris sempi-  
 terna bona retribuas,  
 Ut animas nostras, fratrum, propinquo-  
 rum, & benefactorum nostrorum ab  
 æterna damnatione eripias,  
 Ut fructus terræ dare, & conservare di-  
 gneris,  
 Ut omnibus fidelibus defunctis requiem  
 æternam donare digneris,  
 Ut nos exaudire digneris,  
 Fili Dei,  
 Agnus Dei, qui tollis peccata mundi, Parce  
 nobis Domine.  
 Agnus Dei, qui tollis peccata mundi, Exaudi  
 nos Domine.

Te rogamus, audi nos.

Agnus

Agnus Dei, qui tollis peccata mundi, Misere-  
rere nobis.

Christe audi nos. Christe exaudi nos. Kyrie  
eleison. Christe eleison. Kyrie eleison.

Pater noster. *secreto.*

℣. Et ne nos inducas in tentationem.

℞. Sed libera nos a malo.

*Psalmus 69.*

**D**eus in adiutorium meum intende; \* Do-  
mine ad adjuvandum me festina.

Confundantur, & revereantur, \* qui quæ-  
runt animam meam.

Avertantur retrorsum, & erubescant, \* qui  
volunt mihi mala.

Avertantur statim erubescences, \* qui di-  
cunt mihi: Euge, euge.

Exultent, & lætentur in te omnes, qui quæ-  
runt te, & dicant semper; \* Magnificetur Do-  
minus, qui diligunt salutare tuum.

Ego vero egenus, & pauper sum: \* Deus  
adjuva me.

Adjutor meus, & liberator meus es tu; \*  
Domine ne moreris.

Gloria Patri &c.

℣. Salvos fac servos tuos. ℞. Deus meus  
sperantes in te. ℣. Esto nobis Domine tur-  
ris fortitudinis. ℞. A facie inimici. ℣. Ni-  
hil proficiat inimicus in nobis. ℞. Et filius  
iniquitatis non apponat nocere nobis. ℣. Do-

Qq 2

mine

mine non secundum peccata nostra facias nobis. *R.* Neque secundum iniquitates nostras retribuas nobis. *Ÿ.* Oremus pro Pontifice nostro N. *R.* Dominus conservet eum, & vivificet eum, & beatum faciat eum in terra, & non tradat eum in animam inimicorum ejus. *Ÿ.* Oremus pro Benefactoribus nostris. *R.* Retribuere dignare Domine omnibus nobis bona facientibus propter Nomen tuum vitam æternam, Amen. *Ÿ.* Oremus pro fidelibus defunctis. *R.* Requiem æternam dona eis Domine, & lux perpetua luceat eis. *Ÿ.* Requiescant in pace. *R.* Amen. *Ÿ.* Pro fratribus nostris absentibus. *R.* Salvos fac servos tuos, Deus meus, sperantes in te. *Ÿ.* Mitte eis Domine auxilium de sancto. *R.* Et de Sion tuere eos. *Ÿ.* Domine exaudi orationem meam. *R.* Et clamor meus ad te veniat. *Ÿ.* Dominus vobiscum. *R.* Et cum Spiritu tuo.

### Oremus.

**D**eus, cui proprium est misereri semper, & parcere: suscipe deprecationem nostram: ut nos, & omnes famulos tuos, quos delictorum catena constringit, misratio tuæ pietatis clementer absolvat.

Exaudi, quæsumus, Domine, supplicum preces, & confitentium tibi parce peccatis: ut pariter nobis indulgentiam tribuas benignus, & pacem.

**Ineffa-**

Ineffabilem nobis Domine misericordiam tuam clementer ostende; ut simul nos, & a peccatis omnibus exuas, & a poenis, quas pro his meremur, eripias.

Deus, qui culpa offenderis, poenitentia placaris; preces populi tui supplicantis propitius respice, & flagella tuæ iracundiæ, quæ pro peccatis nostris meremur, averte.

Omnipotens sempiterne Deus, miserere famulo tuo Pontifici nostro N. & dirige eum secundum tuam clementiam in viam salutis æternæ, ut te donante tibi placita cupiat, & tota virtute perficiat.

Deus, a quo sancta desideria, recta consilia, & iusta sunt opera: da servis tuis illam, quam mundus dare non potest, pacem; ut & corda nostra mandatis tuis dedita, & hostium sublata formidine, tempora sint tua protectione tranquilla.

Ure igne sancti Spiritus renes nostros, & cor nostrum, Domine; ut tibi casto corpore serviamus, & mundo corde placeamus.

Fidelium Deus omnium Conditor & Redemptor, animabus famulorum famularumque tuarum remissionem cunctorum tribue peccatorum: ut indulgentiam, quam semper optaverunt, piis supplicationibus consequantur.

Actiones nostras, quæsumus, Domine, aspirando præveni, & adjuvando prosequere,

ut cuncta nostra oratio, & operatio a te semper incipiat, & per te coepta finiatur.

Omnipotens sempiterne Deus, qui vivorum dominaris simul & mortuorum, omniumque misereris, quos tuos fide, & opere futuros esse prænoscis; te supplices exoramus, ut, pro quibus effundere preces decrevimus, quosque vel præsens sæculum adhuc in carne retinet, vel futurum jam exutos corpore suscepit, intercedentibus omnibus Sanctis tuis, pietatis tuæ clementia, omnium delictorum suorum veniam consequantur. Per Dominum nostrum &c.

℣. Dominus vobiscum. ℞. Et cum Spiritu tuo. ℣. Exaudiat nos omnipotens, & misericors Dominus. ℞. Amen. ℣. Et fidelium animæ per misericordiam Dei requiescant in pace. ℞. Amen.



## INITIA SS. IV. EVANGELIORUM.



### *EVANGELIUM PRIMUM.*

Initium sancti Evangelii secundum  
Matthæum.

**L**iber generationis Jesu Christi filii David, filii Abraham. Abraham genuit Isaac: Isaac autem genuit Jacob: Jacob autem genuit Judam, & fratres ejus. Judas autem genuit



genuit Phares & Zaram de Thamar : Phares autem genuit Efron : Efron autem genuit Aram : Aram autem genuit Aminadab : Aminadab autem genuit Naafon : Naafon autem genuit Salmon : Salmon autem genuit Booz de Rahab. Booz autem genuit Obed ex Ruth : Obed autem genuit Jesse : Jesse autem genuit David Regem. David autem Rex genuit Salomonem ex ea, quæ fuit Uriæ : Salomon autem genuit Roboam : Roboam autem genuit Abiam : Abias autem genuit Afa : Afa autem genuit Josaphat. Josaphat autem genuit Joram : Joram autem genuit Oziam : Ozias autem genuit Joathan : Joathan autem genuit Achaz : Achaz autem genuit Ezechiam. Ezechias autem genuit Manassen : Manasses autem genuit Amon : Amon autem genuit Josiam ; Josias autem genuit Jechoniam & Fratres ejus in transmigratione Babylonis. Et post transmigrationem Babylonis Jechonias genuit Salathiel : Salathiel autem genuit Zorobabel : Zorobabel autem genuit Abiud. Abiud autem genuit Eliacim : Eliacim autem genuit Azor : Azor autem genuit Sadoch : Sadoch autem genuit Achim : Achim autem genuit Eliud : Eliud autem genuit Eleazar. Eleazar autem genuit Mathan : Mathan autem genuit Jacob : Jacob autem genuit Joseph Virum Mariæ, de qua natus est JESUS, qui vocatur Christus.

*EVAN-*

*EVANGELIUM SECUNDUM.*

Initium sancti Evangelii secundum  
Marcum.

**I**nitium Evangelii Jesu Christi Filii Dei, sicut scriptum est in Isaia Propheta: Ecce ego mitto Angelum meum ante faciem tuam, qui præparabit viam tuam ante te. Vox clamantis in deserto: parate viam Domini, rectas facite semitas ejus. Fuit Joannes in deserto baptizans, & prædicans Baptismum poenitentiae in remissionem peccatorum. Et egrediebatur ad eum omnis Judææ regio, & Jerosolymitæ universi, & baptizabantur ab illo in Jordanis flumine, confitentes peccata sua. Et erat Joannes vestitus pilis camelorum, & Zona pellicea circa lumbos ejus: & locustas, & mel sylvestre edebat. Et prædicabat dicens: veniet fortior me post me, cujus non sum dignus procumbens solvere corrigiam calceamentorum ejus. Ego baptizavi vos aqua: ille vero baptizabit vos Spiritu sancto.

*EVANGELIUM TERTIUM.*

Initium sancti Evangelii secundum  
Lucam.

**F**uit in diebus Herodis Regis Judææ Sacerdos quidam nomine Zacharias; de vice  
Abia,

Abia, & uxor illius de filiabus Aaron, & nomen ejus Elisabeth. Erant autem justi ambo ante Deum, incedentes in omnibus mandatis & justificationibus Domini sine querela. Et non erat illis filius, eoquod esset Elisabeth sterilis, & ambo processissent in diebus suis: Factum est autem, cum Sacerdotio fungeretur Zacharias in ordine vicis suæ ante Deum secundum consuetudinem Sacerdotii, forte exiit, ut incensum poneret, ingressus in templum Domini. Et omnis multitudo populi erat orans foris hora incensi. Apparuit autem illi Angelus Domini, stans a dextris Altaris incensi. Et Zacharias turbatus est videns, & timor irruit super eum. Ait autem ad illum Angelus: ne timeas Zacharia, quoniam exaudita est deprecatio tua: & uxor tua Elisabeth pariet tibi filium, & vocabis Nomen ejus Joannem, & erit gaudium tibi & exultatio, & multi in nativitate ejus gaudebunt. Erit enim magnus coram Domino, & vinum, & ficeram non bibet: & Spiritu sancto replebitur adhuc ex utero Matris suæ: & multos filiorum Israel convertet ad Dominum Deum ipsorum. Et ipse præcedet ante illum in spiritu & virtute Eliæ, ut convertat corda patrum in filios, & incredulos ad prudentiam justorum, parare Domino plebem perfectam.

*EVANGELIUM QUARTUM.*

Initium sancti Evangelii secundum  
Joannem.

**I**n principio erat Verbum, & Verbum erat  
apud Deum, & Deus erat Verbum. Hoc  
erat in principio apud Deum. Omnia per  
~~ipsum~~ facta sunt, & sine ipso factum est nihil,  
quod factum est. In ipso vita erat, & vita  
~~erat~~ lux hominum: & lux in tenebris lucet,  
& tenebrae eam non comprehenderunt. Fuit  
homo missus a Deo, cui nomen erat Joannes.  
Hic venit in testimonium, ut testimonium  
perhiberet de lumine, ut omnes crederent per  
illum. Non erat ille lux, sed ut testimonium  
perhiberet de lumine. Erat lux vera, quæ  
illuminat omnem hominem, venientem in  
hunc mundum. In mundo erat, & mundus  
per ipsum factus est, & mundus eum non co-  
gnovit. In propria venit, & sui eum non re-  
ceperunt. Quotquot autem receperunt eum,  
dedit eis potestatem filios Dei fieri, his qui  
credunt in Nomine ejus. Qui non ex san-  
guinibus, neque ex voluntate carnis, neque  
ex voluntate viri, sed ex Deo nati sunt. **ET**  
**VERBUM CARO FACTUM EST, ET**  
**HABITAVIT IN NOBIS.** Et vidimus glo-  
riam ejus, gloriam, quasi Unigeniti a Patre,  
plenum gratiæ & veritatis.





# ERRATA

sic

# CORRIGE

pag.	lin.			
3.	22.	efficiam	---	efficaciam
30.	12.	ex Breviario	---	omittantur hæc verba.
48.	3.	expedita	---	expetita
56.	6.	aspergatur	---	aspergantur
76.	4.	primæ partis	---	omittantur hæc verba.
89.	18.	canit	---	
95.	16.	extremæ	---	extre. n
16.	19.	fiat	---	fiant
49.	15.	quo	---	quos
67.	3.	Benedictionem	---	Benedictionem †
75.	3.	extensis manibus	---	omittantur hæc verba.
		ante pectus		
77.	1.	in hoste	---	in hostes
---	2.	profectio	---	protectio
---	4.	agno vivente †	---	agno † vincente
---	5.	in salutem † per	---	in salutem. Per
33.	1.	alias hic	---	alias, hic
---	11.	Tit. 9.	---	Tit. 90.
34.	10.	ad not.	---	adno
37.	10.	supponatur.	---	supponatu
39.	15.	ad illud	---	ad illu
48.	11.	agros	---	agr
55.	14.	alme; elifus	---	alme; quia elif
---	18.	dirige S. Michae-	---	sanctum diri
		lem		Michaelem
59.	7.	intercedat.	---	intercedat (
71.	18.	consuetius	---	consulti





